

宋•長水沙門 子璿 集


二〇一〇年重新編排版

# 嚴 經長水

(原名:首楞嚴義疏注經)

財團法人佛陀教育基金會 恭印





首楞嚴經長水疏

2

【編者說明】

主要依據大正藏第卅九冊,經號 No.1799(CBETA,T39,no.1799),《首楞嚴義 疏注經》及參考本會民國八十一年十一月出版之木刻版,對照校勘之。

三、為令『科判』之章節結構上下層次更加明確,特加以天干地支名稱,使其順 依『經文』、『科判』、『疏注』三種格式,做不同的字型、段落格式編排 序容易辨別。其順序為:甲、乙、丙、丁、戊、己、庚、辛、壬、癸、子、 丑、寅、卯、辰、巳、午、未、申、酉、戌、亥、天、地。

四 此『科判』之順序名稱不在藏經原文中,乃是編輯者自行加入。例如:原文 (CBETA,T39,no.1799,p.827,a26-27)此本改為:「第十別解文義。准常三分。 謂序正流通。甲一序中二。乙一證信。乙二發起。」(詳見 p.23)餘者類推。 「第十別解文義。准常三分。謂序正流通。序中二。證信。發起。

財團法人佛陀教育基金會出版部 二〇一〇年八月

# 首楞嚴義疏注經 目次

## 首楞嚴經疏序

中散大夫守御史中丞充理檢使權判吏部流內銓上護軍瑯琊郡開國 侯

食邑一千九百户實食封二百户賜紫金魚袋 王隨 撰

文。 觀。 十門 海。 貪欲為本。 愍群機之未悟也。 五天。獨尊三界。 修圓教妙明之心。發真歸元。證上乘至極之說。 以為一切諸法 開 今江吳釋璿師。學識兼高。辯才無礙。以是經典。為時教於一代。分妙理於 大佛頂密因了義首楞嚴經者。 悟則入佛知見 功濟大千。道傳不二。瞪目合手以明妄。毀相泯心以會宗 修證常樂 假金輪而啟物。現玉毫而應世。觀四生之受苦也。惠濟庶物。 力垂善誘。於是俯仰至理。述宣微言。闢大慈之門。廓真如之 0 唯依妄念而起。 0 禪慧為宗。 乃顯經以作疏 則斯經也。 乃竺乾之洪範。法苑之寶典也。昔能仁以出 一切眾生。不出因緣而有。乃知生死輪轉。 因疏以明理 可以辯識諸魔 故可 懿其般剌譯其義 以開前疑而決後滯。 0 破滅七趣。 信受則為世津 。房相筆其 謂止及

首楞嚴經疏序

5

首楞嚴經長水疏

6

慚無內學。因獲覽閱。輒述序引 迷雲而覩慧日。然後知色空無異。 於勝果者已 同歸實際。 歸依法寶。幸精究於真詮 生佛靡殊。 方寸。 讚揚佛乘。 隨志在外護 願普霑

大宋天聖八年青龍庚午孟冬二十 日辛丑道齋東軒序

## 惟淨上王中丞書

端 。 三空 夙承道顧。忝翫奇文 中丞。入佛知見。 起方便慧。宣祕密言。萬法以之圓融。 礙智 適悅。種智增明。頂奉依歸。不任慶幸。竊以大佛頂如來密因修證了義諸菩薩萬 不有不空。絕名相於言罤之外。現因示果。分階位於神化之中。境不礙心。惑不 行首楞嚴經者。菩薩行門。諸佛心印。開有為即塵沙妙用。歸無相即法界真源 新製首楞嚴經疏序。特賜寵示者。鴻儒大士嘉讚寶乘。 為護法城。作不請友。高製序引。恢闡教乘。永代作程。長冥示炬。 譯經三藏朝散大夫試鴻臚卿光梵大師賜紫惟淨。 0 偉矣真宗 七大之性。大無所待。八還之法。還無所從。所以了真如心。息虛妄本。 0 不可思議。 解法因緣。 。佩戴恩私。不任抃躍。不宣。惟淨頓首 學佛修行。袪拂有空之病。宣法性相 聿有高士 諸佛以之自在。入不二之二諦。悟不空之 。著述疏章。煥決秘詮 謹上書於中丞閣下。 淺學緇流叨窺法句 0 簡談佛旨 0 融明起滅之 惟淨 近蒙以 '。身心 0

8

7

首楞嚴經長水疏

長水沙門子璿集

稽首我大師 圓明諸聖眾 十方調御尊 上首龍尊王 常闢大慈門 佛頂首楞嚴 救攝眾生者 大覺如來藏

五能詮體性。六所詮宗趣。七教迹前後。八傳譯時年。九通釋名題。十別解文義 將釋此經。十門分別 一教起因緣。 二藏乘分攝。三教義分齊。四所被機宜

願垂加護我

顯說妙難思

普共諸含靈

速證真如海

白牛。但為一乘。無三及二也。別者。有十。故說此經。一為克示真三昧故。謂 若原佛本意。唯為一大事因緣。欲令眾生開示悟入佛之知見。雖三車通許。唯賜 阿難遭難。蓋無真定。故請諸佛得成菩提。妙奢摩他三摩禪那最初方便。及佛告 。云有三摩提。名大佛頂首楞嚴王。具足萬行。 初中二。一總。二別。總者。謂酬因酬請。顯理度生。一代教興。皆由此矣。 十方如來一 門超出妙莊嚴路

首楞嚴義疏注經卷第一

首楞嚴經長水疏

9

1

見疑生。或縮 喜再責因緣。佛隨開示令得知見矣。四為決斷眾疑網故。謂佛顯示真見。 俱徧俱融。含攝無礙。眾皆領悟。自知心徧十方。諸所有物皆即菩提妙體。元明 發妙明性。先就心見二門乍徵乍顯。後約三科七大分明顯會。令於法法咸見性常。 常住真心。此真妙明。即是菩提涅槃元清淨體。故阿難自責不知寂常。如來許 審問發心。既陳愛見之源。全迷真實之體。遂云。眾生無始生死相續。皆由不知 隨執廣破。此之執相。不離人法也。三為開顯妙明心故。謂阿難初請三昧。佛先 趣。辯識諸魔。皆為此也。二為廣破諸妄執故。謂阿難執妄迷真。匿王執常為斷 圓通。文殊揀顯。指三世佛同此一門。道場加行。成就聖位。立此經名。破滅七 至於再請。責己將謂惠我。偈讚希有等。乃至如來諷歎名金剛王如幻三昧。 七處徵詰。三疑拒諍。佛再語云。若汝執恪分別覺觀為汝心等。故約心見二門。 。謂佛廣示藏體。慶喜深解現前。舉喻天王賜與華屋。雖知所賜。將入無門 0 。含裹十虚。身土虚空了無所得。唯一本妙常住不滅。洎滿慈疑於有相。慶 成真不真 斷 0 離身。因緣。自爾 修無常因。獲常住果。疑網既眾 。和合。非合。執相疑性。諸大徧圓 佛隨斷之矣。 五為辯析修行 阿難隨

喜請云 不遠而 文云。是種種地。皆以金剛觀察如幻十種深喻。奢摩他中用諸如來毘婆舍那。清 立五十七位。 誨。諸聖同途。戒根不虧。定慧可據。如其不切清禁。禪慧洪深。鬼屬魔民。 以為發覺 已悉多聞。不逮修習。故請問云。從何攝伏疇昔攀緣。入佛知見。佛舉二義決定 淨修證。漸次深入耳。九為廣示諸魔境故。謂修禪觀人靡不有初。而鮮克有終者。 而建立諸位 有階降故 往救。承力雖至。密言闕聞。 難逭免。祈進却步。誠可悲夫。七為顯呪功能勝故。謂慶喜難在登伽 阿難已悟修行 可得 。眾生去佛漸遠。 初心 . 謂理絕修證 消難 不斷而斷。惑障必亡。非證而證。神用斯備。豈同魔外都無位次耶 阿難知機為請。如來就行開示。 根既反。餘根自旋。諸妄銷亡。 。後代罔知邪正。雖期正道。多陷邪宗。 。謂止及觀。 獲利 0 0 自行化他 邪師說法至多。欲令心入佛乘。遠魔無退。佛舉四種 事存階漸。 斯為要也。 呪能潛護根門。 。因人果人。靡不由此而辦其事也。八為證入 偏一則病空有。 初令以湛旋妄。 始從漸次。終乎極果。於無生忍中 防閑宿習 不真何待。六為分別邪正行故 圓通則融真俗。 成不生滅。 水灌漏巵。若為取滿 。齋戒不稟而自備 次令審詳煩惱 故不損寂滅 如來遣呪 。果證 朗

首楞嚴義疏注經卷第一

首楞嚴經長水疏

2

邊際 則自細現麤。其之根源唯一識陰。識陰無體。但是圓常。文云。湛入合湛。 謂五陰諸經皆說。未聞五妄想成。今明破一陰時 陰。每陰十種。五十境界。分析邪源。末代修禪。 蓋不諳其魔境。妄生取著。不了唯心 既知五陰咸是妄想。五陰攝法何所不該。論云。 。遂派諸道 。出一妄想。破則從麤至細。起 免為所惑。 佛慈無緣 切諸法 十為究盡妄想源故。 。不問自說。 0 唯依妄念而 歸識 中

亦該諸乘。十二分中。契經方廣二分所攝。攝彼如前 該二三。持戒證果有小乘故。徵難辯析最明顯故。諸乘之中一乘所攝。 **二藏乘分攝**者。謂三藏之中修多羅攝。二藏之中菩薩藏攝 若此 攝彼 若此攝彼。

差別

若離心念。

則無一

切境界之相也

。由斯十意而說此經

建立染淨根本 亦名實教。 大乘法理 教類有五。 **三教義分齊**者。依賢首大師。二義分別。一約教詮法通局顯分齊。 說如來藏隨緣成阿梨耶識 0 未盡法源 故名為始 一小乘教 0 0 故多諍論 但說我空。縱少說法空。亦不明顯。 但說一切法相 。二大乘始教 0 緣起無性 0 有不成佛 0 0 切皆如。定性二乘。 亦名分教 0 故名為分。三大乘終教 0 但依六識三毒。 但說諸法皆空 謂以義分

終教 教 不生即名為佛 緣起無礙 總不說法相 悉當成佛 。兼於頓圓。若將此經與五教互相攝者。五唯後三攝此 0 0 0 方盡大乘至極之說 相即相入。帝網重重。主伴無盡也。若於五中顯此經分齊 不依地位漸次。 0 唯辯真性。 亦無八識差別之相 故說為頓。 。故名為終 五一 0 乘圓教。 以稱實理 0 呵教勸 所說唯是法界 離 0 故名為實 。此總攝彼諸 0 毀相泯 0 四大乘頓 性海圓 但一 教 0 正 念

名業相 覺義 為本源 相(報也)。若以諸宗。就此五重顯分齊者 起著故。 如來藏與生滅合。 一智相(依境分別也。即法執俱生)。二相續相(依智起念不斷。即法執分別)。三執取相(心 極於三細。 二約法生起本末顯分齊。依起信論 謂不如實知真如法一。不覺心動等。 。二依一心開二門。 。二依動故能見。名轉相。三依見故境界妄現。名現相。 即我執俱生)。四計名字相(我執分別。上四皆惑)。五起業相(業也)。六業繫苦 終頓圓通詮本末。方窮初一心源。 名阿梨耶識。三依此識明二義。一覺義。謂心體離念等 一心真如門。所謂心性不生不滅。二心生滅門 。明諸染法。本末五重。論中。初唯一心 。謂人天唯齊業報。小乘齊後四麤。法 四依後義生三細。 初一心源。即此經常住真心性淨 一依不覺故心動 五依最後生六麤 **'**。謂依 。二不

首楞嚴義疏注經卷第一

首楞嚴經長水疏

3

覺非所 引起塵勞煩惱。聚緣內搖。趣外奔逸。業果眾生二種相續等。 始覺也(第三重)。三相四輪。 性一切心等。即生滅門(第二重)。滿慈致疑。佛舉本覺明妙。性覺必明。妄為明覺 提涅槃元明體故(第一重)。約見約心。或破或會。至於備歷三科七大。 朔。 即心真如門。經喻瞪目合手眚見燈光。性明圓故。因明發性 經標此心為宗本故 因明立所等。 即本覺不覺也。了然自知。發真歸元。 0 晦昧為空。空晦暗中。結暗為色等。 一切因果世界微塵因心成故 。二根本中。 即後六麤(第五重) 即三細(第四重) 覺迷迷滅等。 識精元明 咸言妙真如 說為無始菩

文為解者 固執先聞擔麻棄金者。如上皆非其器。反上即皆是器。 但得聞之無不獲益 **四所被機宜**者。依圓覺疏。略有二種。初料揀 如華嚴經 。繫滯行位高推聖境者。情尚於空觸言賓無者。自恃天真輕厭進習者 為正定聚令增妙行。為不定聚令修信心。為邪定人作遠因緣也 食金剛喻 0 謂宿種深者悟入。 若約五性。 正被菩薩性及不定性 淺者信解。 後普收 後普收 都無種者 0 兼為餘性 初謂 0 一切眾生皆有佛 亦皆熏 樂著名相 作遠因緣 成圓 以

由是。此經具詮本末。學者備覽。足見幽深

徹相攝。以一心法有二門故 然有本質影像之異。三歸性門 相資故。二通攝所詮體。 **五能詮體性**者。略作四門 若不詮義。文非教故。 。一隨相門。復二。一聲名句文體。體用假實 0 此識無體。 唯真如故。 二唯識門。前二不離識所變故 四無礙門 0 心境理事。 交

妙發三摩提者。則妙常寂。有無二無。無二亦滅)。起大神用(不須天眼自然觀見等)。安樂(身 云方便易成就)為趣。又以前趣為宗。令惑業消滅(三緣斷故三因不生)。永絕輪迴(若得 汝心中狂性自歇。旋流無妄) 等佛 (由情忘故。經云。歇即菩提。即同如來等)。 觀行速 成 (文 了不可得。又聖凡無二路。又生死涅槃皆即狂勞等)。令修行者。忘情(由悟宗故。下云。 空寂故圓滿成實。經云。此見及緣。元是菩提妙淨明體等)。凡 聖平等為宗(下云。迷悟生死 又經云。妄爲色空及與聞見)寂(依他如影像等。經云。當處出生。隨處滅盡等)。藏性圓滿(由 如起信疏別明。此經者又有總別。總以心境空(徧計如蛇鬼。經云。如虛空華本無所有。 心快然獲大安隱) 自在 (一爲無量。 一切法不出因緣二字。若佛滅後。賢聖弟子。 **六所詮宗趣**者。即有通別。初謂統論佛教因緣為宗。 小中現大等) 為趣。 相承傳習。通大小乘。宗途有五 別有五對。 以佛聖教自淺至深。 教義。二事理。三

首楞嚴義疏注經卷第一

首楞嚴經長水疏

1 5

見徵解。故次修此真定為宗。證彼藏體為趣。故下請云。雖獲大宅。要因門入等 言之。不出解行修證。初解如來藏為宗。行首楞嚴為趣。謂佛許示真修。却約心 四行寂。五寂用。皆初宗後趣。此五亦是從前起後。漸漸相由 也。若以要

所疑也 應知在後。然又不唱入滅之期。定涅槃前。二經同部。 露。今經有故。各說圓通。諸小乘者皆敘本時。或述今遇。盡證圓妙。法華前無。 約小行。應身無量。度脫眾生。法華已前無此歎故。聲聞入實。法華已前亦 即法華後。涅槃前也。經文明指耶輸受記。持地證經。以義往推。序歎聲聞 種姓。善星比丘妄說法空。二俱生身陷入地獄。瑠璃豈非匿王之子。王死為嗣 方誅瞿曇族姓。豈有事之未形而預致問耶。故知此經非一時說。若以文義往定。 初說。匿王在座 **七教迹前後**者。佛說此經。非謂一時頓說。說必前後。集者約類。總為一部 。敘外致疑。破彼斷見。後至阿難疑問七趣。舉瑠璃王誅釋 此經居中。 俱醍醐 。 非

諦 於廣州制止道場譯。 八傳譯時年。下云 0 大唐神龍元年乙已歲五月二十三日。 先是三藏將梵本汎海。達廣州制止寺。 中天竺沙門般 遇宰相房融知南

傳寫 迴。 銓 二本既同。今解融本 證義。各據流行。故今目錄書寫有異。不爾豈無一處差別。譯主名字何得未詳耶 遂遇梵僧 門懷迪於廣州譯。迪循州人。住羅浮山南樓寺。久習經論。備諳五梵。因遊廣府。 據開元中沙門智昇撰釋教目錄二十卷。其第九云。大佛頂首楞嚴經十卷。大唐沙 有魏北館陶沙門惠振。搜訪靈迹。常慕此經。於度門寺遂遇此本。初得科判。又 藏被本國來取 不差異。迪筆受經旨。 聞 房融入奏。 。好而祕之。遂流北地。大通在內。親遇奏經。又寫隨身。 有此經 。未詳其名。對文共譯。 。遂請對譯 又遇中宗初嗣。未暇宣布。目錄闕書。 奉王嚴制 緝綴文理等 0 。房融筆受。烏長國沙門彌伽釋迦譯語 先不許出。 勒成十卷。經之題目。 0 今詳二經。譯人雖別 三藏潛來。 邊境被責 時禪學者。 紙數文句。與今融本並 譯本是同 0 為解此難 歸荊州度門寺。 0 翻經纔竟 因內道場得本 。或恐迪因 0 遂即去

### **九通釋名題**者

## 大 佛頂如來密因修證了 義諸菩薩萬行首楞嚴 經

經有五名。題目三號者。 謂該教行人理因果顯密悉具足故 0 先略配者。 上之

首楞嚴義疏注經卷第一

首楞嚴經長水疏

18

自利利 理也。 三字是總。即一經法體。 究竟利他也。 果人自行修證。說教利他 為頂。三大之義不離 隨緣現益義 顯果也。頂者。至極無上之義也。若以此三字全約理說 此指教也。教有顯密。顯了宣示。令悟修無妄。即前後諸文。祕密受持。令障盡 三摩提名大佛頂。此指行也。又云雖蒙如來佛頂神呪。又云亦說此呪名如來頂 功著。即是呪辭。義含者。寂照含空。故名為大。性覺妙明等。故名為佛 即體大。 我以不滅不生合如來藏周徧法界等。故名大。 他 廣多無量 諸菩薩下。八字。約因人修習。 即用大。 **靈照不昧。離諸妄想曰佛。佛有二義。** 一心。故名一心為大佛頂。 0 此大及佛。 此之真定。 總含教理行果。教行明指 。以別顯。即十方如來依此法門修因證果。 咸具足故。文殊歎云。 是至尊至極。 具足自他諸行。 如來下。別顯勝能 無上無過。諸佛所師之法。 。理果義含。 明極即如來等 一自性顯照義 。藏體周徧 此是微塵佛 以別顯。 明指者。文云 0 0 故名佛 初八字。約 即相大。二 顯了宣說。 無不含容曰 菩薩行門 0 路涅槃 。此顯

次廣釋者。 大者。當體得名。 常編為義。 當體者。 不同法相宗揀小名大 大

之無有 先之。 外有小 即該諸 者。 常編 說心呪。 約果位以顯法體 始本不二。 等虛空界。 絕諸妄想。 如下可見 行俱號佛 .成德也。 依本覺故而有不覺。依不覺故而有始覺。始覺是用。本覺是體 者 唯此先於諸法 **前揀。** 涯 0 是佛密語。唯佛與佛乃能知之。不通他解。但信而受之。思而持之。 常則豎窮三世。 • 頂也。如來者。如謂本覺。來謂始覺。始本合故。名為如來。此指一佛。 。下說教行俱約諸佛以顯同故。密因者。有二。 行者。以此真定具空假中。即是一心。非縱橫竝別。 名究竟覺。究竟覺者。 具足無量性功德。故起信云。所言覺義者。謂心體離念。 佛頂者。究竟覺也。覺有二義。 無所不偏 。涅槃又云。所言大者。其性廣博。今經常偏。廣有其文。仍具三義 猶是分限。豈為至大。今以藏體。 。名佛頂也。若約現事 。法界一相即是如來平等法身。依此法身說名本覺。 0 故名大也。涅槃云。所言大者。 **偏則横該十方。** 即前藏性顯現時也。 0 豎者。過去無始。未來無終 即今佛頂放光。化佛所說教行。是故教 一本。二始。本謂藏體 性無邊涯。絕諸分量。 名之為常。 無上最極 一教。二行。教者。下 不可思議。 。名之為頂 徧者。 。靈鑒無昧 0 用合體 離念相者 0 強名為大 無有一法 始覺義 具足 時 0

首楞嚴義疏注經卷第一

首楞嚴經長水疏

2

1 9

理盡性 大佛頂 佛母 細無明。能獲二種殊勝之力。現身說法。無礙自在。故下經中。名為如幻金剛王 嚴者名堅。即 更無遺餘 大佛頂首楞嚴王具足萬行等。首楞嚴者。梵語也。涅槃云。首楞者名一切事竟 有無量義 滅場地。 如幻 又染法究竟盡 地前地上緣真二種。俱名為修。初地妙覺分滿二果。同名為證。 妙蓮華等 三世諸 崩 。此自行也。如觀音圓通。了義者。說教化他。詮表義理。無有覆相 非有餘說。 稱實談故。下文云。宣勝義中真勝義性。令汝會中定性聲聞皆獲一乘寂 不為物壞 。 名 今舉大數。故名萬也。此之三昧具斯多義。 照法界 佛同此法門。此行成時。名三祕藏。是故稱密 一切事究竟堅固也。 切事究竟 此三昧。以無分別智寂用為體。以一切法皆同智性。窮盡法界。 0 故名了義。諸菩薩萬行者。三世因人。各修其行。 淨用究竟顯 能破無明 0 是故一為無量等 0 一切事言。無離染淨。此智現時。 0 故名堅固 0 得此三昧。觀法如幻。於法自在。能破最後微 如下文云。我以不滅不生合如來藏 。 又 云。 經者 塵垢應念消 訓法訓常 故下文云。有三摩提。 修謂行因。 是貫是攝 成圓明淨 染淨都盡。 所修所證俱 0 自利利 而 妙等 證謂 謂依此 一法不 來藏

來藏。 染淨 言說 變異 名經者。亦具四義。謂此心性 。詮顯性相。令物生解 故稱為攝。心性既爾。 散失。 故一切法任運有四義。悉名為經 故名為常 名之為貫。 。上聖下凡。情與非情 以此化生 0 故稱為法 一切法亦然。故下文云。五陰六入生滅去來 一。諸佛 。令不顛墜。稱之為攝。若約所詮如來藏體說 所師 。一切諸佛皆同此說。故名為常 。無不同此。故說為貫。具諸功德 0 可軌 可則。故名為法 。不生不滅 0 徧含 本如 無有 令義

## 一名中印度那爛陀大道場經 0 於灌頂部錄出別行

建一門。主客萬僧。住持增峻。印度名寺莫先於此。故名曰大。 道場者。沙門體心修道之地也。 西域記云 此云大體 彼有五印 此別目也 此當其一。毘盧為主。 。菴沒羅國有池。池中有龍。名施無厭。寺近彼池。故以標 此當中也。即一境之都名。此境之中有多國別。最尊大者號 印度月名。具云印特伽 以總攝故。或云不害。皆義翻也。那爛陀。此云施無厭 既標部處。尋檢可憑 佛滅度後。六帝緝興。遐疎紺宇。 。此云月邦。 0 以此大國形諸 無謂近翻 0 灌頂部者。 疑非 園林普合。 小國 正說 0 即龍名 如星 摩 大 中

首楞嚴義疏注經卷第一

2 2

#### 大唐神龍元年。 能集乙巳 0 五月己 卯朔 0 <u>-</u> 十三日辛

首楞嚴經長水疏

星。 中天竺沙門般剌蜜諦 歲行一次也。集。居也。乙巳即所舍之次。朔。蘇也。月死復蘇。 長安三年則天罷政。中宗嗣位。是歲改為神龍元年。 0 於廣州制止道場譯。 龍集者。龍星。 0 亦曰歲 生也。

蜜諦。此云到彼岸。譯者。其有才智。通四方語。名曰象胥之學。四方各有其名。 今取北方掌語者也 天竺亦云乾竺。乾豆。身毒。印度等。沙門云勤息。 取生善滅惡之稱

## 菩薩戒弟子 0 前正議大夫同中書門下平章事 0 清河房融筆授

薩戒。 正議者 緝綴潤色。令順物情。不失正理也。 平和章明國政之事。曰平章事。筆授或云筆受。謂以此方文體。筆其所授梵本。 雖為宰官而受大乘戒者。 切鬼神救護王身。百官之身也。資於師長。 今之諫議也。舉賢達能。大扶進人。 經云。欲受國王位時。乃至百官受位時 故曰大夫。中書門下。二省之名 以父兄之道事之。 故云弟子 0 應先受菩

# 烏長國沙門彌伽釋迦譯語。

別錄。餘如翻譯時年中說 國名未詳。 彌伽釋迦。 此云能降伏 0 翻梵為華 0 故云譯語。 其中證義 0 應有

種成就。 二發起。 此下。**第十別解文義**。准常三分。謂序正流通 證信之立 今均廣略 0 由阿難問 總分為二。 0 佛令置之。 丙初說經時處。 意為斷疑息諍及異邪故。然此雖具六 丙二引眾同聞。 0 甲 一序中二。乙一證信 今初也。

#### 如是。

是事如是。不信者言是事不如是。肇公亦云信順之辭也。信則所言之理順 離釋。如是者。信成就也。智度論云。佛法大海。信為能入。智為能 眾共請言。如汝所聞 如理而說 師資之道成。故萬行中以信為首。 三 是。 若兼我聞合釋 首楞嚴義疏注經卷第一 又一切諸 0 如理而信。故言如是。 法本無生滅 • 即指法之辭也。如是之法。我從佛 。當如是說。 皆如來藏 故云如是。又契理契機曰如。永離過非曰是。 傳法菩薩。 若約今經。 0 故名為如 便許可言。 如來藏心。體性不動曰 聞 離 如是當說 佛地論云 切相 即一 如我所聞 謂結 如。真實義 度。信者言 切法。 23 (。順則

24

稱為是。更有餘義。繁而不論

首楞嚴經長水疏

#### 我聞。

我聞。 約法性 四種 非邪慢心而有所說 俗無礙之法門 0 聞成就也。我即阿難自指五蘊假者。然一切法。 無相宗說。 一凡夫徧計。 。此經旨趣。傳法菩薩。 我既無我。聞亦無聞。從緣生故。 二外道宗計。三諸聖隨世假立賓主。 故無過矣。 聞謂耳根發識聽受。雖因耳處。 以我無我不二之真我。 佛說無我。 不壞假名。 根境非一 四法身真我。 異之妙耳 即不聞聞也。 廢別從總。 今稱我者。 經指後二。 聞真 故稱 我有 若

#### 一時。

泯。 岸等。又諸 如來說經。有無量時 理智融。凡聖如。本始會。此諸二法。皆一之時 成就也。師資合會。說聽究竟。總言一 方時分。 延促不定。 0 不能別舉。 故但言一時 言略周 0 時 但言 若約法義釋者。 0 者揀異餘時 時 涅槃經云 即說聽之時 時者隨世假立 在恆

#### 併。

開覺。亦能開覺一切有情。 生滅。二覺他。覺一切法無不是如。三覺滿 以覺心源故名究竟覺。未覺心源故非究竟覺。然具三義。 有十義。謂具一切智。一切種智。出煩惱障及所知障。覺了一切諸法性相 主成就也。具云佛陀。此云覺者。謂覺了真妄性相之者。即究竟覺也。 如睡夢覺。如蓮華開 。二覺理圓稱之為滿。佛地論 。故稱為佛 一自覺。 覺知自心本無 中。具 論云。

# 在室羅筏城。祇桓精舍。

即沙門 逝多。 以名焉。國都號為憍薩羅。但以就勝易彰。故舉城號。祇桓者。具云祇陀 於此修道。後有少仙。從其受學。厥號聞者。老仙歿後。少仙於此建城而 物。好欲境。饒多聞。豐解脫。道德名稱。五天共聞故。或云聞者城。昔有老仙 悉底。此云豐德。或云聞物。或云好道。此乃城名。非是國號。以其城中 處成就也。 制多。此云戰勝。 首楞嚴義疏注經卷第一 精行所舍處也 處有二種。 0 謂須達買園置舍。太子捨樹造門。二人共搆 即太子名。林主是彼。故云勝林。桓即林也。精舍者。 一所化處 0 即筏城。二所住處 0 即祇園 0 0 具云室羅筏 以延僧佛 -。多財 住。故 。或云

首楞嚴經長水疏

戊一標類舉數。 發起序中。今文但有二類。蓋譯之巧略也。文二。 丙二引眾同聞者。 同聞之眾。 匪唯三乘。 亦該諸趣。下具天龍八部王臣菩薩 7 一聲聞。 丁二緣覺。初文三。 0

## 與大比丘眾。

皆令魔怖。失人眾故 惡。謂出家者。上於諸佛求法以內資。令慧命增長。下於檀越離邪正命乞食以外 外經書。故言多。勝出九十五種外道。故言勝。比丘名含三義。乞士。怖魔 此具三義。謂大。多。勝也。器量尊重。為天王大人之所恭敬。 令色身無損。故云乞士。又出家者。最初發出家心 。四人已上乃至無量 標類也。與者。并兼共及也。佛與阿難及大比丘等。證非虛謬。梵云摩訶 。名為怖魔。又能破斷身口七支。九十八 。能作說恣羯磨法。故名為眾矣。 。或菩提心。 使業煩惱故 故云大。 或至成道 **編知內** 

## 千二百五十人俱。

舍利弗目連 舉數也。 佛初成道。 各兼徒一 百 先度陳如等五人。 0 次度耶舍長者等五十人 次度三迦葉兄弟。 0 經舉大數 兼徒總一千 0 故減五人 此眾 次度

為常隨眾也 先竝事外。勤苦累劫 0 無所證 0 纔遇見佛。便得上果。 感佛恩深 0 常隨佛化

⊙ 戊二總嘆行德

## 皆是無漏大阿羅漢。

賊故。應不受分段生故。 總指也。漏有三種 0 皆斷盡故。 應受人天妙供養故。此皆無疑。 阿羅漢名含三義。 故翻為應。應已永害煩惱 故名為大。已下別嘆。

# 佛子住持。善超諸有。

界繫。故云善超。此嘆自利。已下嘆利他 任持萬善。功德不失。故云住持。諸有者。 從佛口生。從法化生。得佛法分。 堪紹佛 二十五有。 種 故云佛子。 皆得二十五種三昧 安住覺性三德祕藏 0 不為

## 能於國土成就威儀。

標準 無剎不現。故云能於國土。有威可畏。 故云成就等。淨名所謂不起滅定 現諸威儀也 有儀可 則 0 行住坐臥皆成軌範 此儀止可 觀也 可為

首楞嚴義疏注經卷第一 27

首楞嚴經長水疏

28

從佛轉輪。妙堪遺囑。

方便。 令傳。 破惑障。 智堪遺付也。常隨從佛 囑生令度。總名遺囑也 令其得入如來知見。 亦能轉教令他破惑。 妙好堪任 0 於一法中作無量說 轉大法輪 0 護持法藏 。法有摧輾業煩惱義 0 0 令燈燈相然 \_\_\_ 逗機 0 0 喻之若輪 0 明明不絕 稱性 0 0 自既摧 以善巧 囑法

# 嚴淨毘尼。弘範三界。

也。 範。法也。既嚴持清禁。 戒可遵依也。毘尼云律。 身心弗違 律法也。 斷割重輕 0 大能軌則 世間 開遮持犯 。真是法中綱紀也 非法不定。 弘 大

# 應身無量。度脫眾生。

應。 醍醐味教 如一 。令彼度苦 定能現化也。住首楞嚴 月不降 。於斯現矣 百水不升 解脫業惑 0 化復作 得自在故 慈善根力 化 0 法爾如是。若非發迹之後。無如是歎。 法華所謂內秘外現。 普現色身 0 隨十界機 從法身地。 宜 何 身相 隨緣俯 現而

# 拔濟未來。越諸塵累。

污繫縛。喻之塵累。皆令清淨自在無礙。故稱越也。 結悲化無盡也。拔令脫苦。 濟使得樂。 佛滅度後 0 故曰未來。 煩惱與業。

⊙ 戊三列眾上首。

## 其名曰大智舍利弗。

智慧無雙。決了諸疑者。舍利弗第一 連母為號。亦云身子。是佛右面弟子。 具云奢利弗怛囉 。此云鶖子。 其人母眼。黑白分明。轉動流利 慧解過人。 故云大智。 增一云。 從彼所生 我佛法中

## 摩訶目犍連。

無上。 因以命族。左面弟子 具云摩訶沒特伽羅。此云大采菽氏。又云胡豆。即尊者母姓 神通無過。下經云。我遊十方得無罣礙。 神通發明 上古仙人所嗜。 推為

## 摩訶拘絺羅。

首楞嚴義疏注經卷第一 29

首楞嚴經長水疏

3

誓 。 觸難能答。南方天王常隨侍彼也 往佛所奪。佛令立論。因即義墮 學不休止。 何況出胎 此云大膝 。舍利弗舅 遂往南天。 無暇剪爪 0 0 學十八經。 常論勝姊 號長爪梵志。學畢還家。知甥為佛弟子。起大憍慢。 0 負愧低頭。得法眼淨 。姊懷身子。論則不勝 人笑之曰。累世難通。 0 成阿羅漢。 知孕智人。 一生非冀。聞而立 獲四辯才。 寄辯母

## 富樓那彌多羅尼子。

空。 器寶入於母懷。從此有孕。由此多義。得有此稱。彌多羅尼。母名 云滿慈子。 亦云知識。其母慈行。仍誦韋陀知識品故。尼。女聲也。是彼所生。連父母名。 深達實相 富樓那。父名。此云滿。父是滿江。禱天求得。正值江滿。又願獲滿 此於如來說法人中最為第一。下經云。我曠劫來。辯才無礙。 0 河沙如來秘密法門。我於眾中微妙開示 。得無所畏等 此翻為慈 宣說苦 。夢滿

#### 須菩提。

善吉。 此云空生。 此善吉相。現於器故。從是得名。於大眾中解空第一 或云善吉。善現等。 生時家中庫藏器皿皆空故 0 入無諍定。 相者謂言 喜說空 兒必

如是乃至十方成空。亦令眾生證得空性。 法。所修行業以空為本。如下經云。我曠劫來。心得無礙 蒙如來發性覺真空。 0 初在母胎即知空寂 空性圓明

# 優波尼沙陀等而為上首

即三迦葉輩。此皆頭角。 空。空色二無。成無學道。如來印我名尼沙陀。更有餘人。經不具載。 色邊際。故名塵性為近少也。如下經云。我悟色性。以從不淨白骨微塵。 此云近少。義翻塵性。觀塵性空而得道故。微塵即是色近少分。隣近虛空是 為眾知識。綱領佛法。各有弟子。 故云上首也 故云等也

丁二緣覺眾

#### 復有無量辟支無學。 并其初 ジ 0 同 來佛所

遠塵離垢。 遇佛迴向。必證大果。故下經云。 然不預嘆德列名者。以厭喧樂靜。 具云辟支迦羅。此云緣覺。以觀十二因緣而覺悟故。此是部行。 得法眼淨 0 通序竟。 不為眾所知識故。主伴咸集。故云并其初心 有學二乘及諸一切新發心菩薩等。皆獲本心 非同麟喻 0

首楞嚴義疏注經卷第一

0 首楞嚴經長水疏 乙二別序者。諸經不同。 發起各別。或放光微笑。乞食入禪。 自唱佐號。 32

令問等。

愛。超證聖佐。豈逾定慧。定慧內具。 所加。 自無定慧。不能降伏。 今經。 由夏滿眾集。 主臣請齋。慶喜外歸。無供循乞。 由是外假祕密。 祕密外資。塵颺順風。有何艱 攝護令歸。 意顯生死輪迴。莫過淫 因遭婬室。 文有四 邪術

丙一夏制圓成。眾求密義。

### 屬諸比丘 休夏自恣。

屬。 值遇會也。聖禁三月。滿在此日。故云休夏也。自迷所犯。 恣任僧舉

### 十方菩薩 諮決心疑。欽奉慈嚴 0 將求密義

當悔清淨。故云自恣。制限恣法。如律所明

意請宣說如來密因修證了義之法門也 遂。故云諮決心疑。恭敬遵承。故曰欽奉 名也。此等安居非止一處。故云十方。限內修行。莫盡通達。從師指授。夏滿方 提所求果。薩埵能求人。三菩提覺悟智。薩埵情慮識。總約悲智能所真妄 具云菩提薩埵。此云覺有情。此有三釋 0 恩念威重。 0 一菩提所求果。薩埵所度生 故曰慈嚴 0 將求密義者。 一。二菩 。 以 立

**O** 丙二師資感應。 教演真乘

## 即時如來敷座宴安。

入定。後方始說。常法爾也 非禪不慧。 故先入定為後軌也。即敷尼師壇。靜然安坐。 如金剛法華 皆先

## 為諸會中宣示深奥。

乘之本。今此會中。亦復如是。必有經目。 前求密義。今宣深奧。隨其所問。皆與說示。 隱而不言也 如法華先說無量義經 0 以為

## 法筵清眾得未曾有。

有垢染。故云清眾。斯為究竟無上法會。故未曾有 教主既非生滅心行說實相法。能聽之眾。 亦無 法可為領受。 稱實說聽。

# 迦陵仙音。徧十方界。

佛聲 佛聲和雅。眾所愛樂。聽之無厭 此鳥非常。 如別處說 故云仙也。徧十方界者。 。如迦陵頻伽 顯其圓義 0 在於卵穀鳴勝餘鳥。故堪喻 如來梵音。 於諸相中最為

首楞嚴義疏注經卷第 33

恆沙菩薩來聚道場 0 文殊師利而為上首。

首楞嚴經長水疏

 $\frac{3}{4}$ 

或因結上首重指前文。或因前說法。聲徧十方。後始來集。二義無在 私不伏。智德之尊。故標上首。前文十方菩薩諮決心疑。 正云曼殊室利。此云妙吉祥。或妙德。下文將神呪。揀圓通。與奪眾心 今此復云恆沙來聚者。

● 丙三王臣請供。主伴分臨。

珍羞。無上妙味。兼復親延諸大菩薩 時波斯匿王。為其父王諱日營齋 請佛宮掖 0 0 自迎 如來 廣設

一日也。諱忌也。以忌舉吉事。諱避其名。 如肘腋耳。王之宮禁策掖者所居故。 具云鉢羅斯那恃多。此云勝君。先王崩日忌諱之晨。故云諱日。 宮掖。內庭也。后妃居所 即自恣後之 。在天子左

薩 城中復有長者居士 及阿羅漢。應諸齋主 0 同時飯僧。 佇佛來應 0 佛勅文殊 0 分領菩

十德具足。三品居財。 故云長者居士。又守道自怡。 寡欲蘊德。 故曰居士

佛為化主。王請須臨。臣為輔佐。餘聖可赴

○ 丙四慶喜無齋。入城循乞二。丁一歸園無請。

## 唯有 阿難 先受別請。遠遊未還。 不遑僧次

見者咸喜。故云歡喜。先受別請者。 奏云生兒。舉國大喜 因他事而非齋也。遑。 阿難 。此云歡喜 。因立斯號。又彼端正。或語或默 。佛初出家。淨飯憂惱。聞子成道 暇也。 涅槃經說不受別請 0 。王大忻然 乃不隨佛受別請 行住坐臥。 進止動轉 復有斛飯 耳。

#### 既 無上座。 及阿闍梨。 途中獨歸 0 其日無供

同輩上下。曰上座。 阿闍梨。此云軌範。謂與眾中作軌範故

丁二人 國循求三。戊一平等行乞二。 己一正行平等以循乞

## 時阿難。 執持應器 。於所遊城。次第循乞

也 無問淨穢 當日初分 故云次第 乞食易得。 0 故云即時。 順於軌則 0 鉢多羅。此云應量器。 故云循乞。乞食十利 色與體量皆應法度 如寶雨經說

首楞嚴義疏注經卷第一 3 5

方行等慈。不擇微賤 初求最後檀越。 以為齋主。無問淨穢 。發意圓成 一切眾生無量功德 剎利尊姓 0 及旃陀

ら い

首楞嚴經長水疏

者得福無量 即魁膾婬酒家也。方。法也。軌則如來。行平等慈。不取貴擇賤。俾施者見 即剎利旃陀也 檀越。此云施者 |。剎帝利。此云田主。即王種也。故云尊姓。旃陀羅 阿難乞食。意祈末後來請僧者。我當赴彼。故曰齋主

己二仰效無遮以除謗。

阿難已知如來世尊。 如來 開闡無遮 訶須菩提及大迦葉。 0 度諸疑謗 為 阿羅漢。 ジ 不均平 0

無遮間者。由五義故。 迦葉捨富從貧。皆為淨名所訶。今言如來者。就其印可 飲光仙。因立族姓。尊者頭陀上行第一。故云大也。不均平者。善現捨貧從富 迦葉波。此云飲光氏。上古元祖是仙。身有光明。 一由內證平等理。外不見貧富相。二心離貪慢。慈無偏利。 吞蔽燈光。人皆異之。 。功歸佛也。然佛常乞食 日

平等耳。 三表威德。不懼惡象沽酒婬女家。四息凡夫猜嫌。五破二乘分別 度疑謗者。即息凡夫猜嫌也 0 故得仰效。 行

經彼城隍 徐步郭門 0 嚴整威儀 0 肅恭齋法

無不從。仰効尊儀。 城之濠塹曰隍。齋莊齊整。不失威儀。 故云齋法也。 安靜恭謹。足成令則。 以斯行乞。 物

戊二示遇惡緣。

爾時阿難因乞食次 迦羅先梵天呪。攝 入好席 0 經歷婬室。遭大幻術 0 婬躬撫摩 0 將毀戒 0 摩登 伽 女 0 以 娑毘

業體 說。外道施行。世人諷習。以為幻術。將毀戒體者。別解脫戒。白四所發。形願 劫毘羅。此言金頭。或云黃髮。食米齊外道也。師事梵天而得此呪。呪是梵天先 中只毀一戒。心清淨故。 羸。故云戒體 。體即無作。從作戒生。是第三聚。非色非心為戒所依。持之則肥。 爾時。此時也。摩登伽。義翻本姓。下經云性比丘尼是也。娑毘迦羅 阿難無心。遭逼入舍。欲犯未犯。故云將毀。若據下云。 尚未淪溺。應知阿難不毀吉羅。緣起如別 犯之則

首楞嚴義疏注經卷第一

3 7

首楞嚴經長水疏

**o** 

戊三佛垂哀救三。

己一齋畢歸園

38

願聞法要 如來知彼婬 術所 加 。齋畢旋歸 0 王及大臣長者居士 俱來隨 0

羅漢。 其數凡有十恆河沙。聞是法已。皆得本心。遠塵離垢。獲法眼淨。性比丘尼成阿 本。修證常樂。禪慧是基。故下文中。天龍八部有學二乘。及諸一切新發心菩薩 是時。不有因緣。無由發起。故託慶喜婬逼。摩登愛纏。俾知生死輪迴。貪欲為 皆為說法。今日速歸。知佛必有所為。故隨而來。願聞法要。然大眾根熟 如來知者。知即是見也。謂以生死智明不二天眼見也。如來常儀。受請齋了。 無量眾生發無上道心等。是知。機應相扣。啐啄同時。 形對像現。 故無差 ′`。 妙悟

○ 己二放光説呪。

結 於時世尊。 趺坐 頂放百寶無畏光明 宣說神呪 0 光中出生千葉寶蓮 0 有佛 化身 0

歸園既畢。主伴咸臻。於此之際。故曰於時。佛頂。體也。寂無相故 光明

呪者 相也 法冥熏而起大用。 具性德故 自果既圓 。蓮華。 故現化佛。 說利他故。 用也。成萬行故。 說神呪也 又釋迦。 顯果海無說 化佛果也。理智行三所成就故 頂光蓮現 表大定智悲。三 宣神

○ 己三遣呪往救。

#### 佛 勅文殊師利 0 將呪往護 0 惡呪銷 滅 0 提獎阿 難及摩登 伽 歸來

况汝等在會聲聞。求最上乘。決定成佛等。序分竟。 顯呪力不可思議也。如下文云。 提携獎勸也 0 文殊顯傳佛旨。 彼尚婬女。 密護阿難 無心修行 先令登伽見佛 神力冥資。 0 離欲聞法增道 速證無學 意 何

文三。乙 次下甲二正宗分。由阿難正請。 一阿難悲恨請修三昧 如來正說。解行圓滿。 不偏 不邪 0 **當機得益** 

#### 阿 難見佛 頂禮悲泣 0 恨無始來一向 多聞 0 未全道力

拔。 定如縛賊 多聞習定 慧如殺賊。 止觀雙修。 定慧雙運。目足更資。 若但偏攻。豈全道力。 到清涼池。 故涅槃云。先以定動 保無留難。 後以慧 佛與阿

首楞嚴義疏注經卷第一

首楞嚴經長水疏

4

先除。畜聞成過誤。 不能免脱。良由偏失。 空王佛時同發大心。為樂多聞 誠可悲夫。故下文云。汝聞微塵佛 匪勤修習。佛今成道。 我始入流 切秘密門。 仍值惡緣。 欲漏不

#### 方便 殷勤啟請 0 十方如來得成菩提。妙奢摩他 0 三摩 0 禪那 0 最 初

證涅槃三德。名祕密藏。 非三而三。不一而一。舉一即具。故稱為妙。即天台一心三觀也。此觀若成 他云止。三摩提云觀。禪那云靜慮。釋其相者。如圓覺經。此三種義。只在一心。 如來。極證人也。菩提。極證法也。人法雙舉者。 故舉十方如來得成菩提等。 簡所請行非眇劣耳。 奢摩

復先徵詰發心。推逐妄執。破群疑。顯藏性。令信解不謬。 即方便也。 淺深雖異。 即通問。下文答則別說。如下文云。有大佛頂首楞嚴等。即許說成道妙行也。 最初方便者。然方便多種。 俱方便爾。如圓覺經。方便隨順圓攝所歸。即有三種。此指妙行 經文。佛問圓通。從何 今問成佛妙行。復云最初者。 方便入三摩地。即指入妙行之方便也 阿難因此了悟。發菩 意請成妙行之方便

第一之義。即指真定為方便耳。 即具辯止觀為正修法。止觀成處名真三昧。入此行時須有方便。方便之法不離根 識藏心。多聞無功。不逮修習。如得大宅。罔知入門。故請修行。從何攝伏。佛 此經亦爾。從初至第四卷半已來。則總明信解真正為最初方便也。信解雖正。 猶如煮沙欲成嘉饌。終不能得。故圓覺中。示三觀。顯諸輪。一一皆云悟淨圓覺 提心等。此即信解真正。成本起因。若無此因。縱歷多劫。修諸行門。皆成邪僻。 此則的取從聞思修為初方便。最初之義。先解後行。無出於斯。 初方便。如下文云。我今欲令阿難開悟。二十五聖誰當其根。何方便門得易成就。 1。入一無妄。餘皆清淨。故問二十五聖。復勅文殊令揀。此即以根門順機為最 如別有說。吾弗知也。 或可最初是無上

⊙ 乙二同時大眾俱欲欽聞。

#### 於時 復有恆沙菩薩。及諸十方大 阿羅漢 0 辟支佛等。 俱願樂

0

如渴思冷水。 如飢思飲食。 如病思良藥。 如眾蜂依蜜。我等亦如是。 願聞甘

首楞嚴義疏注經卷第一

4

42

## 首楞嚴經長水疏

退

承受聖旨

智論偈云。聽者端視如渴飲。一心入於語義中。 斯受聖旨。豈令不然。 大眾欲聞。假其請主。三乘賢聖。八部王臣。潔己虛心。收視返聽而寂默也。 踊躍聞法心悲喜。如是之人可為

一問發 名。是酬問正説分。 丁一破阿難認妄迷真顯如來藏二。戊一正約心見以破顯五。己一審其初心二。庚 各隨其人。吾今從古。 次再陳中有二。一辯趣生差別。二示禪境差別。即八中後三段也。然開判之設。 一開妙解。二示妙行。三顯妙佐。四左妙名。此四即八段中前五科。開合之異也 公八段 心之始。 。資中顯稱。今詳經文復有理在。文中前後兩度說經。初從此去至標經 乙三如來乘機廣為開演。古人科判。各是一途。春蘭秋菊。互擅其美 次從說是語已下。至不戀三界。為請益再陳分。初有四段。 依振公判。略沒第八。 但取七名。 今丙初顯如來藏心二。 0

# 佛告阿難。汝我同氣。情均天倫

序 上下相次 慶喜是佛堂弟。祖父相傳。亦名同氣。或可但是兄弟。同一氣類也。兄弟之 。恩愛相屬。 蓋自然而然。非使之然也。 故曰天倫 0 倫理均等也。

當初發心 於我法中。 見何勝相。頓捨世間深重恩愛

是妄心。故審問之。後方推破。 父母妻子是恩愛之深者。世人以捨麤重恩愛。為其至道。而不知修行見愛尚

⊙ 庚二答捨愛之緣。

璃 阿難白佛 。我見如來三十二相。 勝妙殊絕 0 形體 映徹 0 猶 如 瑠

暗昧不明。不名勝妙殊絕。形狀體質。清淨無垢。喻瑠璃也。 手足有德相。從大相海。流出小相。故名為好。釋梵輪王亦有大相 如來大相有三十二。 謂足下安平至頂成肉髻。小相有八十種 0 謂無見頂 。然無其好。 至

常自思惟。此相非是欲爱所生。

從戒定慧所成就故。故非欲愛。

何 。欲氣麤濁 腥臊交遘 0 膿血 雜亂

欲愛之生。純是不淨。 大集經中具說受生。皆由父母與己識情 互生愛欲

首楞嚴義疏注經卷第一

3

首楞嚴經長水疏

穀長養。雖成人相。 由是託彼赤白二滴。為識所依。一處和合。名歌羅邏 如革囊盛糞。故云膿血雜亂。 而漸增長。至於出胎。 五.

不能發生勝淨妙明。紫金光聚。

終非如此 閻浮檀金。展轉比至迦葉身金。猶如聚墨。若比佛身。迦葉如墨。欲愛所招

是以渴仰。從佛剃落

以愛捨愛。轉增妄矣 勝相妙絕。知非愛生。思渴瞻仰 故求捨愛。願從佛化。 俾易妙身。 斯不知

○ 己二彰其妄失二。庚一總彰淪溺。

佛言。善哉。 阿難。 汝等當知 0 切眾生從無始來。 生死相續

久成積苦也。

⊙ 庚二別釋因由二。辛一迷真。

皆由不知常住真心。性淨明體。

曰 皆 由 不昧。故曰真心。 迷自本真也。無始晦昧。 三德具足。 為一切法之所依止。故云性淨明體 故曰不知。不生不滅。名為常住。 離諸偽妄。靈鑒 。眾生悉爾。

⊙ 辛二認妄。

# 用諸妄想。此想不真。故有輪轉

失汝元常。故受輪轉。舉世修行。多同此計。 認他虛想也。下文云。此是前塵虛妄相想。惑汝真性。從無始來認賊為子 故託阿難總彰其失。

○ 己三勸其直語三。庚一正勸。

## 汝今欲研無上菩提。真發明性 0 應當直心 訓我所問

性。研。究窮也。淨名云。直心是道場。無虛假故。今推本意。豈得異想。發言 欲正修行。當須確實。故今勸也。 下文識精元明。即是無始菩提涅槃元清淨體。此體非妄。無有變異。 故云真

庚二引證。

#### 方 如來。 同 道故 0 出離生死 0 皆以直心

首楞嚴義疏注經卷第一

4 5

首楞嚴經長水疏

46

淨名道場。二向理之心。無別岐路。即如起信三心之直心也。故論云。 理心絕。方為十方同道。 正向真如法故。此為二行根本也。今此經意。須具二焉。始令發言無妄。終成向 諸佛同道。脫苦得樂。皆由直心者。此有二種。一發言無虛假。 如此文所勸 一者直心。

⊙ 庚三結益。

## 心言直故 如是乃至終始地位 0 中間永無諸委曲相

故無委曲 永無魔事。我印是人。成就菩薩無上知覺也。發心曰始。究竟名終。彈指能超 提不得清淨。成愛見魔。失如來種。若諸比丘。心如直絃。一切真實。入三摩地。 因苗辯地。言直心直。苟或反此。罪非輕小。如下經云。若大妄語。

⊙ 己四問其見愛二。庚一問。

阿難 誰為愛樂 。我今問汝 當汝發心 緣於如來三十二相 將何所見

心見兩門。 由茲所問。下既認心不迭。指見謬稱。故成二障為纏。三空罔契。

故下徵詰。俾識妄源

0 庚二答

阿難白佛言。 世尊 如是愛樂。 用我心目。

單牒雙指。巧略故也。

由目觀見如來勝相。心生愛樂。故我發心 0 願捨生死

樂。豈唯迷於法空。亦起人我見愛。故下文云。六為賊媒。自劫家寶。無始虛習。 下推徵。令知虚妄。 住地無明。皆由根識。更非他物。想相為塵。識情為垢。生死輪轉莫不由斯。故 此正陳妄體也。目即眼根。心即意識。根識虛妄猶如空華。若執有體能見能

## 首楞嚴義疏注經卷第一

首楞嚴義疏注經卷第一  $\frac{4}{7}$ 

首楞嚴義疏注經卷第二

首楞嚴經長水疏

長水沙門子璿集

在 佛告阿難。 0 則不能得降伏塵勞。 己五辯其真妄二。庚一推妄所在七。辛一破在內二。壬一左四。癸一牒前以語。 如汝所說。真所愛樂。 因于心目。 若不識知 ジ 目所

心目是本。塵勞為末。若迷本之依處。群末難除。染污故名塵。擾惱故名勞。

即通指二障也。

•

癸二舉事以

況

譬如國王。

為賊所侵

真性也。

煩惱迷真也。

48

發兵討除。

用智也。

是兵要當知賊所在。

兵。人所執器也。

⊙ 癸三示過以問。

使汝流轉。心目為咎。

示過也。

吾今問汝。唯心與目。今何所在。

總問所依也。

● 癸四引例以答二。子一引他為例。

阿難白佛言。世尊。一 切世間十種異生。 同將識心 0 居在身內 0

縱觀如來青蓮華眼。亦在佛面。

下文有十二類。今舉大數。凡夫造業不同。感果差別 。名為異生 切世間

首楞嚴義疏注經卷第二

49

5

首楞嚴經長水疏

者。 舉依顯正也。前舉凡心在內。後指佛眼在面。欲取例已亦復然也。

○ 子二指己結答。

我今觀此浮根四塵。 秖在我面。 如是識心 。實居身內

以眼根色是不可見。故指浮根。聖凡既爾。在己必然。面與身中 心眼定處

壬二破二。 癸一正破三。子一舉事定其所見三。丑一問境內外 也

佛告阿難。汝今現坐如來講堂。觀祇陀林 此大重閣清淨講堂。在給孤園。今祇陀林。實在堂外 0 今何所在。 世尊

堂在園中。林居堂外。內外既分。計宗危矣。

⊙ 丑二定見先後。

大眾。 阿難。汝今堂中先何所見 如是外望。方矚林園 0 世尊 我在堂中 先見 如來 次觀

定先後者。欲破阿難在內之心。不能如此次第見故。

⊙ 丑三審見因由。

在堂得遠瞻見。 阿難。汝矚林園。 因何有見。世尊。 此大講堂戶牖開豁 故我

講堂。身也。阿難。 心也。如來大眾。五藏也。戶牖。根也

⊙ 子二示益安其所懷。

# 爾時世尊。在大眾中 。舒金色臂。摩阿難頂

其諦受。令無忘失。三示今許說。無有虛妄。故舒其手。現慈相也 以慈攝也。如父囑子。拊背而告。此有三意。一安慰其心。令無恐懼 1。二囑

行 告示阿難。及諸大眾。有三摩提。名大佛頂首楞嚴王。具足萬 。十方如來一門超出妙莊嚴路

眾德具足。故曰莊嚴。真三摩地。因行所履。故名為路。 下云十方薄伽梵。一路涅槃門。直道無異。通至寶所。故云一門清淨果海

汝今諦聽。阿難頂禮。伏受慈旨。

破妄意欲顯真。故略標宗嘆德。令其忻慕。豈謂徒然譴責。 首楞嚴義疏注經卷第二 罔知所歸。

首楞嚴經長水疏 52

阿難伏而諦受。

● 子三引例明其所失三。丑一引例正問。

眾生。在此堂中不見如來。見堂外者。 佛告阿難。 如汝所言。身在講堂。 戶牖開豁 0 遠矚林園。 亦有

反常理以致問。引慶喜以直答。

⊙ 丑二依理以答。

阿難答言。世尊。在堂不見 如來 0 能見林泉 無有是處

只知據理直申。不覺計宗危矣。

⊙ 丑三合喻奪破三。寅一正奪。

阿難。汝亦如是。

心在身內。如人在堂。

汝之心靈。 合了知內身。 一切明了。 頗有眾生。先見身中 若汝現前所明了心 0 後觀外物 實在身內 爾時先

心能靈鑒。內外俱緣。故云一切明了。 向外既了萬緣。在內合知藏腑

猶可也。亦語辭也。汝觀眾生。可有此者。

• 寅二総破。

知 縱 不能見心肝脾胃 0 爪生髮長 0 筋轉脈搖 0 誠合明了 0 如 何不

腑藏內密。設使不知。筋脈膚淺。寧容難了。

⊙ 寅三反責。

# 必不內知。云何知外。

五藏同居。最為親昵。萬象離異。誠謂疎遙。若使不了身中。豈合能觀外物。

⊙ 癸二結破。

## 是故應知。 汝言覺了 能知之心住在身內 。無有是處

如 遂成久執。 境風外動 。妄想內熏 及推所在 0 妄謂身中 識浪潛生。 為自心相。 反覆窮研 理無所據。 空華幻化。起滅無從。 故佛結指。 不了本 令悟其

53

5 4 首楞嚴義疏注經卷第二

非。

首楞嚴經長水疏

 $\odot$ 

辛二破在外二。

壬一左二。癸一正左

阿難稽首而 白佛言 0 我聞如來如是法音。 悟知我心實居身外

身中無救。身外必然。不遇尊言。莫悟斯旨。故稽首於佛。謝非立是也。以

頭至地。稽留少時。故名稽首。

⊙ 癸二釋成二。子一引喻領悟前非。

所 以者何 。譬如燈光。 然於室中 0 是燈必能先照室內 0 從其室

门。後及庭際。

引喻例法。伏受前非也

○ 子二躡喻成立今義。

室 切眾生 不見身中 0 獨見身外 亦 如 燈光居在室外 不能照

室外之燭不及內明。 身外之心何能反照。 此計心有離身之過。 故下破之。

是義必明。 將無所惑。同佛了義。得無妄耶

身外之理。法喻正齊。 以此觀之。合無疑暗。佛說了義。可得同乎。

壬二破二。癸一正破二。子一引例左理二。 丑一一多同飽問

佛告阿難。是諸比丘。適來從我室羅筏城。 。我已宿齋。汝觀比丘 0 一人食時。諸人飽不。 循乞摶食。 歸祇陀

餘人乞食。故舉此也。宿。 前云赴請。此云乞食者。乞食乃是常儀。泛舉為喻。又前雖赴請。 預也。 未必僧盡

● 丑二自他殊體答。

阿難答言。 不同。云何一人能令眾飽 不也。世尊。 何以 故。是諸比丘 0 雖阿羅漢 軀命

既非我飽。心知何關我身。身心相外。自他可例 前問一食眾飽。今答驅命不同。反前問也。意顯心若離身 即同 他食 他食

⊙ 子二據理推破二。丑一以理定其相外。

首楞嚴義疏注經卷第二 5 5

佛告阿難。 若汝覺了知見之心 實在身外

首楞嚴經長水疏

5 6

牒也。

身心相外。自不相干。

則 心所知 定其相外。外猶離也。心既離身。不相干涉。如前所答。 0 身不能覺 。覺在身際 心 不能 知 0 一人食時不令眾飽。

釋成其相。心若在外。理合如是。文顯可見。

⊙ 丑二約見驗其相知。

我今示汝兜羅綿手。 佛告阿難。若相 知者。云何在外 汝眼見時。 心 分別 不 0 阿難答言。 如是世

若相知者。云何在外。 心若離者。合不分別。若分別者。應不離身。以不離故。名為相知。 具云兜沙羅。此云霜。佛手柔軟如兜羅綿。三十二相中一相也。 故此責云。 眼屬身分

癸二結破。

是故應知 0 汝言覺了能知之心住在身外。無有是處

可知。

辛三破潛根二。 壬一左三。 癸一述前所破汎立一處。

阿難白佛言。 不相離故。不在身外 世尊 0 如佛所言。不見內故 0 我今思惟。 知在 不居身內 身 ジ 相

雙敘別立。文顯易知。

⊙ 癸二問今所立答在諸根。

佛言。處今何在。阿難言。 如我思忖。潛伏根裏 0 此了 知 ジ 0 既 不 知 內 而 能見外

知外而不知內。非根而何。此即妄計識心潛五根裏

⊙ 癸三舉喻所成復伸潛裡二。子一舉喻合法。

隨見 猶 如有人 0 隨 即分別 0 取瑠璃椀 合其兩眼 雖有物合 0 而 不留礙 彼根

首楞嚴義疏注經卷第二 5 7

首楞嚴經長水疏

5 8

境 心隨根知。若此成立 瑠璃喻根。眼喻於識 0 乍觀可爾。洎乎推破。 眼根色淨 不能礙心 同喻不成 同瑠璃椀 不礙於眼。隨照一

⊙ 子二據理成左。

者 然我覺了能知之心 潛根內故 0 不見內者。為在根故 0 分明矚外 無障礙

但知妄計。不覺隨語過生。下文即破。

⊙ 壬二破二。癸一正破三。子一躡喻定其俱見。

佛告阿難。 如汝所言。 潛根內者。 猶如 瑠璃

略牒語簡。可以意知。

以 彼 瑠璃籠眼 人當以瑠璃籠眼 。實見瑠璃。 0 當見 山 河 見 瑠璃 不 如是世尊 是人當

遠觀物像。近見瑠璃。問答極成。故云如是。

⊙ 子二據法責其獨觀。

佛告阿難。 汝心若同瑠璃合者。 當見山河。 何不見眼

喻則近遠俱見。法則唯見山河。既失近觀。何成同喻。法喻不等。潛根理虧。

下更縱破。令無所據。

⊙ 子三縱見不見咸失。

若見眼者。眼即同境。不得成隨。

設使見眼。即成敵對。云何前言隨即分別。此有自語相違過也。

若 不能見。 云何說言此了知 心潛在根內 0 如 瑠璃合

結成法喻不齊過也。二過既彰。潛根理喪。

⊙ 癸二結破。

是故應知。汝言覺了能知之心潛伏根裏。如瑠璃合。無有是處。

◎ 辛四破見內二。壬一約見暗以成立。

竅穴居外 阿難白佛言。世尊。我今又作如是思惟。是眾生身。 。有藏則暗。 有竅則明 0 今我對佛。 開眼見明 腑藏在中 。名為

首楞嚴義疏注經卷第二

5 9

6

見外 。閉眼見闇 。名為見內 是義云何。

首楞嚴經長水疏

見。內外俱緣。由是在內。決無所惑。 藏暗竅明。責無不見內過。七竅明露。五藏黯然。開竅緣明。 中物故。由此轉計身外潛根。及至窮研。二俱不當。再思理道。在內義長 此中立意。復宗歸內。最初所計心在身中。佛即推徵不合在內。以不能見身 合眼對暗。 明暗若 '。遂立

壬二約對眼以推破二。癸一難破二。子一破前計二。丑一雙徵

佛告阿難。汝當閉眼見暗之時。此暗境界為與眼對。為 不對眼

⊙ 丑二雙破二。寅一破對二。卯一對眼不屬內。

徴訖

若與眼對。暗在眼前。云何成內。

對眼在前。前豈成內。

卯二外室成焦腑。

若成內者。居暗室中 0 無日月燈 0 此室暗中皆汝焦腑 0

是汝內。以同暗故。 同汝見暗 若謂不論前後 。但是見暗。便即內者。 焦腑即內也 0 應立量云 汝處幽室。無三光時 汝處幽室 應汝焦腑 0 此室黯然 以是暗故

● 寅二破不對。

## 若不對者。云何成見。

未曾見有。境不對眼。而稱見物

⊙ 子二破轉計二。丑一牒計奪破。

# 若離外見。內對所成。

名為見內。非同所見室中暗爾。如何不得見暗名內。故此牒也。然諸師敘計。殊 緣故。我所見暗。是身內境。名為內對。以是合眼之所緣故。今取合眼所對之暗。 暗與暗室暗。二體不同。何也。彼暗室暗。是身外暗。名為外見。以是開眼之所 不分明。葢譯人巧略。但牒而已。有智請詳。無執麻矣。 牒轉計也。此計。由前以暗室暗。例眼前暗。不合成內。恐彼計云。我所見

合眼見暗。 名為身中 0 開眼見明 0 何不見面。 若不見面

首楞嚴義疏注經卷第二

6

62

首楞嚴經長水疏

不成。

對不成。 許返見。面屬於明。豈無返見。一成則俱成。 奪破也。設許合眼對暗。名見身中。亦應開眼對明而見自面。 一破則俱破。 故云。 若不見面 內屬於暗 尚

○ 丑二展轉縱破四。寅一在空非內同他破

見面若成 。自非汝體 0 此了知 心及與眼根 。乃在虚空。 何成在內。 若在虚

但改宗云。定非汝體 此之二過。應立量云。汝之心靈。 顯是在外。如何復執心居身內。 設汝執言能見面者。 因喻如前 汝心及眼。應處虛空。 定不在內。 又若在空。 見汝面故 以根境相對。方成見故。若許處 即同他人。 猶如他人。破次過者。 自然不是汝之心體

⊙ 寅二他見還同己體破。

即應如來。今見汝面。亦是汝身。

云。 亦非是汝。便同前文。自非汝體也 如來之身。定是汝體。見汝面故。 汝或執言。雖見我面 。定是我體 0 即復破云 如汝心眼。 。佛亦見汝。應是汝身。應立量 設或不許佛身是汝。汝之心眼

⊙ 寅三根身互闕能知破。

# 汝眼已知。身合非覺。

眼必無知。在一不在一。經文巧略。故不言也。 又若汝心能見面者。本分身處應無知覺。以在眼根 0 處虛空故。 身若有覺。

○ 寅四二覺應成兩佛破。

#### 必 汝執言身眼兩覺。應有二 知 0 即汝 身應成兩佛

之執。妄情紛擾。執計多端。故盡破之。令無所救。 皆當作佛。豈汝一身成兩佛耶。此之四段。展轉破逐。皆由前文內對所成。見面 必汝現今眼根自知。身處自覺。非互闕者。須有二心。知即心也。 凡是有心。

⊙ 癸二結破。

#### 是故應知 0 汝言見暗 0 名見內者。無有是處。

首楞嚴義疏注經卷第二

6 3

64

⊙ 辛五破隨合二。壬一引經成立

首楞嚴經長水疏

種種心生 阿難言。我常聞佛開示 四眾。 由 ジ 生故 0 種種法生。 由法生故 0

生心生。今雖通舉。要取後句法生心生以為據也。 引教也。第八本識變生三境。故云心生法生。境界風動。 能起識浪。 故云法

內外中間三處。 我今思惟。 即思惟體。實我心性。 隨所合處 0 小 心 則隨有 亦非

境既不一。心亦隨多。頗合佛言。必無虛論 現今思惟。誠有緣慮。及推所止。三處元非。 應知 0 隨境而生。 心與境合。

○ 壬二牒計推破二。癸一正破二。子一破無體

佛告阿難。汝今說言。由法生故種種心生。 牒前計也 隨所合處心 隨有者 0

是心無體。則無所合

既言因法有心。應知心本無體。無體言合。理必不然。一法云何合。斯之謂

矣。

若無有體而 能合者。 則十九界。 因七塵合 0 是義不然

之。故云不然。 若汝堅執無體能合。 十九界第七塵。體畢竟無。亦應有合。世間學者誰信有

⊙ 子二破有體二。 丑一內外出入不成破二。 寅一正奪破

若有體者。 。若復內出。還見身中 如汝以手自挃其體。汝所知心 。若從外來。 先合見面 。為復 內 出 0 為 從外

挃猶觸也。以手觸身。 必先知覺。既言有體。不無所止。內外二處。

緣。 故今雙詰。難同前破。

0 寅二破轉数二。卯初教

阿難言。見是其眼 0 心知非眼。 為見非義

明 方稱曰見。若將心知。為眼見者。必無此理。故云非義 轉救也。若如前難。 令見面等。 理恐不然。 以心能鑒覺 但名為知。 眼有照

首楞嚴義疏注經卷第二 6 5

首楞嚴經長水疏

卯二破

66

 $\odot$ 

佛言。 若眼能見 0 汝在室中 0 門能見不

引喻難也。如世間人稱見外者。必待出門方名人見。若人居室。 門豈自見。

門 眼也。人。心也。汝稱眼見。理恐不然。

則諸已死 0 尚有眼存。應皆見物。若見物者 0 云 何名死

舉事破也。若眼名見。死者眼存。心識離體。豈說有見。有見非死。 死必無

見。 稱見在眼。不其謬哉。

• 丑二一多徧局非理破二。寅一總徵

阿難 。又汝覺了能知之心 若必有體 0 為復 體 為有多體 0

今在汝身。為復徧體 0 為不編體

一多心體也。徧局身體也。餘文可知

 $\odot$ 寅二別破二。 卯一一體多體義失。

若 在 體者 若挃有所。 0 則汝 則汝一體。自不能成 以手挃一支時 四 支應覺 若咸覺者 挃應無

破一也。心體若一。四處咸同。一支受觸。四應俱覺。設許俱覺。失本觸處。

故云無在。若覺元所觸處。一體之義豈存。

若多體者。則成多人。何體為汝。

故云何體為汝 破多也。汝心惟一。豈合言多。若許多心。汝亦多體。多體之內。誰為阿難

⊙ 卯二徧與不徧理非。

若徧體者。同前所挃。

破徧也。挃一支時。四支應覺。故云同前。

不然。 若不徧者。當汝觸頭。亦觸其足。頭有所覺。 足應無知 0 今汝

今汝咸知。孰成不偏。故云今汝不然。 破不徧也。若汝執心不徧身者。頭足之觸。同時而下。一合有覺。 一當不知。

⊙ 癸二結破。

首楞嚴義疏注經卷第二 6 7

是故應知 隨所合處 0 心則隨有 。無有是處。

首楞嚴經長水疏

6 8

○ 辛六破中間二。壬一引經成立。

世尊亦言。 阿難白佛言。 心不在內 世尊。我亦聞佛與文殊等諸法王子。 。亦不在外。 談實相時

引教文也。

相 如我思惟。 知。在外非義。 内無所見。 外不相知 0 内無知 故 0 在內不成 身心

合教理也。不相知者。 合云外又相知。 恐文誤耳

今相知故。復內無見。當在中間。

正立中也。

• 壬二據理推破二。癸一推破二。 子一就身處以隨破二。 丑一定其中佐

為復在處。為當在身 佛言。汝言中間。 中必不迷。非無所在。今汝推中 中 何為在。

若心在中。中應無惑。必有所在。何者為中。故舉身處以定中位

• 丑二隨計斥破二。寅一在身無中破。

# 若在身者。在邊非中。在中同內

若汝於身立中位者。身有中邊。若居身中。與內何別。應合見內。若就身邊

邊則非中。便有自語相違過也。

⊙ 寅二在處不定破。

故。如人以表。表為中時。東看則西。南觀成北。 若在處者。為有所表。為無所表。無表同無。表則無定 心應雜亂。 表體既 0 混 何以 0

若可表示。即成不定。東西南北皆可道故。能表既亂。心應混雜。理應不然。 若身外處立中位者。必須約表。何處是中。若不可表。即畢竟無。 猶如兔角。

⊙ 子二托根境以左中二。丑一左。

阿難言。我所說中 0 非此二種。 如世尊言 0 眼色為緣 0 生於眼

首楞嚴義疏注經卷第二

69

眼有分別。色塵無知 首楞嚴經長水疏 識生其中 則為 心在。

7

識

以立中位。心在此也。根能照境。故云分別。 身處二種。非我立意。眼色為緣生眼識者。豈非尊言。今約根境兩楹之間

• 丑二破二。寅一總徵。

佛言。汝心若在根塵之中。 此之心體 為復兼二 0 為不兼二

以此為中。為復兼帶根塵二法。為不爾耶

0 寅二別破二。卯一破兼二。辰一若兼成雜破。

若兼二者。 物體雜亂

因心所兼。根塵相雜。 塵亦分別 。根亦無知 物即塵也 體即根也。

辰二不雜非中破。

物非體知 成敵兩 立 0 云 何為中

今若不雜。物自無知。體自照境。宛成相敵。但有二相。中云何存。

卯二破不兼。

兼二不成。 非知不知 0 即無體性。中 何為相

體性不有。中位自無。 不兼根故。名為非知。不兼境故。名非不知。二義既非。將何以表心之體性。

.

⊙ 癸二結破。

是故應知。當在中間。無有是處

⊙ 辛七破無著二。壬一引經成立。

利弗 亦不在外。不在中間 無著。名為心不。 阿難白佛言。 。四大弟子。共轉法輪。常言覺知分別心 世尊。 我昔見佛與大目連 。俱無所在。一切無著。名之為心 0 須菩提 性 0 0 既不在 富樓那 0 內。 則我

三際求心心不有。心不有故妄元無。妄心無處即菩提。生死涅槃本平等。 意。謬指其文。妄立無著。便謂合教。舉世修行。多作此計。但一切時都無所著。 既非內外中間。即知心無所著。而不知佛意。破妄無體。令識本真。 不了此 如云

首楞嚴義疏注經卷第二

7

首楞嚴經長水疏

破之。 即我真心。而不知執此無著亦是妄想。楞伽云。無心為心量。 我說為心量。

⊙ 壬二據理推破二。癸一破二。子一牒計雙徵。

諸所物像。名為一切。汝不著者。為在為無 佛告阿難。汝言覺知分別心性俱無在者。世間虛空。水陸飛行。

在不在。在即著也。若在不在。二俱有過。如下破之。 汝言一切無著。一切不出水陸空行。即汝無著之心。決定於彼一切法上。 為

○ 子二展轉推破三。丑一不在同無破。

無則同於龜毛兔角。云何不著。

畢竟無體。體既全無。 無者。不在也。若此決定不著諸法。何處是心 而欲名誰為不著耶。 名為不著。 便同世間龜毛兔

⊙ 丑二有體成著破。

有不著者。不可名無。

若此不著之心是有體者。則不可言不在一切。無猶不在也。

⊙ 丑三雙指二過結責前非。

### 無相則無。

指初過也。 無即不在也。 相即一切也。不在諸相 則是無體 如兔角等。

### 非無即相。

指次過也。非無有體也。 體若必有 即在 切 故云即相

## 相有則在。云何無著。

結前非也。 相若有。心則名為著。云何妄立不著義耶

⊙ 癸二結。

#### 是故應知。 切無著。 名覺知 ジ 0 無有是處

第七無別處故。隨合無著。 推妄體。先破所依。其猶城陷則賊亡。 此上七段。破妄所依竟。然凡情所計。 似破能依。 巢傾則卵覆。徵雖有七。 正意在所。詳之可見 雖復萬差。因依之處。 處則唯五 不過此七。欲 一。第四

首楞嚴義疏注經卷第二 73

首楞嚴經長水疏

 $\odot$ 庚次破妄顯真二。辛一破妄心顯真心三。 壬 一 阿難伸請二。 癸一責躬遭難。

# 爾時阿難。在大眾中。即從座起。

皆令攝儀受法無謬也。言座起者。從法空體起悲濟用也。 如禮請益則起。更端則起。將有承聽。必須復坐。經有退坐一面。儒有居與汝言。 此下皆諮求法要恭敬之儀也。梵漢兩儀。聽眾咸坐。欲有請問。 從座而作

### 偏袒右肩。

隨此用。然此以表將荷大法之重擔耳 袒。肉袒也。 致敬之極。西方俗儀 0 見王者。 必肉袒 。示非敢有犯。 佛教亦

### 右膝著地。

胡跪也。 屈智就理 期證入故。 皆言右者 順而無逆

#### 合掌。

信解冥符。俾悟入也。已上皆身業

#### 恭敬。

意業也。謹肅曰恭。仰重曰敬

### 而白佛言。

此上皆是經家綴緝敘敬儀也。下即口業。

### 我是如來最小之弟。

解飯之子。得道夜生。於諸弟中。是最小故。

蒙佛慈爱。 雖今出家 0 猶恃憍憐。所 以多聞 未得無漏

見惑雖除。俱生全在。至下方得第二果故。

不 能折伏娑毘羅呪 。為彼所轉。溺於婬舍。當由不 知真 際所詣 0

真實邊際。即至極義 此即大教所指示處。悔過責躬。遭難未證。蓋由不知

此所詣處。即如來藏體也

● 癸二請示修行。

唯 願世尊。大慈哀愍。 開示我等奢摩他路。令諸闡提墮彌戾車 0

即斷善根眾生也。彌戾車 涅槃經云。 一闡云信。 提云不俱。信不具足。名曰闡提。或云焚燒善根。 此云樂垢穢人。此等全不識佛法。 即邊邪不正之見。

首楞嚴義疏注經卷第二

7 5

知真際。即離邪見。庶幾成佛。亦冀。展轉令無信根斷善眾生。毀滅邪見 由不正見。即謗正法。死墮邊地。永不識佛。墮毀也。 阿難請意。自得正修

首楞嚴經長水疏

作是語已。 五體投地 0 及諸大眾傾渴翹佇 0 欽聞示誨 正法。自利利他。始為正請

請罷展禮。深樂聞也。 傾心渴仰。翹誠佇望。敬聞開示 。誨令得入

⊙ 壬二如來現瑞。

爾時世尊。 從其面門放種種光 0 其光晃曜 0 如 百千日

言詮。聲色用中。無非智體。 將陳法利。宜先表報。警動令信也。 種種百千 。具足眾德。 前放頂光。表體無說。 破無明暗 此從口放 如日之照 欲顯

普佛世界六種震動。

厚 土石成形。震動既屬佛光。妄本必為智拔。六震動相。如華嚴說。 三種世間。 不離本覺。 名佛世界。 四大分湛 諸根妄生 故云六種 無明堅

如是十方微塵國土。一時開現。

六情妄隔。國土殊形。妄執既融。十方開現。

# 佛之威神。令諸世界合成一界。

如來藏心之先瑞也。 妄執未融。六情殊隔。真智一發。法界洞然。誰為自他。故成一界。 即欲說

### 其世界中。 所有一切諸大菩薩 。皆住本國。 合掌承聽

國。 領悟。是此所表也。 一乘竟。十方世界通為一佛國土。亦表十方佛土中唯有一乘法。第三末經。大眾 冥合此理。隨順不逆。名合掌承聽。大眾將悟斯理 因果不二。不二之體。本周法界。名大菩薩。 無明 即明。無所移動。 。故今預此表示。 名住本 法華說

壬三正為開示三。癸一雙示真妄二源二。 子一總斥不了

佛告阿難。 一切眾生從無始來。種種顛倒。 業種自然。 如惡叉

凡夫外道常等四倒 聲聞緣覺無常等四。 故云種種 無始無明。 熏習成種

首楞嚴義疏注經卷第二

首楞嚴經長水疏

7 7

師云。惡叉。樹名。其子形如沒食子。彼國多聚以賣之。如此間杏仁。故以為喻。 此云線貫珠。經云。諸法於識藏。藏於法亦然。更互為果性。亦常為因性。應法 種必有果。子子相生。熏習不斷。 如線貫珠。次第相連。名惡叉聚。惡叉梵語

諸天魔王。 諸修行人。不能得成無上菩提。乃至別成聲聞緣覺。及成外道 及魔眷屬

喻惑業苦也。

但修邪因名道。梵云魔羅。此云殺者。 失正墮邪也。不敘五道。故云乃至二乘。 心行理外 亦同邪見。不入正理名

皆由不知二種根本 0 錯亂修習。猶如煮沙 0 欲成嘉饌 0 縱 經塵

迷倫。自謂真修。焉知妄習。不循至教。 明失所以也。迷真習妄。種苦求甘。 但縱臆談。 沙飯異因 一失通途。莫返幽徑。悲夫。 寧論劫數。 心期正覺

子二別示二源二。丑一示妄源。

云何二種。阿難。一者無始生死根本。

標指也。

### 則汝今者。 與諸眾生。 用攀缘心 0 為自性者

不從緣生。計為常者。悉是顛倒。 為真性。執妄心為佛心。恃此修行。轉增我慢。涅槃經云。是諸外道。無有一法 故曰攀緣。造善惡因。受苦樂報。死此生彼。皆因此心。故云根本。不了是妄。 一迷為心。決定惑為色身之內。故云為自性者。吁嗟世人。莫不用此攀緣妄心以 正顯也。眾生受身。輪迴五道。莫窮初際。故云無始。聚緣內搖。趣外奔逸

⊙ 丑二示真源二。寅一正示。

## 二者無始菩提涅槃元清淨體。

妄染相應。故云元清淨體。何者是耶。 標指也。菩提智果。涅槃斷果。二果本具。 下云。 故云無始。 所依之性。本來不與

則汝今者識精元明 0 能生諸緣。 緣所遺者。

首楞嚴義疏注經卷第二

7 9

首楞嚴經長水疏

趣。及涅槃證得。斯之謂矣。 無始來。迷己為物。失於本心。對法經云。無始時來界。一切法等依。 名生諸緣。識相既現。元性即隱。名緣所遺者。遺失也。故下文云。一切眾生從 滅。謂不生不滅與生滅合。非一非異。名為識精。從此變起根身種子器世間等。 一者覺義。二者不覺義。覺義即是此文元明。元明者。本覺也。不覺即是無明生 正顯也。第八梨耶。 於諸識中。最極微細。名為識精。此微細識有二種義 由此有諸

) 寅二斥迷。

## 由諸眾生遺此本明。雖終日行。而不自覺。 枉入諸趣

用罔知。故云迷不自覺。真所謂持珠乞匃。懷寶迷邦。枉受淪躓。誠可憐愍。 本明周徧。含裹無餘。妙覺湛然。斯須匪離。步步是道。故云雖終日行 日

阿難。汝今欲知奢摩他路。願出生死 癸二正推真妄二體四。子一推徵妄體四。丑一屈指推徵四。寅一舉奉

奢摩他。即出生死。到涅槃之道路也。

今復問汝 0 即時如來舉金色臂。屈五輪指。 語阿難言。 汝今見

不。

欲推心 地水火風空輪各對一指。又一 指端有千輻輪相。 故云輪指。屈指問見。意

⊙ 寅二約見以酬。

光 阿難言見。 明拳。耀我心目 佛言 汝何所見 0 阿難言 0 我見如來舉臂屈指 為

佛手金光。耀我心目。此即心目俱見

⊙ 寅三再審誰緣。

佛言。汝將誰見 阿難言。 我與大眾 同將眼見

舉拳初問。便言耀我心目。再審誰見。又却獨不言心。意引推徵。 明露妄想。

師資善巧。共破執情。善哉大權。懸知今日。

⊙ 寅四別推心見。

佛告阿難 0 汝今答我 0 如來屈指為光明拳 0 耀汝心 目 0 汝目可

首楞嚴義疏注經卷第二

8 1

82

首楞嚴經長水疏

見

以何為心

0

當我拳耀

當猶對也。 汝目顯然。 故云可見 。又汝眼實可見我拳相。 意欲推心 且許其

眼。 眼即可見。 何者是心。 研覈至窮。 妄想須顯。

⊙ 丑二正陳妄體。

我將為心 阿難言 如來現今徵 心所在 0 而我以 心推窮尋逐 即能推者。

露 必待破除 能推之心。攀緣妄想 0 生死輪轉 0 是此為根。 固執既深。 河沙叵算。 故今呈

⊙ 丑三頓呵令問。

此非我心 咄 0 阿難 當名何等 此非汝 心 0 阿難矍然。 避座合掌。 起立白佛

我心。 世尊現相以呵叱。過之深也。 今被頓呵。 孰不驚愕。 咄。 阿難驚起以避座。執之重也。 呵聲。矍。 逸起貌 情之主宰。

丑四克示非真。

## 佛告阿難。 此是前塵虛妄相想。惑汝真性。

皆是妙明真精妙心中所現物。浮塵既現。實體即隱。能覆能暗。故云惑汝真性 心之與境。二俱虛妄。此心及境。即真如海中一浮漚耳。故下文云。汝身汝心 由汝無始。至于今生。認賊為子。失汝元常。故受輪轉。 前塵之相。本自虛妄。從識變生。猶如影像。而復引起念想。緣慮名之為心

認為真常。將謂嫡生。欲期嗣世。反遭破喪。歷劫貧窮。故失元常。受輪轉也。 故下文云。昏擾擾相。以為心性。一迷為心。決定惑為色身之內。不知色身外洎 山河虚空大地。咸是妙明真心中物。棄之大海。唯認浮漚。迷中倍人。真可憐愍。 此之妄想。能損法身。能傷慧命。功德法財由之喪失。名之為賊。迷而不識 ○ 子二顯示真心者。真心之體。本周法界。非妄非真。絕言離相。能攝一切世間 為隨順入於真如。真如之體。即一心也。一心真如及生滅相。無二無別。即三明 者。則彰樂淨。明體用。顯真妄。論因果。有修有證。或破或會。如斯顯示。皆 辭喪。心緣慮亡。無法可破。無法可會。此則难顯體大義也。若就生滅門顯此心 出世間法。然具三大。通二門。若約真如門顯此心者。則亡因果。絕染淨。口談

首楞嚴義疏注經卷第二

83

疾弗瘳。若根性調柔。妄情輕薄。指相即性。一切皆如。猶良馬見鞭。影動即正。 後令了妄即真。洎乎開悟。無妄可了。即云皆即菩提妙明元心。維摩法華皆有此 重。根有利鈍。乘有頓漸。教分權實。若執重根鈍。理須破斥。若藥弗瞑眩。厥 無所有。元是菩提妙淨明體。又云。生滅去來。本如來藏。此則先令明識真妄。 自性元常。不同前塵分別影事。但隨境轉。體是無常。下經又明。見與見緣。本 今經先破。後會。俾輕重二執皆盡。利鈍雨根俱入。如此段經。即明心能生法。 顯真心相者。依生滅門破妄顯也。然破會之相。諸經論中具有此二。蓋隨執心輕 一。即一論三。故得治生產業皆與實相不相違背。己界佛界。眾生亦然。今之所

獨供養如來。乃至徧歷恆沙國土。承事諸佛及善知識。發大勇 阿難白佛言。世尊。我佛寵弟。心爱佛故。令我出家。我心何 行諸一切難行法事。皆用此心

意。如調馬善醫。適時御物。在座根性既殊。說者理須兼二。如來善巧。妙達時

機。文二。丑一阿難伸疑二。寅一別敘疑三。卯一發心修行疑。

心。故敘為難。準涅槃經。發菩提心不是佛性。師子吼云。若一切眾生先有佛性。 何故復有初發菩提心者。佛言。菩提之心。實非佛性。是無常故。乃至雖念念滅。 起意修行。親近善友。即是發菩提心。如來常教令發此心。今復何故說為非

經欲明. 是故阿難同師子吼。以緣了性。難正因性。此則不辯三因常無常義。妄以為難也。 相續不斷。名為修道。猶如燈焰。雖念念滅。亦能破暗。菩提之心亦復如是。今 如來藏心常住真性。 即是涅槃正因佛性。發菩提心乃是緣了 體是無常

⊙ 卯二謗法退善疑。

# 縱令謗法。永退善根。亦因此心。

依之修行。能成佛道。 因之謗法。 永作闡提 0 佛說非心 誠為難信

⊙ 卯三無心土木疑。

#### 若此發明不是心者。 我乃無 心 0 同 諸土木

土木不能了知。 不能修謗。為無此心。此若非心。 土木何異。

● 寅二總結請。

眾無不疑惑。唯垂大悲開示未悟 離此覺知 。更無所 有 0 云 何 如來說 此 非 沙 0 我實驚怖 兼 此大

不了正因體徧。 通情無情 0 但執修謗之心。 便見土木無性 泊被 呵責此非汝

首楞嚴義疏注經卷第二

首楞嚴經長水疏

85

心。 惑者既群 由不早辯。遂至驚怖。 。卒難領悟。故再三疑難。請為開示也 然阿難豈謂不知。直為末世多作此計。 用妄心即是佛

⊙ 丑二如來正顯二。寅一約現法隨緣以顯心

摩 爾 阿難頂 時世尊。 開示阿難及諸大眾。欲令心入無生法忍。 而告之言 於師子座 0

法無生。印可決定。名無生忍。得此忍時 小緣。故佛安慰。警動其意。是故摩頂也 摩頂。安慰也。阿難疑問。將謂無心。 今若開示。必知體徧 通達一切法門。成就 切佛法 冥合此理。了 此非

成體 如來常說 0 諸法所生。 唯 Ú 所現 0 切 因 果 0 世 界微塵 0 因 心

為因。無始妄想熏習為緣。 如水起波。如鏡現像。故云唯心所現 總標色心 故云諸法 因緣和合 無別生處 0 0 0 成梨耶識。從此變生根身種子器世間等。 故曰唯心 一切因果者。別舉正報。 此法生起 0 謂由真質 聖凡總該 如不守自性 。故云

諸所緣法。唯心所現。外洎山河虚空大地。咸是妙明真心中物。故云因心成體 以為自體。 切世界微塵。別指依報。一切之言。亦通此轉。既由真心隨緣所現。亦依真心 0 寅二約自性不變以顯心二。卯一舉況 如像不離鏡。 波不離水。如下文云。我常說言。色心諸緣及心所使。

有體性 阿難。若諸世界一切所有 。縱令虛空。 亦有名貌 。其中乃至草葉縷結 0 0 詰其根元 咸

清為名。顯色是貌。妄相尚爾。況真心耶 世間妄有。不出色空。色中小者。草葉縷結 草葉有根種 縷結 因絲麻 太

⊙ 卯二正顯。

#### 何況清淨妙淨明 心 性一 切 心 0 而 自無體

性一切也。豈得妄想不實。真亦無體。故此責云。而自無體也 為像變。若為像變。則不能現一切諸像。以不變故。為像所依。 而一切法不能變動。若變動者。 清淨揀異妄染。妙淨明心。即三德具足。靈鑒無昧也。雖能隨緣成一切法 即無諸法。以不變故。為諸法性。如鏡現像。不 此亦如是。故云

首楞嚴義疏注經卷第二

87

首楞嚴經長水疏

88

若汝執恪分別覺觀所了知性。必為心⑥ 子三重破執情二。丑一就執定其有性。

牒其所執也。堅守不捨。 故云執格。思惟尋伺。藉緣托塵。 如劃: 隨

者。

手即滅。汝必以此為真性者。下即語云。

此心即應離諸一切色香味觸 0 諸塵事業。 別有全性

若保為真。離塵應在 定其有性也。色香等即是事境。有牽心用。故名為業。既因境有 自性元無

丑二就因顯其唯塵二。寅一正示难塵二。 卯一 例對 五

如汝今者。承聽我法 0 此 則因聲而有分別 0

因聲分別。全性元無。色香味觸。例此可見

⊙ 卯二單就法塵顯。

#### 縱滅 一切見聞覺知 0 內守幽 閑 0 猶為法塵分別影事。

若便將此內分別心為全性者。此亦非理。而不知此全由第六法塵影像事境所發 五境不對。 明了不行。 既絕外緣。故云內守幽閑也。當爾之時。 不無分別

云縱滅見聞覺知也 亦非全性。乃是意識在獨散位。比量別緣。取獨影境。非是明了。 同五所取。故

○ 寅二遣其自揣二。卯一塵亡體在容是真常

## 我非勅汝。執為非心。

我今非是不徇理道。 強制勅汝執為非心 意顯如來言無枉逼也

### 但汝於心微細揣摩。

何必求人矣。 但猶獨也。 此勸不由他人。獨於自心諦審揣度。 研摩理道也 此即理長即就

# 若離前塵。有分別性。即真汝心。

流水。望如恬靜。流急不見。非是無流 楞伽云。當於靜處。觀此妄想流注生滅。凡夫不覺。妄謂不動。 是佛。曾不仔細度量。此心剎那變異。猶如猿猴害馬。紛然亂想。無暫停時。故 已來念念相續。未曾離念。故說無始無明 若汝研窮此分別體。離六塵外實有性者。我即容許是汝真心。世人只知即心 首楞嚴義疏注經卷第二 。起信亦云。 故佛再令微細揣摩。 一切眾生不名為覺。以從本 楷定真偽。 故下經云。如瀑

首楞嚴經長水疏

9

◎ 卯二境去心空足彰虚妄二。辰一正示。

### 若分別性離塵無體 斯則前塵分別影事

別心。分別我容。離諸色相。無分別性 分別影事。如下文云。若真汝心。則無所去。云何離聲無分別性 若離前塵。無此分別。足顯分別宛是妄想。自性本無。屬於前塵 。斯則豈唯聲分 故可名為

⊙ 長二釋成。

### 塵非常住。若變滅時。此 ジ 則同龜毛兔角。

心因塵有。 塵屬無常。 塵既無常。 必歸變滅。皮之不存。 毛將安附

### 則 汝法身同於斷滅 。其誰修證無生法忍

寧有方所。凡夫身心。如影如像。 若斷。依何修行。證無生忍。若了如來藏心。本周法界 若汝堅執無常之心是真性者。應合法身同於斷滅。 執此影像 為佛性者 以法身體即真性故 。本無生滅。 何鄙哉 含裹十方。

⊙ 子四彰其自失。

即時。阿難與諸大眾。默然自失

依 心 阿難雖未悟真。且知執妄是失。故云默然自失 重研妄想。 本來徧圓 初聞佛斥 。此非汝心 而為世界因果微塵平等體性。 離塵無體 。豈是元真。若堅執不融 。則驚疑設難。將謂無心。洎乎顯示清淨妙明 佛雖開示。 0 法身應斷 又恐久執尚堅 0 修證法忍必無所 0 0 性一切 再約緣

癸三結示執妄過失。

#### 成 佛告阿難 阿羅漢 0 世間 一切諸修學人 0 現前雖成 九次第定 0 不得 漏盡

無漏 名阿羅漢。秦言過三有。 此明不得大乘阿羅漢也。 隨禪感果。不出三界。故非無漏。非別指於滅盡等九。亦可別斥前之九定 盡者。乃通指世間有漏心。修欲界末至及四禪四空定耳。凡夫修禪。多生 一禪入一禪。心心相續。 。俱是不了。問。既修此定。 四禪四空。 首楞嚴義疏注經卷第二 及滅受想。名為九定。通名次第者 故知 更無異念可間雜故。然修此定。 纓絡經中。初歡喜地名鳩摩羅伽。秦言逆流 0 今言不得漏盡。 能得無漏。何故經云不得漏盡成阿羅漢 乃指不斷二障之漏。不證大乘羅 。若入禪時 能成無漏。今言不得漏 0 智慧深利 。乃至七地 )。 答。 )。雖通 味著

首楞嚴經長水疏 92

況究竟無學。佛地始稱。故佛三號有阿羅訶也。

漢也

果 皆由執此生死妄想。 誤為真實。是故汝今。 雖得多聞。 不成聖

究竟。故云未得。若約大乘。故無所惑 以為真實。由是不辯。認妄為真。久處輪迴。 若了真妄。達法界性 。見與見緣。似現前境。元我覺明。終不誤執生死根本 不成聖果。然阿難亦得初果。

其見。  $\odot$ 來藏。 慧用差別 清淨眼等。此蓋先體後用。法如是也。然體用二法不相捨離。體是即用之體 生愛樂。 即體之用。 辛二破妄見明真見者。 文三。 蓋心為萬法之源。見為六根之首。 即一真法界。離緣絕相。是所觀境。境既已說。次明能觀之智。智即是慧。 洎乎舉拳再問。復云耀我 。說名為見。見有正邪。故須料揀。故下文云。唯願如來開我道眼 壬一承前開示責己求哀二。癸一責己無修二。 故前後經文。明心則約見而辯。顯見則就心而論。故知 由前佛問 心目。 入道 發 七處徵詰。三疑拒抗 心有真妄。見具正邪。故前破妄心顯如 **心** 0 遂答因覩如來 子一正敘 0 相 **但** 且 0 由 論 一法義分二 眼 觀 **心** 

阿難聞已 0 重復悲淚 0 五體投地 0 長跪合掌。

責己內重。涕淚外形。拜而復跪。冀聞正說。

出家。心不入道 白佛言 0 將謂 如來惠我三昧 自我 從佛發 0 出家。 不知身心本不相代 恃佛威神 常自思 0 失我本 惟 雖身

雖復乞食經歷多年。初未曾求大乘法食。衣嚴法體。食資慧命。不識本常。衣食 自證。本不相代。斯之謂歟。涅槃云。汝諸比丘。身雖出家。 初心入道。 罔解克修。 **恃賴親因。將惠正受。豈知身戒雖從佛得** 而未曾染大乘法服。 。心定宜當

子二喻顯。

# 譬如窮子捨父逃逝。今日乃知。

今日乃知。 淨覺。故云捨父。 窮子捨父喻也。絕無功德法財。以養法身慧命 輪轉五道。 往而不返。故云逃逝。 故云窮子。 因佛指示 方知過誤 不識本真

首楞嚴義疏注經卷第二 93

首楞嚴經長水疏

雖有多聞 。若不修行。 與不聞等。 如人說食。 終不能飽

譬如大明中。有燈而無目。多聞利智慧。是所說應受。無聞無智慧。譬如人身牛 如人有目。日光明照。見種種色。若偏文字。不習觀門。說食何異。故大論云。 有慧無多聞。是不知實相。譬如大暗中。有目無所覩。多聞無智慧。亦不知實相 說食不飽喻也。前法後喻。合之可知。夫修行者。必須內修理觀。外助多聞

) 癸二述迷求解。

## 世尊。我等今者二障所纏 良由不知寂常

二障名體。如常所辯也 業性不結。誰曰生死。誰為涅槃。涅槃生死。猶如昨夢。今為所縛。實為不知 慧不解脫。迷法空理。不知諸法性相。若了本性常寂。諸法元空。 煩惱所知。名為二障。由煩惱障障心。心不解脫。造業受報。 自然擾惱不生。 由所知障障慧

#### 惟願如來 哀愍窮露 發妙 明心 開 我道

非露如何 無財之極曰窮。無上可覆曰露。既無功德法財。非窮如何 。發妙明心。破煩惱障也。 開我道眼。破所知障也。 既開道眼 既無權實父母 0 見性明

心。二障若亡。二執隨遣。近成住地。遠至妙覺。善哉妙請。不亦至哉

⊙ 壬二放光灌頂許為宣説二。癸一放光灌頂。

# 即時如來從胸卍字涌出實光。

長壽二年。權制此字。安於天樞。其形如此。卍音為萬字。佛胸前有此之形。然 德。梵云阿悉底迦。此云有樂。即是吉祥勝德之相。有此相者。必受安樂。則天 八種相中。此當第一。謂吉祥萬德之所集也。 前光從口。此光從胸者。前文從說顯心。此文從心發見。卍字者。表無漏性

方所有寶剎諸如來頂 其光晃昱。 有百千色。十方微塵普佛世界 。旋至阿難及諸大眾 0 時 周 徧 徧 灌十

普見十方。智照無遺。微塵皆徧。徧灌佛頂。智果必同。 體既具德。用不離體。用亦具德。故云有百千色。 及諸大眾。 時周徧者 乘因不二。 無漏淨眼 0

告阿難言。吾今為汝 建大法幢。 亦令十方一切眾生 0 獲妙微

癸二許為開顯。

首楞嚴義疏注經卷第二

密性淨明心。得清淨眼。

首楞嚴經長水疏

96

95

地見之。如隔羅縠。故曰微。惟佛與佛乃能究盡。故曰密。心即體也。 根本智性因茲顯發。能建大義名大法幢。三德秘藏不縱橫竝別。 故云妙。十 眼即用也。

0 舉前所答問其因由二。寅一問因。 壬三約破執廣辯見性二。癸一且示見性惟心二。子一舉前問答引出常情二。丑

汝將誰見 阿難。汝先答我見光明拳。 此拳光明 0 因何所有 0 云何成拳 0

此問有三。正在誰見。餘即兼耳

⊙ 寅二答由。

我實眼觀 阿難言。由佛全體閻浮檀金。絕如寶山 0 五輪指端屈握示人。 故有拳相 。清淨所生。 故有光明 0

浮果汁。點物成金。因流入河。染石為金也。其色赤黃。兼帶紫焰故也。觀經疏 此西域河名。其河近其樹。其金出彼河。此則河因樹名。金因河稱也。或云。 先光。次見。後拳也。不從問次者。 文便故也。閻浮檀金。 正云染部捺陀 閻

不如此 說。閻浮檀金。超過紫磨金色百千萬倍。唯聖所知。佛身光明猶如聚日。 赩 。大赤色也。

- 丑二且約無拳例其無見二。寅一約無拳 以 例 問 卯
- 佛告阿難。如來今日實言告汝。諸有智者。要以譬喻而 得開悟 0

無智之人。縱喻難明。故舉智者因喻開悟。

⊙ 卯二正例。

以 阿難。譬如我拳。若無我手。不成我拳 汝眼根 0 例我拳理 0 其義均不 0 若無汝眼 0 不成汝見 0

以其情見必然。故順情而問。待其伸答。後乃奪之。

○ 寅二據常情以類答。

阿難言。唯然世尊。 事義相類 既無我眼 0 不成我見。 以我眼根。 例 如來

果然情見。不出於斯。故答相類

首楞嚴義疏注經卷第二

97

首楞嚴經長水疏

子二約盲緣以奪破六。

丑一奪。

98

 $\odot$ 

滅 佛告阿難 彼無眼者。 0 汝言相類 非見全無 。是義不然 0 何 以 故 0 如無手人 0 拳畢竟

意明盲雖無眼。心中有見。後自釋之。

⊙ 丑二驗。

見何虧損 答汝。我今眼前。 所以者何。 汝試於途。 唯見黑暗。更無他矚。 詢問盲人。 汝何所見。 以是義觀。前塵自暗。 彼諸盲人 必來

盲雖不見明。 還能見暗 即此見暗 亦名為見。 故云見何虧損

⊙ 丑三難。

阿 難言。諸盲眼前 唯 覩 黑暗 0 云 何成見

常情見暗。不名為見。故以此難。

⊙ 丑四徵。

有別 佛告阿難 0 為無有別 0 諸盲無眼 0 唯觀黑暗。與有眼人 0 處於暗室。 二黑

徴訖。

⊙ 丑五通。

如是世尊。 此暗中人 0 與彼羣盲。二黑校量。 曾無有異

無眼見黑。與有眼見黑。二見無別。故知見即是心。 不唯在眼

⊙ 丑六釋三。寅一牒向執情。

名眼見者。 阿難。若無眼人。全見前黑。 忽得 眼 光 0 還於前塵見種 種色

無眼見黑。有眼見塵。汝必許此是眼所見

● 寅二引燈例破。

彼暗中人全見前黑 0 忽獲燈光。 亦於前塵見種種色。 應名燈見 0

此正例。無燈見黑。 有燈見塵。亦應許此是燈所見

首楞嚴義疏注經卷第二

9

0

若燈見者。 燈能有見。 自不名燈。又則燈觀 何關汝事

首楞嚴經長水疏

眼不是見。燈之與眼。但是見緣。體非是見也。 彼暗中人得燈光時。不合名見。燈自見故。應知因燈見色。燈不名見。 此縱破。設或汝許名為燈見。燈若有見。應名為人。不合名燈。 又若燈見。 因眼見色。

⊙ 寅三結歸心見。

是故當知 0 燈能顯色 0 如是見者。 是眼非燈

舉前有眼。在暗室時。因燈顯照前塵境界。 眼方得見。此名眼見

眼能顯色。如是見性。是心非眼

眼見。 心非眼也。窮其根本。見性元心。遞遞相推。心為其主 此舉盲者得眼光時。因眼顯照前塵境界 不識是心。今此且令知其根本。未辯真妄。 0 心方得見 0 0 餘是助因 以前例此。 0 應知見性是 以常情只知

癸二廣約諸相辯釋三。子一對境動搖麤論真見二。 丑一阿難佇佛慈音

阿難雖復得聞是言。與諸大眾。 口已默然。 心未開悟。猶冀如

# 來慈音宣示。合掌清心。佇佛悲誨。

羝羊觸藩。斯之謂矣。心既未了。口即默然。密冀如來慈音開示 是真。前文廣破非真。乃云前塵虛妄相想。惑汝真性。進之又不可。退之又難明。 雖知見性唯心。未識真妄。若言是妄。如來又許獲妙明心。 得清淨眼

丑二如來廣為開示三。寅一問悟客塵引其開解二。卯一如來問悟因由

我初成道。 爾時世尊。舒兜羅綿網相光手。開五輪指。誨勅阿難及諸大眾 於鹿園中

漢 。 阿若多五比丘等。及汝四眾言。一切眾生。 即波羅奈國鹿野苑中。五仙所居修行處也。佛成道後。 皆由客塵煩惱所誤 。汝等當時因何開悟。 先入此園。度五人耳。 今成聖果 不成菩提及 阿羅

習外道法。佛成道後。思欲先度彼勞苦者。天眼觀見在仙人苑。故往開示。三轉 雪山修道。父王憶戀。遂召彼往親近承事。彼疑非真。相次捨去。同在鹿園 五比丘者。謂阿若憍陳如。摩訶男。頞鞞比丘。婆提。婆敷。此五。佛初出

首楞嚴義疏注經卷第二

法輪 俱生微細難辯如塵。此俱喻煩惱障也。若下圓通。陳如述證。即通大乘。客如煩 。說生滅四諦。苦集滅道。今言客塵者。即別指集諦。分別煩惱麤動如客

102

首楞嚴經長水疏

⊙ 卯二陳如述己領解二。辰一標所悟。

惱。塵如所知。二義無在

時僑陳那起立白佛 二字成果 0 我今長老。 於大眾中獨得解名 0 因悟客塵

如主及空。因即獲果。 否。答言已解。因得解名。悟此見修。 德長臘高。最初度故。名為長老。佛轉法輪。五人之中。陳如先悟 如客如塵。證得無為生空涅槃。湛然不動。 佛問解

⊙ 長二述所解二。巳一述容義。

主人 不遑安住 。以不住者。名為客義。 譬如行客。 0 若實主人。自無攸往。 投寄旅亭。 或宿或食。 如是思惟。不住名客。住名 宿食事畢。 俶 裝前途

煩惱 食宿事畢。俶裝前 旅亭。止客舍也。 數數造業。 流轉五道 途 俶始前進。 未曾暫息。三界旅泊 遑 。暇也。 此明客義。恩恩不暇停 受果始畢 又造新業 住 0 喻分別 故云

0 巴二述塵義

動 名為塵義 又 如新霽。清陽昇 0 虚空寂然。 佛言 如是。 如是思 天 0 光入 惟 0 隙 澄寂名空。 中 。發明空中諸有塵相 搖動名塵 0 以 搖 0 塵質搖 動者。

言如是也。 意引阿難聞而 虚妄不息。主人及空。俱喻真性不動之義。始佛問悟客塵。此欲陳如明其行相 難見。自非觀智照現。終不覺知。與身俱生。與心同事。故此煩惱體全是生滅 此舉新晴太陽高照。光入牖隙。 開解。了真見常寂。 身境動搖。 現空中塵。 陳如剖析 搖動不息 。甚合佛心。 。此喻俱生 故此印 煩惱 0 可 細

寅二放光屈指辯其靜 搖 二 0 卯 約 境開 合 以 辯見三。 辰 引手 問答

首楞嚴義 疏 注 經卷第二 103

如來 首楞嚴經長水疏 0 於大眾中 0 屈 五輪指 0 屈已復 開 0 開 已 又屈 0 謂

 $\begin{array}{c} 1 \\ 0 \\ 4 \end{array}$ 

阿

即

時

難言。 汝今何見。 阿難言 0 我見 如來百寶輪掌 0 眾中開合

問答可知。

• 長二就見推窮

佛 非我見性有開有合 有開有合 告阿難 0 阿難言 汝見我手眾中開合 0 世尊寶手眾中開 0 為是我手有開有 合 0 我見 如來手自開 合 0 為 復 汝見 合 0

此明境有開合。 見無開合

 $\odot$ 辰三再審動 靜

誰為無住 佛言。誰動誰靜 0 佛言如是 0 阿難言 0 0 佛手不住 0 而 我見性 0 尚無有靜 0

以動靜相形 阿難已聞客塵搖動。 則佛手是動。 虚空與主常自寂焉。 見性是靜。 若只就見體所明 今遇此問 0 例知見性無動無靜 本不曾動 0 若

此答稍符於真。故佛印言如是

是。良以諸疑未斷。執情深重。是故且就淺近。寄明深旨。至下文殊為 見與見緣。無體可得。本同空華。元是妙明。無生滅故。下經觀河之見。亦復如 身以辯見性。 常。二乘所執。不知無常。凡夫迷倒。 為身。以動為境。從始泊終念念生滅。此等皆明身境無常。見性常住也。 其意。學者知之。文二。辰一放光左右以辯頭 經云。妄認四大為自身相。下經亦云。諸可還者自然非汝。又云。云何汝 執身執境。不了空無常故。於此造業。流轉無窮。本真自性。迷而不識 顯。向下只於內身自分動靜。動中有不動意。明境之與身俱是生滅 卯二約身搖 一往麤淺。若原佛意。非離此見別有性常。性常真體只就此顯 上來明境有開合。見無動靜 下自雙破 0 。至文當知 。然此所 明 0 0 對境對 不見性 故 。以 圓覺

頭自搖動 又放一光在阿難左。 如來於是從輪掌中 何因搖動 0 阿難言。 0 我見如來出妙寶光來我左右 飛一寶光在阿難右 阿難又則迴首左盼 0 0 佛告阿 即時 阿 難 難 0 故左右觀 迴首右 0 汝頭今日 盼 0 0

稍知見體無動 。審問不移。故言頭自搖動。

首楞嚴義疏注經卷第二

1 0 5

首楞嚴經長水疏

0

辰二約頭搖動以明見。

阿難 頭自動 。汝盼佛光 。而我見性 。左右動頭 。尚無有止。誰為搖動 0 為汝頭動 0 為復見 佛言如是 0

0

0

世尊

我

06

阿難認見不移。若無相形。亦無動止。故佛印可

0 寅三雙結會通責其迷失二。卯一雙結會通。

名之為客。 於是如來普告大眾。若復眾生。以搖動者名之為塵。 以不住者

此結陳如悟客塵。客塵動搖。俱喻煩惱

汝觀阿難頭自動搖。見無所動。又汝觀我手自開合。見無舒卷。

前後會通。其揆一也 應知。客必有主。塵處有空。 此結阿難答身境。手有開合。頭自動搖。身境客塵。同一生滅。更無二別。 對佛手之見。形頭動之性。未嘗動靜。豈成去來

卯二總責迷失

云 何汝今。 以動為身。 以動為境。從始洎終。念念生滅。遺失

### 真性。顛倒行事。

如來藏。故云以動為身。念念生滅等。此即責無常計常也。二乘雖知一切無常。 有。計我我所。起惑造業。流轉三界。受於一切身心大苦。尚不知生滅。豈知本 行事。其猶棄海認浮漚者耳。 而不悟知本常妙性。湛然不動。故云遺失真性。既不識真。 總責也。總責凡夫二乘。無常計常。常計無常。凡夫不了身境無常。 亦不辯妄。故云顛倒 妄執實

### 性 心失真。 認物為己。 輪迴是中。自取流

體不識。妄取他緣。如懷至寶。於外求匃。誰之過歟。故云自取流轉。 夫以動為身等也。下文身之與心。皆是真心中所現物。執為自己。顛倒斯甚。自 結失也。不了性一切心。即是失真。此斥二乘不知常也。 認物為己。

### 首楞嚴義疏注經卷第二

首楞嚴義疏注經卷第二

## 首楞嚴義疏注經卷第三

首楞嚴經長水疏

長水沙門子踏集

108

0 子二就破顛倒漸明真見二。丑一且對匿王破其斷見二。寅一述阿難所懷願辯真

爾時阿難及諸大眾 ジ 。妄認緣塵分別影事。今日開悟。 聞佛示誨。身心泰然 如失乳兒。忽遇慈母 0 念無始來。失却本

深。 昏惑難曉。幸逢嘉會。遭此良時。法乳既滋。如子遇母。不亦快哉 悟知緣塵之心是影事。又識對境之見是不動。翻思往日。認妄失真。流浪既

合掌禮佛 二發明性 願聞如來顯出身心真妄虚實。現前生滅與不生滅 0

境之見。元來無動。廣責認物為己 無自性。元是一真。 前文叱責此非汝心。蓋令識妄。 一真未嘗動搖。 0 性心失真。阿難罔測佛之深旨。將謂真妄二 仍指諸法唯心所現。此又令了所現之妄。本 諸法何曾生滅。佛意欲其即妄見真。遂印對

旨。 體全殊。生滅之外有不生滅。若如是者。唯心之言虛設。妄法之語徒施。逐語迷 終成顛倒。 雖懷疑念。未敢形言。故云合掌禮佛願聞等也。

⊙ 寅二明匿王引外請證不生四。卯一引外敘疑。

時波斯匿王。 胝子。咸言此身死後斷滅 起立白佛 。我昔未承諸佛誨 。名為涅槃 勅 0 見 迦旃延 毘羅

言斷滅。此人異計。不知業種相生。妄謂死後即是涅槃。 母號。此外道起自然見。外計雖多。不離斷常二見。 迦旃延。姓也。名迦羅鳩馱。此外道執一切法亦有亦 此二皆斷見類。 無 刪闍夜是名 故云咸 · 毘羅

眾諸有漏者。咸皆願聞 我雖值佛 0 今猶狐疑。云何發揮。證知此心不生滅地 0 0 今 此大

孰是孰非。猶豫不決。故云狐疑。 心雖密請。 狐性多疑。凡遇氷處。聽水無聲。然後方行。昔聞死後斷滅。今聞不滅不生 口不形言。故引外宗。 冀佛開示。近破外道斷見。令知死後續生。深 匿王深體阿難所懷。 知於生滅之外求不生滅。

引阿難。悟真不離生滅妄識。 故云證知此心不生滅地。

1 0

首楞嚴經長水疏

⊙ 卯二述身遷改四。辰一問答身常不常。

佛告大王。汝身現在。今復問汝。 為復變壞。世尊。 我今此身終從變滅 汝此肉 身為同金剛 0 常住不

佛舉此問。欲顯生滅中有不生滅。如前頭自搖動。 見無所動。

⊙ 辰二問答未滅知滅。

佛言。大王。汝未曾滅。云何知滅。 雖未曾滅 殞亡 不息。決知此身當從滅盡 。我觀現前念念遷謝。新新不住 世尊。 0 我此無常變壞之身。 如火成灰。漸漸銷

那盡故 前念滅。後念生。剎那變異。如火燒薪。必歸磨滅。俱舍云。以諸有為法剎

⊙ 辰三問答老幼何貌。

佛言如是 0 大王。 汝今生龄已從衰老。 顏貌何如童子之時。

比為問。十五曰童。未巾冠也。齡。年也。 王述無常。念念遷謝。其理必然。故印如是。欲其更敘遷謝之相。以老少相

見比充盛之時。 迫於衰耄。 世尊。我昔孩孺。膚腠潤澤。年至長成 形色枯悴。 精神昏昧。髮白面皺。逮將不久 。血氣充滿。 而 今頹齡 如何

滿。頹齡。即今六十有二。年齡頹朽。近於七十。故云迫於衰耄。老少相異。云 美曰腠。此皆童子時相。長成謂成人之時。此從二十已上至強壯時。故云血氣充 何世尊見此相比 始生曰孩。始行曰孺 0 孺 0 濡也。言濡弱也。 膚。 布也 。布在表也。 文理光

● 長四問答頓漸流年。

佛言。大王。汝之形容。應不頓朽。

王言。 前敘相變。今問年變。由年變故令其相變。不頓朽言。要敘漸老。念念遷移。 世尊 變化密移 0 我誠不覺。 寒暑遷流 0 漸至於此 何

首楞嚴義疏注經卷第三

我見密移。 又衰二十。於今六十又過於二。觀五十時 以 故 。我年二十 雖此 殂落 。雖號年少。 。其間流易。 顏貌已老初十歲時 且限十年 0 宛然強壯 0 三十之年 世尊 0 0

故云殂落。流變易改也。 十年為限。麤相而觀。 殂。往也。落。猶不住也。少壯不住。 往而

若復令我微細思惟。其變寧唯 紀二 紀 0 實為年變。

此以一年為限。年年變改。何啻十年。十二年曰紀也

豈唯年變。亦兼月化。

此以一月為限。月月不同。不唯約年也

何直月化。兼又日遷。

何直 無常之相。猶是麤浮。未為微細 。猶不但也。此以一日為限。日日更化。不但約月。 已上從寬至狹。 四

沈思諦觀 0 剎那剎那。 念念之間 0 不得停住 0 故 知 我身 終從

#### 變滅。

若置眼睛上。違害極不安。愚人如手掌。不覺行苦遷。智者如眼睛。違極生厭患。 十二年為一紀。前約十年為限。是約一紀。舉全數爾。 縛。三十臘縛為一須臾。三十須臾為一晝夜。三十晝夜為一月。十二月為一年 至年之與月。俱是時之分齊。又云。百二十剎那為一怛剎那。六十怛剎那為一臘 言剎那者。時之極少也。俱舍論說。時之極少名曰剎那。時之極長名之為劫。乃 細四相。遷流不息。凡夫心麤。殊不知覺。古德偈云。如以一睫毛。置掌人不覺。 此至細而觀也。若以沈靜其思。審諦觀察。即剎那不停。念念流變。此即微

⑤ 卯三示性不滅三。辰一佛問不滅王答不知。

身中有不滅耶。波斯匿王合掌白佛。我實不知 佛告大王。汝見變化。遷改不停。悟知汝滅。 亦於滅時 汝知

欲世尊明示。今蒙佛問。 生滅麤相。如前可知。不生滅性。亦在汝身。汝知之否。匿王舉外敘疑。 故答不知。 俾

首楞嚴義疏注經卷第三

首楞嚴經長水疏

 $\overset{1}{\overset{1}{4}}$ 

0 殊。及會三科文首。分明顯會。 維摩云。如自觀身實相。觀佛亦然。肇公以萬物即不遷。 發深解而知滅元不滅。即相顯性。在此密談。頭自搖動 生滅了不生滅。相雖麤近。旨甚深微。 **辰二許示無生廣辯無改。此下約王自小至長。見河不變。以明見性。意顯只於** 始現其意。文二。巳一許示無生。 一令匿王驗麤相而悟捨生趣生。 。見無所動。是此意也。 何但於見。下文佛答文 一使慶喜

佛言。我今示汝不生滅性。

許於正生滅時。示無生理也。

⊙ 巳二徵詰廣辯三。午一問答見河之初

婆天。經過此流 大王。汝年幾時。見恆河水。王言。我生三歲。慈母携我謁耆 。爾時即知是恆河水

此以年問見者。意明年變。見不變也。 耆婆。此云命。西國風俗。皆事長命天神。子生三歲。即謁彼廟。 謝求得也。

⊙ 午二問答見河同異。

歲時 佛言 。念念遷變。則汝三歲見此河時 0 大王。 如汝所說 。二十之時衰於十歲。 。至年十三。其水云何 乃至六十 0 日月 0

王言。 如三歲時。宛然無異。 乃至於今年六十二。亦無有異。

無異之語。甚好思量。一往麤浮。再思有旨。

◆ 午三問答見有童耄。

恆河。 佛言 。汝今自傷髮白面皺 與昔童時觀河之見。有童耄不。王言不也。世尊 0 其 面 必定皺於童年。則汝今時觀此

色身麤相。童耄易知。見性不遷。誠難覺了。對此辯異。令悟無生也

⊙ 辰三克指常性斥彼置疑。

佛言。大王。汝面雖皺。 皺非變。變者受滅。彼不變者。元無生滅。云何於中受汝生死。 而此見精。 性未曾毅 皺者為變。 不

克指常性也。生滅但遷有為。無為不受生死。若知不變。即見無生。

而 猶引彼末伽梨等。都言此身死後全滅。

趣爾指也。色身變異。可說無常。見性不遷。理非斷滅 斥彼置疑也。末伽梨是字。母名俱奢梨。此指與匿王所引異者。 俱是外道

首楞嚴經長水疏

1 1 6

卯四信悟續生。

曾有 王聞是言 信知身後 0 捨生趣生 0 與諸大眾 0 踊 躍歡喜 得未

未即顯言也。 敘其淺悟。 但云捨生趣生。鞠彼深意。必知滅元不滅。隨宜領解。 主伴同致。

◎ 丑二正對阿難破其常見二。寅一阿難乘違發問

洗我塵垢 滅 阿難即從座起。 。云何世尊。 名我等輩 禮佛合掌 0 0 遺失真性 長跪白佛 0 0 世尊。 顛倒行事。 若此見聞必不生 願興慈悲 0

佛。願聞如來顯出身心真妄虛實。現前生滅。與不生滅二發明性。匿王知其懷抱。 辯真見。無離生滅。有不生滅。阿難罔知佛旨。猶謂生滅與不生滅別。遂合掌禮 見無開合。頭自動搖。見無搖動。 之與我。孰親孰疎。 據此見河之見。與我見聞無殊。於王即云不滅不生。於我即云遺失真性。王 苟或殊途。如何分辯。然此問意。由來久矣。始因手自開合。 一一佛印。皆言如是。此則如來令於妄見。即

諍。 又不發問伸誠。於是引外六師。執身死後斷滅。所冀佛親開示。即妄見真。責引 故茲問也。 無執二別。 阿難古佛。豈茲不了。蓋為今日惑重情深。須示瞢然。確陳拒

為正為倒 即時如來垂金色臂。輪手下指。示阿難言。汝今見我母陀羅手。 0 寅二如來驗破執情 三。 卯一驗出倒情二。 辰一垂手以問引出常情 四 ೮

亦有正倒。 下指。指下也。母陀羅。 此云印 此意欲明見手不同 。有正有倒 以況其見

○ 巳二答。

阿難言。世間眾生以 此為 倒 0 而 我 不知誰正誰倒 0

此推世人以此為倒。而我不知云何。

已三徵。

佛告阿難。 若世間 人 以 此為 倒 0 即世間人將何為正

若以垂手為倒。復將何者為正。

首楞嚴經長水疏

18

已四釋。

### 阿難言。如來豎臂。 兜羅綿手。上指於空。 則名為正

性真。 破。 生之性。阿難既陳諍問。 責顛倒行事。既了妄本無體。合知真自寂然。遂許對頭動之見。觀河之性 豎手為倒。却以為正。以不順身故。此為阿難不辯真妄。執妄失真。故如來 無別真也。慶喜依前不了。將謂妄外有真。遂不甘我為顛倒之人。王是無 如來就事以驗。逆順之境不辯。顛倒之情難脫。 下文即 。即是

長二豎臂以示比出顛倒。

瞻視 佛即豎臂 0 告阿難言。若此顛倒 0 首尾相換 0 諸世間人 倍

倍瞻視 上。 故云首尾相換。世人不依本分。以正為正。而別生異見。 既云豎臂為正 佛便豎臂。隨而責之。此即正是顛倒也 以倒為正 指本垂下。 0 故云一

汝等之身號性顛倒 則知汝身。與諸如來清淨法身。 比類發明。如來之身名正徧知 0

倒。 **徧知。凡夫二乘無此號者。皆顛倒故** 亦可。若以佛之見手類顯佛身。明知佛身名正徧知。 明知汝身號性顛倒。 若以此驗之。則知汝身與如來身。比竝類例。顯發彰明。佛身是正 汝胡非是顛倒行事。 正徧知者。 若以汝之見手。 離倒名正。窮盡法界名 比竝汝 汝身應

⊙ 卯二徵其倒處二。辰一徵倒所在。

### 隨汝諦觀 汝身佛身。 稱顛倒者。 名字何處 號為顛

學者請詳。無見榮古 相解。遂令下經正辯顛倒。 是倒。汝名自身何處名倒。此則令其識顛倒處也。名字猶詺目也。古人於此作泯 隨者。猶任從也。任汝心中諦審觀察。佛若是倒。汝名佛身何處是倒。 血脈不貫。便成孤起。既絕正倒。 如來何故却說顛倒

反二敘其罔知

首楞嚴義疏注經卷第三

1 1 9

首楞嚴經長水疏 20

於時阿難與諸大眾。

瞪瞢瞻佛。

目睛不瞬。不知身

心顛

倒所在

向佛直視 瞪。直視貌。瞢。昏悶不了也。聞徵倒處。瞢然不了。既不措其一辭。 但知

⊙ 卯三廣示倒相二。辰一興悲告語敘其常說。

子 興慈悲 我常說言。色心諸緣。及心所使 0 哀愍 阿 難及諸大眾。發海潮音。 0 諸所緣法。唯心所現 编告同會。 諸善男

涅槃等。 同二妄。 所說真如。猶是對妄而立。既因對待。還成妄法。 前法無體如影 待請也。色謂十一種色。心謂八識心王。諸緣即總指色心。或可別指不相應行。 心所即五十一心所。諸所緣法謂六無為也。此上五位一百法。攝諸法盡 天鼓無思。隨人發響。海潮無念。要不失時。此表無緣慈悲。應機而說。不 又云。無為無起滅。不實如空華。圓覺云 由是五位諸法。 。真如無為。名假體實。為諸法性 如鏡現像。 唯心所現。皆同影像也 不離於鏡。 無體可得。 問。前五無為。 何言無體如影像耶 如下經云。言妄顯諸真。妄真 。圓覺流出一切清淨真如菩提 皆是真 可同

辰二顯真示妄斥其倒情二。 ල \_ 就法辯釋迷情五 0

### 汝身汝心 皆是妙明真精妙 心 中所現物

辯 由是顛倒於茲可識 心現身心。 如鏡現物。 物不是鏡。 物體虛故。 鏡不是物 0 鏡體實故。 虚實既

⊙ 午二責失。

#### 云 何汝等。 遺失本 妙 0 圓妙明心 。寶明妙性 認悟中 迷

顛倒 本性 也。故云本。言語道斷。心行處滅。故稱妙。再三歎美。故疊言之。悟即是覺。 圓明性也。迷即不覺。妄身心也。不覺處覺。 心即是性。體徧故圓。無昧故明。具法可重。故名為寶。元來自爾。 執似像之身心。不辯虛實。 今正指此顛倒處也 斯為大失。 故云認悟中迷。前云名字何處號 如像處鏡。 虚實可辯。今棄如鏡之 非適今

) 午三敘妄。

晦 昧為空 0 趣外奔逸 0 空晦 暗 中 暗為色 色雜妄想 想相為身 聚緣

首楞嚴義疏注經卷第三

首楞嚴經長水疏

1 2 1

其中。色想相雜。有知覺處成於根身。想澄凝處即是器界。此則第三現相也。以 覺。相織妄成。是第一重。名為劫濁。此三細中業轉二相。亦云同異。亦云動靜。 下文云。迷妄有虚空。又云。汝見虚空徧十方界。空見不分。有空無體。有見無 由此動靜互相待故。於此二相。暗中結成形色。即根身器界也。形色既現 無明體暗。故云晦昧。內有無明 。外現空相。故云為空。 ,此則最. 初劫濁也 。想處

念相續熏習不斷。遂成分離。取六塵相。流趣不息。故云趣外奔逸。 有境界緣故。牽起麤識。念念分別。相續不斷。故云聚緣內搖。 此前二麤也。由 此後二麤分

離識也。從微至著。三細四麤。為煩惱道。畢於此矣。

○ 午四顯執。

### 昏擾擾相以為心性 迷為 ジ 0 決定惑為色身之內

為佛心。 決定不改。謂言我心在色身內。 世人不知。元是無明展轉麤動 一何鄙哉 0 將此昏迷擾擾之相。 遂起有情無情之異。 便為真實心性 有性無性之殊 0 認妄心 從迷

○ 午五結迷。

### 不 知色身。 外洎山河虚空大地。咸是妙明真心中物

知此理。却執我心在色身內。故此結示 體。能變所變。皆是鏡心所現影像。故前文云。汝身汝心皆是真心中所現物。不 相分。又此空界從迷妄生。識所變故。能變之識。全是無明。迷真而起。 根身種子屬內。緣而執受。山河大地屬外。但緣非執受。此之三境皆是賴耶 亦無自

巴二約喻結指倒相。

### 譬如澄清百千大海棄之。 唯認 一浮漚體。 目為全潮 0 窮盡瀛

倒 擾相以為心性。故云唯認等。全潮。大瀛。渤澥。皆海之異名也。 即前甚深義也。百千者。即前廣大義也。不識是元清淨體。故云棄之。只取昏擾 德不備。如海珍寶。無法不現。如海現影。其體湛寂。不與妄染相應。故云澄清。 汝等即是迷中倍人。如我垂手等無差別。如來說為可憐愍者。 例前結指也。棄之大海。是一迷也。認漚為海。是倍迷也。垂手是正。執為 如來藏有四義。故以海喻。永絕百非。 迷也。豎手是倒。 首楞嚴義疏注經卷第三 認為正。倍迷也。前舉事以驗。後引喻以況。中間以法 如海甚深。包含萬有。 如海廣大。

首楞嚴經長水疏 2 4

進退相例。正指倒相 皎然明白。 如何謂言是泯相耶 0 有智請詳。

○ 子三廣約緣塵正顯真見。以前文中。約對手觀河。示見無生。 妙淨明體。分明顯會。 隱密。未為顯了。不名正顯。故科云麤論漸明也。 悟彰疑二。卯一述悟。 相。顯此見性。不落戲論。然後逐段會通。 故云正顯真見也。文四 令知諸法虚妄。本無所有。唯一菩提 0 丑一顯緣心非性二。 今此已下。廣對緣塵。 相淺意深

悟妙明 阿難承佛悲救深誨 心 元所圓滿 。垂泣叉手。 。常住心地 而 白佛言 0 我 雖承佛 如是妙音

因佛廣示顛倒 。顯出真心。於能詮言音。 悟所詮 心地

卯二彰疑。

而我悟佛現說法音。 願佛哀愍 現 以 0 宣示圓音 緣心 0 允 0 所瞻仰 拔我疑 0 根 徒獲此心 0 歸無上道 未 敢

所責言。 佛以言音詮此真性。今我領解。復是緣心所悟真性。能悟緣心。還同如來前 如汝今者承聽我法。此則因聲而有分別。有何別耶。由是未敢認為本元

其音韻常不雜亂。 心地。心有能生可依止義。喻之地也。言圓音者。 如起信疏解 一語言。徧窮生界。 而

- ◎ 寅二如來約喻顯釋二。卯一指定其非
- 佛告阿難 0 汝等尚以緣心聽法。 此法亦緣。 非得法性

能所相。 既不可。聽豈可耶。緣心者。但緣語言文字。故云非得法性。若能忘懷合道。 因聲而有分別。此分別性即是生滅。維摩云。無以生滅心。行說實相法 一念不生。前後際斷。斯可名為真得法性。 說

此人豈唯亡失月輪。 如人以手指月示人。彼人因指當應看月。 卯二喻顯其失二。辰一執指亡月斥認能詮二。巳一喻二。午一指月雙迷 亦亡其指。何以故。 若復觀指以為月體 以所標指為明月故

指月俱迷。詮旨兩失。 言而體之。不能亡言。豈能見性。不能遺指。豈識月輪。圓覺云。修多羅教如標 月指。若復見月。了知所標畢竟非月。 指喻能詮言教。月喻所詮真理。若欲見月。須亡指以觀之。若欲見性。須亡 在文可見 一切如來種種言說。開示菩薩亦復如是。

首楞嚴義疏注經卷第三

首楞嚴經長水疏

26

午二明暗俱失。

明暗二性無所了 豈唯亡指。 亦復不識明之與暗 故 0 何 以 故 即 以指體為月 明 0

言教屬有為無記。故暗。 真理屬無為性善。 故明

能喻

可

⊙ 巳二合。

### 汝亦如是。

以法合喻。如上所辯

• 辰二客去主留責滯緣想二。巳一約法喻順推有體三。

若以分別我說法音。為汝心者。此 心自應離分別音。有分別性

若因佛說法。生分別心。 此分別心本無自性。故屬緣塵。 隨塵有無。

住。但如其客。

午二喻。

去 如有客 名為亭主。 0 寄宿旅亭 暫止便去。 終不常住 0 而掌亭人都無所

此明緣心隨境往來。真心湛然常住。以客喻妄。 以主喻真。

午三合。

# 此亦如是。若真汝心。則無所去。

如下經云。聲無既無滅。 聲有亦非生。生滅二圓離 。是則常真實

○ 巴二約緣塵反責無性三。午一例成無性

無 云 分別性 何離聲無分別性。斯則豈唯聲分別心 0 分別我容。 離 諸色相 0

周徧法界。湛然常住。隨聲之心既然。隨色之心亦爾。故云豈唯等。 緣心若是真性。應如其主。何得隨聲來去。 以離聲時。 無分別故。 豈同真心

⊙ 午二指同外宗。

### 如是乃至分別都無。

前舉色聲顯心無體。 亦合徧歷香味觸法。 今此超過。故云乃至分別都無。

非色非空。拘舍離等。昧為冥諦。

1 2 7

首楞嚴義疏注經卷第三

處說。拘舍梨者。非即數論。是彼類耳。趣爾舉也。 纏縛。不得解脫。我若不思。冥諦不變。既無纏縛。 為神我。亦計為常。我思勝境。冥性即變二十三諦。為我受用。我既受用 奢薩咀羅。此云數論。立二十五諦。最初一諦名為冥性。計以為常。第二十五名 不可見故非色。緣會有故非空。言冥諦者。或云冥性。或云自性 我即解脫 0 名為涅槃 。梵云僧伽 如別

● 午三結責非主。

### 離諸法緣 。無分別性 0 則 汝心性各有所還 云何為主

隨塵各還。是則為客。云何名主 真心如主。妄想如客。客有來去。主無移動。若離法緣無分別性。顯汝心性

丑二示見性無還二。寅一阿難承前敘難。

阿難言。若我心性各有所還。 垂哀愍。 為我宣說 則如來說妙明元 心 0 云何無還 0

於所示之妙明。故云。則如來說云何無還。 心性之言。通於真妄。阿難執者是妄。 還猶滅也。 如來示者為真。今以所執之生滅。 疑

寅二如來約相對辯三。卯一約權標指以許說

佛告阿難。且汝見我。見精明元。

且者權宜之辭。權指阿難能見之心。為明元也

汝無所還地 此見雖非妙精明心 0 如第二月。非是月影 汝應諦聽。

眼生。 影也。水中月影。從真月降。可喻妙應。感而遂通。捏目所觀 此之明元。非本真性。其猶捏目所見之月。本無所有。非月影者 堪喻妄見。本不可得。只就此見。權示無還也。 0 全體虛妄。 。非水中之

卯二約境可還以明辯二。辰一明境有還二。已一列八境

阿難 則 觀壅。分別之處。則復見緣。頑虛之中。 雲霧晦瞑 行昏塵。 0 此大講堂。 0 澄霽斂氛 則復昏暗。戶牖之隙 洞開東方。 0 又觀清淨 日輪升天。 。則復見通。 編是空性。鬱垮之象。 則有明曜。 牆宇之間 中 夜黑月 則復

舉此明暗通塞空有染淨八種之相。皆仗因托緣。 以立其象也。

30

○ 巳二明各還。

首楞嚴經長水疏

難。 阿難 故還日。暗還黑月 鬱埠還塵。清明還霽。 此諸變化。明還日輪 。汝咸看此諸變化 。通還戶 相 0 0 牖 吾今各還本所因處 則諸世間 何以故。無日 。壅還牆宇。 一切所有 不明 緣還分別。 。云 0 不出斯 明 何本 因屬日 類 頑虚還 因 是 阿

此之八境既從緣有。還從緣無。有去有來。 非同真見。

○ 長二示見無還三。巳一標。

汝見八種見精明性。當欲誰還。

能觀八種之見。名為見精明性。既非緣生。當還何所。豈同八境各有所歸

巴二釋。

見無差別 何以故。若還於明 0 則不明時無復見暗。 雖明暗等種種差別 0

真見離緣。緣還見在。若隨境去。後更誰觀。境自有差。見且無別

⊙ 巳三結。

#### 諸可還者。 自然非汝 0 不汝還者 0 非汝 而 誰

八境可還。自非汝見。汝不還性。正是汝真。此若非真。孰為真耶

⊙ 卯三就實彰迷以結責。

是故如來名可憐愍。 則知汝心本妙明淨。 汝自迷悶 。喪本受輪。 於生死中常被漂溺 0

汝元常。故受輪轉。然雖權指。意顯即是。以末不離本故。 迷而不知。却執緣塵。自取流浪。如前文云。由汝無始至於今生。認賊為子。失 前將八境。以對妄見。權示無還。由是則知。本妙明心未嘗生滅。 本有真性。

◎ 丑三約體用重明二。寅一伸問。

### 阿難言。我雖識此見性無還。 云何得 知是我真性

前對八境。 權指妄見有無還義。 因是得識本真元性

首楞嚴義疏注經卷第三

為復只此表知性常。為更有義。 首楞嚴經長水疏 別得真妄。故云云何得知等 32

0 也。 優劣以略 向下。更約用有優劣。體無差異。用約人辯。體對物論。斯則前後三義以辯真 一顯無生滅 明。 。二明有滕用。三示無差別。故此寅二答釋分為 二科 約用

禪得無障 佛告阿難 0 吾今問汝 0 今汝未得無漏清淨 0 承佛 神 力 0 見 於初

借通令見者。意欲阿難信知自己見之真用。有若是也。色界之首。梵眾梵輔大梵 俱名初禪 得初果證。方斷分別。故云未得無漏。自無定力。 假他而見。故云承佛 神力

#### 而 阿 ,那律 見閻浮提。 如觀掌中菴摩羅果

意樂。 大辟支見百佛界。 修天眼用見世事。因是修得。見三千界如觀掌果。大論所明。大阿羅漢見小千界。 阿那律此云如意。亦云無貧。過去以食施辟支佛。九十一劫天上人中 無所劣少。未入道時。為性多睡。為佛所呵。因是不寐。遂失明耳 諸佛見一切佛土。那律獨見大千者。以彼徧修作意數故 受如

聲聞天眼第一。今言閻浮者。以大千皆有閻浮。以別顯總。亦不相違

## 諸菩薩等。見百千界。

方如來。窮盡微塵清淨國土。無所不矚 初地見百佛土。二地見千世界。乃至十地見無量不可說佛剎微塵數世界也。

用。 隨證所得。漸明漸遠也。 佛具五眼三智。所見窮盡法界。已上四位。階級所見。淺深不同 蓋真見之

## 眾生洞視。不過分寸。

後五重。條然可辯。而云。云何得知是我真性。胡不察焉。 隔紙瞙不見外物。隔皮膚不見五藏。豈同前聖真見之用 斯則真見妄見。 前

卯二約體非物以廣辯二。辰一正辯見體非物三。巳一標塵。

有昏明種種形像。 阿難。且吾與汝。 無非前塵分別留礙 觀四天王所住宮殿。中間徧覽水陸空行。 雖

分別者。差別也。或可前塵留礙。 即是所分別之境。

首楞嚴義疏注經卷第三 133

首楞嚴經長水疏

1 3 4

⊙ 巳二勅揀。

汝應於此分別自他。

今吾將汝。擇於見中 此標勸也。汝應於此所緣境中。試分自他。令其差別。自即見性 。誰是我體。誰為物象。 他即物象

是其物象。此正勸令揀也。 將。請也。誰。何也。 我今請汝。於所見中詳而擇之。何者是汝見體。 何者

○ 巳三正辯二。午一明非見之物是前塵

阿難 雖種種光。 川。草芥人畜。咸物非汝。 。極汝見源 亦物非汝。 0 從日月宮。是物非汝 漸漸更觀 0 雲騰鳥飛 。至七金 0 風 山 動塵起 周編諦 樹木 觀

窮也。研窮汝之見性。自遠至近。 所見無非物象。非是汝之見性

○ 午二明非物之見是真性。

阿難。是諸近遠諸有物性。雖復差殊。 同汝見精清淨所囑。 則

## 諸物類自有差別。見性無殊。 此精妙明。誠汝見性

云何得知是我真性。今明。境自差別。見性無殊。由是得知是汝真性 物類雖殊。見性常一。不隨境異。即是汝真。此顯真見平等無差。 汝前問云。

○ 辰二廣破展轉執情二。巳一師資能見互緣破三。午一正破。

# 若見是物。則汝亦可見吾之見

是物。應被汝見。 汝若執言。汝能見心。同所見物。亦有差別。 斯則見即是物 佛之見性亦合

午二轉破。

### 若同見者。名為見吾 0 吾不見時。 何不見吾不見之處

見。 若見不見。自然非彼不見之相。 處。意云。我若不緣彼物之時。名為不見。此不見體汝應合見。為何不見也。 經文省略。但云見吾。此牒所計也。即便破云。吾不見時。何不見吾不見之 汝若執言。我與世尊同緣物時。世尊之見既著彼物。我見物時。便是見佛之

1 3 5

首楞嚴義疏注經卷第三

首楞嚴經長水疏

不見之體已被見故。 便破云。自然非彼不見之相。意云。不見之體。既被汝見。此則何成不見之相。 此破轉計也。汝若執言。 我亦見佛不見之體。復有何失。故云若見不見。 即

⊙ 午三結破。

### 若不見吾不見之地 。自然非物。 云何非汝

吾見若非是物。汝見亦非是物。汝見既非是物。云何非汝真見 論者。合云。若不見吾不見之處。亦不見吾見處。既不見吾見處。吾見自然非物。 此文之意。展轉結歸都有五重。以顯阿難見性。經文存三。 而隱二意。若具

⊙ 巳二心境更觀雜亂破三。午一正破。

#### 我并諸世間 又則汝今見物之時。汝既見物。物亦見汝 。不成安立 0 體性 紛雜 0 則 汝與

則人物如何分辯。物體見性自然雜亂。物即是汝。汝即是物。世間一切俱不成立。 如何名為安立諦耶。 又若汝執見性是物。亦應彼物即是於見。 如是則應汝見物時。 物亦見汝。

午二顯是。

阿難。若汝見時。是汝非我。 見性周徧 0 非汝而誰

見性周徧了知。此周徧性若非汝真。復是何耶。故結云非汝而 若汝現見物時。宛然分辯。阿難非佛。佛非阿難。此則世間顯然安立。皆汝

⊙ 午三斥疑。

#### 云 何自疑汝之真性 0 性汝 不真。 取我求實。

知是我真性 是妙明真精妙心中所現物。而不自識。却從他求。豈不迷倒。此之大意。明真見 離緣。周徧法界。湛然常住。妙用無邊。平等清淨。體非差別。 責其不認也。此是汝之真性。能性於汝。謂性一切心也。前云。汝身汝心皆 用釋前文云何得

丑四就 疑難廣釋四 0 寅一破見性縮斷疑三。 卯 伸疑

勝藏寶殿 阿難白佛言。 。清 0 心戶堂但瞻簷廡 居日月宮。 世尊 0 若此見性 此見周圓 必我非餘 0 编娑婆國。 0 我與 退歸精舍。 如來 0 觀 四 紙見 天王

首楞嚴義疏注經卷第三

1 3 7

敘見近遠也。因前開示。雖了是真。洎觀遠近。不無疑悔。 四天宮殿與日月

首楞嚴經長水疏

同四萬由旬。娑婆此云堪忍。大千界之都名。今舉總顯別也。僧伽藍摩。 此

云眾園。廡。堂下也。

復此見縮大為小。為當牆宇夾令斷絕。 世尊。此見如是。其體本來周徧一界。 垂弘慈。為我敷演 我今不知斯義所在 今在室中唯滿一室 0 0

真。既未親證。故難領會。此之疑意。亦約外相以明縮斷。乘前起難以洗物情 猶豫在懷。故云不知斯義所在。以阿難未證真如。未發真用。佛隨外相。對物辯 一界。初天也。一室。講堂也。借力見寬。自力見狹。寬狹既著。 縮斷堪疑。

⊙ 卯二正破三。辰一總斥其非。

佛告阿難 見有舒縮 切世間大小內外諸所事業。 各屬前塵 0 不 應說言

大小內外。對待假立。 俱屬前塵。能見真心何舒何卷。故此總責。 令知其非。

○ 辰二舉喻釋義四。巳一雙問。

譬如方器 定方。為不定方 中見方空。吾復問汝。 此方器中 0 所見方空。 為復

器喻前塵。空喻見性。空之方圓。喻疑見舒縮

⊙ 已二雙破。

方空。 若定方者。別安圓器 。空應不 圓 0 若不定者。 在方器中 應無

定方者。顯是方器無方虛空。 方器中空若定方者。除去方器。 別著圓器 此處虛空應無圓相 若言虛空不

已三合顯。

### 汝言不知斯義所在 義性如是。 云何為在

無處不徧。如來亦爾。徧 此明真見周徧。無有方所 汝疑見性縮斷。要在一義決定。見性之義猶如虛空。虛空豈有方圓而可在耶。 首楞嚴義疏注經卷第三 切處。是故為常。無常之法。此有彼無。 如彼虛空。故涅槃云。有常之法徧一切處。虛空常故 如來不爾。

首楞嚴經長水疏  $\frac{1}{4}$ 

是故為常。

○ 巳四會釋。

除虚空方相所在 阿難。若復欲令入無方圓。 但除器方。空體無方。 不應說言更

達解無大小義。但去塵境大小。不可說言見性寬狹 入。達解也。若欲達解無方圓義。但去器之方圓。 不可更除虚空方相 若欲

⊙ 辰三就疑難破二。巳一以延破縮疑。

面 若如汝問 0 入室之時。縮見令小 0 仰觀日 時 0 汝豈挽見齊於日

若汝執言縮見成小。 應可引見令伸。等到日邊。挽引齊等。 面猶邊也

○ 巳二以續破斷疑。

若築牆宇。 能夾見斷 穿為小寶。 寧無續迹 是義不然

竇。孔穴也。若執夾令見斷。應可接之。令見相續。若相接者。 應有續迹。

⊙ 卯三會通二。辰一迷心執境。

中 0 切眾生從無始來 觀大觀 。 小 迷己為物。失於本心 0 為物所轉。 故於是

觀性。但知隨境生執 生諸緣。緣所遣者。境從心變。心隨境轉 迷真性之己。成色心之物。 。故有前來種種疑倒 色心既成 0 真性即隱。 故見大小之異。內外之殊。 故云失於本心 不能離緣 前文云能

⊙ 辰二悟物同真。

若能轉物 含受十方國土。 0 則同 如 來。 身 ジ 圓 明 0 不動道場。 於 毛 端 徧 能

妙覺明。 界。此乃悟物咸真。即成妙用。故下文云。我以不生不滅合如來藏。 轉物。背塵合覺。同諸佛矣。身心圓明者。身圓明則毛端現土。心圓明則徧照法 性真常中。求於去來迷悟生死。了無所得。斯則了妄唯真。 若了色心。因緣和合。虛妄有生。因緣別離。 首楞嚴義疏注經卷第三 圓照法界。是故於中一為無量。乃至坐微塵裏轉大法輪等 虚妄名滅。生滅去來。 無物可轉。為真 0 然上諸文。 而如來藏唯 本如來

首楞嚴經長水疏

是迷己所成。無心外法可以相對。則法法皆如。塵塵咸偏。分明顯示。令悟本真。 相而辯。密示生滅即不生滅。尚見外境是生滅法。今此會通。令了心之與境。皆 俱約對境辯見。顯不生滅。如對手之開合。身之遷變。境之可還。物之差別。 **同如來耳。下文縱有破諸疑難。一一隨文會通。皆此意也** 

⊙ 寅二破見性離身疑。 之旨。便謂如來令轉前物成我真見。物若是見。此則見性離身而有 文三。卯一伸疑三。辰一疑。 此疑。因前佛令轉物則同如來。身心圓明 0 不了會通萬法 故成此疑。

見必我真。我今身心復是何物 阿難白佛言。 世尊 0 若此見精 必我 0 妙性 今此妙 性 現在我

是真我。現今身心須不是我。復是何物 若此物處見精。定是我之真性。顯是此性在我眼前 0 已離我體 0 此眼前見既

⊙ 辰二難。

見性實我 而 今身心分別有實。彼見無別分辯我身。若實我 0 而身非我 ジ 0 令我今見

若以現理而推。今此身心實有分別 。緣於境界。 彼在前見。 且無別識分辯我

身。 彼若實我真心令我見者。彼既真我。 我應非我

長三結。

何殊如來先所難言 物能見我 唯垂大慈 開發未悟

設使彼見能有分辯。 何殊前難。汝既見物物亦見汝 則諸世間不成安立

 $\odot$ 卯二廣破三。辰一如來破其疑三。巳一標指其非。

佛告阿難 。今汝所言見在汝前。是義非實。

斯理。 前顯諸法唯心。故云若能轉物。不了斯旨。妄謂見在眼前 雖形其言

⊙ 巳二牒疑立理

若實汝前 汝實見者。 則此見精既有方所。 非無指示

設若眼前可見。應有處所可指。豈成真見離名絕相

巳三依理正破二。午一約離物以推是見三。未一推徵其體 四 0 申 令觀物象

首楞嚴義疏注經卷第三

1 4 3

汝今於我師子座前。舉手指陳是種種相。陰者是林。 且今與汝坐祇陀林 礙者是壁。通者是空。 首楞嚴經長水疏 。徧觀林渠及與殿堂。 如是乃至草樹纖毫。 上至日月。 大小雖殊 明者是日 前對恆河 但可有 1 4 4

物象差異。巨細雖殊。形相既分。必歸指示

0

無不指著。

⊙ 申二勸指見精。

若必其見。 現在汝前 0 汝應 以手 0 確實指陳 0 何者是見

見性若在汝前。便同物象可指。見性如何

⊙ 申三以理推徵。

是見。 阿難當知。若空是見 何者為物 0 既已成見。 何者是空 0 若物是見 既已

諸象雖差。不離空有。故將二事。以辯是見也。

⊙ 申四使其明示。

分明無惑 汝可微細披剝萬象。析出精明淨妙見元。指陳示我。同彼諸物

此見精分明出現。如諸物象。更無迷亂 披。開。剝。拆。析。辯也。物象現前 纖洪咸見。應於此處開析分辯。 令

⊙ 未二答釋不能二。申一述己不能。

縱目所觀 阿難言。我今於此重閣講堂。遠洎恆 。指皆是物 。無是見者。 河 0 上觀 日月 舉手所指

目觀手指。但見緣塵。於諸物中不辯是見。

⊙ 申二引他识己。

物象前 世尊。如佛所說。況我有漏初學聲聞。 。剖出精見。 離一 切 0 別有自性 乃至菩薩。 亦不能於萬

出其見。況我聲聞初學者乎。 若如佛說。令指見精。 分明無惑。至於證真大菩薩等。亦不能於諸物之中分

首楞嚴義疏注經卷第三  $\frac{1}{4}$ 

首楞嚴經長水疏

1 4 6

言。如是如是

申三印成難

辩

印其不能分出見性

⊙ 午二約即物以推非見四。未一牒前無是。

佛復告阿難。 汝所指是物之中。無是見者。 如汝所言。無有見精。 離 切物。 別有自性 則

故下徵之。 既不能於物中辯出見性。斯則所指咸物。 無於是見。 既無是見。 應即非見。

○ 未二徵此有非。

今復告汝。 。必無見精受汝所指。汝又發明。此諸物中 汝與如來坐祇陀林。更觀林苑 乃至日月。 何者非見 種種象

語生執。洎乎徵詰。罔知所從。向下會通。皎然可見。 所指物象。既不是見。反應非見。若了唯真。更無是見非見。以不了故。 隨

未三答釋不知。

見。 阿難言 細發明。 非見 云何見空。 0 無非見者 我實編見 云何見樹 若空 此祇陀林 0 若樹 一即見 即見 0 復云 0 不知是中何者非見 0 何空 復云何樹 0 我又思惟 0 如是乃 0 0 至 何 是萬象中微 以 0 若空非 故 0 若

之既不可。即之又難明。 及。云何現今復見於樹。 先答不知也。何以下。 進退研之。未知所適。 又若此樹即是於見。云何更名此以為樹。空例此釋。 釋不知所 以 。若也樹不是見。 應離能見之外。 見所不

⊙ 四印成難曉。

佛言。如是如是。

如汝所辯。無非見者。無乃是乎。故云如是。

⊙ 辰二大眾失其守。

失其所守 於是大眾非無學者。 聞佛此言。 茫然不 知是義終始 0 時惶悚

首楞嚴義疏注經卷第三

 $\frac{\bar{4}}{7}$ 

首楞嚴經長水疏

破。由是非無學者。一時惶悚。 不知能見所緣。俱為勞相。是非即離。咸是緣塵。既法空之慧未開。智障之惑難 茫然者。 暝昧不明也。是見義既失。非見理復乖。 終始難明。守歸何所。而

⊙ 辰三法王安其意。

矯亂論議 無上法王是真實語 如來知其魂慮變慴。 0 汝諦思惟。 0 如所 心生憐愍。安慰阿難及諸大眾。 無忝哀慕。 如說 0 不誑不妄。 非末伽 梨四種不死 諸善男子

論相 佛有五語。謂真語。實語。如語。不誑語。 曰如。心境相應曰不誑。 變。動。慴。懼也。世間王者尚無二語。何況法王親證而說。故云如所如說 。故令諦而思惟。不須心辱哀慕 四種矯亂。至下當辯。此意所明 懸見未然曰不異也。知時知機 不異語 是非雙離。 無偽曰真 心境俱融。 應根而說。 0 稱理曰實 顯真妙體無戲 豈同外道不

長水沙門子璿集

0 卯三會通二。辰一文殊旁為請問三。巳一敘其不悟

是時 明二種精見色空。是非是義 禮佛足。合掌恭敬 。文殊師利法王子。愍諸四眾。 。而白佛言。世尊。 在大眾中 此諸大眾。 0 即從座起 不悟 如來發 頂

之二義也。 旁為發機。先敘不悟。後方請示。言二種者。謂於色空之上。辯於精見是與非是 大眾茫然不知所措。雖聞安慰。令諦思惟。智慧不明。罔解所問。 文殊智德。

〇 凸二出其因由。

應無所矚。而今不知是義所歸。故有驚怖。非是疇昔善根輕尠 世尊。若此前緣色空等象。 若是見者。應有所指 若非見者。

自是是非難明。非謂善根尠少。 首楞嚴經長水疏 故此惶悚。疇昔。 往日也。

> 1 5 0

⊙ 巳三為其請問。

中 唯願如來。大慈發明。 間無是非是。 此諸物象。 與此見精。元是何物。 於其

與緣元是何物。無是非相 及至魂慮變慴。又囑汝諦思惟。深欲令了法界一相。文殊愍眾。請佛明示。此見 阿難前云。無是見者。 無非見者。如來一一印許。意令於真法界。達無是非。

○ 辰二如來正與會通三。巳一顯諸法唯真是非雙絕

佛告文殊及諸大眾。十方如來及大菩薩。 於其自住三摩地中

無自他相見。登地已上分證此法。亦如佛見也。 自住之定即首楞嚴三昧也。諸法如幻。法界一相 起信云。諸佛已離業識。

見與見緣。并所想相。

見謂識體。 見緣即根。是增上緣。能生識故。 所想相即境也。是所緣緣。牽

此根境識即十八界。攝一切盡。 生識故。下文云。想相為塵。識情為垢。或可見即是根。見緣即境。 即龍樹四句中 因緣所生法也 所想相即識

## 如虚空華。本無所有。

翳。三界若空華。 此則我說即是空 此根境識。從妄心有。其體元無 0 如空中華 0 翳病故見。下文云 見聞如幻

#### 此見及緣。

雖如幻華 本無其體 0 世俗諦中說名根境。 即亦名為假名

#### 元是菩提妙淨明體 0 云何於中有是非是

來緣塵辯見。或見或塵。 此則顯一真法界離性離相。圓收諸法。無不是如。云何更說是見非見。 若離覺性則無不覺。下經亦云。見與見緣。似現前境。元我覺明。即亦是中道義 也。文殊前問。此諸物象及此見精元是何物等。故佛答云。元是菩提妙淨明體。 諸法無體。不覺故有。不覺即覺。元是菩提。起信云。念無自相。 是非之相。若不以三昧遣蕩。 何能契此一如。 不離本覺 即洗滌前 故淨名息

1 5 1

首楞嚴義

疏注經卷第

四

言。意在於此。

首楞嚴經長水疏

1 5 2

 $\odot$ 巳二引文殊為例二相元無三。 午一引例二。未一 問

## 文殊。吾今問汝。如汝文殊。更有文殊。是文殊者。為無文殊 0

證乃知。若不指事以明。 非以立。無即待有而稱。是非有無戲論之見。豈會一真。前約觀門無是非相 立一無名。為無文殊。為得已否。意顯一真體上。不立是名。不立無相。 佛意問云。如汝文殊。是一體性。吾欲於此更立是名。為是文殊。復欲於此 未證如何領解。故託文殊以明一相 是即對 唯

○ 未二答

殊 如是世尊 然我今日非無文殊。於中實無是非二相 0 我真文殊。無是文殊 0 何以 故 0 若有是者 0 則 二文

見之與緣。亦復如是。同是一真。故無二相也。 立無者即成斷滅。將何名為真文殊體。但於真體。無是非相。亦不可說真體全無。 先答無是。若立是者。即須對非。便有二相。 故云則二文殊。 次答無無

⊙ 午二合顯。

淨圓真心 佛言。此見妙明。與諸空塵。亦復如是。本是妙明。無上菩提 0 妄為色空。 及與聞見 0

如 即同文殊。無是非相。故云亦復如是。 此見及緣。皆是妄心分別故有。說何為是而更立非。若了法界一 相 咸是一

● 午三重喻。

是月非月 如第二月。 誰為是月 0 又 誰非月 0 文殊 0 但 月真 0 中 間 自無

月非月。 本唯一月。未曾有二。病眼不了。二相俄生。既知第二無體。 更欲名誰為是

⊙ 巳三指妄顯真結成得失。

是以 是 由是精真妙覺明性 。汝今觀見與塵。種種發明。名為妄想。 0 故能令汝出指非指 不能於中出是非

妄想若存。 心境難脫。 故不能出是非是相。若一念不生。前後際斷 唯一 妙

首楞嚴義疏注經卷第四

首楞嚴經長水疏

1 5 3

覺湛然周徧。於中更無是相非相。指即是見也。非指即非見也。 彼我天隔。苟能居一切時。不起妄念。於諸妄心亦不息滅。住妄想境不加了知。 字法師。困於章句。竟不能通一相一味者。莫不競執空華。爭馳二月。攻乎異端。 但文變耳。然文

於無了知。不辯真實。斯則隨順覺性。云何更容是非是相於其間哉

性非生滅 阿難白佛言。 寅三破因緣自然疑二。卯一破自然二。辰一伸難三。巳一外計同真難 世尊。誠 如法王所說。覺緣徧十方界。 湛然常住

覺之緣由行相也。周偏無生即是其緣。

滿十方。有何差別 與先梵志娑毘迦羅所談冥諦。 及投灰等諸外道種 0 說有真我編

遂計身中有一神我。常在不滅。處處受生。徧十方界。彼之所說計我行相。 炙身也。我徧十方者。此外道不知阿賴耶識。為界趣生本。含藏種子。惑潤受生。 婆羅門此云梵志。或淨志。 投灰等即苦行外道。裸形披髮。 五熱

真覺。故云有何差別。

○ 巳二自語相違難。

我說因緣 世尊。亦曾於楞伽山 非彼境界 為大慧等敷演斯義。 彼外道等常說自然 0

外道執自然見。因緣之義非是外道所知境故。 毘楞伽。此云能種種現。佛於彼山 。為大慧菩薩說楞伽經 明諸 因緣 破彼

⊙ 巳三雙結請開示。

與彼自然。 今觀此覺性自然。 云何開示不入羣邪 非生非滅 0 0 獲真實心妙覺明性 遠離一 切 虚妄顛 倒 0 似 非 因緣

明一真法性。豈同因緣。 遂即妄計。烏自然黑。鶴自然白等。故佛說有因緣。約世間相緣起道理。 如何分辯。此不知如來隨宜說法。在楞伽時。為破外道不了業種熏習。 今觀覺性。本是無生。離諸虛妄。有似不同楞伽所說。與彼外道自然執見 隨他意語耶 感外增上。 今此直

百楞嚴經長水疏

1 5 6

○ 長二正破二。已一牒疑審定。

佛告阿難 阿難。 0 我今 若必自然。 如是開示方便 自須甄明有自然體 0 真實告汝 0 汝猶未悟 惑為自

若是自然。必須有體。如何甄別。 示方便者。約理約事。就喻就境。 一無非顯真實性。尚此不了。 迷作自然

⊙ 巳二就緣推破二。午一徵。

汝且觀此妙明見中。 以空為自 0 以塞為自。 以何為自。 此見為復以明為自。 以暗為自。

自然之體為何所在。故約四境以問。顯體無得

○ 午二破。

阿難 如是乃至諸暗等相 。若明為自 0 應不見暗 以 為自者。 0 則於明時。見性斷滅。云 若復以空為自體者。 應不見塞。 何見明

不然。云何妄執。 若四境即是見之自體。則互相乖反。為自不成。隨屬一境。即不見三。今汝

卯二破因緣二。長一翻前為難三。已一伸難

諮詢如來。是義云何合因緣性 阿難言。必此妙見性非自然。 我今發明是因緣生。 0 心猶未明。

性湛然常住圓滿十方。行相相違。故云云何合因緣性 既非自然。必是因緣。 因緣之義。無常生滅。此有彼無。 體非周 徧 豈同覺

⊙ 巳二正破二。午一破因義二。未一徵。

因明有見 佛言。汝言因緣。吾復問汝。 0 因暗有見。因空有見。因塞有見 汝今因見。見性現前 0 此見為復

以境為因。 有此見性。 故云因見。還以四境徵其見因。

⊙ 未二破。

因空因塞。 阿難。若因明有 同於明暗 。 應 0 不見暗。 如 因暗有。 應不見明 0 如是乃至

四境相違。一三互闕。為因不成

○ 午二破緣義二。未一徵。

首楞嚴義疏注經卷第四

1 5 7

58

復次 阿難。 此見又復緣明有見。緣暗有見。緣空有見。 緣塞有

首楞嚴經長水疏

因親緣疎。分為二門。互相違破。四義徵訖

⊙ 未二破。

緣明緣暗。 阿難。若緣空有 同於空塞 。應不見塞 0 若緣塞有 0 應不見空 0 如是乃至

如文。

⊙ 巳三會通二。午一亡相顯法。

非 當知如是精覺妙 0 無是非是 。離 明 一切相 0 非因非緣 0 亦非自然 0 非不自然 0 無非不

謂非因緣非自然。非不因緣非不自然。不因緣義在自然中也。 非自然。非是。非非。此四是藥。經文從非因緣下三句。雙亡因緣自然之藥病。 所亡之相通有八句。謂因緣也。自然也。是也。非也。此四是病 無非下二句 。非因緣

語道斷。故云離一切相。 是非之藥病。謂無非無不非。無是無不是。藥病俱亡。 以前諸相皆是虚妄徧計執故 無迹可滯。心行處滅。言

#### 即一切法。

云。圓成實於彼。常遠離前性。下經廣辯。須預此知 故名真如。唯識亦云。此諸法勝義。亦即是真如。常如其性故。 起信云。是故一切法從本已來。離言說相。離名字相。離心緣相。乃至唯是一心。 精覺妙明。非別有體。但於諸法遠離前來虛妄徧執。即是圓成妙覺明性 即唯識實性。又

⊙ 未二結責滯情。

摩虚空。秖益自勞。 汝今云何於中措心 0 虚空云何隨汝執捉 以諸世間戲 論名相 而 得分別 0 如 以手掌撮

汝暫舉心。塵勞先起。 因緣自然等。皆是世間戲論名相。如何以此。於真覺中舉心分別。 以名相手摩真覺空。勞黷自為。 一無所益。 如下文云。

⊙ 辰二引經為難三。巳一伸難。

首楞嚴經長水疏

阿難白佛言。

世尊

0

必妙覺性非因非緣

0

世尊云何常與比丘

0

60

宣說見性具四種緣 0 所謂因空因明因心因眼 。是義云何

即分別緣也。 此依俗諦具緣能見為難。 唯識說九緣。 此唯出四。 約小乘義。減大五緣。 心

⊙ 巳二正破三。午一總示雙徵。

佛言。阿難。 我說世間諸因緣相 非第一義

於理如何。 說第一義。故非諸相。 今以世諦因緣為難。 如說鏡體明淨 以像差別為難

阿難。吾復 闪問汝 0 諸世間 人說我能見 0 云何名見 0 云 何不見

徵問世諦見與不見之由。

⊙ 午二別答雙難二。未一答。

三種光明 阿難言。 世人因於日月燈光 則不能見 0 見種種相 0 名之為見 0 若復無此

湛然之見。如下文云。緣見因明。暗成無見。不明自發。則諸暗相。永不能昏。 此舉由一明緣。以答見種種相。世間之法。假因託緣。方始名見。非是離相

⊙ 未二難二。申一正難。

云何無見 阿難。若無明時名不見者。 應不見暗 0 若必見暗 此 但無明 0

為無見也。 若無明相名不見者。 暗時無明應不見暗。 若實見暗 0 只可說無明 相 不可說

⊙ 申二反難。

還名不見。如是二相俱名不見。 阿難。若在暗時。不見明故。名為不見。今在明時。 不見暗 相

不見。 見明 。亦合名為不見。以不見暗故。若立見明為見 若汝執言。雖然見暗。只名不見。以不見明故。 見明亦合名不見。故云俱名不見也。 見暗亦合名見。若立見暗為 此牒計也。 次即破云 一。今雖

首楞嚴經長水疏

午三結成俱見。

1 6 2

若復二相自相陵奪。 云何不見 非汝見性於中暫無。 如是則知 俱名見

之時名為不見。 明暗自有相陵。見性未曾移動。斯則見相見暗。俱名為見。不可說言。

○ 巳三會通二。午一結顯會通三。未一會前見性非他所成

是暗。見空之時。見非是空。見塞之時。見非是塞。 是故阿難。汝今當知。見明之時。見非是明。見暗之時。見非 四義成就

見不假明暗等緣。而體常照。故下經云。不由前塵所起知見。明不循根。寄根明 乃至見非是塞成就。此之四見。古今多解。不看前文及此非字。但見成就之語。 巧略。故別列而總結也。若欲經文當句中具者。應云。見明之時。見非是明成就。 便別作意度解釋。文無連貫。旨非起盡。孤然作解。豈稱佛心。然此經意。明真 則諸暗相。永不能昏等。見性既然。聞性亦爾。故下文云。聲無既無滅。聲 明等四境。自屬前塵。見性未曾生滅。雖見四境。而非四境成就於見。譯人

有亦非生。生滅二圓離。是則常真實。豈得復言因空因明因心因眼耶。

○ 未二克示見體離自見相。

# 汝復應知。見見之時。見非是見。

唯識云。若時於所緣。智都無所得。爾時住唯識。離二取相故 發無緣智。以無緣智。 下見為妄。真覺妄時。無妄可得。亦不名見。唯一法界無二相故。斯則由無相境 見。若以上見為體。下見為用。體發用時。無法可照。亦不名見。若以上見為真。 此所明約見道已去。直至極果。真用顯發。照真體時。體之與用俱非見相。若以 上見為用。下見為體。用照體時。理智**渻**然。無體可得。用相亦亡。故云見非是 前約信解行位。明此真見。不逐緣生。不因境起。 緣無相境。 境智冥合。如水投水。不可分別。說名為見。 仍留真見。不亡自相。今

## 見猶離見。見不能及。

有見用。又所覺之妄。尚無有體。能覺之見。豈能及乎。 真見自體。尚離見相。無體可得。豈令見用照所及乎。又見體尚無體。豈及

**云何復說因緣自然。及和合相。** 

首楞嚴義疏注經卷第四

1 6 3

此則結責。以世間戲論名相。分別真見也。或可從見猶離見下。 首楞嚴經長水疏 名結真離妄。 1 6 4

意云。真見自體。離自見相。尚不可以見之。名字之所能及。云何更說屬乎因緣

○ 未三責小無識勸進大途。

及自然等耶

無得疲怠妙菩提路 汝等聲聞狹劣無識。 不能通達清淨實相。吾今誨汝。當善思惟 0

行可庶幾矣。 實相無相。 即見無見 。識劣智昧 。無法空慧。 如何通達。 故勸善思不怠。 大

○ 午二酬請廣釋三。未一承前置請。

阿難白佛言。 世尊。 如佛世尊。為我等輩 0 宣說因緣及與自然

指已聞也。已知真見。非是因緣及自然相。

諸和合相。與不和合。心猶未開。

述未悟也。 心中猶疑此見和合與不和合。 未得開解。是一迷悶。

# 而今更聞。見見非見。重增迷悶。

重增迷悶 和合等義。尚未明白。 何堪更聞見非是見。斯則醉更洪飲。 孰能醒悟。故云

禮 伏願弘慈。 。承受聖旨 施大慧目 0 開示我等覺心 明淨 0 作是語已 0 悲淚頂

不及。非二乘境界。故增迷悶。不承決擇。孰能通曉。 求法空智。名施大慧目。見實相理。名覺心明淨。 故垂淚禮請也 此明真見離緣絕相 言思

⊙ 未二總告許宣。

妙修行路 爾時世尊 憐愍阿難及諸大眾。將欲敷演大陀羅尼 。諸三摩提

顯實相妙理。 通達而修行者。皆為邪僻 陀羅尼。此云總持。 即無字也。 然有一字多字無字之異。若指下文神咒。 今此所明真覺妙心。是諸三昧妙修行門之基址故。若不 。故指此法為通衢耳。 即多字也。若

首楞嚴義疏注經卷第四

1 6 5

6 6

告阿 難言。 汝雖強記 。但益多聞 0 於奢摩他微密觀照 0 心猶未

首楞嚴經長水疏

提果 了。 汝今諦聽。吾當為汝分別開示 。亦令將來諸有漏者。 獲菩

故般若云。以無所得故。得阿耨菩提 是觀智境。依言真如。是生信境。今斥多聞強記。不修理觀。故於此境心猶未了 應以微密觀照奢摩他中現量所得。離諸分別。方為親證。故起信中說。離言真如。 此之妙心。若欲眾生生信解者。故可詮辯種種開示。若欲明證。

⑤ 未三舉事開曉三。申一雙標二見。

業輪轉。 阿難。一 云何二見。 切眾生輪迴世間 一者眾生別業妄見 0 由二顛倒分別見妄。 。二者眾生同分妄見 當處發生

依。 法界故。 只迷一真。忽然而起。故名當處發生。此即無明無始義也。起信云。 念心動。名為分別。 忽然念起。名為無明。 動故有見。俱無實體。故云見妄。此一念動。無別所 即此無明動心。名之為業。 動即有苦。 果不離 以不達

俱名有見。眚病若亡。彼見精真。故不名見。如下細辯 常寂故非是見。故佛廣約一人多人。對辯真妄。見無見異。應知 却云見見非見。 廣示妄見有見。 此疑見見非見 妄所生。此眾同分所現不祥。同見業中瘴惡所起。俱是無始見妄所生。 將常途二業而得相配。恐失經旨。下文即云。一病目人同彼一國。彼見圓影。眚 之妄見。約眾生界。彼彼皆然。故云同分。 業識則無見相。應知未離業識。 如下文云。見我及汝并諸世間。 二。故有同別之名。眾生望佛。見無見殊。又眾生妄識。緣境有異。故名別業。 空偏十方界。 因。故云當業輪轉。此顯無始根本無明亦名為業。亦名見妄。如下文云。汝見虛 空見不分。 。故請開示 若見無見。應不名為見精明元。 不能顯於真見無見。若據阿難所疑。 有空無體。 。如來何故不便直答。而却廣明二種妄見耶。答。 皆即見眚。 則皆有見。 有見無覺。 是知。妄見是一。約人名異。故不可 性非眚者。 無見即真。有見皆妄。故云妄見。此 而不知寂而常照故名真見 名為劫濁也。妄見是一。約人分 既名真見。 故不名見。 。未離無明眚病 合須有見。 起信云。若離 問 0 若不 如何 阿難

⊙ 申二雙釋能喻二。酉一別業三。戌一別徵略示

首楞嚴義疏注經卷第四

1 6 7

68

別有圓影 云何名為別業妄見 0 五色重疊 0 0 阿難 0 如世間 0 目有赤眚 0 夜見燈光 0

首楞嚴經長水疏

妄見。 故能見。依能見故境界妄現。以有境界緣故。 目喻真見。眚喻業相。眚因熱氣 圓影喻五蘊。斯則由不如實知真如法一故。 。逼成業因 起心分別等 0 不覺心動 無明所動 0 說名為業 燈喻法性 0 0 夜見喻 以依動

戌二廣破即離二。亥一別破二。天一破即燈即見

此若燈色 於意云何 此夜燈明所現圓光。為是燈色 則非眚人何不同見。 而此圓影 0 0 唯眚之觀 為當見色 阿 難 0

若是見色 若此圓影是燈上現。 見已成色 無眚之人應合俱見。 0 則彼告人見圓影者。 何以獨有眚人自觀。 名為何等 餘無見者

色即影也 影若從彼眚者見發。 其見爾時已成於影。 不合名見 見圓影者。復是何物

天二破離燈離見。

復次阿難。若此圓影。離燈別有。則合旁觀屏帳几筵有圓影出 離見別有。 應非眼矚 。云何眚人目見圓影

眼見於圓影。几。案屬。筵。席也。 若離燈外。別有圓影。旁見餘物。何無影出。色若離見。別有體者。

亥二總結。

#### 是故當知。色實在燈。 見病為影 0 影見俱告

推。所見之影。能見之見。俱為眚病。 色。燈光也。燈實有光。不曾有影。今見影者。乃是眚病使之然也。 以此而

## 見告非病。終不應言是燈是見。 於是中有非燈非見

了知五影是眚所成。則無執影之病。終不說影有生處也。下文云。然見眚者終無 見無眚病之人。自然無影可緣。說誰是燈是見。非燈非見。亦可見是了知義

⊙ 戌三重以喻顯二。亥一喻。

如第二月。非體非影。 何以故。 第二之觀 0 捏所成故

如彼圓影。目眚所成。無體可得。 非是真月之體。又非水中之影。但是捺目。根識參差。故見二相。其實無體

諸有智者。 不應說言此捏根元 。是形非形。 離見非見

形離見。譯人用巧。變其文耳 捏。猶月也。非形。見也。非見。形也。智人不言此月生處。是形是見

亥二合。

此亦如是。目眚所成。今欲名誰是燈是見。 何況分別非燈非見 0

以喻顯喻。合前可見。

⊙ 酉二同分二。戌一通列外報。

三千洲 云何名為同分妄見。 在諸海中。其間或有三兩百國。或一或二。至於三十四十五十。 正中大洲 0 阿難 東西括量。大國凡有二千三百。其餘小洲 0 此閻浮提。除大海水。 中間平陸有

水中可居曰洲 。三千總號 0 閻浮中而復大者。是此五天也。 括。 結。 量 0 數

也。國。域也。有限域也。

⊙ 戌二別示業緣。

其中乃至暈適 阿 彼小洲當土眾生。 。若復此中有 覩諸 一小 \_ 洲 切 0 秖有兩 不祥境界 國 0 或見二日 唯 一國人 同感惡緣 0 或見兩 月 則 0

漏智為體。真如淨用之所現故。暈適謂日月之暈。適。近也。近日月也。 兩國。二土也。眾生穢土以有漏識為體。 煩惱造業所共感故。 諸 佛淨土

#### 珮玦。

彗孛飛流 玉器也。 妖氣近日月。 如珮玦之形。人之所佩。或環或琨或玦。今氣如之也。

此皆妖星。 其光似帚 0 孛孛然起。 絕迹而去曰飛 光迹相連曰流

負耳虹蜺。

首楞嚴義疏注經卷第四

首楞嚴經長水疏

1 7 2

氣負日邊。如耳之有珥也。雄曰虹。雌曰蜺。即陰陽之精氣也。

種種惡相 但此國見。 彼國眾生本所不見。 亦復不聞

諸佛淨土唯一清淨。 所現不一。故云種種。皆是災惡所表前相。凡夫五濁同業共感。 如不見國 如惡相國

⊙ 申三雙例所喻二。酉一總標

阿難。吾今為汝 以此二事 進退合明

進例於法。退例於喻。互相合顯。以明見與無見也。

阿難  $\odot$ 。如彼眾生別業妄見。 酉二別例二。戌一例合別業二。亥一舉喻例法二。天一能喻 矚燈光中所現 圓影 燈眚二 雖現 似境

彼見者目告所成 。
告
即
見
勞 非色所造

妄心變起。似有不真。眚病所生。故非色造。

⊙ 地二顯真。

然見眚者。終無見咎。

若知五影因眚故見。終不執影是實有體。既無所見。能見何立 0 故無見咎。

此約喻釋見無見也。

○ 天二所喻心境二。地一示妄

#### 例 汝今日 0 以目觀見山河國土及諸眾生。皆是無始見病所成

嚴云。眾生妄分別。 國土眾生依正二報。皆是妄念分別故有。若離於念。則無一切境界之相。 有佛有世界。若了真法性。 無佛無世界

地二顯真。

# 見與見緣。似現前境。元我覺明。

體 故云元我覺明 見之與境皆如空華。 本無所有。故云似現前境 此見及緣 元是菩提妙淨明

○ 亥二重釋結酬二。天一寄喻重釋。

## 見所緣眚。覺見即眚。

故 或可見與所緣已俱是眚。若起覺智。覺此二空。此能覺者亦是眚也。 覺猶見也。若見實有所緣之境。及能緣之見。皆是眚病。以能所緣。 首楞嚴義疏注經卷第四  $\frac{1}{7}$ 如空華 圓覺亦

云。依幻說覺。亦名為幻

## 本覺明心。覺緣非眚。

緣者。覺之緣由行相也。如前文云。誠如法王所說 此顯真覺妙明。非生非滅。遠離一切虛妄顛倒。 0 湛然常住。 覺緣編十方界等 故非眚也 言覺

## 覺所覺告。覺非告中。

云覺非眚中。 此雙結真妄也。若起能覺。覺於所覺。 俱是眚病。 真覺之體 0 非能所中 故

## 此實見見。云何復名覺聞知見。

等。 見見。 非見。 然一切眾生。 此無能所本覺明心。 云何可立覺聞知見。圓覺經中無知覺明。正同此也。 碩乖先志。於是迷悶。 自無始來。由見聞知。以為病本 名為見見。以寂而常照 由此廣示。妄故有見。 照而常寂故 0 真元無見 分能立所 於此豈名見聞知 是故指云 顛倒從生 0 此實 今聞

○ 天二寄喻結訓。

彼見真精 是故汝今見我及汝。并諸世間十類眾生。皆即見眚。非見眚者。 0 性非眚者。 故不名見

故不名見。如前觀燈有圓影者。皆屬於眚。見若無眚。 可見。故不名見。此則結詶前問見非是見也。 分別彼此生佛依正。皆屬見妄。無見妄者。說名真精。故此真精。 說名淨眼。 此真淨眼無影 無境可見

戌二例合同分二。亥一舉喻例法二。天一能喻一多理齊

瘴惡所起 彼 阿難 一國。彼見圓影 。如彼眾生同分妄見。 。眚妄所生。此眾同分所現不祥 例彼妄見別業一人 0 病目人 0 同見業中 同

將有惡病。預見此事 人所見與多人同。 由眚病故。見圓影出。由瘴惡故。感災祥起。 瘴即病也。

### 俱是無始見妄所生。

約法雙結。汝及眾生 0 多雖殊 分別世間業果眾生。更無有異 斯則俱是

首楞嚴義疏注經卷第四

無始無明。分別見妄。反顯真心本非見也。

首楞嚴經長水疏

1 7 6

○ 天二所喻心境俱妄。

和合妄死 及諸眾生。同是覺明無漏 例閻浮提三千洲中。兼四大海。 妙 沙 。見聞覺知虚妄病緣。和合妄生。 娑婆世界。并洎十方諸有漏 國 0

起信亦云。三界虚偽。唯心所作。離心則無六塵境界 離妄。故云和合。和合者。不相離義也。故下文云。 心忽起見妄。而分見聞覺知。 從一眾生。至十方眾生。以少及多。若依若正。皆由不了一法界相。 以為虛妄病緣。遂見一切差別境界。生之與死俱不 見聞如幻翳。三界若空華。 於無漏

⊙ 亥二息妄歸真。

若能遠離諸和合緣 生滅性 。清淨本心 及不 本覺常住 和 合 則 復滅除諸生死因 圓滿菩提不

三相應染名為和合。三不相應名不和合。 此是麤細妄念。 起信名為染心。是

生死本 竟覺 依果於斯成就。 。輪迴之因。若能遠離。即滅生滅。生滅既滅 故云圓滿 即同起信遠離微細念故 0 得見心性。 0 寂滅現前 心即常住 。菩提涅槃二轉

0 寅四 破和合非合疑二。 卯一牒前未曉

覺元 阿難 0 非和合生及不和合 汝雖先悟本覺妙明 性非因緣非自然性 0 而 猶未明 如是

然。微細法執。故今破之。 有為無為二性全別。不知如來常依二諦說法。 心。假因仗緣和合而生。其所證理名為涅槃。 非和合。義雖無別。詮言有殊。故隨其門。 前文敘云。諸和合相及不和合。 心猶未開 遂成戲論。 不從因緣 。故今牒也。然因緣。 一徧破。 以世間人說能證智是菩提 0 皆障一真法界。 但了因所了。一 自然 能所宛 向編執 和合

 $\odot$ 卯二別破疑情二。辰一破和合 一疑二。 巳一指出 **「疑情。** 

阿 難 0 吾今復以前塵問汝 0 汝今猶以 切 世間 0 妄想和合諸因

首楞嚴義疏注經卷第四

緣 而 自疑惑 0 證菩提 心 和合起者。

首楞嚴經長水疏

1 7 8

違淨名寂滅是菩提。滅諸相故。乃至無為是菩提。 執方便教。依安立說。遂疑勝義一真菩提從和合有。生住異滅是無常性 無生住異滅故 0 即

0 巳二正破和合二。午一破和二。未一總徵。

塞和 則汝今者。 妙淨見精 0 為與明和。 為與暗 和 0 為 與通和 為與

見若是和。 和必從境。 故舉此四境 總而徵之

• 未二別破二。申一就 明推破四。酉一明見相雜何形。

形 若明和者。 像 且汝觀 明 0 當明現前 何處雜見 見 相 可 辯 雜 何

作何形像

明屬前境

見屬內心。

齊何處所而論其雜。見之與相

。目擊可辯。

酉二若見不見非理

若非見者。云何見明。若即見者。云何見見

中有見。應合見見 若此雜相不可見者。應亦不見明相。云何現見於明。若此雜相即可見者。雜

- ⊙ 酉三互徧失其和義。
- 必見圓滿 。何處和明。 若明圓滿。不合見和

若一切處徧是於見。 則無明相可和。若一切處總是於明 則無有見可雜

- 酉四俱亡玄理不成。
- 見 必異明 雜則失彼性明名字。 雜失明性 0 和 明非義

將何名和。故云非義也。 見。二義既失。名字亦亡。猶如微塵與水相和。但名泥團。不名塵水。明見既失。 心境不同。能所殊體。故云必異。明見若雜。各失其義。明則非明。 見亦非

- 申二略例餘塵。
- 彼暗與通。及諸羣塞。亦復如是。

首楞嚴經長水疏

1 8 0

⊙ 午二破合二。未一總徵。

明相既爾。餘境亦然。

復次阿難。又汝今者妙淨見精。為與明合。 為與暗合。 為與通

合。為與塞合。

和則如水雜塵。合則如函與蓋。故成二門。

⊙ 未二別破二。申一就明推破二。酉一正推破。

暗 若明合者。至於暗時。明相已滅 。此見即不與諸暗合。 云何見

滅。 亦不見暗。 見與明合。 以此不與諸暗合故。合即有見。不合無見。如鼻聞香 暗相現時。 明相必滅。既與明合。 應隨明滅。不應見暗 設使不

酉二破轉救。

明合 若見暗時 了 明非暗 不與暗合 與明合者。應非見明。 既不見明 云何

心。因和合有。從茲破矣。 云何言見與明合。了明非暗。 時不與暗合。隨即破云。 彼若救云。我此見性雖不與暗合。無妨見暗。斯有何失。 與明合者應非見明。若許不合有見。 故知。見明而無合義。和合見性既而不成。菩提證 故此牒云。若見暗 即應合必無見。復

⊙ 申二略例餘塵。

彼暗與通。及諸羣塞。亦復如是。

如文。

⊙ 長二破非和合疑二。巳一述所解。

非和合耶 阿難白佛言。 世尊。 如我思惟。 此 妙覺元。 與諸緣塵及 心 念慮 0

提之見。 從分別生。還成法執。障一真性。故今破之。淨名云。 由前破菩提心不從因緣和合而得。便計離緣別有體性 當令此諸天子捨於分別菩 。執菩提心有別異相

○ 巴二破所計二。午一破非和三。未一牒計總徵。

首楞嚴義疏注經卷第四

首楞嚴經長水疏

1 8 1

8 2

佛言 非 明和 0 汝今又言覺非和合 。為非暗和。為非通和 0 吾復問 。為非塞和 汝 0 此 0 妙見精非和合者。 為

此總牒別徵。如文可解。

○ 未二就明推破二。申一非和宛成其畔

見 若非明和 。在見在明。自何為畔 0 則見與明必有邊畔。 汝且諦觀 0 何處是明 0 何處是

所而論邊畔 若見明時。 明見不和。 明之與見。 應分邊際。 汝今細審。 於見於明 齊何處

⊙ 申二不及畔義全乖

阿 云 何成。 。若明際中必無見者 則不 相及 0 自不 知其明 相所在

如或定不相和 。見應緣明不及。 尚自不知明相 約何以分畔義

⊙ 未三略例餘塵。

彼暗與通。及諸羣塞。亦復如是。

如文。

⊙ 午二破非合三。未一總徵。

又妙見精非和合者。 為非明合 0 為非暗合 0 為非通合 0 為非塞

四義徵訖。

⊙ 未二別破。

若非明合。則見與明。性 知。明相所在。云何甄明。合非合理 相乖角。如耳與明。 了 不相觸 0 見且

所在。若無明相。亦不顯見。明見既無。如何分別合與非合二種義耶 亦如耳根對於明緣。何曾相觸。耳但聞聲。不緣明故。若以此例見。須不知明相 若見明時。不與明合。明見二性應相乖異。如牛之角。敵對各立。曾不相應

⊙ 未三例餘。

彼暗與通。及諸羣塞。亦復如是。

84

○ 已上破妄顯真。唯約心見二門。歷緣對境以辯。雖有會通。止就一門而顯。次 因緣及自然性。而不知生滅去來本如來藏。豈唯心見是藏性耶。故次前段有此文 下戊二備約三科七大一切法上。即妄顯真。即相顯性。廣斥世間虛妄分別。說有 來。文三。己一正就三科顯性二。庚一會緣入實以總標四。辛一總指咸真

阿難。汝猶未明一切浮塵諸幻化相。

染真性。故曰浮塵。假託虛偽。妄設情名。稱幻。無而忽有。畢竟無體。 與緣。元是菩提妙淨明體。而未明三科諸法皆如幻化。故此指也。虛假不實。污 總指諸相。前文雖就眼之一門。顯真見體。離緣絕相。非生非滅。 略會見之

### 當處出生 隨處滅盡。 幻妄稱相。其性真為妙覺明體

寂滅 愚者說。中論云。諸法不自生。亦不從他生。不共不無因。是故知無生。 。故云隨處滅盡。楞伽經云。 此諸幻相本無所依。但是迷真。忽然而起。故云當處出生。生即無生。本自 一切法不生。我說剎那義。初生即有滅。不為

無生。 法即真. 體。 皆斯義也 於是中觀大觀小。 唯見世間麤動之相。執此麤相。為相所礙。不見真性。故前文云。迷己為物。故 諸法性相亦復如是。幻相雖滅。真性不動。問。若如是者。斯則真如即萬法。萬 別華相。空華雖無自性。然以虛空為所依體。若翳病差。華相雖滅。空性不滅 體之處。元是菩提妙覺明性。故云。其性真為妙覺明體 生即此滅盡也。以妄見取 而無華相。故知萬法雖真。唯證乃知。非是識心之所能見。以凡夫人。心識麤動。 何得復云其性真為妙覺明體。答。譬如空華。由依翳病。 如 一切法無滅。若能如是解 。何得一體立真立妄。答。亦如空華。翳者妄見。若無翳目。唯見晴空 故今廣破執。喪空明。因茲悟入佛之知見。故華嚴云。 。似有浮相。畢竟無體。猶如幻事。故云幻妄稱相。無 。諸佛常現前。前文亦云。若能轉物即同如來。 問 0 觀空故有。 幻相不實。 離空無 畢竟無 切法

○ 辛二別列諸妄。

如是乃至五陰六入。從十二處至十八界。因緣和合。虛妄有生。 別離 虚妄名滅 0

首楞嚴義疏注經卷第四

1 8 5

諸法名數不能盡言。 但舉三科。自攝一切。故云乃至。三科者。 謂蘊處界。

首楞嚴經長水疏

生。幻因緣離。假名為滅。實無有體可生可滅。 今於處中別出六根。故有六入。此之三科乃是世間虛妄分別。幻因緣合。假名為

○ 辛三斥迷圓實。

如性 殊不能知 0 生滅去來。本 如來藏 。常住妙明。 不動周圓。 妙真

迷倒。 無去來。生滅去來既不可得。如來藏性。元自常住。本不曾動。 殊不知者。斥其異乎能知也。 為物所轉。殊不覺知。是迷圓實也。 一切諸法本自不生。今則無滅 周 偏圓寂 非三世法。故 0 眾生

● 辛四結顯超情。

#### 性真常中 求於去來迷悟生死 0 了 無所得

情謂故有。一真如性尚無此名。況有諸法對待相耶。情忘體現。畢竟無得 。畢竟也。迷悟。生佛也。亦真妄也。生佛真妄。 去來生死。 切對待

庚二破執顯真以別釋四。辛一破五陰二。 壬 一 總徵

# 阿難。云何五陰本如來藏妙真如性。

性 檢。令知虛妄。本非因緣及自然有。元是藏體妙真如性 此陰有五。攝有為盡。前文總標。乃至五陰等皆如來藏。 梵云塞健陀。此云蘊。古翻為陰。蘊是積聚。陰是蓋覆 今此別徵。 積聚有為 逐科推 蓋覆真

⑤ 壬二別破五。癸一色陰三。子一寄喻總標

阿難。譬如有人。 以清淨目。觀晴明空。唯 一晴虚。 逈無所有

其人無故 切狂亂非相 喻真性本空也。目喻智。空喻理。以果海無別色聲。唯如如理及如如智獨存。 0 不動目晴。瞪以發勞。 。色陰當知亦復如是。 則於虚空別見狂華。 復有

空。 知真如法一故。不覺動念。 目晴勞倦。遂見華相。或見毛輪第二月等。故云一 喻迷真起妄也。故。事也。瞪。直視貌。 現六塵境。即色陰起也 不由別事。只因自不動目。直視於 切。 色陰亦爾 0 以不如實

⊙ 子二約喻廣破二。丑一標無生。

首楞嚴義疏注經卷第四

1 8 7

888

阿難 。是諸狂華 非從空來 非從目出

首楞嚴經長水硫

空元無華。妄見生起。 說誰出來。真元無色。妄分質礙。 復何從所

⊙ 丑二破生處。

虚空。空若非空。自不容其華相起滅 如是阿難。若空來者。 既從空來。還從空入 0 如阿難體。不容 0 若有出入 阿難 即非

是其實色。見汝體時。豈更容有阿難出耶。 入。即是實色。不合名空。既非虛空。云何華出 破空生也。見華既從空生。不見應從空入。空無內外。何出入之有。設有出 。見實物時無華生故。 如阿難體

見 若目出者。 旋當翳眼 若有見者。去既華空。旋合見眼。若無見者 。又見華時。 既從目出。還從目入。 目應無翳。云何晴空號清明眼 即此華性 從目出 0 故 出既翳空 0 當合有 0

此下破目出。 能華於空。 自空歸目。 如人從屋。 出必有入。目既有見。能出於華。華應有見。從目 合見於眼。若此華性雖從目出。 而無有見。

翳。既從目出。去翳虛空。歸目之時。應合翳眼。若汝執言實不成翳。 既無翳目 而能見華。見晴明空應是翳眼。云何見空號清明眼

⊙ 子三結成虚妄。

#### 是故當知 色陰虚妄 0 本非因緣 非自然性

妄。 華無所出。色陰不生。 本妙真常。 何曾起滅。而有說為因緣自然者。 真為虛

○ 癸二受陰三。子一寄喻總標。

阿難。 譬如有人 0 手足宴安。 百骸調適。 忽如忘生。 性無違順

形之有生也。李陵云。每一念至。忽如忘生。法中可知 恬然暢適。而無苦樂二境相逼。忽然如其無形一般。斯蓋但以捨受相應。不覺此 一真也。宴。靜。調。和。適。 悦也。骸。體也。忘生忘形也。身肢安靜。

其人無故。以二手掌於空相摩。於二手中。妄生澁滑冷熱諸相 受陰當知亦復如是。

間。故云生**澁**滑等。或可二手及空喻根境識。根境識三和合生觸。觸是受因。從 喻起妄也。妄本無因。故云無故。真妄和合。如二手相摩。 阿賴耶識變起世

首楞嚴經長水疏

此領納。故知受陰。無明妄念。迷真和合。假託而生。故下經破之。

阿 難。是諸幻觸 0 不從空來。 不從掌出

•

子二約喻廣破二。丑一標無生。

冷煖本無。手合故有。故云幻觸。受陰不實。妄緣假生。 故無來處

丑二破生處。

觸 如是阿難。若空來者。 既 能觸掌 0 何不觸身 0 不 應虚空選擇來

破空生也。 虚空平等。 無所不在 豈能選擇不觸乎身。 而觸於掌

若從掌出。應非待合。

已下破掌出。若此滑澀從掌而出。掌未合時 何無澁滑

又掌出故。合則掌知。離則觸入。臂腕骨髓應亦覺知入時蹤迹。

必有覺心知 出知入。自有一物身中往來。 何待合知。要名為觸 0

待合知 若觸入時。所經之處。應亦覺知觸入蹤迹。若實覺知。觸常在體。 若汝執言。掌雖生觸。須待合時。此觸方出。若爾。合既觸出。離應觸入。 應須常覺。 何

⊙ 子三結成虛妄。

是故當知 0 受陰虚妄。本非因緣 非自然性

既知幻觸。 能生於受。推其觸性都無 故知受陰虚妄也

● 癸三想陰三。子一寄喻總標。

想陰當知亦復如是。 阿難。譬如有人。 談說酢梅。 口中 水出 思蹋懸崖 0 足 ジ 酸 澁 0

因思想峻。故有水酸。 想謂取像。想像不實。從虛妄有。故以說酢 以想喻想。 近取譬耳。 i水生。 思崖酸起為喻 因說想酸 0

⊙ 子二約喻廣破三。丑一標無生。

首楞嚴義疏注經卷第四

阿難 如是酢說 不從梅生。 非從口 A 0

首楞嚴經長水疏

1 9 2 1 9 1

以水喻想。今推酢說。說既不有。水從何生。

⊙ 丑二破生處。

口 如是阿難。若梅生者。梅合自談 闡 0 何須待耳。若獨耳聞 0 此水 0 何不耳中而 何待人說。 出 若從口 λ 自合

流出。 說 。 何用耳聞。 因人說梅。梅何有說。 說不得梅。梅不至口 口若不聞。 故非梅生。若因人說。水便口流。口既流水 唯耳聞者。耳既聞說。亦合流水。故云此水何不耳中 0 耳自聞說 水卻口流。說梅與水。二俱叵得 應合聞

⊙ 丑三類思崖。

### 想蹋懸崖。與說相類。

想。 卻有酸澁。 若從足入 類說應云 足應有思。 如是崖想。 何須心想。 不從崖生。不從足入。 若獨心思。 此酸只應心中自有。何以足心 若崖生者。崖合自思 何待人

● 子三結成虚妄。

是故當知 想陰虚妄 。本非因 緣 0 非自然性

說酢思崖 水酸形體。 想像虛偽。 能所俱空。元是菩提妙覺明性 何因緣自

然之有耶。

● 癸四行陰三。子一寄喻總標。

阿難 亦復如是 。譬 如瀑流 0 波浪相續。 前際後際 0 不相踰越 0 行陰當知

故以瀑流波浪相續。 行以遷流造作為義。剎那無常。念念遷謝。 無踰越義以為喻也 生死死生。 如旋火輪 無有休息

⊙ 子二約喻廣破二。丑一標無生。

阿難。 如是流性 0 不因空生。 不因水有。 亦非水性 0 非 離空水

即空即水。離空離水。求瀑流體。俱不可得。行陰亦爾。本無生處

⊙ 丑二破生處。

如是阿難 0 若因空生 0 則諸十方無盡虛空。 成無盡流 0 世界自

首楞嚴義疏注經卷第四

1 9 3

9 4

首楞嚴經長水疏

然俱受淪溺

但見瀑流。應無世界。又如何分水陸空行耶。 破空生流也。流從空生。空體常在。流應常生。虛空性偏。 流亦應徧 斯則

若因水有。 則此瀑流 0 性應非水。有所有相 今應現在

果。果不是樹。二俱現在。今且不然。如何因水耶 破水生流也。流從水生。水與瀑流兩體應異。水為能生。流為所生。 如樹生

若即水性。則澄清時應非水體

水。 暴流漂動已是水故。 破流即水也。流相漂動。 水相澄清。 若此漂動便是水相者。 至澄清時應非是

若離空水。空非有外。水外無流

應非理。流既無生。行陰元寂 破離空離水也。離空有流 。空且無外。何離之有。若離水有。 水外求波。 故

⊙ 子三結成虚妄。

是故當知 0 行陰虚妄。本非因緣 0 非自然性。

如前可解。

● 癸五識陰三。子一寄喻總標。

用餉他國。 阿難。譬如有人。 識陰當知亦復如是。 取頻伽瓶。塞其兩孔 。滿中擎空。千里遠行 0

至時。諸根不通。如塞兩孔 阿賴耶識為業所使。隨處受生。此陰若滅。 頻伽。好聲鳥也。瓶形似彼。識陰無形。在有情身。 彼陰續生。 如人擎空遠餉千里。死有 如瓶盛空。遠餉他國者。

○ 子二約喻廣破二。丑一標無生。

如是虚空。非彼方來。 非此方入

虚空非出入。喻識無往來。既無往來。將何以為識而了別耶。

⊙ 丑二破生處。

如是阿難。若彼方來。 則本瓶中既貯空去。於本瓶地應少虚空。

首楞嚴義疏注經卷第四

若此方入。開孔倒瓶應見空出。

96

入者。入此方也。其文易解 從瓶而出。方知空入。出空既無。入空何有。空既無出入。識何曾往來。又此方 既無所少。應知非彼方來。瓶倒之地。名為此方。若此方空入於瓶內。先合見空 彼方。瓶來方也。名本瓶地。空若彼方來於此方。本瓶來處應少虛空。

⊙ 子三結成虚空。

是故當知 識陰虚妄。 本非因緣 非自然性

可解。

首楞嚴義疏注經卷第四

## 首楞嚴義疏注經卷第五

長水沙門子踏集

0 然根境二法俱識生處。今分六根別破。故獨以根為入也。⑥ 辛第二破六入。梵語鉢羅吠奢。此云入。亦云處。境入 入之處也。亦是識生處故 文二。

### 復次 阿難。云何六入本如來藏妙真如性

如五蘊初解。

**o** 壬二別破六。癸一眼 入三。子一標其無體二。 丑一舉喻顯妄。

## 阿難。即彼目睛瞪發勞者。兼目與勞。 同是菩提瞪發勞相

能見心。此之心境及與動念。俱是菩提性中無明勞相。無體可得。虛妄發生。 現妄境界及根身等。兼目與勞下。約喻指法也。目即無明動心。勞即所現根境及 淨目喻覺性。因瞪發勞。喻無明不了故成念動。由發勞故見空中華。喻由念動故 勞等。即此眼根能結所結。起不離真。故云同是菩提。經文語略。若細論之。 借前色陰中見華瞪目。以為喻也。目睛喻覺性。瞪發勞喻妄念忽生。兼目與 即

1 9 8

如瞪目見空中華俱為勞也

首楞嚴經長水疏

首楞嚴義疏注經卷第五

⊙ 丑二約塵辯無。

### 彼明暗二塵。畢竟無體 因於明暗二種妄塵。發見居中。吸此塵象。 名為見性。 此見離

體不可得。下文云。由塵發知。因根有相。相見無性。同於交蘆。故云因於明暗 故云離彼無體 現識亦爾。隨其五塵。對至即現。明暗尚如影象。無體可得。 因取境而得名見。故知此見從影像生。象喻塵也。起信云。猶如明鏡現於色像。 發見居中。塵既發根。根還取境。根境既備。方成見性。故云吸此名見性等。既 既因動心現妄境界。於此妄境派成根塵。互為對待。相形而立。本無自性 況所發見而有體耶

⊙ 子二破成無相二。丑一標無生

#### 阿難。 當知是見。 非明暗來 非於根出 不 於空生

處推窮。體無生處。故此標也。 前文雖云因於明暗。為顯根性本無。假他而有。就妄分別而似有因。 今以四

⊙ 丑二破生處。

滅。應無見明。若從根生。必無明暗。如是見精 若於空出 何 以故 。若從明來。暗即隨滅。應非見暗 。前矚塵象。歸當見根。又空自觀 。若從暗來。 0 何關汝入 。本無自 明 即隨 0

勝義在浮塵內。進既觀象。退應觀根。又空中自能有見。何關汝之眼入 以自望自。非謂破識 因暗反此。次破根生 初破境生。境中自有明暗相背。因明即不見暗。以暗時無明。見隨明滅故 。亦可勝義望世俗根。故云根生。次破空生。若言虚空能生 。根生即不假明暗。明暗不來。根無自性。此中言根生者。

⊙ 子三結成虚妄。

是故當知 入虚妄。 本非因緣 0 非自然 性

如前所解。

◎ 癸二耳入三。子一標其無體二。丑一舉喻顯妄。

兼耳與勞 阿難。譬如有人。 同是菩提瞪發勞相。 以兩手指急塞其耳 。耳根勞故 0 頭中 0

首楞嚴義疏注經卷第五

首楞嚴經長水疏

200

1 9 9

作聲。兼耳與勞下。此之動念與妄境界。能結之心。所現之境。皆是菩提性中無 耳喻真性。手喻無明。真妄和合名塞。 動念初起名勞。由念動故境現。如頭

明勞相。此中塞耳。同彼直視。故亦言瞪。

丑二約塵辯無

彼動靜二塵。畢竟無體 因於動靜二種妄塵。 發聞居中 0 吸此塵象。 名聽聞性 此 闡

塵既發根。根還取境。根境相待 聞始得成 故此耳根離塵無體

○ 子二破成無相二。丑一標無生。

如是阿難。當知是聞 0 非動靜 來 0 非 於 根 出 不 於空生

⊙ 丑二破生處。

滅 若於空出 何 以故 。應無覺靜。若從根生 。若從靜 有聞成性 0 動 0 即 即非虚空。又空自聞 随 滅 0 必無動靜 0 應非 聞 0 動 如是聞體 若 何關汝入 從 動 0 本無自性 0

假動靜 先破境生。境有動靜 聞亦無故。後破空生。 。聞一則不聞一。 空若有聞。 自成於根。 以隨能生。 有生滅故 又空自聞。 豈干於耳。 次破根生。不

⊙ 子三結成虚妄。

是故當知 0 耳入虚妄。 本非因緣 非自然性

○ 癸三鼻入三。子一標其無體二。丑一舉喻顯妄。

瞪發勞相 因觸分別通塞虛實。 阿難。譬如有人。急畜其鼻。畜久成勞。則於鼻中。 如是乃至諸香臭氣。兼鼻與勞 0 聞有冷觸 同是菩提

境 。 餘文如前 鼻喻真性。 外風喻無明。畜謂縮氣。喻真妄和合。 勞喻心動。 冷觸香臭喻妄

丑二約塵辯無。

因 彼通塞二塵。畢竟無體 於通塞二種妄塵。 發聞居中 吸此塵象。 名齅聞性 此 開離

202

2 0 1

首楞嚴義疏注經卷第五

首楞嚴經長水疏

釋如前文。

⊙ 子二破成無相二。丑一標無生。

當知是聞。非通塞來 0 非於根出。 不於空生。

通塞根空。俱無生處。

⊙ 丑二破生處。

無自性 闡 何以故 云何發明香臭等觸 。若從空出。是聞自當迴齅汝鼻。空自有聞。 。若從通來。 塞則聞滅。云何知塞。 0 若從根生。 必無通塞。如是聞機 如因塞有。 何關汝入 通則無 。本

何用 由塵發知故。機亦根也。次破空生。前則聞境。歸則齅根。空自聞香。汝鼻 先破境生。通塞互破可知。發明顯了也。次破根生。根生則無境。無境則無

○ 子三結成虚妄。

是故當知 0 鼻入虚妄。 本非因緣 0 非自然性。

癸四舌入三。子一標其無體二。丑一舉喻顯妄。

常在。兼舌與勞。同是菩提瞪發勞相 無病之人。微有甜觸。由甜與苦。顯此舌根。不動之時。淡性 阿難。譬如有人。以舌舐吻。熟舐令勞。其人若病。則有苦味。 0

妄顯諸真。妄真同二妄。餘如文。 苦淡。問。甜苦由勞故生。可喻妄境。淡是舌根不動。合喻於真。為何喻境。答。 元來不動。可以喻真。今以由動。故顯不動。既是形待。故成妄矣。 舌根不動喻真性。吻喻無明。舐喻真與妄合。勞即念動。念動故境生。 如下云。言

丑二約塵辯無。

性 因 甜苦淡二種妄塵。發知居中 。離彼甜苦及淡二塵。畢竟無體 吸 0 此塵象 0 名 知 味性 0 此 知

⊙ 子二破成無相二。丑一標無生。

如是阿難 。當知 如是嘗苦淡知。非甜苦來。 非因 淡有。 又非根

2 0 3

疏注經卷第五

首楞嚴經長水疏

2 0 4

• 不於空生。

出

丑二破生處。

亡 知味根。本無自性 何 以故 。復云何知甜苦二相 何關汝入。 。若甜苦來 。若於空出 。淡則知滅 0 若從舌生。 。虚空自味 。云何知淡。 必無甜淡 0 非 若從淡出。 汝 0 及與苦塵 口 知 又 甜 空自 0 斯

從境從根從空。 亦如前釋 0 虚空自 味者 味

• 子三結成虛妄。

是故當知 。舌入虚妄。 本非因緣 。非自然 性

○ 癸五身入三。子一標其無體二。丑一舉喻顯妄

成 若熱功勝 阿難。譬如有人。以一冷手觸於熱手。若冷勢多。熱者從冷 因於勞觸 冷者成熱。 。兼身與勞。 如是以此合覺之觸 同是菩提瞪發勞相 0 顯於離 0 知 。涉勢若

二手喻真妄。合喻真妄和合。真有不守自性。隨緣成根境等。如隨冷熱緣

成冷熱手。問。二手之中何手喻真。答。以勢劣者喻真。思之。餘如文。

丑二約塵辯無。

體 因於離合二種妄塵。發覺居中 0 離彼離合違順二塵。畢竟無體 吸 此塵象 0 名 知覺性 0 此

○ 子二破成無相二。丑一標無生。

空生。 如是阿難 。當知是覺。 非離合來。 非違順有 0 不於根出 又非

⊙ 丑二破生處。

若從根出 出 何以故。若合時來。離當已滅。云何覺離。違順二相亦復如是。 空自知覺。何關汝入 必無離合達順 四相 。則汝身知 。元無自性 必於空

破境生。更約違順二相。 廣其道理 0 例前離合。 次根生空生。 皆如文。

首楞嚴義疏注經卷第五

205

2 0 6

首楞嚴經長水疏

子三結成虚妄。

是故當知 。身入虚妄。 本非因緣。 非自然性

○ 癸六意入三。子一標其無體二。丑一舉喻顯妄。

阿難。譬如有人。勞倦則眠。睡熟便寤。覽塵斯憶。失憶為忘

染淨。不了自心所現。見從外來。如憶夢中之事。不得明了。故云覽塵斯憶。失 謂睡故成夢。夢具心境。心喻業轉。境喻現相。寤喻事識。事識取所現境。分別 人喻真性。本自覺故。勞倦則眠。喻無明迷。真性不了故。睡熟喻動念現境。

勞 。 是其顛倒生住異滅 同是菩提瞪發勞相 0 吸習中歸 0 不 -相踰越 0 稱意 知 根 0 兼意與 憶為忘也

後訛替。念念移易。名生住異滅。覽此生滅。全歸意根 中亦爾。 了假有。 已上總指生滅。結成意根。夢中現境。 覽而憶想。謂是真實。名為顛倒 動心現境。 已是虚妄。 事識不了。 0 見境實有。 生住異滅 因睡故有。 0 寤寐憶忘 脫體是假 名為顛倒。 。熏習不斷。念念分別 皆生滅也。法 既睡寤已 境與分別

名意根耳。能分別意。所分別境。皆是覺性之中無明勞相

⊙ 丑二約塵辯無。

#### 因於生滅二種妄塵 0 集知 居中 0 吸撮內塵

外故。即前文中聚緣內搖也。 覺知。常取生滅。於內分別。 集。聚也。中。猶內也。 吸撮皆取也。由生滅境。引發集聚內覺知性 非同前五照外境界。故名內塵 。以意根內緣 不緣 此之

塵 見聞逆流 0 畢竟無體 。流不及地 0 名覺知 性 0 此 覺知 性 0 離 彼寤寐生滅二

名此內塵為緣不及處。此不及處。唯意根合。 揀異前五也。逆流猶返緣也。 地。處也。 即此合處。為意知根 前五但順取外境。 不能 返緣內塵

⊙ 子二破成無相二。丑一標無生。

如是阿難 亦非空生。 。當知 如是覺知之根 0 非寤寐來 0 非生滅有 0 不於根

首楞嚴經長水疏

208

丑二破生處。

無 性 寤寐二相隨身開合。 何 0 以 0 若從空生。自是空知 令誰受滅 故 。若從寤來 。若從滅有 0 離斯二 寐即隨滅 0 0 體。 生即 何關汝入 0 此覺知者。 滅無 將何為寐 0 誰知 0 生者。 同於空花。 必生時有 若從 0 根 畢竟無 滅 出 同 0

於身。非是意根。應知意根畢竟叵得。若從空生。故為不可 非干意根。列子云。其寤也形開。其寐也形交。交即合也。意云寤寐無體。 根無相。約寤寐顯。寤能思察。寐則成夢。知是意根。今破寤寐。自是身之開合。 先約寤寐。次約生滅。法喻雖二。俱破境生。皆互有互亡也。 次破根生 自隨

○ 子三結成虚妄。

是故當知 。意入虚妄。 本非 因緣 0 非自然 性

 $\odot$ 辛三破十二處。此則正破境也。文二。 壬一總徵

復次 阿難 云何十二處。本 如來藏妙真如性 0

前已總標。今別徵起。以顯藏性

⊙ 壬二別破六。癸一眼色處三。子一舉事以徵。

生眼見。眼生色相 阿難。汝且觀此祇陀樹林 0 及諸泉池。 於意云何 0 此等為是色

破。 故雙問色生眼生等也。 處以生門為義。六根六境是識生處。根已前破 0 今正破境。 然亦 以根相對而

⊙ 子二隨計牒破。

阿難。若復眼根生色相者。 切都無。色相既無 0 誰明空質。 見空非色。色性應銷 空亦如是 0 銷則顯發

既已滅。 色所顯。 生何有。 破色也。若見空時 破根生境也。 復將何以了空質 今既無色。從誰顯空。又能生根。同是色法。色相既亡。根亦隨滅。 故云顯發一切都無。此則空現色銷也。色相下有二義。 初二句牒。見空非色下破。境有色空。今以色空相 。則無有色。根既生色。名為色性。應合銷亡。 此則空無色顯也。空亦如是者。例破生空也。 一空不自顯 能生既亡。 對而 行相如 破 所

首楞嚴義疏注經卷第五

2 0 9

色 若復色塵生眼見者 0 觀空非色。 見 即銷亡 0 亡則 都 0 誰明 空

滅。 根 從誰顯空。下色之一字。義含空能生見。 觀空之時。 破境生根也。初二句牒。觀空下破。此亦色空相對而破 色已銷滅 0 從誰生根而了於空。 例色應知。單破雙結。妙盡譯旨 又色能顯空。 0 見空之時。 此破色也 0 色已銷 色既 生

因緣 是故當知 非自然性 0 見與見空 0 0 俱無處所 0 即色與見 0 \_ 處虚妄 本非

子三結示虚妄

無處所者。無生處也。餘文可見。

⊙ 癸二耳聲處三。子一舉事以徵。

前後相續 阿難 汝更聽此 於意云何。 祇陀園中 此等為是聲來耳邊 0 食辨擊鼓 0 眾集撞鐘 。耳往聲處 鐘鼓音聲 0

此約耳聽鐘鼓二音。 以破根境往來之相也。若知二俱虛妄。 何往何來

子二隨計牒破

有我 阿難 二百五十沙門 。此聲必來阿難耳處。 若復此聲來於耳邊 0 \_ 聞鐘聲。 0 同來食處。 目連迦葉應不俱聞 如我乞食室羅筏城 0 0 在祇陀林 何況其中一千 則無

他人亦聽。今且不爾。一切皆聞。應知聲無來往 林。鐘鼓也。此聲下例破。聲既來汝耳邊。此聲已離鐘鼓。只合汝自獨聞。不合 破聲來耳處也。初二句牒。如我下破。初舉喻。佛。音聲也。 城。耳根也。

若復汝耳往彼聲邊 中象馬牛羊種種音響。 汝聞鼓聲 0 其耳已往擊鼓之處。鐘聲齊出 0 如我歸住祇陀林中 0 在室羅城 0 應不俱聞 則無有我 0 何況其 0

阿難 破耳往聲處也。初二句牒。如我下破。 。汝聞下例破。 況餘聲耶。 耳根既往鼓處。 阿難應闕耳根 初舉喻 0 佛喻耳根。 鐘聲與鼓聲齊鳴。 祇園 「喻鼓 不合更聞 城喻

首楞嚴義疏注經卷第五

首楞嚴經長水疏

212

雙結不成聞義也

若無來往

。亦復無聞

• 子三結示虛妄

因緣 是故當知 非自然性 0 聽與音聲 0 俱無處所 0 即聽與聲。 二處虛妄。 本非

• 癸三鼻香處三。子一舉事以

里內 阿難 為生於空 汝又齅此爐中旃檀 同 ,時聞氣 0 於意云何 0 此香若復然於一銖 0 此香為復生旃檀木 0 室羅筏城 生於汝鼻 四

此中但問境之生處。 不同前文。 根境對破。

• 子二隨計牒破

阿難 云 何鼻中有旃檀氣 0 若復此香生於汝鼻 0 稱 汝聞香。 0 稱鼻所生 當於鼻入 。當從鼻出 0 鼻中出香。 0 鼻非栴檀 說 開非 0

義。

聞義不立。以但能出香。不從外入與鼻合故 破根生也。初牒。稱鼻下正破。稱汝下縱破。設許汝鼻能生於香。生義雖成。

若生於空。空性常恒。香應常在。何藉爐中爇此枯木

破空生也。空性常住。應常有香。若常有香。何須燒木。方聞香氣

若生於木。 空未及遙遠 則此香質因熟成煙。若鼻得聞 0 四十里內云何已聞 0 合蒙煙氣。其煙騰

其煙騰空未及遙遠也。煙猶在近。聞已遠通。故知其香不從木發。 破木生也。此約所見煙相麤顯而破。不論其氣。若以煙表。實謂未通。 故云

⊙ 子三結示虚妄。

是故當知。香鼻與聞俱無處所 。非自然性 0 即齅與香。 二處虛妄。 本非因

⊙ 癸四舌味處三。子一舉事以徵。

首楞嚴義疏注經卷第五

213

首楞嚴經長水疏

21

意云何。此味為復生於空中。生於舌中。為生食中 阿難 。汝常二時眾中持鉢。 其間或遇酥酪醍醐。 名為上味。

⊙ 子二隨計牒破。

阿難 舌非多體 酥味。遇黑石蜜。應不推移。若不變移。不名知味。若變移者。 。若復此味生於汝舌。 。云何多味一舌之知。 在汝口中祇有一舌。其舌爾時已成

云何多味一舌之知 體也。初二句反破。後二句結破。此則以舌從味。舌便成多。今汝不然。故云。 若不下縱破。設若汝許味不別者。味既不分。何成知味。若變下破。味變舌應多 破根生也。初標。在汝下正破。一舌不知多味也。若以味從舌。 味應無別也。

若生於食。食非有識。云何自知。 於汝。名味之知 又食自知 0 即同他食 何預

破境生也。初三句正破。味若生食。應不假根 無根別食。 焉能成味

嘗味。 味者。 食須有識。若無識者。云何自知。又食下縱破。設許食自能知。即同他人 何關汝舌之知

淡。 若生於空。汝噉虚空當作何味。必其虚空若作鹹味。 亦鹹汝面 亦不覺鹹 則此界人同於海魚。既常受鹹 。必無所知 。云何名味 0 0 了不知淡 既 。若不識 鹹汝舌

鹹淡既不能分。不可說名知味 不能知淡。若無淡味。何顯於鹹 若俱鹹者。海魚無異。既常下縱破。初四句互奪兩亡。縱汝常受於鹹。 破空生也。初三句牒計審味。必其下正破。初四句身面俱鹹。後二句 0 淡之與鹹俱不安立。必無下二句。結非知味。 **|鹹同海** 

⊙ 子三結示虛妄。

因緣 是故當知。味舌與當。 非自然性 俱無處所。 即當與味。 二俱虚妄。本非

○ 癸五身觸處三。子一舉事以徵。

首楞嚴義疏注經卷第五

2 1 5

2 1 6

0

阿難 。汝常晨朝以手摩頭 0 於意云何 0 此摩所知 0 誰為能觸

能為在手。為復在頭。

首楞嚴經長水疏

按摩之法。常式皆然。故摩頭也。此徵能觸在頭在手。二俱有過。 如下破之。

⊙ 子二隨計牒破。

名觸 若在於手。 頭則無知 0 云 何成觸 0 若在於頭 0 手 則 無用 云何

互有互亡破也。根境相顯。觸乃得成 0 有 \_\_\_ 無 0 故不名觸

若各各有。則汝阿難應有二身。

各存兩質破也。頭手各有。則有二知。二知便成二阿難體。 何體為汝

若頭與手一觸所生。則手與頭當為一 體。若一體者。觸則無成。

。觸自不成。此結破也。 共成一體破也。初四句正破。若頭與手共生一觸。遂令二種合為一體。設許

若二體者。 觸誰為在。 在能非所 0 在所非能 0 不應虛空與汝成

#### 觸。

能成觸 云若在於手。頭則無用等。不應下破空生也。有形之法。尚不能生。豈況空無而 手不異者。此則二體之觸為在何處。故云觸誰為在。在能下二句。推同前破。前 破轉救也。初二句牒救總徵。若汝救云。所生雖一。能生自二。云何令我頭

⊙ 子三結示虛妄。

因緣 是故當知 。非自然性 0 覺觸與身 0 俱無處所 0 即身與觸 0 俱虚妄 本非

⊙ 癸六意法處三。子一舉事以徵。

所生。為當離心別有方所。 阿難。汝常意中 0 所緣善惡無記三性生成法則。 此法為復即 ジ

二俱有過。下文即破 意中所緣三性之法。攝一切盡。自然而然。故云生成。此所緣法。 即心離心

首楞嚴義疏注經卷第五

首楞嚴經長水疏

2 1 8

⊙ 子二隨計牒破。

阿難。 若即 心者。 法則非塵。 非 心所緣 0 云 何成處

則不是心家所緣之境。何名法處。下破離心。 破即心也。初一句牒。次一句定。非心下破。 既即是心。定非是塵。 若非是

若離於心 0 別有方所。 則法自性。為知非知

於汝。 知 則名心 牒計雙徵也。初二句牒。 。異汝非塵。 同他心量。 則法下徵。此法既離於心。更以知不知徵而破之。 即汝即心 0 云何汝心 更二

更有汝心也。 三句破即心。初句半牒半定。後二句破。有知之法。既即汝心。即應汝心之外 以破。初二句破異。有知之法若異汝心。即同他人異於汝心。又有知故。 破有知也。 故云更二於汝 初句奪成心量。離心之法若有知者。應名為心。異汝下更分即異 即汝下

若非知者。 此塵既非色聲香味。 離合冷煖 0 及虚空相 。當於何

誰立 在。 今於色空都無表示。不應人間更有空外。 心非所緣。 處從

法塵。 何以立處耶 空無外故。心非下二句。 空。今何所在。今於下二句。推無所表也。若此法塵亦色空攝。以何表示 破無知也。 不應下二句。破空外無成也。色空之內既無表示。不成此塵處在空外。以 初五句定非色空。 結無處義。 次一句審問何在 如上推檢。法塵不有。 。色空二事攝諸法 則心無所緣之境。從 盡 既非色 知是

⊙ 子三結示虚妄。

因緣 是故當知 。非自然性 。法則與 心 0 俱無處所 0 則意與法 0 俱虚妄。 本非

○ 辛四破十八界二。壬一總徵。

復次 阿難。 云何十 八界本如來藏妙真如性

梵云馱都。此云界。界是因義。根境識三。互為因故。 又種族義。 根境識三。

首楞嚴義疏注經卷第五

19

220

各一種族。又眼等六種族別故。

首楞嚴經長水疏

○ 壬二別破六。癸一眼識界三。子一牒計雙徵。

以眼為界。 阿難。如汝所明。 因色所生。 眼色為緣。 以色為界 生於眼識 0 此識為復因眼所 生。

牒而徵之。 佛於小乘方便教。說諸因緣法。今明第一義諦 0 因緣自然。 皆為戲論 故此

子二隨計牒破。

汝見又非青黃赤白 阿難。若因眼生。 既無色空。無可分別。 0 無所表示。 從何立界 縱有汝識 0 欲 將 何 用 0

若謂根生。根非青等。是不可見。復無表示。根尚不立。識從何有。下破境生。 若無其境。何所分別。所緣既無。能緣何用。汝見下四句。即能生識根無體破也。 若因色生。空無色時。 破根生也。初句牒。既無下四句。無境有識何用破也。既從根生。 汝識應滅。 云何識知是虚空性 。若色變

時 汝亦識其色相遷變。 汝識不遷。界從何立

識元不遷。既無色相。從何界立。 色亡。識應隨滅。誰 此色空相傾無識破也。初一句牒。空無下四句 了虚空。若色下五句。據理質破也。色若遷變。汝能了變。 。立理正破。 既從色生。空現

在 從變則變。 界相自無。 不變則恆 0 既 從色生 0 應 不 識 知 虚

若兼二種 不變下四句。 此隨變不變非界破。 不變無知破。若不隨變。識則常在。元從色生。不合知空 眼色共生。合則中離 初二句隨變無識破。 0 離則兩合。 色若變時。 識亦隨變。 體性雜亂。 名誰 云何

成界。

此識中界。一半合根。一半合境。 一界故。界義應非。或離者開義。 破共生也。若根境合生中界者。此識中界知不知別 故云兩合。 或猶無也 兩合若成 0 故云中離 有雜亂過。 0 若成別者 知與不知同

2 2 1

222

首楞嚴義疏注經卷第五

首楞嚴經長水疏

子三結示虚妄。

界三。本非因緣 是故當知 眼色為緣 。非自然性 0 生眼識 0 界 0 三處都無 0 則 眼與色 及 色

⊙ 癸二耳聲界三。子一牒計雙徵。

耳為界。 阿難。又汝所明耳聲為緣 因聲所生。 以聲為界 。生於耳識 0 此識為復因耳所生 0 以

○ 子二隨計牒破。

阿難。若因耳生 知尚無成 0 識何形貌 0 動靜 0 相 既 不 現前 0 根 不成 知 0 必 無所 知 0

若取耳聞 不成。由塵發知故。必無下 先破根生。 則耳識界。 無動靜故 此勝義也。 復從誰立 。聞無所成 初一句牒。 況破所生。 若實無知。根尚不立。 動靜下三句 。云何耳形。 。正破能生。若無前境 雜色觸塵。 更有何識 名為 根自

破浮塵也。初三句縱破。設取浮塵之耳。容有聞者。若無動靜 亦不成聞

雙質二根。從何為界。生耳識耶。 云何下三句。正責破也。如何將此可見浮塵。雜色觸法。為識之界。則耳下二句。

若生於聲 識因聲有。 則不關聞。無聞則亡聲相所在

若無於根。聲亦不有。此亡境也。根境俱亡。識從誰生。 已下破境生。初句牒。識因下根境俱亡破。聲能生識。何假於聞。此亡根也。

識從聲生。許聲因聞而有聲相。 聞應聞識

聞識。 聞聲同識破。初三句雙牒。汝謂識因聲生。又許因根有相 今聞聲時

不聞非界。聞則同聲。

同聲破。 初句不聞無界破。若不聞識。 可知 亦不聞聲。 能聞所聞。 俱無界義。 後一 句聞識

識已被聞。誰知聞識。

首楞嚴義疏注經卷第五 223

成所無能破也。能了之識。 已作所聞之境。誰為能知。 知此聞識

2 2 4

首楞嚴經長水疏

若無知者。終如草木。

無知草木破也。了別既無。草木何異。

不應聲聞雜成中界。界無中位。 則內外相復從何成

塵。對邊立中。中既不成。邊亦不立也 破共生也。初二句正破中界。根境各生尚非。共生豈有此理。後三句顯無根

⊙ 子三結示虚妄。

界三 是故當知。 本非因緣 耳聲為緣 0 非自然性 。生耳識界 0 三處都無 0 則耳與聲 0 及聲

◎ 癸三鼻識界三。子一牒計雙徵。

鼻為界 阿難 。又汝所明鼻香為緣 因香所生。 以香為界 0 生於鼻識 0 0 此識為復因鼻所生 0 以

○ 子二隨計牒破。

取齅知動搖之性 阿難。若因鼻生。 則汝心中以何為鼻。為取肉形雙爪之相。為

先破根生。此以浮塵勝義二根雙問。二俱有過

若取肉形 無名。云何立界 0 肉質乃身。身知即觸 。名身非鼻。 名觸 即塵。 鼻尚

若取齅知。又汝心中以何為知。以肉為知。則肉之知元觸非鼻。 但名知觸。不名知香。名身下二句。結非香鼻。鼻尚下指無界義。此下破勝義根。 破浮塵也。初句牒。次二句破。若取雙爪。此乃身攝。非屬鼻根。設有所知

初三句牒計總問。以肉下破。浮塵是知。身自知觸。非是鼻根也。

知 以空為知 。今日阿難應無所在。 空則自知。 肉應非覺。 如是則應虚空是汝。 汝身非

無本體 破空是知。初三句根無知覺破。 如是下二句。 空即是身破。 汝身下三句 結

首楞嚴義疏注經卷第五

225

以香為知。 首楞嚴經長水疏 知自屬香。 何預於汝。

226

破香是知。此正破也。香自有知。何關汝鼻。

若香臭氣。 必生汝鼻。則彼香臭二種流氣。不生伊蘭及栴檀木。

破轉計也。初二句牒計。設汝若言非不相干。 由有我鼻。香臭方立。猶如鼻

二物不來。 由香故有。則彼下破。今四句質不生香破也。 汝自齅鼻 為香為臭。

0

齅根何氣破。

臭則非香。香應非臭。

香臭相傾破也。非無也。 無不聞也。

若香臭二俱能聞者。則汝一人應有兩鼻。 誰為汝體 對我問道。有二 阿難

須有二。二鼻若立。 俱聞二體破也。鼻若生香。必不聞臭。 兩體還成。 正為何體 鼻若生臭。 應不聞香。

今既俱聞

鼻

誰立。 若鼻是一 。香臭無二。臭既為香。香復成臭。二性不有。 界從

故。若無香臭。說何為知。名生識界。 互即雙亡破也。若汝不許鼻有二者 0 則香臭混然都無有別 以從一鼻之所流

知香。 若因香生。 識因香有。 如眼有見 0 不能觀 眼 0 因香有故 0 應 不

能生識。識不知香 此下破境生也。 初句牒。 識因下五句。 舉例奪破 0 眼能有見。 見不觀眼。 香

則非從香建立 知即非生。 不知非識 。香非知有。香界不成。 識不 ·知香。 因界

香非知有。香界不成。識不了香。 不能知此香臭。又何名識稱了別耶。故云不知非識。香不因根。無有香界 反覆縱破也。縱許汝識能知香者。此則不合言從香生。故云知則非生 非可說言因香有識 故云

既無中間 首楞嚴經長水疏 0 不成內外 0 彼諸聞性。畢竟虚妄。

228

總結破也。識既無生。 根境不立。設有聞性。皆虛妄耳

⊙ 子三結示虚妄。

是故當知 三。本非因緣。非自然性 。鼻香為緣。 生鼻識界 0 三處都無 0 則鼻與香及香界

◎ 癸四舌識界三。子一牒計雙徵。

以舌為界 阿難。又汝所明 0 因味所生。 。舌味為緣 以味為界 0 生於舌識 0 此識為復因舌所生 0

⊙ 子二隨計牒破。

都無有味 阿難。若因舌生。 0 汝自嘗舌。為甜為苦。 則諸世 間甘蔗鳥 梅 。黃連石鹽 0 細辛薑桂 0

若舌性苦。 破根生也。 誰來嘗舌。舌不自嘗。 初句牒。 則諸下。 舉無五味以問舌根。 孰為知覺。 即無味自嘗問也 舌性非苦。 味自

### 不生。云何立界。

有汝根焉能生識。下破境生。 有無隨計破也。舌若有味。根已成境。孰知根者。無味之時。味必境生。獨

若因味生 0 識自為味。 同於舌根 應不自當。 云 何識知是味非

引例可見。 引例 無知破也。從味所生。豈合名識。故云識自為味。設許名識。 亦不自嘗

### 又一切味非一物生 。味既多生。 識應多體

如前五味各生一物。識必境生。亦應多體。即識從於味。識即成多也

識 體若一。 。應無分別。分別既無。則不名識。云何復名。舌味識界。 體必味生。鹹淡甘辛和合俱生。諸變異相。同為一

不分。何名了別。說為識耶。 若一體識。必從境生。能生之境。亦應一體。何分五別。分別下縱破。五味 此則味從於識。 味應無別。云何下二句。總責識體

首楞嚴義疏注經卷第五

229

首楞嚴經長水疏 230

不應虛空生汝心識。

從二得名。根生境生。二俱失故

破空生也。

舌味和合。 即於是中元無自性 云何界生

破共生也。既從合生。自性屬誰而名界耶

⊙ 子三結示虚妄。

三 是故當知。舌味為緣。生舌識界。三處都無。 。本非因緣。非自然性 則舌與味及舌界

⊙ 癸五身觸界三。子一牒計雙徵。

身為界。因觸所生。 阿難。又汝所明 身觸為緣生於身識 以觸為界 0 0 此識為復因身所生。 以

⊙ 子二隨計牒破。

阿難 0 若因身生。 必無合離二覺觀緣 身何所識

破根生也。觀對待也。無二所覺為相待緣。獨此身根無生識理。下破境生。

#### 若因觸生 0 必無汝身 0 誰有非身 0 知 合離者

下根境互亡破也。 無身非覺破也。有身無觸。尚不成知。 有觸無身。故非能覺。 非身無身也

## 阿難。物不觸知。身知有觸。

此指現道理也。 物無覺觸之知。身則能覺於觸 斯理昭然 明白可見

## 知身即觸。知觸即身。

異。 遂令相即也。 知故。如所執觸。汝所執觸。定身根攝。以有知故。如汝身根。 應可身亦名觸 此下依理推破。此二句根境相即也。今汝若許觸能生識 。觸亦名身。俱有知故。應立量云。汝之身根定觸所攝 。觸則有 斯則觸既生識。 知 與身何 。以有

#### 即 觸非身 即身非觸。 身觸二相 0 元無處所

身觸俱非也。 以相即故。 遂令俱非。則觸不成觸。 身不成身也。 應立量云

首楞嚴義疏注經卷第五

首楞嚴經長水疏 232

汝之身根定非身根。以有知故。如所執觸。汝所執觸

定非是觸。

以有知故

如

汝身根。將汝一因成我四量。令汝相即。亦令俱亡。身觸下二句。 結無二位 下

破離合。

### 合身即為身自體性 0 離身即是虚空等相 0

應無觸破。觸若離身。 初二句合即唯身破。 復何成觸。如虛空相。 觸既合身。合應無二。 亦無觸位 唯 一身根。 更無觸位 後二句離

## 内外不成。中云何立。

例破識體也。觸立則根立。內無則外無 0 根境不存。 識何為相耶

#### 中 不復立 0 內外性空。 則 汝識 生 0 從誰立界

雙牒反質也。三位俱空。識從何立

⊙ 子三結示虚妄。

三 是故當知 0 本非因緣 0 身觸為緣 0 非自然性 0 生身識界 三處都無 0 則身與觸及身界

⊙ 癸六意識界三。子一牒計雙徵。

阿難。又汝所明 以意為界。因法所生。 。意法為緣。 以法為界 生於意識 0 此識為復因意所生 0

⊙ 子二隨計牒破。

意無所生。 阿難。若因意生。於汝意中必有 離緣無形 0 識將何用 所 思 0 發明汝意 0 若無前法

形貌。況所生識。將何起用 種種心生。若無法塵 先破根生。此離塵無體破也。初一句牒。 。意根不起。離緣下二句 於汝下五句 0 例破所生。 0 正破能生 離前法緣 0 尚無根之 由法生故

又汝識心 與諸思量。兼了 別性 0 為同為異

七八二識俱第六根。亦同名意。故此雙問。二俱有過。 此下同異俱非破也。此總問同異。識心第八也。思量第七也。了別第六也。

同意即意。云何所生。

破同也。若識與意其體同者。 首楞嚴義疏注經卷第五 識即是意。 云何更分能生所生 此下破異。

異意不同 首楞嚴經長水疏 應無所識 0 若無所識 0 云何意生 2 3 4

知。 苟無了知。何言意生。以意有知故 無識非生破。初句半牒半定。應無下破 既識與意異。應一 有所識 0

若有所識。云何識意。

設使此識有了別者。如何辯異識之與意。 此有識無異破也

唯同與異。二性無成。界云何立。

生。 雙結不成也。 同義無憑。異又非理。二性不立。云何識生從汝根出 下破境

若因法生 及與觸法 0 0 世間 相狀分明 諸法不離五塵 0 以對五根 0 。非意所攝 汝觀色法 及諸聲法 香法味法

此明五塵。不即意攝也。以各有所對故

汝識決定 0 依於法生。 今汝諦觀 。法法何狀 0

總問法塵也。法塵之法。 故云法法。以別揀通也

色空諸法等生。滅則色空諸法等滅 若離色空。動靜通塞。合離生滅。越此諸相。終無所得。 生則

等。若起若止。無別生滅在色等外。 設汝救言。色及餘法雖非意境。生滅二種正是法塵者。若爾。生滅無體。全是色 前五句正顯無體。法塵即前五塵影。故離五無體。生則下四句。牒破轉救也。

所因既無。 因生有識 0 作何形相 0 相狀不有。 界云何生

正破識界無體也。所因即法塵。法塵尚不可得。豈生汝識。能所俱無 。立何

⊙ 子三結示虛妄。

是故當知。意法為緣。生意識界。三處都無。則意與法及意界 本非因緣。非自然性

## 首楞嚴義疏注經卷第五

首楞嚴義疏注經卷第五 235

首楞嚴經長水疏

236

首楞嚴義疏注經卷第六

長水沙門子璿集

0 溪。是佛如來隨他意語。世間安立。有名無實。雖名為大。大義不成。滕義諦中 都無實義。斯則會相即性。性徧相徧。方稱勝義。至極之大。豈同權教說名自相 法。無不周徧。無不含容。破彼權見。令知實義。如下文云。均名七大。性真圓 所成就。復分內外。說此名為諸法自相。寂而不圓。猶為諸法共相所揀。麤而且 融。皆如來藏。世間無知。惑為因緣及自然性。皆是識心分別計度。但有言說。 今此經中所說七義俱名大者。七義之中攝一切法。謂空有根塵色心性相。塵塵法 所説不爾。謂周徧含攝。體無不在。物無不是。非因待小。當體受稱。故名為大。 文三。庚一伸難。 己二重約七大會相。然大之為名。本乎世諦。小乘法相説諸色法。四大和合之

皆因四大和合發明 阿難白佛言。世尊。 如來常說。 和合因緣。 切 世間種種變化

敘昔聞也。

云何如來。因緣自然二俱排擯。我今不知斯義所屬。

難今說也。排推。擯棄也。

唯垂哀愍。 開示眾生。 中道了義。 無戲論法

今則無滅。生滅去來。本如來藏。今以世諦疑第一義。故有斯難 求開示也。方便安立。說有四大因緣和合。成諸變化。第一義中。 諸法不生。

⊙ 庚二許宣三。辛一指意標示。

爾時世尊告阿難言。 上菩提。故我今時為汝開示第一義諦 汝先厭離聲聞緣覺諸 小 乘法 0 發 ジ 勤求

因緣和合。四大發明。皆小乘法。諸法不生。唯如來藏 0 即第 義

○ 辛二牒疑舉呵。

真藥現前 如何復將世間戲論妄想因緣而自纏繞 0 不能分別。 如來說為真可憐愍 0 汝雖多聞 0 如說藥人 0

現前。舉昔方便。疑今真實。名不能分別 纏繞。疑惑也。諸佛祕密靡不皆知。故云說藥。 今聞諸法皆如來藏 0

首楞嚴經長水疏

2 3 8

○ 辛三敕許竚聽。

汝今諦聽 阿難默然 。吾當為汝分別開示 承佛聖旨 0 亦令當來修大乘者 通達實相

敕聽許宣。現未俱 益。

⊙ 庚三正説二。辛一左理總非

彼大性 阿難 若和合者。 0 。如汝所言。 如旋火輪。未有休息。 0 體非和合。 同於變化 四大和合。 則不能與諸大雜和 0 始終相成 阿難 發明世間 0 生滅相續。 0 如水成氷。氷還成水 0 0 猶 種種變化 如虚空不和 生死死生 0 阿 諸色 難 生生 0 若 0

續過去生也 生死下釋相 礙無礙異。若和下破和合。若大性體自是和合。即成生滅。始終即生滅也。 初四句牒所計。次六句略破非和 初句釋相成。 如旋下二喻。 次句釋相續。謂生能成死等。生能續生等。謂現在生 初喻相續。次喻相成。如文 。若四大性自體非和。則不和諸大。 如空與

⊙ 辛二舉性別破七。壬一地性四。癸一舉事以標

汝觀地性。麤為大地。細為微塵。至隣虚塵。 七分所成。更析隣虚即實空性 析彼極微色邊際

隣虛無方分微也。即是極微色邊際相。微塵有方分微也 。今經指有方分微

名色邊際相。隨經所出。不須和會。

• 癸二左理廣破 0

阿難。若此隣虚析成虚空。 當知虚空出生色相

依標立理也。既能析色成空。亦可合空成色。方曰相成相續耳

汝今問言。由和合故 0 出生世間諸變化相

牒起所疑也。欲破先牒。

汝且觀此一隣虚塵。用幾虚空和合而有。 不應隣虛合成隣虛

極小成用幾空。若合隣虛。自成方分。不成隣虛 此下依理廣破。此合空成色。非理也。汝許析色為空。 應許合空成色。隣虛

又隣虚塵析入空者。 用幾色相合成虛空 0

239

首楞嚴義疏注經卷第六

首楞嚴經長水疏 240

若色合時。合色非空。若空合時。合空非色 合色為空。義乖也。虛空至大。隣虛至小。析小成大。 為用幾塵

雙非色空互成也。色合成色。空合成空。以類自合。非互相作也

色猶可析。空云何合。

如虚空不和諸色。若言和合。相成相續。皆為虛妄 重責合空義失也。析色明空。教觀俱有。 合空成色。 內外無憑。 前文云。 猶

○ 癸三會通實理

法界。隨眾生心。應所知量。 汝元不知。 如來藏中。 性色真空。性空真色。 循業發現 清淨本然 周編

第一義諦也。性色真空。即俗之真。性空真色。即真之俗。皆言性者。顯即中之 清淨下二句。敘德量。無妄相應。具無漏法。故名清淨。非是有為。故云本然。 真俗也。斯則舉一即具三。言三體即一。非縱橫竝別。名秘密藏。此真地大也。 此明真色。初一句指本迷。如來下三句。顯法體。 如來藏即一法界心 中道

也。眾生十界。漏無漏異。業亦不同。所感色法。淨穢殊等也。 即見自己。即見一切法。 方知一塵具一切佛法。 無所不在。故云周徧 0 此則種性 一切心法。一 如一微塵。 0 體德體量。悉具足耳。若識此法。成三妙觀 切眾生法。靡不皆在一微塵中。 一切法亦爾。下皆准此。隨眾生下。 即見盧舍那。

⊙ 癸四結責迷情。

都無實義 世間無知 。惑為因緣及自然性。皆是識 心 分別計度 0 但有言說 0

皆是下總斥虛妄。識心虛妄。顛倒從生。因迷積迷。何實之有 凡外小乘。稟權教者。皆名無知。 不了實義。故名為惑。 執成名! 相 故 曰

⊙ 壬二火性四。癸一總標無性。

阿難。火性無我。寄於諸緣。

緣生之火。本無主宰。 無主即無性也。 因緣和合。虛妄有耳。

⊙ 癸二舉事廣破二。子一舉事標徵。

首楞嚴義疏注經卷第六

 $\frac{2}{4}$ 

242

汝觀城中未食之家。欲炊爨時。手執陽燧 0 日前求火

首楞嚴經長水疏

舉事也。陽燧。出火鏡也。

弗 阿難 雖為一。 0 婆羅門種。優盧頻螺。迦葉波種 0 名和合者。 詰其根本 如我與汝一千二百五十 。各各有身。皆有所生 。乃至阿難。瞿曇種姓 比丘。今為一 0 氏族名字。 眾 如 舍利 眾

曇此云地最勝。亦云日種。優樓頻螺此云木苽林。 引例也。舉眾以明和合也。因別成總。總必有別。故引三人。顯其異也。 瞿

而出。為從艾出。 阿難。若此火性因和合有。 為於日來。 彼手執鏡於日求火 0 此 火為 從鏡中

牒徵可知。

○ 子二依理推破。

阿難 破日生也。從日至手。四萬由旬。凡所照處。何不遭爇。而獨燒汝手中艾耶 若日來者。 自能燒汝手中之艾 0 來處林木皆應受焚

熱相。云何 若鏡中出。自能於鏡。出然於艾。鏡何不鎔。紆汝手執。 、融泮 尚無

合鎔鏡。今汝不然。應非鏡出 破鏡生也。前四句正破。後三句縱破。火能克金。遇必融泮。 外能燒艾。 內

若生於艾。 何藉日鏡。光明相接。然後火生

此 汝又諦觀 破艾生也。艾若出火。日鏡不合。何無火出。若必待合然後火生。顯非艾出。 0 鏡因手執。日從天來。艾本地生。 火從何方遊歷於

總結無從也。三處不出。火從何生。應知必無。

日鏡相遠。 非和非合。 不應火光無從自有

破和合無因也。日鏡非近。無和合義。緣中既無。非緣有火。 必無此理。

● 癸三會通實理。

汝猶不知 如來藏中 0 性火真空。 性空真火 0 清淨本然 周徧

首楞嚴義疏注經卷第六

243

2 4 4

首楞嚴經長水疏

法界。 隨眾生心。應所知量。 明真火也。初句指本迷。如來下三句顯法體。清淨下二句明德量。竝如前解 阿難當知 。世人一處執鏡 。一處火生。

编法界執。 滿世間起 0 起徧世間。寧有方所。循業發現

顯隨緣亦如前解。

● 癸四結責迷情。

世間無知。惑為因緣及自然性。皆是識心分別計度。 都無實義。 但有言說

如文可知。

⊙ 壬三水性四。癸一總標無性。

阿難。水性不定。流息無恆。

緣水無常。故云不定。隨物流止。即不定相

) 癸二舉事廣破二。子一舉事標徵。

承月中水 師 如室羅城 0 求太陰精。 迦毘羅仙 此水為復從珠中出 用和 。斫迦羅仙 - 幻藥。 是諸師等。 0 。及鉢頭摩 空中自有。為從月來 於白月畫。手執方諸 0 訶薩多等。諸大幻 0

徵訖。 太陰。精月也。方諸。出水珠也。太陰當中。以珠向之而求水也。月珠虛空三處 迦毘羅云黃赤色。斫迦羅云輪。鉢頭摩云赤蓮華。訶薩多未詳。此皆外道也

⊙ 子二依理推破。

則 阿難。若從月來。 何待方諸所出。 不流明水非從月降 尚能遠方令珠出水 0 0 所經林木皆應吐流 流

流 水性不從月來。 何獨珠出。 破月生也。前五句正牒破。月去人間如日之量。故云遠方。 流則下四句。雙結非也。照處皆流。 何用珠出 設無流者。 月光照處皆合成

若從珠出 則此 珠 中常應流 水 0 何待中宵 0 承 白月晝

2 4 5

首楞嚴義疏注經卷第六

首楞嚴經長水疏

2 4 6

若從空生。 有水陸空行 破珠生也。珠若生水。 空性無邊。水當無際。 合常有流。不待照月。何無水生 從人泊天皆同滔溺 0 云 何復

陸應不各存。滔水沒也。 破空生也。空若生水。 有空皆水。誰不受溺。 以空偏故 0 水亦周) 徧 0 人天水

汝更諦觀 何方。流注於此 0 月從天陟。 0 珠因手持 0 承珠水 盤 0 本 人 敷設 0 水 從

總結無從也。月從天升。 珠持手內。盤由人置 0 水自何 來

月珠相遠 。非和非合 0 不應水精無從自有

破和合無因也。言水精者。是太陰精之所流故。緣中尚無 非緣豈有

● 癸三會通實理。

界 汝尚不知如來藏中。 隨眾生心 0 應所知量 性水真空。性空真水 0 一處執珠 0 處水出 。清淨本 0 然 編法界執 0 周 编法 0

滿法界生。生滿世間 0 寧有方所。循業發現

節釋如前。

⊙ 癸四結責迷情。

都無實義 世間無知。惑為因緣及自然性。 皆是識 心分別計度。 但有言說 0

⊙ 壬四風性四。癸一總標無性

阿難。風性無體。動靜不常。

風性無狀。動靜以表。

◎ 癸二舉事廣破二。子一舉事標徵。

此風為復出袈裟角。發於虛空。 汝常整衣。入於大眾。僧伽黎角動及傍人。 生彼人面 則有微風拂彼人面 0

應知虚妄。 僧伽棃。大衣也。袈裟云壞色。衣動於此。風拂於彼。二處及空。三皆不生

首楞嚴義疏注經卷第六  $\frac{2}{4}$ 

首楞嚴經長水疏

2 4 8

子二依理推破。

0

我今說法會中垂衣。汝看我衣。風何所在。不應衣中有藏風地 阿難。此風若復出袈裟角 0 汝乃披風。其衣飛搖 0 應離汝體 0

我今下六句。舉例無風破。佛今垂衣。不見飛搖。獨汝袈裟云何風出。衣中未必 破衣生也。前五句。披衣離體破。風性不靜。若生衣中應見飛動。今何不然。

有潛風處。令衣不動。

若生虚空。汝衣不動。何因無拂

此下破空生也。此正牒破。空若生風。 何須假汝動衣方有

空性常住。風應常生。

無風出 此下展轉難也。今二句。隨空常在難 空性無滅。 風合常有 不動衣時 何

若無風時。虛空當滅

無風空滅難也。若空生風。風不起時。應是無空。

滅風可見。滅空何狀。

滅空無辯難。物不動時。 應知風滅。空若滅時。 以何表辯。

若有生滅。不名虚空。

生滅非空難。虛空無為。 為無生滅。今有生滅

名為虚空。云何風出。

反結空不生風也。風性搖動。虛空寂然。豈有寂然而生搖動

若風自生被拂之面。從彼面生。當應拂汝 0 自汝整衣 云 何倒

當受拂。汝自整衣。不干風出。云何其風反吹彼面。 破面生也。初二句牒。從彼下四句破。被拂之人。 面若生風。 應合順吹。 汝

誰方。鼓動來此 汝審諦觀 。整衣在汝。 面屬彼人。虚空寂然 0 不參流 動 風 自

重審也。衣面空異。 動寂體殊。 風從何來。 吹拂其面

首楞嚴義疏注經卷第六

2 4 9

2 5 0

風空性隔 。非和非合。 不應風 心 0 無從自有

首楞嚴經長水疏

破和合無因也。動寂不同。故云性隔。心即是性。文變故爾。

● 癸三會通實理。

法界。隨眾生心。應所知量。 汝宛不知。 風出。徧法界拂。 癸四結責迷情 如來藏中。性風真空。性空真風。清淨本然 滿國土生。周徧世間。寧有方所。 阿難 0 如汝一人微動服衣 循業發現 有微 周徧

都無實義 世間無知 。惑為因緣及自然性 0 皆是識 心分別計度。 但有言說

⊙ 壬五空性四。癸一總標無性。

阿難。空性無形。因色顯發。

空無有質。 離色之處。 即顯是空。 以對待故。 故無性也

⊙ 癸二舉事廣破二。子一舉事標徵。

羅墮。旋陀羅等。新立安居 如室羅城 。去河遙處。諸剎利種。及婆羅門。 0 鑿井求水。 毘舍首陀。兼頗

云利根。亦揵疾。旃陀羅云殺者。 舉事也。剎帝利云田主。婆羅門云淨志。毘舍云坐估。首陀云農者 頗羅墮

有 出土一尺 一丈虚空。虚空淺深。隨出多少 。無因自生。 。於中則有一尺虛空。 如是乃至出土 0 此空為當因土所 丈 出 0 中間 0 因鑿所 、還得

體不離色。今此推徵。令知虛妄。 標徵也。隨出土之多少。則見空之淺深也。虛空與色。二俱是假。 互相因有。

○ 子二依理推破。

無通達 阿難。若復此空無因自生 0 未鑿土前何不無礙 。唯見大地 逈

破無因生也。 空若無因 0 鑿前何無 0 鑿後何有。 無因不成

首楞嚴義疏注經卷第六

2 5 1

252

首楞嚴經長水疏

虚空。因土而出。 若因土出 則土出時。應見空入。若土先出。無空入者。云何

若土下四句結非。若見土出。不見空入。云何言空從土而有 破土生。此正破也。前三句牒破。土若生空。土出井時。應見虛空出土入井。

出 若無出入 。則應空土元無異因。無異則同 0 則土出時 0 空何不

<u>±</u> 土出井時。 此轉破也。若不見空出土入井。 何不見空從井而出 則土因空果。 二無有異 0 土即是空 0 空即是

見空。 若因鑿出 則鑿出空。應非出土。 不因鑿出 0 鑿自出土 云 何

因下三句。反破不因。土因鑿出。空因何有 破鑿生也。前三句正破鑿出。若鑿出空。鑿自出空。云何見土從井而 不

汝更審諦 0 諦審諦觀。鑿從人手。 隨方運轉。 土因地移 如是

### 虚空。因何所出。

再審二處也。土從地中運鑿移出。故云地移

鑿空虛實。 不相為用 0 非和非合。 不應虚空無從自出

文可知 此破和合。重結無因也。鑿空二體也。 虚實二義也。豈相符順而稱和合。 餘

◎ 癸三會通實義三。子一類通前義。

若此虚空 五大。性真圓融 0 性圓 周編 。皆如來藏 0 本不動搖 0 本無生滅 當知 0 現前 0 地 水火 風 均名

彼無。 動搖 為大。夫言大者。常徧為義。常故無生滅動搖。徧故時處悉有。 前三句。顯虛空之大義也。虛空若從因緣所生。體非周徧 是藏性中真功德故。無方大用 故名為大。 現有未無。緣會則生。緣離則滅。今此不爾。本如來藏 當知下六句。類前四性同受大名。咸稱大者。 0 **徧一切處。作利益故。豈同方便。** 0 0 皆周徧故 若因緣生 復是動搖 本自周徧 有名無 0 豈名 此有 本不 無動

首楞嚴義疏注經卷第六 253

首楞嚴經長水疏

2 5 4

實而稱大耶。

0

子二斥勸研詳

非出入。 阿難。汝心昏迷。 不悟四大元如來藏。當觀虛空為出為入 0 為

無偏義。豈名為大。故勸詳審也 無圓實智。故名昏。 不了常徧 0 故稱迷。 若虚空性有出入等。 則體非常 亦

○ 子三正會今理。

法界。隨眾生心 汝全不知。如來藏中。 方虚空亦復 如是 0 應所 圓滿十方 知 性 量 覺真空。 0 0 寧有方所 阿難 性空真覺。 0 如 。循業發現 一井空。空生 清淨本然 井 0 周徧

例前可解。

⊙ 癸四結責迷情。

世間無知。惑為因緣及自然性。皆是識心分別計度。 但有言說 0

為最後究竟垂範也。 諸圓實教。圓觀諸法根境識三。周徧不動。 壬六根性。然小乘多出四大。大教始有空名。根之與識。同名大者。未見經出。 文四。癸一總標無性 雖有其義。不左大名。

### 阿難。見覺無知 因色空有

0 二舉事廣破二。 一舉事標徵。

體 暗 如 汝今者在祇陀林 則明暗等因見分析 0 朝明夕昏 。此見為復與明暗相并太虛空 。設居中 宵 白 月則 光 0 黑 月便 同

為非一體 。或同非同。或異非異。

此約四句以徵 。 謂 一 也。異也。亦一亦異也。 非一 非異也

• 癸二依理推破

阿難 體相亡。暗時無明 暗時當滅 0 首楞嚴義疏注經卷第六 此見若復與 滅 明 則云何見明見暗 0 明時無暗 與暗 0 及與虚空 。若與暗 0 若明暗殊。 0 元 \_ 0 明則見亡。 體 者 見無生滅 0 則 明 必 與暗二 255 一於

首楞嚴經長水疏

何成

云

不與境一 滅見亡。 此破一也。 如何分辨明之與暗。 前 四句牒計 0 若明下三句結非。 則明下四句立理。若與下六句推破。見與境一 明暗自殊。見不隨滅。 應知此見

若此見精與暗與明非一體者。汝離明暗。及與虚空。 空。三事俱異。 作何形相 離明離暗。 從何立見 及離虚空。是見元同龜毛兔角 分析見元 明暗虚

上皆正破。明暗下三句結破。竝可知 破異也。初三句牒計。汝離下四句正難離境何相。 離明下 四 結成畢竟無體

明暗相背 云何或同 0 離三元無 云 何 或異

破 明暗虚空。離此無見。 破兩亦也。 同即一也。 亦異不可。 明暗互滅。 故云相背。 若與一 同 見即隨滅 如前 所

分空分見。 本無邊畔 云何非 同 見暗見明 0 性 非遷改 0 云 何

非異。

破雙非也。空見無辨。故非不一。明暗自遷。見無生滅。故非不異

虚空。壅歸大地 汝更細審。 微細審詳。審諦審觀 。如是見精因何所出 0 明從太陽 0 0 暗隨黑月。 通屬

重審也。勸細審詳。四境之中從何有見。

見覺空頑 0 非和非合。不應見精無從自出

破和合無因也。

○ 癸三會通實義三。子一類通前義。

摇地水火風 若見聞知。 性圓周徧。本不動搖。 。均名六大。性真圓融 當知無邊不動虛空。 。皆如來藏。本無生滅 并其動

見聞覺知。同名大者。葢常徧故。如前文釋。

子二斤勸研詳。

阿難 0 汝性沈淪 0 不悟汝之見聞覺知本 如來藏 0 汝當觀此見聞

首楞嚴義疏注經卷第六

2 5 7

覺知 。為生為滅 首楞嚴經長水疏 為同為異。 為非生滅 0 為非同異。

2 5 8

徧。 其大者歟。 生滅同也。非生滅異也。 為同為異。兩亦也。見聞既真。 四句叵得。 不動周

⊙ 子三正會今理。

發現 覺觸覺知 法界。隨眾生心。應所知量。 汝曾不知 0 0 妙德瑩然 如來藏中。 0 徧 性見覺明 周法界 如 0 見根 覺精明見。 圓滿十虚 。見周法界 0 寧有方所 清淨本然 0 聽齅當觸 0 循 周編 業

知。意也 曾。 則也 聽齅嘗觸者。鼻舌二根。境合始覺。故名嘗觸。 覺觸。身也 覺

⊙ 癸四結責迷情。

世間無知 都無實義 。惑為因緣及自然性。皆是識心分別計度。但有言說 0

○ 壬七識性四。癸一總標無性。

阿難。識性無源。因於六種根塵妄出

○ 癸二舉事廣破二。子一舉事標徵。

菩提。 為無所因 汝識於中 汝今徧觀此會聖眾。用目循歷。其目周視。但 此舍利弗。此識了知。為生於見。為生於相。為生虛空。 0 次第標指 突然而出 0 0 此是文殊。此富樓那。 如鏡中無別分析 此目犍連 此須

根能照境。如鏡照物。 識能了境。 分別自他 此識分別為從何生

○ 子二依理推破。

無汝見。見性尚無 阿難。若汝識性生於見中 0 從何發識 0 如 0 明 暗及與色空 0 四 種 必 無 元

破根生也。有相有見。 相無見無。 根尚無形。識從何發

若汝識性生於相中 0 不從見生 0 既不見明 亦不見暗 明暗不

首楞嚴義疏注經卷第六

2 5 9

2 6 0

矚 即無色空。 彼相尚無 識從何發。

破境界也。相見相待。 無見無相。 相猶不立。從何有識

若生於空。 0 見聞覺知無處安立。 非相非見。非見無辨 0 自不能 知 明暗色空。 非 相滅

破 非相下三句。非相不立五根破。相即是緣。 五根何有。上皆牒破。不假根境也 此下破空生。初二句。審定不由根境也。 非見下正破。 四境既無 前三句非見不辨四境 即所緣境滅。 所緣既

處此二非 空則同無。 有非同物 0 縱發汝識 欲 何 分別

之空若有所生。亦應無辨。故云欲何分別 畢竟無故。若言其空是有體者。豈同物像。 正破識從空生也。非相非見。故云二非。即正指空也。 可形可狀。又此虛空昏鈍無辨。無辨 同無者。 如龜毛兔角。

若無所因 突然而出 0 何不日中別識 明月

破無因也。 日中無月。 既無見月之識。 應知非是無因而有

成無。 汝更細詳。 如是識緣 微細詳審。見託汝晴。 。因何所出 0 識動見澄 相推前境。 0 非和 非合 可狀成有。 不相

和合。動謂能了別也。澄謂但照境也 重審生處也。 晴即浮塵。境即明暗。成有成無即虛空也。識動下二句 結非

聞聽覺知 。亦復如是。 不應識緣 0 無從自出

識起緣由。故云識緣 前二句。例破餘識。聞聽即耳鼻。覺知即舌身意識。不應下二句。 結無生處

○ 癸三會通實義三。子一類通前義。

滅 兼彼虚空地水火風 此識心本無所從。當知了別見聞覺知。 。均名七大。性真圓融 圓滿湛然。 0 皆如來藏 性 。本無生 非從所

見聞等 初二句能類。當知下所類。了別謂識 見聞謂根也。是生識之根。故云了別

首楞嚴經長水疏

•

子二斥勸研詳

262

處識 阿難 ジ 0 汝 。為同為異 心廳浮 0 。為空為有 不悟見聞發明了 0 為非同異 知 0 本 。為非空有 如來藏 汝應 觀

同異。如根中破。空謂空生。有謂根境。非空有。 謂無因也。

○ 子三正會今理。

界 汝元不知如來藏中 。含吐十虚。 寧有方所 0 性識 明知 0 循業發現 0 覺明真識 0 妙覺湛然 0 编周法

⊙ 癸四結責迷情。

都 世間無知 無實義 。惑為因緣及自然性。皆是識心分別計度。 但有言說 0

己三承前開示獲悟二。庚一具敘大眾領悟二。 辛一略敘除

爾 時阿難及諸大眾 。蒙佛如來微妙開示 。身心蕩然。 得無罣礙

三科七大即相即性。本自不生。今則無滅。生滅去來。皆如來藏。圓徧不動。

清淨本然。此是如來宣勝義中真勝義性。故云微妙開示。身心圓明。故云蕩然

更無諸法可為所疑。故無罣礙。

⊙ 辛二廣述得益四。壬一悟心廣大益

# 是諸大眾。各各自知 心徧十方。見十方空。如觀手中所持葉物

向執心在身中。謂言是我真性。今知空在心內。如片物持於掌間。下文亦云

空生大覺中。如海一漚發。

⊙ 壬二了物咸真益。

### 切 世間諸所有物。皆即菩提妙明元 心 0 心精徧圓。含裹十方

菩提云覺。覺即是佛。若執無情無佛性者。請看此文。縱信無情有性。仍說不具 法故為宗。因云有佛性故。同喻如有情。正教量云。地水火風均名七大。性真圓 若此派分。何異他說無情草木無佛性耶。今立量示云。一切草木是有法。定具諸 諸法。遂令佛性派成其二。一具法佛性。謂有情性。二不具法佛性。謂無情性 融皆如來藏。妙覺湛然。周徧法界。含吐十方。寧有方所。稟彼說者。宜悉詳之。 向執心外有法。今悟法法唯心。離實相外。無法可得。故世間物皆菩提也。 首楞嚴義疏注經卷第六

⊙ 壬三反顧遺身益。

如湛巨海 反觀父母所生之身。 。流一浮漚 猶彼十方虚空之中。 。起滅無從 吹 微塵。若存若亡 0

相本無生。故此二喻。各顯一意。 塵。存亡豈辨。喻至小也。如湛下再舉漚喻。了身無生也。前喻猶存小相。今喻 太虚處我心中。尚如片物在掌。更觀所生微質。於心大小若何 故舉空中

⊙ 壬四妙獲元心益。

# 了然自知。獲本妙心。常住不滅。

失。了悟名得。既言常住不滅。故非新得。但顯現耳 了謂顯了 。猶分明也。然語辭也。明解在心。故云自知 獲 得也。 迷妄名

⊙ 庚二阿難説偈讚述二。辛一標舉

#### 禮佛合掌。 得未曾有。 於如來前 0 說 偈讚佛

得益在懷 蓋承開示。 故展禮伸讚。 述益發心也

⊙ 辛二正説四。壬一嘆佛法希有二。癸一正歎。

# 妙湛總持不動尊。首楞嚴王世希有。

= 法。 現。鏡且不動 者。應身也。謂隨機感厭求勝劣。眾生心中之所顯現真如用相。名之為應 所顯發。 然常寂。 不動。無有作意。 體相用法 即行法也。 下句是行。 初句讚佛。 0 癸二述益。 總攝一切無漏功德。盡未來際任持不失。無有壞滅 無作無為。徧一切處。不生滅故。總持。 。具一切義 。故以不動為應身也。又妙及尊字通上通下。謂三身一體 理果行三是所詮義。必因能詮。所詮方顯。是故四法皆具嘆也 佛有三身。 一經所顯。唯此三昧。最尊最勝。於法自在 如月不降。百水不升。慈善根力。法爾如此。亦如鏡像隨形所 。故名為妙。是最究竟。 謂法報應。今皆具歎。 極證所顯 報身也。謂無量劫修行諸度之 妙湛。法身也。法身無相 0 。故名為尊 。詶彼因故 故稱為王 0 0 0 不動尊 上句 不三而 下句 佛體 嘆

# 銷我億劫顛倒想。不歷僧祇獲法身。

者 舉大數耳。 初句斷障 首楞嚴義疏注經卷第六 0 妄認四大六塵緣影為身心相 即前身心蕩然得無罣礙也。 下經云。從無始來顛倒淪替。今言億 0 迷己為物 0 觀大觀 小 0 皆為顛倒虛

首楞嚴經長水疏

破惑證理。發真妙用。皆隨位淺深而論廣狹。此則一會之眾皆得妙益耳 文云。各各自知心徧十方。知即解也。敘雖論解。不無證悟 歇即菩提。不從人得。何藉劬勞。肯綮修證。又云。彈指超無學。又圓覺云。 成佛。今於此會。言下頓悟。獲本妙心。常住不滅。 妄亂想。今聞開示。不執不認。故名為銷。 已入信解行位。聞法開悟。即是證悟。更有已入地住。即增道損生。乃至妙覺。 同。且如兩教 幻即離。不作方便。 阿僧祇云無數。劫波云時分。方便教說。一切諸佛。皆於無數劫中修波羅密然後 。二乘稟權菩薩。圓教根性未發信者。悟此境界。 離幻即覺。亦無漸次。皆此義也。然據今文。且敘解悟。 下句悟道。 何歷僧祇之有乎。故下文云。 即獲本妙心常住不滅也 0 以隨人入位淺深不 即是解悟

壬二願得果度生二。癸一正陳所願二。 子 7一陳願

# 願今得果成寶王。還度如是恆沙眾

道體。 生無邊誓願度也。下云除惑。即煩惱無盡誓願斷。 復以要誓總而持之。即三法周備。 句敘智。 即佛道無上誓願成也。 即於此身期獲證故。故云願今。 四願具足。發菩提心。畢於此矣 悲智二法即菩提心 次句 敘悲。 0 依圓 正是

圓頓修證莫過此矣。 道。故多劫修行非真菩薩。次不發大心。無由起行。故善財先陳已發。方問修行。 即今悲智二願也。後修菩薩行。即向下問修行方便也。 覺疏。頓教因地總有三重。初了悟覺性。即前獲妙本心。得法身也。二發菩提心。 謂若不了自心。云何知正

○ 子二述意。

# 將此深心奉塵剎。是則名為報佛恩

假使頂戴經塵劫。身為牀座徧三千。若不傳法度眾生。畢竟無能報恩者 心 以此二心。承順塵剎諸佛化行。 上句同佛化。上求下化。悲智二心。一一先悟妙覺明性。從深理生。 無二無別。故名為奉。下句結報恩。 大論云。 故名深

● 癸二重請證明。

伏請世尊為證明。五濁惡世誓先入。

如一眾生未成佛。終不於此取泥洹。

我願成道。本為度生。 度生之心。非暫時爾 盡未來際 眾生界盡。 我方入

滅。斯願至重。故請證明。

首楞嚴義疏注經卷第六

2 6 7

2 6 8

首楞嚴經長水疏

⊙ 壬三乞除惑速成。

令我早登無上覺。於十方界坐道場。大雄大力大慈悲。希更審除微細惑。

論。 得也。上句真身。 所知。俱名微細。下二句乞速成。前文已願得果。 悲謂拔苦與樂。 今云於十方界。約處橫說。即釋成上求下化也。 初句嘆德。威德猛盛。 無緣普救。皆言大者。顯無上也。次句乞除惑。自乘修惑。 下句垂應。證成也。道場。現八相也。前云未成不滅 如獅子王。故名雄。十義具足不可屈伏。故云力。慈 今再言者。以度生心切 大乘 願早

○ 壬四喻道心無動。

# 舜若多性可銷亡。爍迦羅心無動轉

利他 故不動轉。爍迦羅云堅固不壞也。又翻為輪。 。皆能摧碾惑業苦故 舜若多云空也。虚空之性不可銷滅。今尚可滅 輪有摧碾 。上求下化。菩提之心終無移 0 謂悲智之心

首楞嚴義疏注經卷第六

## 首楞嚴義疏注經卷第七

長水沙門子璿集

0 丁二破滿慈執相難性。 顯如來藏四 戊一致請三。 己一總述未了三。 庚一展敬

爾時 演如來第一義諦 右膝著地 。富樓那彌 合掌恭敬 多羅尼子 0 而白佛言。大威德世尊。善為眾生。 0 在大眾中。 即 從座起 偏 袒 右 敷

身也 是佛所證。決定無妄。審實名諦。 。恭敬。意也。白言下。口也。 如來說法。大眾咸坐。欲有所問。先起展敬。展敬之儀不離三業。 如來藏心不空不有。 即性即相。 名第一義 胡跪合掌

⊙ 庚二引喻述迷。

世尊常推說法人中 逾百步外聆於蚊 首楞嚴義疏注經卷第七 蚋 0 0 我為第一。 本所不見。 今聞如來微妙法音。 何況得聞 佛雖宣明 猶 。令我除 如聾人。 2 6 9

今猶未詳斯義究竟。無疑惑地 首楞嚴經長水疏 270

盡悔結。故引比也 聾人也。 言語道斷 遠逾百步。詎能明辨。第一義諦微妙寂滅。微細聲也。 滿慈子善說法要。眾推無上。今聞佛說。未盡領解。猶壞耳者。對微 。心行處滅。逾百步也。說斯等法。 聞而不解。 令我除惑。 與不聞等。猶 猶拘疑網。 細 聲。

⊙ 庚三比論得失。

世尊。如阿難輩 雖盡諸漏 0 今聞如來所說法音。尚紆疑悔 0 雖則開悟。 習漏未除 0 我等會中登無漏 0

漏未除。 羅漢雖得無漏。煩惱輕故。尚紆疑悔。所知重故。阿難雖得開悟。所知輕也。習 或有於境。智不及愚。所謂凡夫善通三藏。羅漢不識赤鹽。以所知障。障法界理。 初果之輩解悟不疑耶。答。煩惱所知二障差別。人執法執輕重不同。故正理論云。 習漏未除。滿慈無學。斷盡俱生。此約小乘煩惱障說。 開悟者。如前獲妙本心。常住不滅也。小乘有學。方斷分別。俱生全在 煩惱重也 問。 何故無學尚紆疑悔 名

己二別敘所疑二。庚一藏性生相疑。

世尊。 云何忽生 若復世間 0 山河大地 0 切根塵。陰處界等。皆如來藏。清淨本然 0 諸有為相。次第遷流 0 終而復始 0

難眾生本來成佛 答亦隨問 見而辯覺性。遂令覺性成諸輪轉。乃至結云。 示云 如來復說本來成佛。今經無此難者。意已含故。復有牒而縱之。責無窮過 了圓覺自性絕諸對待。生死涅槃猶如昨夢。遂引無明。 下文別答違妨也。然剛藏所問。反覆成難。文聚一處。鉤鎖相連。如來答釋亦總 即同彼云 迴而 。世界始終。念念相續。一 前五句引所聞 雲駛月運。 辯圓覺。 。二經答意。 . 何故復有一切無明。彼反難云。若諸無明眾生本有。何因緣故 舟行岸移等。今經即以常說本性覺體 故佛斥此正是生死垢心。分別妄見。 彼圓覺性即同流轉。若免輪迴。無有是處等。 。即同圓覺剛藏云。若諸眾生本來成佛也。云何下五句 廣略雖別 切對待。皆由分別生死垢心。輪迴妄見。未離妄 0 大旨攸同 0 如是分別非為正問。今經問既前 如彼經云。種種取捨皆是輪 遂令圓覺成輪轉也。由是 生死有為 。妙明明妙。 此即責剛藏。 。反復成疑。 反而責之。 。即同 迴。未

首楞嚴義疏注經卷第七

首楞嚴經長水疏

2 7 1

法空門下疑難大節。最障修證 斯皆未出輪迴而辯圓覺。 疑。惑則能所妄分。強覺俄起。三細為本。 以辯滿慈解惑之心 。解則已知覺體本妙。無明本空。 彼圓覺性即同流轉。 。滿慈迹雖小聖。 四輪成界。遂有世界眾生業果相續 故二經之意。問答竝同也。 今經圓通述悟。 山河大地如空華相 無非 大途。 0 然此是 夫何 致

⊙ 庚二大性俱徧疑。

陳難

剛藏無異。學者至此。

請細觀之

性 若地性徧 又 如來說 0 俱周徧 俱編虚空。 法界 地 0 水火風 云何容水 0 不 ·相陵滅 0 本 水 性 性 圓 0 周編 世尊 0 周編法界 0 0 火 地 性 則 障 不生 礙 0 湛然常 0 復云 空性 虚 何 住 通 明 水 世 0 尊 火二 云 何

觀性元真。唯妙覺明 此約世諦水火性異。 妙覺明心先非水火。云何復問相陵滅義 難第一義性 相 俱融 下文答云 觀 相 元妄。 無可指陳

⊙ 己三雙結求誨。

作是語已。五體投地 而我不知是義攸往。惟願如來。宣流大慈。開我迷雲及諸大眾 0 欽渴如來無上慈誨

所往。孰是孰非。願垂慈誨。冀無所惑。 攸。所也。據說則本然清淨。互偏互融。據今則宛爾山河。 碩乖水火。 莫知

⊙ 戊二許宣三。己一敘詮。

普為此會。 爾時世尊。告富樓那。及諸會中漏 宣勝義中真勝義性 盡無學諸阿羅漢。 如來今日 0

諦也。 如來常依二諦說法。謂世俗諦。勝義諦。今所說者異乎常說。謂勝義 斯為極唱。 一真法界。中道實相。無法不收。無法不徧。上聖下凡。情與非情 最後垂範也。 0 皆成 勝義

己二顯益。

皆獲 令汝會中定性聲聞 一乘寂滅場 地 0 0 真阿練若 及諸一 切未得二空。 0 正修行處 迴向上乘阿羅漢等

首楞嚴經長水疏

歸一乘究竟涅槃。涅槃經云。我於餘經。說有聲聞不得作佛。非於此經作如是說。 名真無喧雜。正修行處也。 融三乘。了義極談。莫斯為最。阿練若。云無諠雜。首楞嚴王。即諸佛之大寂定 涅槃佛性即如來藏。亦名一乘。亦名首楞嚴。二經同味。不亦宜乎。斯則會五性 方便教說。定性二乘。 無性闡提。不得成佛。如焦芽敗種等。今此會通。咸

⊙ 己三敕聽。

汝今諦聽。當為汝說。

戊三佇間。

富樓那等。欽佛法音。默然承聽。

- 戊四答釋二。 己一答藏性生相疑二。 庚一正答所疑三。 辛一牒疑
- 富樓那 如汝所言。 清淨本然 0 云何忽生山河大 地
- 辛二正答二。壬一唯一真心。

汝常不聞如來宣說。 性覺妙明 0 本覺明妙 0 富樓那言。 唯然世

## 尊。我常聞佛宣說斯義。

流耶 照。寂滅無二。古人所解。各隨其意。云云在彼。不能具敘 照而常寂。故曰明妙。此顯法界一相。真覺無二。圓覺亦云。一切覺故。 鑒不昧。昏惑不能暗。故名明。妙明明妙。左右言耳。或可寂而常照。 無改易。故名性覺 性覺本覺。指體也。妙明明妙。顯用也。顯不由他。故云性覺。性自覺故 性真常中。求於去來迷悟生死。了無所得。若了斯旨。 三科七大。虚妄有生。虚妄名滅。生滅去來。本如來藏 經之內尚有多名。況諸經耶。名雖有異。一體無別。皆顯法界一相 。豈由於他。顯非有始。故名本覺。本來覺故。 。何致問於如來耶。 真如心。 是佛常說。 。相非生起。故名本覺。體相寂滅。心言不能及。 故茲責問。已釋疑盡。此就真如門。約體絕相以答也。 或名法界。或名實相。或如來藏性。 本來明故。豈因始有 何山河之忽起。有為之遷 。不動周圓。 或妙淨明心 0 。故稱妙 妙真如性 本來平等 故稱妙明。 圓覺普 ?。性自 又體

0 壬二起諸妄法 0 即約生滅門隨緣成事以釋。文三。癸一總 問覺 明

言 0 汝稱覺明 0 為復性明。 稱名為覺。為覺不明 0 稱為明覺

首楞嚴義疏注經卷第七

首楞嚴經長水疏

2 7 6

明與覺異。名為明覺。覺明之號。由誰而立。故云汝稱等。此之二意。 覺妙明。為作何解。為此覺體本性自明。名為覺明。為復覺自不明。 此之一問。定其解惑也。解則不合致疑。惑則此非正問。意云。 由覺他明。 汝聞我說 性

定滿慈答為得何意。得正則無疑。認邪則生妄。故此一問。定其解惑也

● 癸二答由所覺。

#### 富樓那言。 若此不明。 名為覺者 0 則無所 明

自不知。妄認所明。 明覺一相。無二無別。此唯真覺更無別法 法生起之本。佛之本意。覺性元明。必不因他而稱明覺。 名為覺。不得兼稱覺明。若欲兼稱覺明。必有明為所覺。 據斯答意。覺體自不能明。必須別假他明為其所覺。若無所覺之明。 遂成迷倒 0 除一實相 0 餘皆魔事 覺妙明妙。覺圓明圓。 斯則但認於邪。 0 滿慈起教 以為妄 但 可獨

癸三約計敘妄二。子初且破滿慈能所執見三。 丑 \_ 破真覺墮能

#### 若無所 明 則無明覺 0 有所 非覺

初二句總牒所計。若汝執言。必有所明。方稱明覺 0 若無所明 無明覺者

知有所。非真覺也 道偈云。若時於所緣 佛即破云 。則生二妄想。 。有所非覺也。意云。若有能所。焉稱真覺。 了心及境界。妄想則不生。 0 智都無所得。 爾時住 催識 上文云。 0 離二取相故。 覺所覺告 夫真覺者 經云 0 。離能所相 覺非眚中。 。不了心及 故 見

⊙ 丑二破妙性非湛明。

## **無所非明。無明又非覺湛明性。**

二句破云。 初一句別牒所明。若如汝言。必有所明方稱覺明 如來常說覺湛明性 0 豈得無明 若實無明 0 若無所明但可名覺者 不合名為覺湛明性 0

⊙ 丑三結示真妄二覺。

## 性覺必明。妄為明覺。

於覺 上句結真。下句結妄。 是故汝言。若無所明則無明覺。 性覺必有真明。 以有所明方稱覺明 故云性覺妙明 0 故解惑之見。 本覺明妙。 妄謂明異 於焉可

**①** 子二 正 顯 迷真起妄之由二 0 丑 \_ 通明妄覺托真之相

首楞嚴義疏注經卷第七

2 7 7

2 7 8

首楞嚴經長水疏

## 覺非所明。因明立所。

始住地無明。瓔珞經云。四住地前更無法起。故最極微細。即此所相也 即真如不守自性。為妄所見。便為所相。如前燈光為眚所見。 滅與生滅和合。非一非異。名為阿梨耶識。是此真明為執所認。而立所明也。此 莫不是此。起信云。由不如實知真如法一故。不覺心起而有其念。又云。 非所明。因此真明。無明不了。妄執為所。由是一念纔起。 真覺之體。本有妙明。不逐緣生。非由境起。本來寂照。法界一相。 四惑俱生。本識初相 便為圓影 不生不 此名無 故云覺

0 丑二廣辯三相展轉生由二。寅一左因相二。卯一別示三相三。 辰 一異相

#### 所 既妄立 。生汝妄能。 無同異中。 熾然成異

故 果不離因故 生汝妄能者 動異不動故 。妄能隨生。能所二心不相離也。無同異中熾然成異者。即相望論異也。一真 起信名為業相。故論云。以依不覺故心動。說名為業。覺則不動 。二當體論異。謂此業相具能所故。有生滅故。今此文云。 。此經名為異相者。異有二義。一相望論異。謂不覺則動 0 即當體論異也。真覺妙明本非所相。無明不覺。妄認為所。妄所成 0 覺則 所既妄立。 動即有苦

無相也 之體 0 離言說相。離心緣相。故無同異。能所妄分。二相俄起。顯然成立。相異 亦名動相 異靜心故

○ 長二同相。

## 異彼所異。因異立同。

非絕待靜。故云因異立同 起成能見故。今言異彼所異者。能異即同相。 前異於真。今異於異。待異立同。 起信名為轉相。故論云。以依動故能見。不動則無見。轉者起也 又麤顯故 所異即異相。欲異異相 亦名靜相 靜異動故。 此靜待動 轉前動心 須立同名。

⊙ 辰三無同異相。

# 同異發明。因此復立無同無異。

三境現也。今云同異發明者。由前同異二相。相形顯發故。遂令心相轉麤 外境。形對前二而立此名。非前靜相。故名無同。非前動相。名為無異。此則待 问異之無同異。 起信名為現相。故論云。以依能見故。境界妄現。 首楞嚴義疏注經卷第七 非絕待之無同異也。故云同異發明也。 此之三相。本識分齊。 離見則無境界 此則梨耶 2 7 9 。能成

注生滅。念念不息。非凡夫二乘之所能覺。由彼一念無明所起。 首楞嚴經長水疏 起信名為不相應 280

染。唯佛究盡。故文云。依無明熏習所起識者。非凡夫能知。亦非二乘智慧所覺。

唯佛窮了 謂依菩薩從初正信發心觀察。若證法身。得少分知。乃至菩薩究竟地不能盡知。

⊙ 卯二總指釋成

### 如是擾亂 相待生勞。 勞久發塵。 自相渾濁

名相五重。如下廣辯 三相虛妄。染污真性。故名為塵。汨清淨體。令失明潔。故名為濁。濁之麤細 如是三相。互相擾惱。互相雜亂。形待不息。遂成勞倦。 。皆由此三而為根本也。 如勞目睛則有狂華。

0 寅二辯果相二。 卯一由因引果二。辰一由 細 引廳

## 由是。引起塵勞煩惱。

輪轉無窮。皆由於此。即煩惱道也。 以妄想內熏。境界外熏。 由前三細。引起四麤。 因緣具足。 謂智相 相續 下業果眾生。即後二麤。起信云。以有境界 由是方生。 執取 故云引起。染汙勞累造業受報。 。計名也。 此四正是二障之體

緣故。復生六種相。此即六麤也。

⊙ 長二由內感外。

### 為法。 起為世界。 静成虚空。 虚空為同 0 世界為異。 彼無同異。

轉。 責現之後先耳 即同時。所感外器虛空。 種子等。前之二相雖亦有為。三相未具。能事未辦。故成就位。方說有為 亦名現識。此就梨耶三相具足成就位。說名真有為法。以能成就八識六塵及根身 對動之靜。為此因故。故云靜成虛空。虛空下二句。結由二相也。彼無下指現相 真無同異。無同異言真妄俱有。由此揀故。無相濫失。然此三相。說雖次第。起 不異。形前差別動亂。故名為靜。即虛空之體也。虛空無差別動轉。由內 一相。名無同異。濫前所說真如覺體。亦無同異。故此特指是有為法。即知非是 隔別不同 起即是動 故名世界。 動即異相。 及有情根 皆由內有異相為本。故云起為世界。 異名差別。為世界體。世為遷流 0 一念頓現。 亦非前後。不可以說之次第。 。界為方位 靜即同相 有同相 前後改 。又此 同名

首楞嚴義疏注經卷第七

2 8 1

•

卯二正明果相三。

長一

世界相續

೮

辯其相二。

午

明四

輪所起四。

首楞嚴經長水疏

#### 覺明空昧 相待成摇。 故有風輪 0 執持世界

妄有虚空。依空立世界也 外即成風輪初起。是故世界之初 妄覺也。一明一昧。一動一靜。 由前所既妄立。生汝妄能。所即影明。能即妄覺。此之覺明全是無明 **偏迷法界。即成空昧。故下文云。汝見虚空徧十方界。空見不分等** 剎那生滅。相待不息。於內生滅。 。風輪為始。虛空即為世界所依。故下文云。 即名為搖 0 見即 無明

○ 未二金輪。

## 因空生摇。堅明立礙 。彼金寶者明覺立堅。故有金輪保持國土 0

覺明有。是故眾寶皆體堅而用明也 於內即是覺明堅執。 無明生滅。形待不息。故云因空生搖。執認所明。堅持不捨。故云堅明立礙 於外即成金輪次起。 故云彼金寶者明覺立堅。 故知寶性 因

⊙ 未三火輪

## 堅覺寶成。搖明風出。 風金相摩。故有火光為變化性

散。成熟萬物。故云為變化性 不息。堅剛難壞。互相摩觸而有火生。 前二句。指前二性。為生火之由。 於內則生滅不停。堅執不捨。 如取火法。鑽燧與木。 堅一 動。 於外則動搖

⊙ 未四水輪。

## 寶明生潤 。火光上蒸。故有水輪含十方界

約相在後。舉性在初。故風輪後。即說金輪。又彼但知增上業感。而不知是何因 見故。然小乘宗。水輪在前。金輪在後。與此不同者。而不知風輪持水即是堅礙。 有汙流。故一切業種。非愛不生。 不相離。同一妄心所變起故。如虛空華。不離翳故。愚人不了。心外執境。 以教非了義。麤相說也。 於內則愛明堅執。燥心熾盛。於外則寶潤火蒸。遂成流水也。如世蒸物 一切草木。非水不長。由是四性互相假藉。 顛倒

〇 午二明諸相發生。

騰水降 0 交發立堅 0 濕為巨海 乾為洲潬 0 以是義故 彼大

首楞嚴義疏注經卷第七

2 8 3

2 8 4

海中火光常起。彼洲潬中江河常注。

首楞嚴經長水疏

火起。水中可居曰洲。水中沙聚曰潬。 執心盛故成洲潬。瞋性生慢。執性生瞋。於色起愛。潬中流水。違愛生瞋 終為水克。故大海廣而洲潬狹也。皆由妄性不常。前後變異。愛心多故成巨海。 火炎上而就燥。水降注而流濕。交互擊發。立成堅礙。火雖炎上而相擊發

水勢劣火 。結為高山 。是故 山石 0 擊則成燄 融 則成 水 0

外則水勢劣火。內則瞋增愛微。瞋復加慢。結為高山

土勢劣水。抽為草木。是故林籔。遇燒成土。 因絞成

互相滋蔓。異類成形。草木山川。千差萬品 外則土勢劣水。內則愛增慢輕。愛能生水。 水能長養。 故抽草木。 **瞋愛慢三** 

○ 巳二結相續。

交妄發生 遞相為種 0 以是因緣 世界相續

先從明昧搖動有風輪。 風搖明立有金寶。金風相摩生火性。火蒸金潤有水生。

外相雖爾 水火相交。勢有勝劣。水勝火劣為海洲。火勝水劣為山石。土劣水勝為草木等 皆由內心 內心無變。外豈差別。 經且約外。故云遞相為種。

- 長二眾生相續二。巳一辯其相二。 午一明根塵創結二。 未一指前因相
- 復次富樓那 0 明妄非他。覺明為咎。 所妄既立 0 明理不踰

理為念所礙。隱而且廢。不能踰越而顯現也。 覺明即能所也。所明既已成立。引生能覺之心。念念相續。莫能離念。故真明妙 明謂顯發。妄之顯發。別非他緣。但由自己一念不了。能所妄分。以為過咎。

⊙ 未二結成根塵。

分開 以是因緣 。見覺聞知 0 聽不出 聲 0 見不超色 0 色香味觸 0 六妄成就 由是

識生其中。根境識三為業之性。各自取吸。不行他緣。故云不超等。 分出六塵。於前妄覺。開成聞見等。 無明為因。所明為緣。 展轉相形至無同異。於此一相分出根塵 由是前云覺明為咎也。 即於前所明。 根塵既偶

○ 午二辯生類初因二。未一舉類總標。

首楞嚴義疏注經卷第七

285

2 8 6

首楞嚴經長水疏

同業相纏

合離成化

也。 離。 皆名變化故 合處濕生。 胎卵有情。 離處化生。 要因父母同業相感。故云同業相纏。濕化有情 不由父母同業相感。 故云合離成化 0 0 化即四生之總名 但因自己情想合

未二就因別辯二。 申 一攬塵成種二。 酉一情想所因

見明色發。 明見想成 0 異見成僧 0 同想成爱

則想愛俱行。由是受胎須資想愛。 異。異即違也。乃成於憎。 見謂妄見。明即所明。 色同於心 因見有明 明能發色。 同則順也。 因明起見 遂生於愛 0 見能生想 異則但想無愛。 境與想 同

酉二結成種類。

羅藍 流爱為種 遏蒲曇等 納想為 胎 交遘發生 吸引 同業 0 故有因緣 生羯

種謂已受。愛取所潤。 即異本之種也。故云流愛為種 0 胎即正約現行一念識

蒲曇云胞。胎中前二七也。若至三七。胎卵即分。故約前二未分位說 胎藏。故云交遘發生。吸引同業 母與子。三處情想。互相交合。互相遘遇。引發吸取界趣同業。 心生起之時。然種即想愛俱為種。胎即想愛俱為胎。經文存略。 。自業為因。三處情想為緣。羯羅藍云凝滑 令歸一處 故各舉一也。父 結成

申二分為四生。

胎 卵濕化 0 隨其所應 0 卵 唯想生 0 胎 因情有 0 濕 以 合感 化 以

等。又卵殼中生。多分是想。如飛鳥魚龍皆迅疾故。故云想生。胎藏中生者。情 故云離應。 與濕氣合。即便受生。故云合感。 多想少。以情多重墜。不能輕舉也。故云情有。濕氣中生。不由父母。但自情想 故云隨其所應。 略即四生。廣即十二。 情想合離。 如下廣辯。 四生皆具。今各舉一。據多分說。下經自有情想多少 化亦自想。懸想勝處。情愛彼境。即便化生。 四生起時。業與情想相應之處 即便受生。

日二結相續。

首楞嚴義疏注經卷第七

2 8 7

288

情想合離 續。 0 更相變易 0 所有受業 0 逐其飛沈 0 以是因緣。眾生

首楞嚴經長水疏

故云逐其飛沈。 情想不常 捨身受身。 剎那變易 0 或先胎而後卵。先濕而後化 無能斷絕。故云眾生相續 所有受報 0 隨業善惡

辰三業果相續二。巳一辯其相二。 午一正辯三。未一欲本

是等則以欲貪為本 富樓那。想愛同結。愛不能離 0 則諸世間父母子孫 0 相 生不斷 0

孫 續生不斷。 愛欲情深 皆欲為本也 互相纏縛。 結滯難捨 0 故云不離 父母生子 子復生孫。 子子孫

未二般本。

貪愛同滋 。是等則 貪不 以殺貪為本 能 止 0 則 諸世間 卵化 濕 胎 0 隨力彊弱 0 遞相吞

為貪故殺 用滋我命。 以強制弱。 殺害不止 0 故為殺本

未三盗本。

生。 以 人食羊。羊死為人。人死為羊。如是乃至十生之類。死死生 互來相噉。惡業俱生。窮未來際。是等則以盜貪為本

怨對相值。更互酬償。盡未來際。相奪不止。皆盜為本。 不與而取。故名為盜。今非理食他。即奪其命也。以惡業故。同處一世。令

○ 午二釋成。

汝負我命。 我還汝債 0 以是因緣 0 經百千 劫 0 常在生死

釋殺盜也。

汝爱我心 0 我憐 汝色 0 以 是因 緣 0 經 百千 劫 0 常在纏縛

釋欲貪也。

○ 巳二結相續。

唯殺盜婬。 三為根本 0 以是因緣 業果相續

殺盜婬三。正是業道。 皆由貪愛以之為緣。 故此三種皆云貪也。業因苦果。

相生不斷。故云相續。

首楞嚴義疏注經卷第七

辛三結答。

富樓那 從妄見生。山河大地諸有為相。次第遷流 如是三種顛倒相續。 皆是覺明明了 0 知性 因此虚妄。 0 因了發相 終而復 0

所也 次第遷流。皆不離一念無明妄覺也 相續。皆由迷本真明。立成所相。所必生能。展轉麤著。遂成世界。眾生。業果。 覺明妙體。本有明了知性 故云因了發相。此之所相。由妄分別。故云從妄見生。此即總結前來三種 。即性覺妙明也。因本明了。迷成所相 0 即因明立

⑤ 庚二別答違妨二。辛一滿慈伸難。

富樓那言。若此妙覺本妙覺明。 何當復生 山河大地諸有為相。 如來今得妙空明覺。 與如來心 不增不減 山河大地有為習漏 0 無狀忽生 0

妙空明心。何時忽然復起諸妄。此即牒而縱之。 妙覺明心與佛同體。 本來無妄。 由乎強覺。 責無窮過也。 忽認所相。便有妄生 即同剛藏云 佛今已得 。 十 方

異生本成佛道。後起無明。一切如來。何時復生一切煩惱

佛告富樓那。 0 虚空。了不移動。妄心妄境似有生滅。真妙覺明何曾變改。次門即攬理成事。故 再迷也。初文二。癸一迷除方正喻無明本空二。子一正喻二。丑一問答迷本無因。 約金鑛灰木。可鍊可燒。以喻果成惑滅。二門四喻。雖各不同。皆顯悟後。更不 辛二如來喻釋二。壬一約真如門釋。 以喻無明及山河等。元來不起。體不可得。迷心翳眼 譬如迷人。於一聚落惑南為北。 壬二約生滅 門釋。初門泯相顯實。故約迷 此迷為復因迷而 。雖有起滅。 正方

何以 有 因悟而出。富樓那言。 。迷本無根 。云何因迷。悟非生迷。云何因悟 如是迷人。亦不因迷 0 又不因 0

故今徵之。令知無生。即見無明本空也。 所明也。惑。無明也。南相不動。惑故見北。性明無變。迷故立所。 人聚可居。故云聚落。迷人。眾生也。聚落。如來藏也。南。性明也。 此迷妄出。

) 丑二問答悟後不妄。

彼之迷人正在迷時 0 倏有悟人指示令悟 富樓那。 於意

首楞嚴義疏注經卷第七

2 9 1

292

云何 。此人縱迷。 於此聚落更生迷不。 不也世尊

首楞嚴經長水疏

故佛舉喻以問。令解法如喻也。 悟人。善友也。指示。教行也。令悟十方如來也。滿慈於法有疑。 於喻明解

子二合顯。

富樓那。十方如來亦復如是。此迷無本。 似有迷覺。覺迷迷滅 。覺不生迷 性畢竟空。昔本無迷

覺盡無始妄念。合本覺時。更無始本之異。唯一妙覺。豈更生妄。故云覺不生迷。 無迷。約生滅門似有迷覺。覺即所迷本覺。亦即始覺也。覺迷迷滅者。始覺智起。 迷即無明。亦名為癡。亦名不覺。不覺即覺。故云性畢竟空。約真如門昔本

亦 空華所滅空地。待華更生。汝觀是人。 見空中華。 翳病若除 。華於空滅。 為愚為慧。 忽有愚人 於 彼

癸二翳差華亡喻山河不實二。子一約喻問答二。丑一待華愚慧

翳喻妄見。華喻山河。妄見若亡。 山河自滅。故下文云。見聞如幻翳 三界

若空華。聞復翳根除。塵消覺圓淨。空無華處。故云空地

⊙ 丑二顛倒狂癡答。

更出 富樓那言。 。斯實狂癡 空元無華。妄見生滅 。云何更名 0 如是狂人為愚為慧 。見華滅空 0 已是顛 倒

真元無相。妄見起滅。 見山河滅。已是倒見。若待更起。斯同狂

○ 子二反質結訓。

佛言。 河大地 如汝所解 0 云何問言 0 諸佛 如來妙 覺明空 0 何當更出 山

既滿。 怒癡。若無增上慢。佛說婬怒癡性即是解脫。是知。 據汝於喻所解 鏡像果圓。凡是斷證。當體斯旨 。不合更疑如來空覺生山河也。維摩云。 如夢勤加。 佛為增上慢人說離婬 空名惑絕。 幻因

⊙ 壬二約生滅門釋二。癸一喻二。子一喻果成。

又 如金鑛 雜於精金 0 其金一 純 0 更不成雜

首楞嚴義疏注經卷第七

293

首楞嚴經長水疏

2 9 4

不成雜。然因果雖殊。覺性平等 眾生覺隱。如金雜鑛。諸佛覺顯 如金一純。 已入果海。 不重為因。故云更

○ 子二喻惑滅。

# 如木成灰。不重為木。

成。 灰歸於地。不重為木。 覺性如地。惑障如木。 修行智起。 加行如燧。智照如火 惑滅覺顯。 顯處唯真 涅槃如灰 燧動火起。 不重起妄

⊙ 癸二合。

# 諸佛如來。菩提涅槃。亦復如是。

與灰。燒鍊方現。意云圓頓之理雖齊。迷悟不妨成異。既有多生習障。還須背習 不壞修證因果之相。故說消鑛出金。燒木成灰也。迷方空華。則始終元無。 華。妄見生滅。斯則以責滿慈。見妄有滅尚是顛倒。豈況復待習漏再生也 方空華。元來不起。非後始滅。故法合云。此迷無本。性畢竟空。又云 理。生佛俱是本真。以成前文。清淨本然皆如來藏。與如來心不增不減。 菩提。智果。涅槃。斷果。雙合二喻也。然上四喻。二二同意。前就圓悟之 空元無 故舉迷 金之

邪見。若但用後二喻。即成眾生覺性本來不淨。失真常理。亦成邪見。道理微妙。 顯真。真顯則究竟清淨。更無再迷也。若但用前二喻 喻難齊。故說四事。各喻一法。以盡其理也。 則撥迷悟因果之相 1。便成

- 己二答大性俱徧疑二。庚一釋二本疑二。辛一牒疑。
- 富樓那。又汝問言。地水火風。本性圓融 性不相陵滅 。又徵虚空及諸大地 0 俱徧法界 0 0 周徧法界。 不合相容 疑水火

前既伸疑。今將答釋。故此牒舉。

- $\odot$ 辛二正釋二。壬一寄喻略釋三。癸一舉喻二。 子一總舉喻本二。 丑 標
- 富樓那 。譬如虚空 體非羣相。 而 不拒彼諸相發揮

發顯揮揚也。 虚空。藏性也。群相。七大也。真元無相。不守自性。隨緣現相。 故云不拒。

⊙ 丑二釋。

所 以者何 0 富樓那 0 彼太虚空 0 日照 則明 0 雲屯則暗 風搖則

動 霽澄則清 首楞嚴經長水疏 0 氣凝 則濁 0 土積成霾 水澄成 映 2 9 6

聚也 此舉七事。 可喻七大。 隨義對法可知。霾風而雨土也。 霽。 雨初止也 屯

⊙ 子二略難喻相三。丑一徵

於意云何 0 如是殊方 0 諸有為相 0 為因彼生 為復空有

方。法也。即明等諸法。彼即日等也。舉此諸相。以明七大相空。都無實法

虚空無相。不礙諸相顯發

丑二難

若彼所生。富樓那 云何空中更見圓 不生光耀 日 0 且日照時 若是空明 0 0 既是日明 空應自照 0 云 十方世界同為日色 何中宵雲霧之時 0 0

如文。

⊙ 丑三結。

當知是明。非日非空。不異空日。

此結即離俱無生也。又非日非空。顯無生處。不異空日。 隨緣似有。

⊙ 癸二指法二。子一相無所指。

觀相元妄。 無可指陳 0 猶邀空華 0 結為空果 0 云 何詰其相 陵滅

華待令結菓。 七相無生。 本自寂滅 0 既稱為妄。 將何可指 指尚不得 0 仍使相陵 何異空

○ 子二性無不容。

者。 觀性元真。 唯妙覺明 0 妙覺明心 0 先非水火 0 云 何復問 不相容

猶如虛空。體非群相 七大性真。元如來藏 說何陵滅 0 如來藏中無水火異。 於一妙覺 約何等義說不相容

◎ 癸三合顯二。子一正合前文。

首楞嚴義疏注經卷第七

2 9 7

首楞嚴經長水疏

2 9 8

真妙覺明亦復如是 0 則各各現 。若俱發明。則有俱現 0 汝以 空明。則有空現 0 0 地水火風 。各各發

現諸境界。亦此意也 現。有種種相。上文云。隨眾生心。應所知量。循業發現。起信論中。因熏習鏡。 現。又隨人各發。人各見別。多人俱發。俱現一相。此即真如不守自性。 明心隨現空相。 真妙覺明。 地水火風。於汝心中。各各互發。隨心各現 合虚空無相也。汝以下。合諸相發揮。汝心分別有空發明 。心中俱發。 隨緣所 七大俱 。妙覺

⊙ 子二重喻俱現二。丑一正喻。

東西各行 云何俱現 0 富樓那 則各有 日 0 0 如一水中現 隨二人去。 於日影 一東 0 西 兩 人同 先無準的 觀水中之 日 0

分。 不離一妄。東可為準。 七大體虛 如日之影。 西復是何。 東西隨去。 如分七別。隨方雖異 如的是一。不合各去。若知是影 。不離一影 0 七大雖 一多自

丑二正難。

虚妄。無可憑據 不應難言 此日是一 0 云何各行。 各日既雙。 云 何現 0 宛轉

大與所妄。唯一影像 已是影。 復現隨去。影復現影。何實可 。無實可得。故云宛轉虛妄 據而欲致難。 唯一 所 明。 復現七大。

富樓那。汝以色空。相傾相奪於如來藏。而 合塵。故發塵勞。有世間 周徧法界。是故於中。 壬二約義廣釋二。癸一約體用正釋二。子一約迷悟顯用二。丑 風動空澄。 相 日明雲暗。 如來藏。隨為色空。 眾生迷悶 一迷成 0 背覺 間

性起。斯則眾生。起無明風。鼓真如海 從無始來迷己為物。故於是中觀大觀小。圓覺亦云。圓覺自性。非性性有 色空即地空二大也。二大既爾。餘皆例然。故云是故於中等。上文云。一切眾生 失於本心。故云背覺合塵有世間相 汝以分別色空之心。於真覺中而現傾奪。彼真覺性。隨成色空。互相 0 成八識浪 0 變起世間種種諸相 0 為相所 '。循諸 陵滅

首楞嚴義疏注經卷第七

2 9 9

首楞嚴經長水疏 300

丑二悟成出世用。

法界。 我 以 妙明 不滅不生 0 合 如來藏 0 而 如來藏 0 唯 妙 覺明 圓

覺明圓照法界 當爾之時。唯一 悟藏體也。 不滅不生。無生智也。如來藏。無相理也。理智冥契。 妙心。無理智別。即始覺合本。 無本始異。唯一覺故。故云唯妙 故名為合。

道場。徧十方界。身含十方。無盡虛空。於 是故於中 坐微塵裏 0 0 轉大法輪 一為無量。 無量為一 小中現大 一毛端 0 大中現小 0 現寶王刹 動 0

微下二句。 釋大小自在。前二句正中現依。於一下二句。 起妙用也。前五句。標二種自在。不動下二句。釋一多自在也。身含下六句 依中現正。餘句含在其中。可以意得。華嚴十種自在亦不離此 正中現依正。亦是依中現依正。

滅塵合覺。故發真如妙覺明性

耳。 斯則無大小之可拘。非一多之可限。塵毛剎海。 結所以也。下文云。聞復翳根除。塵消覺圓淨。淨極光通達。寂照含虛空 俱徧俱納。以性本然。至果斯顯

◎ 子二約三諦示體三。丑一約非相以明真諦。

而 如來藏本妙圓心。非心 非七大也。心即識大。亦即五陰。 。非空。非地。 非水 0 非 風 0 非火

非眼。非耳鼻舌身意。 乃至非意識界。 非色。 非聲香味觸 法 0 非 眼 識 界 0 如是

非十八界也。攝十二處。

非明無明。明無明盡。如是乃至非老非死 0 非老死盡。

非十二因緣。流轉還滅法也。

非苦。非集。 非滅 0 非道 0 非智 0 非得

非四諦及能證所證也。

首楞嚴義疏注經卷第七

3 0 1

302

首楞嚴經長水疏

非檀那。非尸羅 非毘棃耶 非羼提 0 非禪那 0 非般剌若。 非

非六波羅蜜也

波羅蜜多。

如是乃至。

即超過因中三十七品一切因行。果上十力四無畏十八不共等一 切果德

非但闥阿竭。非阿羅訶。三耶三菩。

非如來等三號也。

非大涅槃。非常。非樂。非我。非淨。

非涅槃四德也。

### 以是俱非世出世故。

此上總非諸相者。即約真如門。顯真諦義。 待故。但有名字。名字即空。今次第非者。 諦緣觀智及道滅六度已下。皆出世法。 苦集十二緣。三科七大。皆世間也。 初由無明故有妄識。妄識所變即有空 一切皆空。凡所有相皆是虚妄。以相

性故 界 。 即有常樂我淨 遂分三乘次第 空界現故結成四大。 乃成十二因緣流 0 。會三歸一 是故展轉相由以立名字。各無自性 轉生死。 四大起故即有根塵 0 即有佛果。 為對治故。 果有能證 即有出世觀智諸法 。根塵合故遂有諸識 所證。 0 一切皆空 即分菩提涅槃。 0 出世 0 根境識三為業 利鈍不同 涅槃具德

○ 丑二約即相以明俗諦。

**毘黎耶** 即 即 即 死 即意識界 盡 即淨 怛 耳鼻舌身意。 如來藏元 . 闥 0 阿 即苦即集 0 竭 即羼提。 以是俱即世出世故 0 明心 即 0 即 明 妙 即色。 無 阿羅訶 0 即禪那 明 即滅即道 0 即 0 明 0 即聲香味觸 分 0 無明盡 即空 三耶三菩。 即般剌若。 0 即智即得 0 即 0 如是 法 地 即 即大涅槃。 0 即波羅蜜多。 乃至 即 水 0 即檀那 眼 0 識 即 0 即 界 風 老 即常即樂 即 0 0 即死 如是 火 即尸羅 如是乃至。 0 乃 即 0 至 即 眼 0 0 即 即 老 0 0

前約真如不變絕相 此約隨緣成生滅門 顯俗諦也 0 此即不離 \_\_\_ 真 隨染幻

首楞嚴義疏注經卷第七

3 0 3

差別 成種種相。非相現相。 非名現名。隨世建立。 不壞假名。 故名為即

3 0 4

首楞嚴經長水疏

⊙ 丑三約遮照以明中道。

#### 即 如來藏妙明心元。 離即離非。 是即非即

至本末 三義。 非即 言語道斷。心行處滅 初且以非遣相。次乃以即遣非。終帶名言。未極一真之旨。離即非即 說真。真妄相形。名言不息。 一法門。皆以言遣相。文殊師利以言遣言。維摩大士無言遣言。方為究竟。此之 。三諦 此約二門不二。唯是一心。雙遮真俗。故曰離即離非 唯佛與佛乃能究盡 。即如於中道實相之是 亦復如是。又如天台釋法華十如是義。以一心三觀釋之。 0 體。 如名不異。 是故皆云即如來藏。且法界一 。方顯一真法界。如來藏心。故維摩經。三十二菩薩。說不 即空義也。 隨名執相。顛倒何窮。 0 即中義也 次言如是相等 舉一即三。言三即一 如。 0 點空性相。 是故因言遣言。 本無名相。 0 雙照真俗。故云是即 即假義也。 初言是相如。乃 因迷有妄 諸法性相微 以至 無非 若言相 0 對妄

⊙ 癸二舉法喻結責四。子一總責。

無上菩提 如何世間三有眾生。 0 用世語言 0 及出世間聲聞緣覺。 入佛 知見 以所知 心 0 測度如來

生輪迴見。入於如來大寂滅海。終不能至。 況能以有思惟心。測度如來圓覺境界。如取螢火燒須彌山。終不能著。 經云。但諸聲聞所圓境界。身心語言皆悉斷滅。終不能至彼之親證所現涅槃。何 境界微妙。心言叵測。 凡夫著事。偏小滯空。俱所知心。莫及斯境。 以輪迴心。 故圓覺

⊙ 子二舉喻。

譬 如琴瑟箜篌琵琶 0 雖有妙音。 若無妙指 終不能發 0

琴瑟等。眾生也。妙音。藏性也。妙指。實智也。發。起用也。

子三合顯。

光 汝與眾生亦復如是。寶覺真心 汝暫舉心 。塵勞先起 。各各圓滿 0 如我按指 0 海印發

汝與眾生。合前琴等。 寶覺真心。合前妙音。 按指約喻指法 0 即無生智。 合

首楞嚴義疏注經卷第七

首楞嚴經長水疏

3 0 5

3 0 6

照法界。乃至於中一為無量等。汝暫舉心等。合前無妙指也。即前云。汝以色空 無相理。大用現前 相傾相奪於如來藏。而如來藏隨為色空等。言海印者。大集經云。閻浮所有色像。 。即前云。我以不滅不生。合如來藏。而如來藏唯妙覺明 。圓

⊙ 子四結斥。

大海皆有印文。喻佛如來法身性海。普現一切妙用之光也。

由 不勤求無上覺道。爱念小乘。 得少為足

塵勞。 無上覺道如寶所。小乘涅槃如化城。 但戀權乘。不求究竟。 得少為足 故發

庚二釋別疑二。辛一釋滿慈疑妄因二。 壬一伸疑

富樓那言。 我與如來 0 寶覺圓明 0 真妙淨 ジ 0 無二圓滿

顯體不二也。

而我昔遭無始妄想 0 久在輪迴 0 今得聖乘 0 猶未究竟

指己猶迷。

世尊諸妄一切圓滅。獨妙真常。

明佛障盡。

敢問如來 0 切眾生何因有妄。 自蔽妙明。受此淪溺

必明。妄為明覺。所既妄立。生汝妄能等。由是展轉相續流浪。 河大地。如來遂舉性覺妙明。驗其迷解。滿慈既迷性明為所明。佛遂斥云。性覺 雖知能所妄立。又疑妄從何生。故此伸問妄所因也。 障盡者必知妄始。故此問也。由滿慈最初致疑。既是清淨本然。云何忽生山 皆由虚妄之所生

⊙ 壬二答釋二。癸一總告。

問 佛告富樓那。汝雖除疑。 餘惑未盡。吾以 世間現前諸事。 今復

雖知諸法皆妄。猶惑妄有所因。故云餘惑未盡。現前諸事。現見之事也。

0 癸二別釋二。子一明妄本無因三。 丑一舉事問答二。 寅一舉事

汝豈不聞 0 室羅城中演若達多。忽於晨朝 0 以鏡照面 0 愛鏡中

首楞嚴義疏注經卷第七

3 0 7

首楞嚴經長水疏

眉目可見。瞋責己頭不見面目。

以為魑魅

無狀狂走。

308

頭

順妄情。便生驚怖。執相迷性。輪迴不息。故云狂走。魑魅。山澤之怪也。 堅執不捨。認相為真。既喜有相。反惡無相。故瞋己頭不見面目。真無形相。不 演若達多。此云祠授。本頭與鏡俱喻性覺。照面喻強覺忽生所相妄立。愛喻

) 寅二問答。

故 於意云何。此人何因無故狂走。富樓那言。 是人心 狂 0 更無他

心狂而走。 無別所以。 故無他故。 強生分別。 故稱為妄。豈別有因

⊙ 丑二約法正明三。寅一就名責因

佛言。妙覺明圓。本圓明妙

唯一真心。本無妄法。

既稱為妄。 相 因 0 從迷積迷。 云何有因 以歷塵劫 0 若有所 0 因 0 云何名妄。 自諸妄想。 展轉

莫之能悟 法起。復疑有因。豈非迷倒。 本。遞遞皆虛。乃至初人及與後人。二俱是妄。何者為因。故歷塵劫。遞相誑妄。 直明妄無因也。妄必無因。有因不妄。妄之一字甚好思量。若了此名 如初一人忽然妄說。遞遞相承。從妄說妄。及推其 ·。自無

寅二引悟釋相。

雖佛發明 依。尚無有生。欲何為滅 猶不能返。 如是迷因 0 因迷自有 0 識迷無因 妄無

成悟也。發明猶宣辯也。雖佛廣為滿慈宣辯。尚自不能返迷令悟。故云猶不能返。 說何為生而復有滅。此釋約佛自悟。無妄因之可返也。次約佛為他說。不能返迷 此即因妄說因。非謂妄有初因。故云因迷自有。既識迷之無因。則知妄無依處。 能返覺至妄本。以妄無因而可覺故。故云。猶不能返如是迷因也。復將如是迷因 如是下。釋意如前 一句。連下句牒。應云如是迷因。因迷自有。意云。若約妄法展轉生起而說因者。 此文釋有二重。初約佛自悟釋。發明猶開悟也。佛雖開悟。 首楞嚴義疏注經卷第七 。良由此理難明。 人多惑甚。 如為病眼說無空華。孰能領悟 諸妄圓滅 尚不

為妄執者說無諸妄。誰肯信從。忽若了悟。 首楞嚴經長水疏 自知無因 將何為妄而有生滅耶 3 1 0

○ 寅三貼喻況顯。

得菩提者。如寤時人說夢中事。 況復無因。 本無所有 心 縱精明。 欲 何因緣取夢中物 0

云。覺心初起。心無初相。又云。 返觀因時。滅諸妄惑。說雖可爾。 夢寤之人。記夢中事。說雖可爾。取必不可。以所夢境畢竟無故。 以四相本來平等同一覺故 畢竟無體可斷滅故。 將何為妄而推其因。起信 得菩提者。

⊙ 丑三指喻合顯。

得 如彼城中演若達多。 縱未歇 狂。亦 何遺失 豈有因緣 0 富樓那 0 自怖頭走 0 妄性 如是 0 忽然狂 因 何為 歇 頭

汝觀如狂之妄。今指何處為因 狂故怖頭。因緣何有。頭無得失。狂自復行。惑但妄有滅生。真性何曾出沒。

◎ 子二顯真元無得二。丑一正明二。寅一勸息妄緣

汝但不隨分別世間業果眾生三種相續。三緣斷故 。三因不生。

則汝 心中演若達多 0 狂性自歇 0

竟覺。念即分別也。 以從本來。念念相續。未曾離念。故說無始無明 也。分別既亡。業因不作。於三界中狂心自歇。故起信云。 續。是所分別。 煩惱為緣。 能潤業故。 分別此三。故云三緣。三即緣也。或殺盜婬三之助緣。故三之緣 由是一念不生。即名為佛。 殺等為因。正是業故 即斯義也。 。又云。以遠離微細念故 0 分別是識 。能生煩惱 切眾生不名為覺。 。三種相 ?。名究

 $\odot$ 寅二顯自真體。

修證。 歇 即菩提 0 勝淨明心 。本周法界 0 不從人得 0 何藉劬勞 肯綮

離念 身說名本覺。故云勝淨明心本周法界。不從人得。既云不從人得。即顯不由他緣。 。離念相者。等虛空界。 分別不生。前後際斷 0 故名為歇。菩提云覺。起信云。所言覺義者。 無所不偏。法界一 相。即是如來平等法身。 依此法 謂心體

首楞嚴義疏注經卷第七

空。四相平等。一切唯覺。便謂從麤至細。斷盡無明方至妙覺者。何異解牛不能 骨邊細肉也。莊子云。經肯綮之未嘗。而況大軱乎。若執惑有實體。不能達妄即 然非謂全不修行。兀然空坐。苟妄想宛然。自謂即是者。誤之甚矣。言肯綮者。 本自覺耳。劬勞修證。本息分別。只為顯覺。今分別既亡。覺性自顯 故云何藉

首楞嚴經長水疏

• 丑二喻顯。 遊刃於大窾。不能亡見於全牛

0

但解皮肉以至著骨。

豈曰妙得牛理哉

譬 如有人 0 於自衣中

五陰葢覆也。

繋 如意珠

圓明覺性也。

自覺知

無明不了也。

窮露他方。乞食馳走。

五道流浪。輪迴不息。

雖實貧窮。珠不曾失。

雖流生死。覺性常然。

忽有智者。指示其珠。

佛為開示。

所願從心。致大饒富。

大用現前。

方悟神珠。非從外得。

意不同耳。 始覺合時。本不曾動。今無始靜也。法華中亦有此喻。彼約結緣。 此約本有。

首楞嚴義疏注經卷第七

首楞嚴義疏注經卷第七

3 1 4 3 1 3

# 首楞嚴義疏注經卷第八

首楞嚴經長水疏

長水沙門子璿集

0 辛二釋慶喜難緣起二。 壬一伸疑四。癸一敘所聞。

即時 婬業。三緣斷故。三因不生。心中達多。狂性自歇。 不從人得。 阿難 0 在大眾中。 頂禮佛足。 起立白佛。 世尊現說 歇即菩提。 殺盜

如文。

⊙ 癸二正生難。

斯 則因緣皎然明白 云何 如來頓棄因緣 0 我從因緣 心得開 悟

因緣。故引昔悟以竝今說。成此難也。 由無三緣。方盡三因 因緣俱滅。菩提始顯。故云皎然明白。 小乘開悟皆由

0 冬二十五川

⊙ 癸三引他例。

利弗。 世尊。此義何獨我等年少有學聲聞。今此會中大目犍連。 須菩提等。從老梵志。聞佛因緣。發心開悟。得成無漏

老梵志者。竝是年長。從外道來。聞佛因緣。翻邪入正。得成無學也

⊙ 癸四結同邪。

唯垂大悲。 今說菩提不從因緣。則王舍城拘舍棃等。 開發迷悶 所說自然。 成第 義 0

因緣自然依假建立。菩提真性。眾相都亡。恐相濫失。故此再疑。 以洗物情

0 壬二答釋二。癸一正破疑情二。子一推破三。丑一標質所疑。

性 佛告阿難。 自然而出。因緣自然。理窮於是。 即如城中演若達多。狂性因緣。若得滅除。 則 不狂

若狂性因緣得除。不狂自然而出。所計不出斯意。 故云理窮於是

丑二就疑互破二。寅一雙破因緣自然二。卯一以因緣破自然

阿難 。演若達多頭本自然 本自其然 。無然非自。 何因緣故 0

首楞嚴義疏注經卷第八

3 1 5

首楞嚴經長水疏

怖頭狂走。

不是於本。故云無然非自。 初二句牒。本自下二句定。自。本也。然。 何因下破。可知。 是也。 頭本如是。 無有如是之頭

⊙ 卯二以自然破因緣。

妄出。曾無變易。 若自然頭 0 因緣故狂。何不自然。 何藉因緣 因緣故失。 本頭不失。 狂怖

緣故而失其頭。本頭下四句結也。今既本頭無失。狂自妄出。狂之與頭。了不相 何曾變改 初二句牒。次二句破。若自然頭。由因緣故得成狂走。亦應自然不失。由因 而假因緣。

⊙ 寅二單破轉計自然。

本 **無妄。何為狂走** 狂自然 本有狂怖。 未狂之際 狂何所潛 0 不 狂自然 頭本

若汝執言。 既非因緣。 即屬自然。狂亦自然。不狂亦自然者。 初破狂自然。

本下破。此顯一真之體尚無真妄之異。豈立因緣自然。斯則亦顯妄無因也 初一句牒。次一句定。未狂下二句破。如文。不狂下破。不狂自然 0 初句牒 頭

⊙ 丑三結歸悟旨。

若悟本頭 故。即菩提心 0 識知狂走。 因緣自然 0 俱為戲論 0 是故我言 三緣

真覺自顯。斯則正是我說三緣斷故即菩提也 本真不動。妄自強生。 說誰因緣及自然性。若知因緣自然俱是戲論

⊙ 子二結示三。丑一俱盡滅生顯無功用。

菩提心生。生滅 心滅。此但生滅。滅生俱盡 無功用道

提生。無生滅滅。方無功用。如圓覺云。有照有覺俱名障礙。是故菩薩常覺不住。 照與照者同時寂滅。此顯地上證無生理。得無功用也。 若有執言真心可得。分別可亡。斯則菩提心生。生滅心滅。但是生滅。

丑二縱立自然寄顯生滅二。寅一縱立正顯。

若有自然 0 如是則明自然心生。生滅心滅。 此亦生滅 。無生滅

者。名為自然。

首楞嚴經長水疏

此亦生滅。何名自然。夫自然者必無生滅。故云無生滅者名為自然。 設若我教有自然者。豈存生滅。名為自然。今汝所明。自然心生。 生滅心滅

寅二舉況重明。

性 猶如世間 。諸相雜和成一體者。名和合性 0 非和合者。 稱本然

豈況我教。有生滅者却名自然。古人於此不言縱立。認真自然。 心。反令圓文成外道教。焉敢聞命 舉淺況深也。世間人說生滅和合。名和合性。非和合者則無生滅。方名自然。 斯則不唯增戲論

丑三雙非二離正示忘情。

法 本然非然 和合非合。合然俱離。離合俱非。 此句方名無戲論

方無戲論耳 亦云。遠離為幻。亦復遠離。離遠離幻。亦復遠離。 此文語略 本然 自然也。和合。因緣也。二皆不立。故云俱離。 具足應云。離合離然之離。亦復俱非也 0 斯則言語道斷。 藥病齊遣。 此離 亦離。 空病 **游空。** 心行處滅。 故云俱非。 圓覺

⊙ 癸二廣斥執見五。子一斥成戲論。

菩提涅槃尚在遙遠 部經 。清淨妙理 0 0 非汝歷劫辛勤修證 如恆河沙 0 秖益戲論 0 雖復憶持十方 如來十

轉。若免輪迴。無有是處。故云秖益戲論 不辯真實。故圓覺云。種種取捨皆是輪迴。 持妙理。分別不亡。繫念相續。但滋生死。不能無心忘照。反聞聞性。 若執因緣自然取佛果者。 雖經劫數勤苦修習。終莫能及。故云尚 未出輪迴而辯圓覺。彼圓覺性即同流 在遙遠 於無了知。

子二引事驗知。

汝雖談說因緣自然 0 決定明了 0 間稱汝多聞第一 0 以 此積劫

首楞嚴義疏注經卷第八 Ĭ 9

首楞嚴經長水疏

3 2 0

多聞 脫 **婬火頓歇** 熏習 0 得 不能 阿 那 免離摩登 含。 於我法中 伽難 0 成精進林 何須待我佛 0 爱河乾枯 頂神呪 0 摩登伽 0 令汝解

或入信住。登伽小機 果。登伽實人。顯呪力功大。速證第三。二約根行。 尚在初果。登伽何以却證第三。答。 何假我呪方解脱耶 佛果菩提。若以因緣自然而可取者。汝於此義甚得明了。 。應知理觀兼修。定慧雙運。豈但辯義說文而已哉。問 0 雖得第三。望圓信住。霄壤有異 一約權實。 阿難示迹。現多聞無功。故在初 阿難圓頓根發。 何不免難而速證耶 前文悟解

⊙ 子三結勸真修。

是故 遠離世間僧 阿難 0 爱二苦 汝雖歷 劫 億持 如 來 祕 密 妙 嚴 不 如 日 修無 漏

豈復能生憎愛二苦 多聞無功。 豈如定力。 首楞嚴王名無漏業。 得此定者。 切諸法皆如幻事

⊙ 子四舉他為證。

尼。 念熏修無漏善故 如摩登伽 與羅睺母耶輸陀羅 0 宿為婬女。由神呪力 。或得出 0 纏 同悟宿因 0 或蒙授記 0 消其爱欲 0 知歷世因 0 0 法中今名性 。貪愛為苦。 比丘

。登伽也。授記。耶輸也。 過去為婆羅門女。名為本性。今從昔號。名性比丘尼。 耶輸陀羅云華色 出

⊙ 子五責隨塵境。

# 如何自欺。尚留觀聽。

上來破執破疑。顯如來藏。約信解真。正為真修之本。答最初方便竟 緣自然。戲論名相而自纏繞。隨逐根塵。為境所礙 彼尚女人。 一修無漏便獲聖果。 如何汝今厭離小乘。志求大道。 。不能超越。 故云尚留觀聽。 而以世間

0 二。丁一阿難領悟祈修四。戊一嘆佛悲深二。己一經家總敘 性清淨。 次下約依解修行。成就止觀。為入理之方便。 絕名離相 。我等云何修諸方便 。與此相應。故此丙第二明修行方便 既能信解如來藏體周徧十方 本 文

首楞嚴義疏注經卷第八

得未曾有。重復悲淚。頂禮佛足。長跪合掌。 阿難及諸大眾。 聞佛示誨 0 疑惑消除。 心悟實相 身意輕安 0

故。 相無相。遠離戲論。今離戲論。即悟實相。重復悲淚者。喜悟藏心故。 因緣自然前已廣破。今復重釋。纖疑不罣。故云疑惑消除。 心悟實相者 恨無行法

⊙ 己二阿難別嘆。

而 方便提獎。 白佛言。 無上大悲清淨寶王。善開我 引諸沈冥。 出於苦海 心 0 能 以 如是種種 因緣 0

便。沈謂久淪生死。冥謂永覆無明。方便能開。提獎能出。俱稱引導 隨意出生。賑給無盡。佛亦如是。故云寶王。譬喻言辭。約事約理。 超過一切世出世間。故云無上。佛諸功德。大悲為首。 故獨稱 也 故云種種方 0

⊙ 戊二敘己得失二。己一正敘。

世尊 我今雖承如是法音。 知 如來藏 0 妙覺明 ジ 編十方界。

含育如來十方國土。清淨寶嚴妙覺王剎。如來復責多聞無功。 不逮修習

失。 如來藏心。量徧十方。德含一切。雖信而解。非行莫臻。故此敘之。 以彰得

己二喻顯。

我今猶如旅泊之人 。忽蒙天王賜與華屋。雖獲大宅。要因門 0

天王。佛也。賜與。 開示也。華屋。藏體也。雖獲信解也。門入。修行也。

行能通理故云門也。

⊙ 戊三正請修路。

唯願如來不捨大悲。 無餘涅槃本發心路。令有學者。從何攝伏疇昔攀緣。得陀羅尼。 入佛知見 示我在會諸蒙暗者。 捐捨小乘 。畢獲如來

。棄。畢。 盡也。 疇昔。 往日也。無餘者。 無明永盡 。二死已亡。究竟之

首楞嚴義疏注經卷第八

0,000

3 2 4

攀緣妄想。無始本有。故云疇昔。如何攝歛。折而伏之。令得佛慧。故云入佛知 無餘也。願示我等如來本昔因地發心。入涅槃道。即真三昧也。 故云本發心路

首楞嚴經長水疏

⊙ 戊四佇聽慈旨

作是語已 0 五體投地 0 在會一心 。佇佛慈旨。

如文。

丁二如來廣陳修證二。戊一總告許宣二。己一經家敘意

佛滅度後。 爾時世尊。 末法眾生發菩提心 哀愍會中緣覺聲聞。於菩提心未自在者。 0 開無上乘妙修行路。 及為當來

在 菩提之心。具悲智願。智求佛道。務在修證。苟或不明。於菩提心。名未自

己二舉義許宣。

宣示阿難及諸大眾 0 汝等決定發菩提心 0 於佛如來妙三摩提。

#### 不生疲倦 0 應當先明 。發覺初心二決定義。

明觀。 染淨不同。起智揀擇 他觀義故。二者審觀煩惱結解根元。起對治行。 故此二法名為初心決定義也。 道同途之法 冀。故以止觀二門。名為發覺初心。即最初方便也。然此二門。 順毘鉢舍那觀義故。修前方便未能相即。故名隨順。修之成就 止也。真如無相。向即心絕。故起信云。所言止者。謂止一切境界相。 妙三摩提。首楞嚴定。 止觀不二。名為正修。即成三昧也。 。故華嚴云。譬如有力王。率土咸戴仰。止觀亦如是 。對治令斷。故起信云。所言觀者。 即真如觀。欲修此觀。先須方便。 一者審觀因地及與果心。起隨順行。 今是初修。 即依生滅門修觀也。 故名發覺 謂分別因緣生滅相 方便若成。 0 即觀明止 三世諸佛修行證 0 即依真 一切所 生滅法相 隨順奢 (如門修 依賴 隨 藦 可

菩薩乘 云 何初心 戊二別 0 二義決定 入佛知見 明二義三。 0 己一正明二義二。 阿難。 應當審觀 第 0 \_ 義者。汝等若欲捐捨聲聞 庚一因果同異門三。辛初標義總 因地發心 0 與果地 覺 0 為 同為 0 修

首楞嚴義 疏注經卷第 入 325

楞嚴經長水疏

3 2 6

異。

者。 應。 即暫舉心 故上文云。 既能信解 果海無念 我以不滅不生合如來藏。而如來藏唯妙覺明 塵勞先起。 0 合塵背覺。 絕名離相。本非生滅。 豈曰正修 將契此心 0 須亡生滅 圓照法界 0 0 若異此 與之相

○ 辛二約義顯非。

有是處 阿 。若於因地 0 以 生滅 心為本修因 0 而 求佛乘不生不 滅 無

此生滅心終無暫息。若便以此心為修行者。因果相違。 普賢觀云。大乘因者。 維摩云。 無以生滅心行。說實相法。尚不可以生滅說。況以生滅為因而 諸法實相。大乘果者。 亦諸法實相。若不以 終無獲證。 如上廣破 菛 求證

• 辛三正 辯行相二。 壬一料揀因門二。 癸一舉喻總彰生滅

汝 以 是義故 八世間 可 作之法 汝當照 明 0 誰為不壞 。諸器世間 0 然終不聞爛壞虛空 可作之法 。皆從變滅 0 何 以 阿 故 0 0

空非可作。由是始終無壞滅故。

妄心如器界。所作性故。真心如虚空。理無為故。 常無常性。 於焉可知矣。

癸二就身廣辯虚妄二。子一總明二。 丑一示其濁因

纏 則汝身中堅相為地 五疊渾濁 。分汝湛圓。 妙覺明心。為視為聽。為覺為察。 。潤濕為水。緩觸為火 0 動搖 為 從始 風 0 由 此 四 0

合。名為阿棃耶識。從此識心。變起世間。即是濁義也。 六根。六根四大互相雜亂。於湛圓明。汩成濁相。即同起信。不生不滅與生滅和 湛覺無生。妄成所相。 所既妄立。生汝妄能。 於所明分為四大。 於能覺派

⊙ 丑二喻其濁相。

云何為濁 0 阿難。 譬如清水 0 清潔本然 0

覺湛明性。

卬彼塵土灰沙之倫。本質留礙。

首楞嚴義疏注經卷第八

首楞嚴經長水疏

328

地水火風。

體法爾

性不相循

循。順也。法爾猶自然也。 真妄染淨 性相違背。 非使之然。 法爾如是也

有世間人。

無明不了。非出世智。

取彼土塵。 投於淨水 0 土失留礙 0 水亡清潔 0

不生不滅與生滅和合。非一非異也。

容貌汩然。名之為濁 0 汝濁五重。 亦復 如是

容貌。色心相也。汨。亂也。

⊙ 子二別明五。丑一劫濁。

阿難。汝見虚空徧十方界 空見 不分 0 有空無體 有見無覺 0

相 織妄成。是第一重。名為劫濁

梵云劫波。

此云時分。

法華論說。

日月歲年

總名為劫。

乃至成住壞空。

不

之劫濁也 異。都成昏鈍。故名為濁。 不分。故次釋云。有空無體 離時分。今此經中說劫濁義。謂迷真起妄。世界未形。但有虛空及與妄見 0 偏法界迷。 未成二別。 0 念初起。無明之始。時之初分。故名為劫。 故云不分。又空未派為四大。見未開為六根。 有見無覺。體即四大成質。覺即六根取境。 既無此 非劫末 ?。空見 亦名

⊙ 丑二見濁。

知 汝身現搏四大為體 相織妄成 0 是第二重。 0 見聞覺知 名為見濁 。壅令留 礙 0 水 火 風 土 0 旋令覺

見。 質。 身之覺知。 如緯織經。 身之質礙。 互相參雜 由水火性。 由見聞知。 故名為濁。 織水火風。 織彼妄見。 執取滯著。 前則業轉。 旋轉移易。 還復交替 今現相也 壅翳不通 0 0 遂現四微 分成六根 0 0 覺聞知 形相

⊙ 丑三煩惱濁。

又 汝 心中憶識誦 習 0 性 發知見。 容現六塵 0 離塵無相 0 離覺無

329

首楞嚴義疏注經卷第八

首楞嚴經長水疏

3 0

性 相織妄成。是第三重。 名煩惱濁

也。 體 從前見濁覺知所起。所分別相。即是六塵所現影像。故云性發容現 離塵離覺。 六識分別。三世徧緣。憶過去境。識現在塵。誦習未來。諸有境界 無相無性 。互相交織。擾亂相熏。名煩惱濁 0 即六麤前 四也。 0 0 容即相 能分別

⊙ 丑四眾生濁。

相 又汝朝夕生滅不停 織妄成 。是第四重 0 0 知見每欲留於 名眾生濁 世間 0 業運每常遷於 國土 0

住。 生滅是行。 動一留。 行即是業。 互相交織。 眾法生滅。 眾生執愛。 但欲留住。 名眾生濁 0 業性遷流 即造業相 也 0 每常運 動 0 去

⊙ 丑五命濁。

相背。 汝等見聞 同異失準 元無 異性 0 相織妄成 0 眾塵隔 0 是第五重。名為命濁 越 無狀異生 0 性 中 相 知 用 中

命是報法。 依業所引 第八識種 0 連持色心。不斷功能。名之曰命 0 前六見

處見同 聞。元 混真成濁。有此五義耳 上之五重 一本識 0 同異失準。 。皆由能所。妄覺影明。 。由六根異。遂成分離 互相交織。於總報體。 展轉相習。從細至麤。互為形待。次第轉生。 。識用雖分。 便立命根。 體唯一種 名為命濁 0 斯則同中立異 即業繋苦相也 )。 異

○ 壬二修因契果二。癸一勸揀妄依真。

根本 阿難。 0 汝今欲令見聞覺知 依不生滅圓湛性成 0 遠契如來常樂我淨 0 應當先擇生死

勞 。 真常益背。 迷真起妄。見聞覺知。 故勸擇妄。 返妄歸真 依不生滅 0 常樂我淨 不循生滅 0 妙證 可 臻 苟

⊙ 癸二示修定旋覺二。子一正示用心。

以 ジ 湛旋其虚妄滅生。 然後圓成。果地 修證 伏還元覺 0 得元明覺 0 無生滅 性 0 為 因 地

初習名止。 成就曰定。 初習後成 0 俱名為湛 0 起信云。 所言止者 0 謂 止 切

首楞嚴義疏注經卷第八

首楞嚴經長水疏

境界相 妙果。 辯真實 能居一切時不起妄念。於諸妄心亦不息滅。 由寂靜故。十方世界諸如來心。於中顯現。 修之次第。如天台圓頓止觀廣明 由澄諸念覺識煩動。靜慧發生。身心客塵從此永滅。便能內發寂靜輕安。 。是則名為隨順覺性。得無生性。為因地心 。境界不生。見聞不起。漸澄漸伏。 住妄想境。 麤垢自遣。 如鏡中像。 0 由是漸修。 此方便者。名奢摩他。若 不加了知。於無了 圓覺云。 入證登極 以淨覺心 知。不 。取靜

○ 子二舉喻貼釋。

切變現 如 初 澄濁水 伏客塵煩惱。去泥純水 0 不為煩惱 貯於靜器 0 皆合涅槃清淨妙德 0 靜 深 0 名為永斷根本 不 動 0 沙土自 0 無明 沈 清 0 水 明 現 相 精 前 純 名為 0

而 前名伏。地上名斷。 如來藏唯妙覺明 真覺如水。 見聞如濁 究竟名精純。變現即起用。 圓照法界。乃至背塵合覺。 。定身如靜器。定法如澄靜 故發真如。 此即同前不滅不生。合如來藏 沙 如 妙覺明性也 煩惱 泥 如 無明

⊙ 庚二根塵結解門三。辛一標義總勸

受 諸有為相 第二義者 0 0 應當審詳煩惱根本 汝等必欲發菩提心 0 0 於菩薩乘生大勇猛 此無始來 0 發業潤 生 0 決定棄捐 0 誰

能受。 對治 云。以淨覺心。知覺心性及與根塵。皆同幻化。即起諸幻。以除幻者。變化諸幻。 而開幻眾等 前第一義 即是修觀。 此唯觀門分別能知。 0 令止妄心。伏還元覺。即是修止。此第二義。令審詳 先止後觀。法應如是。 故起信云。所言觀義者。 無明發業。愛取潤生。 謂分別因緣生滅相故 六識能作 煩惱 第八 圓覺 觀 察

○ 辛二約義顯非二。壬一正顯。

處顛倒 阿難。汝修菩提。若不審觀煩惱根本。 。處尚不知 0 云何降伏 0 取 如來位 則 不能知 0 虚妄根塵何

冀乎解棼。庶幾乎降伏耳 根塵虛妄為煩惱宅。 顛倒淪替莫不由斯。苟能識其根元。 知其結處。 則可希

首楞嚴義疏注經卷第八 333

首楞嚴經長水疏

34

•

壬二喻釋。

阿難 汝隳裂。 0 汝觀 何以故 世間 0 解結之人 空無形相 0 不見所結 。無結解故 0 云 0 何 知 解 0 不 ·聞虚

文顯可知。

◎ 辛三正辯行相三。壬一總標六根過患。

始 則 汝現前眼耳鼻舌。 0 眾生世界。生纏縛故 及與身心。六為賊媒 。於器世間不能超越 0 自劫家寶。 由此無

當即遠離。以根塵相熏。納識成種。無始相續。莫不由此。不知調伏。 真性。若知根本。賊無能為。故涅槃云。六入空聚。當有六大惡賊。 六根為賊媒者。 壬二別示根用優劣二。癸一約世界流變總明功德三。子一釋名辯相。 一引外賊。即六塵也。二起內賊。即煩惱也。內外惡賊能 必斷汝命。 必為所害。 劫

東西南北 阿難 云 何名為眾生世界 。東南西南。東北西北。上下為界。過去未來現在為 0 世為遷流 0 界為方位 汝今當知

世。 界相涉 方位有十。流數有三。 一切眾生織妄相成。身中貿遷 世

故云相涉。餘如文。 前四句釋名。汝今下辯相 世界有三。謂眾生五陰器界也。揀非餘二。 0 一切下結示。身中。 故標眾生。此一若超 界也。 貿遷。 世也。 世界交織。 餘皆解脫

子二揀定方位。

位 而 此界性。 。中無定方。 設雖十 方 0 定位可 明 世 間 秪 目東西 南 北 上 下

的。 餘皆不定。 界之體性。依假施設。 雖云十方。若以位次。決定明顯。 東西南北。 可為準

⊙ 子三流變成功。

百千 四 數必明 總括始終 0 與世 相涉。 0 六根之中 三四 四三。 0 各各功德有千二百 宛轉十二 流變三疊 0 +

首楞嚴義疏注經卷第八

335

首楞嚴經長水疏 336

眾生身中六根取境 當為百千。故不可先約未來。以對初疊。以未來未見數故。故須返對也。以變者 然染淨雖別。 是逆義。故下文云 現在世改為過去。何故此文返而說耶。答。今約從微至著。變少為多。已是十二。 文明言流變三疊。豈非唯就三世說耶。問。夫三世遷變。合從未來遷為現在。從 改十為千。變多從少。約世是順。方義不符。匪唯義不相符。抑亦疊數難合。經 唯約世論。不以方說耶。答。方體常定。世義流動。定故不改。動故更移。今既 進動算位。一横二豎。成一千二百。為第三疊。能變之法既唯三世。所變之數亦 在。進動算位。一豎二橫。成百二十。為第二疊。第三又即變現在世以為未來。 宛轉十二。便成一疊。算位即是一橫二豎。已成過去。第二即變過去一世以為現 止千二。故無增減。問。經文既云。世界相涉。三世四方。宛轉十二。 只將今文。過現未來。進動算位。便成一千二百功德。如第一位。三世四方 三變之義。古今多解。 皆從本有熏力而成。故彼此文數量無異。 0 生從順習 本分功能作用 各見其文。不能具敘。今所解者。不加別法。以變其 。死從變流。經文既言流變。 。名為功德。 非同法華 故須逆增其數 持經所熏令成淨用 何故變數。

癸二約根用優劣別示功德六。子一眼根。

後方全暗。左右旁觀三分之二。統論所作。 功。一分無德。當知眼唯八百功德 阿難。汝復於中克定優劣。 如眼觀見。後暗前明。前方全明。 功德不全。三分言

成五百。及全明三百。都成八百。三分言功者。見三方也。餘皆可知。 近維二五十。一方既爾。餘皆例然。今左右觀。 前二句總告。如眼下正示。左右旁觀三分之二者。舉一方三百。方中二百全。 各得二百全分。近維一五十。共

⊙ 子二耳根。

千二百功德 如耳周聽。 十方無遺。 動若邇遙 0 靜無邊際 0 當知 耳根圓滿

耳家境。故此雙顯 十方俱擊鼓。十處一 0 時聞。動有分限。故說邇遙。 靜非涯量。 故無邊際。 俱

子三鼻根。

如鼻齅聞 首楞嚴義疏注經卷第八 通出 入息。 有出有入 而闕中交。 驗於鼻根。三分

首楞嚴經長水疏 338

闕一。當知鼻唯八百功德。

出入中交。共成三分。一分四百。闕於中交。故唯八百

○ 子四舌根。

根圓滿一千二百功德 如舌宣揚。盡諸世間出世間智。言有方分 0 理無窮盡。 當知

故千二百。 世出世智所知之境。唯舌詮顯。能詮言句。猶可分限。所詮理趣。 莫能盡極。

○ 子五身根。

身根。三分闕一 如身覺觸。 識於違順 。當知身唯 。合時能覺 八百功德 0 離中 不 知 離 合雙 驗於

知。 故少四百 合具違順。離但捨受。故云不知。今就知處。違順各四。故得八百。 闕於離

⊙ 子六意根。

如意默容。十方三世。一切世間出世間法。唯聖與凡 盡其涯際 。當知意根圓滿 一千二百功德 。無不包

意能徧緣三世三性。世出世法。無不具足。文顯易知

⊙ 壬三令揀圓根修證二。癸一正勸令揀四。子一總勸詳擇

受用根。誰合誰離 阿難。汝今欲逆生死欲流 0 誰深誰淺。誰為圓通。誰不圓滿 。返窮流根。至不生滅 0 當驗

覺 。 云。隔垣聽音響。遐邇俱可聞。五根所不齊。是則通真實。 應選圓根為趣入之要。若圓聽十方。耳根最勝。意令選擇以入圓通。 返妄歸真。真為流根。故云至不生滅。此則以覺心源。名究竟覺也。 如下文 欲得此

○ 子二別示功能。

若能於此悟圓通根。逆彼無始織妄業流。得循圓通。與不圓根 日 相倍

此是如來知時知機 令自選擇 樂欲相應。 起隨順行 。如下文云 0 我今欲令

首楞嚴義疏注經卷第八

339

首楞嚴經長水疏

方便門得易成就。故云日劫相倍也。

阿難開

悟。二十五行誰當其根。兼我滅後。

此界眾生。入菩薩乘。

求無上道。

何

子三許為發明。

吾當發明 我今備顯六湛圓明本所功德。 。令汝增進 數量如是。隨汝詳擇。其可入者。

開發顯明。令得增進無上聖道 具彰六根功德淺深。隨汝自意。審詳選擇。欲於一根。得入三昧。 我當為汝

子四須揀所以。

間亦無優劣。 十方如來。 但於一 門深入。入一無妄。 於十八界。一 但汝下劣。 未能於中圓自在慧。 一修行。 彼六知根 皆得圓滿無上菩提。 一時清淨 故我宣揚 於其中 0 令汝

具足無減修。了了分明見。乃至六根。皆作是說。故云亦無優劣。 若約佛根無礙。六根總得圓通。即同殃掘經云。所謂彼眼根 但汝下 於諸如來常。

根須揀。根非徑要。劫修無益。若得圓門。日劫倍勝。故一根返源。六根清淨

• 癸二訓請廣説二。 子一伸請

阿難白佛言。 世尊 0 云何逆流深入一門 0 能令六根 一時清淨

難將謂六根有實。元是一體。若是一體。又何分六。故今請示一六之由耳 一根門。入一性海。法界一相。更無六一之異。故云深入一門。六根清淨。今阿 前佛所勸。意明如來藏體。清淨本然。由乎強覺。分成六妄。若能返照。從

子二廣釋四。丑一且破一六之見三。寅一況顯未亡法執。

住異滅。分劑頭數 然猶未知根中積生無始虚習。彼習要因修所斷得 佛告阿難。 汝今已得須陀洹果。已滅三界眾生世 間 0 何况 見所 此中生 斷 惑

煩惱 異滅分劑頭數。 六之情。正是法執。執根是實有一六故。阿難初果。雖破我執。尚有所餘 俱生猶未斷故。況此法執是所知障 無明住地 此障最細。 名為根中生住

首楞嚴義疏注經卷第八

3 4 1

342

• 寅二推破一六疑情三。 卯一

今汝且觀 現前六根 0 為

如文。

⊙ 卯二破二。辰一破一。

阿難。若言一者。耳何不見。目何不聞 。頭奚不履。 足奚無語 0

若言一者。六用應同。 眼合能聞。足應解說。今汝不然。

 $\odot$ 辰二破六。

若此六根。 根誰來領受。 口來問義。身起欽承 決定成六 阿難言。 0 我用耳聞 如我今會 0 佛言。汝耳自聞 與汝宣揚微妙法門。 0 何關身口 汝之六

若言六異。 應不相干。 處聞經。 二何欽問

卯三結。

是故應知 非 終六 非六終一 0 終不汝根 元 元六。

初二句。結前互破。後二句。顯無一六。根體元無。何一六之有乎

⊙ 寅三釋成一六俱妄二。卯一釋成。

阿難。當知是根。非一非六。 六義生。 汝須陀洹 0 雖得六消。猶未亡一。 由無始來顛 倒淪替。 故於圓湛 0

形待。 諸惡。不因六塵所惑。不造新業。或認六塵銷處。 無所入。不入色聲香味觸法。涅槃亦云。須陀洹人。雖生惡國。以道力故。不作 六銷。猶未亡一者。據汝所解。雖欲除六而不除一。以執六根是一體故。 云猶未亡一。 人。不取六塵 圓明藏體 虚妄相生。沒於四流。遷改不息。知見移易。變一為六。 。名為六銷。執根有體。名未亡一。般若云。須陀洹名為入流。而 0 非一六之異。 無始顛倒。六根強生。聞說解六 見惑不生。執一 0 故云淪替。 又執是一 無為果體 又初果 雖得

卯二喻顯。

為一 如 太虚空。參合羣 知。 。彼太虚空 六受用根 0 器 云何為汝成同 0 亦復 0 由器形異 如是 0 不 0 同 名之異空 何況更名是一非 0 除器 觀空 0 則 空

首楞嚴義疏注經卷第八

3 4 3

首楞嚴經長水疏

六塵也。異空。六根也。

法界藏體非一非六。由

太虛。如來藏也。群器。

發知。成六根異。塵若不緣。 根無所偶。六既不立。 亦不成。 尚非同異之名。

豈安一六之相。

⊙ 丑二廣明根結之由二。寅一別明六。卯一眼根。

由明暗等二種相形 0 於妙圓中 0 粘湛發見

執成妄覺。故云粘湛發見。斯則所既妄立。生汝妄能也 本一圓常妙湛明性。所相妄現。分明暗殊。明暗相形 動覺湛性 性相和合

見精映色。結色成根

見精。即妄覺也。能所相熏 0 互相交織 根結便成 故云結色成根

根元目為清淨四大。

既覺明相雜。粘湛合成。 由是名為清淨四大。

因名眼體 如蒲萄朵 0 浮根四塵。流逸奔色

勝義根色。 屬不可見。而有對礙。故寄世俗根所依處。蒲萄之相。 表顯勝義

奔取本境明暗之相。故云流逸奔色。下之五根。大意皆然。故不細釋。例如此知。

⊙ 卯二耳根。

由 根元目為清淨四大 動 静等二種相擊 0 0 於妙圓中粘湛發聽。聽精映聲。卷聲成根 因名耳體。 如新卷葉。 浮根 四塵。流逸奔 0

聲影。 聽精 結影成根。 。即妄覺也。既動靜互相擊發。 聲性虛散。故須卷攝。 鼓真成妄。失真湛性。 以成聽義。 既卷成根。 還如卷葉 遂發聽精 卷彼

卯三鼻根。

根元目為清淨四大 由通塞等二種相 發 0 0 於妙圓中粘湛發齅 因名鼻體。 如雙垂爪 齅精映香。 0 浮根四塵。流逸奔 納 香成根 0

通塞相發。覺明映香。 於妙圓湛結成鼻處。香氣上騰。根垂下取。 如雙垂爪

卯四舌根。

首楞嚴經長水疏

34 6

味 根元目為清淨四大 由恬變等二種相參。 0 於妙圓中粘湛發嘗。嘗精映味。 因名舌體。 如初偃月。 浮根四塵 絞味成根 。流逸奔 0

恬變交參。妄真粘合。 心境相結。 攬以成根。約所依相 0 如初偃月。

● 卯五身根。

觸 根元目為清淨四大 由離合等二種相摩。 0 於妙圓中粘湛發覺。覺精映觸。 因名身體 0 如腰鼓顙 0 浮根 四塵。 **摶觸成根** 流逸奔

見。 寄所依處。 離合觸摩。 如腰鼓顙 湛圓隨妄。 覺觸相待。摶取成根。能造所造。二具八法。是不可

⊙ 卯六意根。

根元目為清淨 由生滅等二種相續。 四大 0 於妙圓中粘湛發知 因名意思 0 如 幽室見 0 知 0 精映法。 浮根 四塵 攬法成根 。流逸奔

#### 法。

為空果。故此所明六皆四大。無相違也。 本由生滅妄塵所結。妄塵不離。妄覺影明。 中隨一攝故。如前五根亦名四大。居在身中。不彰外相。如幽室見。 妙圓無動。生滅妄陳。和湛成知。知還攬法。根境既結。奔趣無休。以六根 若以有色無色為諍論者。 猶邀空華結 然此意根

⊙ 寅二總結二。卯一結由迷發現。

阿 難。 如是六根。 由彼覺明。有明明覺。失彼精了。 粘妄發光 0

現之相。廣見上文。 妄覺影明。自相粘執。熏變擊發。結成六種知見之光。故此六根。由迷發現。發 性覺之體。本有真明。由彼妄覺。影明忽起。遂令真覺隱於精了。失真照性。

⊙ 卯二結離塵無體。

是 以 汝今離暗離明 齅性不生。 非變非恬 0 無有見體 0 當無所 0 離 出 動離靜 0 不離不合 0 元無聽質。 0 覺觸本無 無通無 0

首楞嚴義疏注經卷第八  $\frac{3}{4}$ 

首楞嚴經長水疏

3 4 8

無滅無生。了知安寄。

由境有根。如風起浪。 境風不息。 識浪奚窮。 故離塵境。 無根識耳

⊙ 丑三正示入一之門。

汝但不循動靜合離。 恬變通塞。生滅明暗。 如是十二諸有為相

不隨六境也。

五粘 隨拔一根 應拔圓脫 0 脫粘 內 0 伏 0 伏歸元真。 發本明 耀 0 耀 性發明 0 諸餘

界。妄想則不生。妄既不生。即發明耀。皆斯義也。 通達。故云伏歸元真。發本明耀。楞伽云。不了心及緣。則生二妄想。了心及境 然圓脫。下文云。見聞如幻翳。三界若空華。聞復翳根除。 圓脫。圓銷也。執境成根 0 因根有礙。 執心不起。 諸境自亡。 塵銷覺圓淨 既 不相纏 0 淨極光 自

⊙ 丑四結顯真覺之理二。寅一略標示。

不由前塵所起知見。明不循根。寄根明發。由是六根互相為用

妙覺明 由是寄故。互相為用 無知覺明。不依諸礙。此亦揀非知覺。顯是真明。豈依根塵而始顯發。 見聞覺知 0 不循根境 。由塵所發。畢竟無體。今非此等。斯揀妄也。 。即不逐緣生。 不因境起。了然自覺。即是性明 明不下顯真 故云寄也。 圓覺亦云。 (。謂真

⊙ 寅二廣釋成四。卯一約人辯用。

#### 阿 難。汝豈不知 今此會中 阿那律陀 0 無目而見

失雙目。 照三千界。 阿那律陀云無滅 佛令修天眼。繫念在緣。 如觀掌果。故云無目而見。 。白飯王子。以多睡故如來呵之。從此精進。 四大淨色。 半頭而發 0 見障內外 七日不眠 0 明暗皆矚 則

# 跋難陀龍。無耳而聽。

未詳緣起 大會。報龍之恩。人皆歡喜。 跋難陀云賢喜。與難陀龍常護摩伽 從此得名。 陀國。 難陀云歡喜。 雨澤以時 為目連所降 國無饑年 無耳而聽。 瓶沙王年設

殑伽神女。非鼻聞香。

首楞嚴義疏注經卷第八

3 4 9

殑伽亦恒伽。此云天堂來。 此河從無熱惱池。 南面銀象口出 流入東印度

首楞嚴經長水疏

驕梵鉢提。異舌知味。

主河之神是女。故云神女。非鼻聞香。未見其緣

有牛呞病。呞者。牛凡食後常事虚哨。時人稱為牛呞也。異舌者。 可既云牛相。即其牛舌也。而能辯了人所食味。故云異舌知味 正云笈房鉢底。此云牛相。經云。我有口業。於過去世輕弄沙門 未見別緣。 。世世生生

舜若多神 0 無身覺觸 0 如來光中映令暫現 0 既為風質 0 其體元

質者。 色也。 舜若多云空。即主空神也 此約體不可見。故云元無 無色界天淚下如雨。正是此事 0 無色界天亦是此類。隨其所主亦無色質 。以佛力故。 故能暫現。 亦顯有定自在色 0 既為風 0

諸滅盡定得寂聲聞。 因心念。 如此會中摩訶迦葉。 久滅意根。 圓 一明了 知 0

略以為比。於中有業報者。有修得者。有發真者。 云。不起滅定而現諸威儀 故知入定涅槃。俱不可測 山待彌勒佛 以淺況深。俱是不由於根。而覺知無失耳。 得滅盡定。大小俱有。然修意不同。謂滅六全。盡七染分。 俱舍即云已入涅槃。餘說入定。 0 0 即斯義也。然上所說 既知身在。已滅意根。 聖說雖爾。 0 修得發真。全是真用 欲顯真覺不假根塵 圓明了知。 若例今經 不妨作 摩訶迦葉入鷄足 0 付囑阿難 用 0 且引六人 。業報所 0 故維摩

⊙ 卯二就法融體。

變化相 阿 。今汝諸根若圓拔已 0 如湯消氷 0 應念化成無上知覺 0 內瑩發光 0 如 是浮塵及器世 間 諸

塵銷覺圓淨。淨極光通達。寂照含虛空。却來觀世間。 明內瑩。故得浮塵幻相。器界虛空。一體圓成歸無上覺。故下文云。 一人發真歸元 無情成佛 三界萬法。皆由無明妄念而得分別。今六根既拔。 首楞嚴義疏注經卷第八 0 十方虛空悉皆銷殞。況諸世界在虛空耶 復何怪耶 若謂無情不能起行。 無成佛義。 猶如夢中事 塵無所粘。妄念不生。 。斯則萬法融真。 斯則何異猶邀空華結 。又云。汝等 聞復翳根除。 一切常

首楞嚴經長水疏

相違。豈不謬哉。 為空果。法空智塞 我相見深 0 無情若使不成。 心外有法宛爾。 空談圓實。

⊙ 卯三舉事例顯。

頭足 同 阿 難 相 0 如 彼世人聚見於眼 0 以手循 體外繞 0 若令急合。 0 彼雖不見 暗 相 0 頭足 現 前 0 六根黯 辯 0 知 覺是 然 0

故云知覺是同 六根無辯。故云黯然 此則近以世人六根隔越。不相通用。尚有知覺同者。 0 頭足不分。 故云相類。 若以手摸 0 豈況真覺須假根塵耶 頭足明辯。 與見 無異

● 卯四指妄結真。

消 緣 見因明 云何覺明不成圓妙 暗成無見 0 不 明自發 則諸暗 相永 能昏 0 根塵既

初二句指妄。 謂從根境。 緣所生見。故云緣見。 不明下結真。 謂不逐緣生

根塵識心一時圓妙。 不由境起。湛然常照。明不能發。暗不能昏。純一真覺。內瑩清淨。此體發現 故前文云。應念化成無上知覺

• 己二別破疑情三。 庚一真識斷滅疑二。辛一阿難伸疑二。 壬一 牒 聞

位名目相應 阿難白佛言。 世尊 0 如佛說言。 因地覺心 0 欲求常住 0 要與果

如文。

⊙ 壬二敘疑難四。癸一舉果常住。

來藏。大圓鏡智。是七種名。稱謂雖別。清淨圓滿。 世尊。如果位中 如金剛王。常住不壞 0 菩提。 0 涅槃。 真如 0 佛性 菴摩羅識 體性堅凝 空如 0

含藏無量功德。名空如來藏。能現身土。離倒圓成。鑒周萬有。 察不變。名為佛性。菴摩羅云無垢。離障所顯。即白淨無垢識也。不與妄染相應。 菩提云知覺。 即智果。涅槃云寂滅。即斷果。離偽妄無遷改 名大圓鏡智。七 。故曰真如 照

首楞嚴義疏注經卷第八 353

名雖別。 首楞嚴經長水疏 一體無殊。堅固凝然。常住不動。 如金剛也

> 3 5 4

● 癸二顯因無常。

前塵。 若此見聽 本無所有 0 離於明暗 0 動靜通塞。畢竟無體。 猶如念心 離於

離塵無體。六根皆然。 故前舉見聽。後指意根 猶如者。 指辭也

⊙ 癸三進退成疑。

求 離明暗。見畢竟空。 云何將此畢竟斷滅 本無我心及我心 0 所 如無前塵。 以 為修因 。將誰立因。求無上覺 0 念自性滅 欲獲如來七常住果 0 進退循環 0 0 世尊 0 微 細 推

覺難顯。但有斷滅。不覺妙常。故云將誰立因求無上覺。 因緣所起。自體本無。故云畢竟斷滅。進退推求無我心者。 以分別不亡。 真

⊙ 癸四結難求示。

如來先說湛精圓常。違越誠言。終成戲論。云 何如來真實語者。

# 唯垂大慈。開我蒙恪。

真實何在。豈不同於兒戲之論耶 如來說有湛精圓常。洎今所推。唯是斷滅。明言雖有。考實元無。若此相違。

⊙ 辛二如來為斷二。壬一斥迷許説。

前實未能識 佛告阿難 0 汝學多聞。未盡諸漏 0 恐汝誠 心猶未信伏 0 0 吾今試將 心中徒知顛 塵俗 倒 諸事 所因 0 當除 真 倒 汝 現

無執斷滅。故云當除汝疑 分別見妄。 能所強生。 為顛倒因。迷常執斷 0 名為真倒 今以現事。 驗令知

0 問答有無 壬二約事廣明二。癸一約聲塵顯其倒情二。 子一問答二。丑一約根問答二。 寅

俱言我聞 即時如來勅羅睺羅擊鐘 0 鐘歇無聲 0 佛又問言。 一聲 0 問 阿 難言 汝今聞 0 汝今 不 0 闡 阿難大眾俱言不 不 阿 難大眾

首楞嚴義疏注經卷第八 355

首楞嚴經長水疏

3 5 6

闡 俱聞 時羅睺羅又擊一 聲。 佛又問言。 汝今聞不 0 阿難大眾又言

● 寅二問答所以。

佛 問 0 則我得聞。擊久聲消 阿難 0 汝云何聞 0 云何不聞 。音響雙絕 0 阿難大眾俱白佛言。 。則名無聞 鐘聲若

常住。 令知生滅之中有不生滅。 擊鐘三問。審定稱聞。欲轉問宗。又令重釋。 何斷滅之有乎 不因聲滅。不因聲生。 生滅圓離。 一則斥成矯亂。一 即常真實。 則顯其性常。 斯則了然

○ 丑二約塵問答二。寅一問答有無

少選聲消 如來又敕羅睺擊鐘 睺更來撞鐘 佛又問言。 0 佛又問言。 一。問 阿難言。爾今聲不。 爾今聲不。 爾今聲不。 阿難大眾答言無聲。有頃羅 阿難大眾俱言有聲 阿難大眾俱言有聲

少選猶少頃也。有頃猶頃刻也。皆時之少分也。三問三答。只是定其言聲

⊙ 寅二問答所以。

擊。 問阿難 則名有聲。擊久聲消 0 汝云何聲。云 。音響雙絕 何無聲。 阿難大眾俱白 0 則名無聲 佛言 鐘聲若

亦以鐘聲起歇為釋。將驗其情。隨言印順耳。 問聲有無。令釋所以。前答聞之有無。亦以鐘聲起歇為釋。 今答聲之有無

⊙ 子二斥破。

汝則言聲 我今云何名為矯亂 佛語阿難及諸大眾 0 唯聞與聲報答無定。 0 0 佛言 汝今 0 云何自語矯 我問汝聞 如是云何不名矯亂 亂 0 汝則言聞 0 大眾阿 難 0 俱時 叉問 汝 問 0 0

故成矯亂 之聞。此聞既不離聲。只合是聲。不合名聞。又言是聲。又言是聞。 斥破意者。 此聞若因聲有。則不離聲。若離聲有。 此是真聞。 汝今但執隨聲 既隨言印順。

癸二就聞性破其斷見三。子一 正破三。 丑 一破其執 斷

阿 0 首楞嚴義疏注經卷第八 聲銷 無響 0 汝說無聞 。若實無聞 聞性已滅 0 同 於枯木

鐘聲更擊 0 汝云 何 知 知有知無 0 自是聲塵 0 或無或有。豈彼

首楞嚴經長水疏

聞性 。為汝有無 0 聞實云無。 誰知無者。

不滅。豈隨聲無。 有無。聞實下二句。反結有性。聞若實無。證無者誰。既若知此是無聞者 且不關聞。故云自是聲塵或無或有。聞性常然。未曾起滅。故云豈彼聞性。 應如木石。再擊鐘時如何聞響。知有下五句。對釋無生。 初二句。牒其所計。若實下五句。破其斷無。若實此聞隨聲而滅 有無之知 。則汝 自屬聲境。 驗知 二身

丑二顯其本常。

是故 阿難 0 聲於聞中自有生滅 0 非為汝聞聲生聲滅 0 令 汝 聞 性

為生為滅。故下文云。音聲性動靜。聞中為有無。 聞性不動。 聲有亦非生。生滅二圓離。是則常真實 其猶鏡明 。聲之生滅。正如影像。 無聲號無聞 豈由影像有去有來。 非實聞無性。聲 令其鏡明

⊙ 丑三結斥垂勸。

靜 汝尚顛倒 閉塞開 0 惑聲為聞 通。說聞無性 0 何怪昏迷 0 以常為斷。 終不應言離諸動

辯 斷常遂迷。 鏡明不動。 故此結勸。 影像隨形。 苟見像之去來。 不可更言離聲無性。 而曰 鏡之起滅者。 倒之甚矣。 無

○ 子二釋成三。丑一引睡人釋成不斷。

惑此舂音 聞舂擣聲 其形雖寐 其鐘為木石響。 如重睡人眠熟牀枕 0 0 0 將為鼓響。 聞性不昏。 別作他物 於時忽寤 。其家有人 。或為擊鼓 阿難。是人夢中 0 遄 知杵音 0 於彼 。或為撞鐘。 睡時擣練舂米 0 自告家人 。豈憶靜搖開閉通塞 即於夢時 0 我正夢時 其人夢中 0 自怪 0 0

性。 但約不隨根起。非由作意。故是真聞。 睡人。六識歸種 。思覺不行。 但任運聞。 如下文云。縱令在夢想。 即真聞性。 若唯約喻 不為不思無 睡人應無聞

360

359

首楞嚴義疏注經卷第八

覺觀出思惟。身心不能及。 故知即顯真聞。不須約喻

首楞嚴經長水疏

⊙ 丑二例死者釋成不斷。

縱 汝形消 。命光遷謝 0 此性云 何為 汝銷 滅

形命雖遷。真常不動。妄識尚在。 況乎聞性。 隨汝消謝

○ 丑三結斥迷倒不循妙常。

不 以諸眾生從無始來。循諸色聲。逐念流轉。 循所常 0 逐諸生滅 0 由是生生。 雜染流轉 曾不開悟性淨妙常

覺明亡緣而照 隨塵生滅。 逐念流動。 雜染流轉。 無始至今。未嘗停息。不能於妙常寂絕念而遊 生之又生。 區區若是何由取證 於真

○ 子三結勸。

塵。 知覺 若棄生滅 識情為垢 0 守於 0 真常 二俱遠離 0 常 光 0 現 則汝法眼應時清明 前 根塵 識 心 應 時 0 銷落 云何不成無上 想 相為

三。俱能染汙障翳般若。於無生法不能明了。故名塵垢。今既遠離。於法明見。 即是證無生忍。故云法眼應時清明。於大菩提斯可希冀耳 覺現前。寂照明露 若能亡緣內照。不逐前塵。塵既不緣。根無所偶。返流全一。六用不行。淨 斯則守於真常。根塵銷落也。想相即境。情即是根。根境識

### 首楞嚴義疏注經卷第八

首楞嚴經長水疏

362

長水沙門子璿集

### 首楞嚴義疏注經卷第九

0 庚二解結同體疑二。辛一阿難伸請二。壬一述己猶迷。

若不知其所結之元 阿難白佛言。 世尊。 0 我信是人終不能解 如來雖說第二義門 0 0 今觀世間解結之人。

喻。以況己迷也。 不的指何處為結。結解之義。尚未辯明。欲期指陳 前疑因果同異。今疑根塵結解。故云第二義門。然根起之由。前雖廣示。而 0 皎然可識。故引前文佛所舉

滅 世尊。我及會中有學聲聞亦復如是。 俱生。雖得如是多聞善根 名為出家 從無始際 0 猶隔 日 0 與諸無明 俱

有情。 諸無明者。謂全界無明也。總攝一切二障見思。故名為諸。始自迷真 生滅不離。故上文云。和合妄生。和合妄死。故云俱滅俱生也。初果有學 隨逐

雖未斷思。已名破煩惱障。得人空證。而未全破所知障。法執猶存。故云猶隔日

⊙ 壬二請示結解。

唯願大慈。 體投地 來苦難眾生 。雨淚翹誠 哀愍淪溺 。得免輪迴 0 佇佛 。今日身心云何是結 0 如來無上開示 不落三有。 作是語已 0 從 何名解 0 普及大眾 。亦令未 0 五

故雨淚求示也 無始生死。不能超越。 蓋由結縛。今待解除。 無礙無繫。 不以懇至。 莫由 開

○ 辛二如來廣演五。壬一世尊摩頂。

爾 出世因。 時世尊。憐愍阿難。及諸會中諸有學者。 作將來眼 0 以閻浮檀紫金光手。摩阿難頂 亦為未來一 切眾生。

頂是諸根之總。手為解結之要。摩而警動。將有解期。撫而安慰。令知深旨

⊙ 壬二諸佛放光。

首楞嚴義疏注經卷第九

3 6 3

首楞嚴經長水疏

3 6 4

得未曾有 從其頂出 即時十方普佛世界 。其光同時於彼世界來祇陀林 0 六種震動 。微塵如來住世界者 0 灌 如來頂 0 0 是諸大眾 各有寶光

說教破邪。顯真揀妄。立信成解。皆為今日成行取證。 今文觀成破惑。正動無明。入法界理。故諸佛放光。 破邪。次為揀妄顯理。次為定見生智。今為入觀成行。前三依教發解。未能除障。 前至此。四度放光。獨有今文諸佛同放。仍又同說。斯何特異乎。答。初為說教 無礙。自他平等。下文諸佛標示。此佛釋成。同說同證。更無異路。問。此經從 無明住地為六情根。震動不安。因茲解結。諸佛流光。灌一佛頂 同示解結。 非聊爾事。 體無二源。故知 故與前文異耳。 。以表一多

善哉阿難。汝欲識知俱生無明。使汝輪轉生死結根。唯汝六根。 阿難及諸大眾 0 汝復欲 知無上菩提 俱聞十方微塵如來 0 令汝速證。 異口 安樂解脫 同 音告阿難言。 寂靜妙

壬三同説結

#### 常 亦汝六根。更非他物

妙常之源也。其猶水水由氣之動移。相雖變異。濕性常 時消落。無真可得。無妄可除。覺性圓明。法眼清淨。 生死長縛。斯六根為生死結縛之源也。 覺明初起。 能所妄生。湛性既分。六根成異。根塵偶對。 一念無念。 斯六根為自在解脫。 能所都亡。 一。結解同貫亦復爾也。 業性即生 根塵識 0 ì 安樂

壬四 阿難再請

安樂妙常 阿 難雖聞 如是法音。心 0 同是六根 0 更非 猶未明 他物 。稽首白佛 0 云 何令我生死 輪 迴 0

法執未破 染淨根本 。孰能洞明。 唯此六根。 更無別法。於此起見。 故再咨詢。 欲期開示 生死輪迴。 於此忘情 涅槃常

 $\odot$ 壬五佛為釋通二。癸一長行二。子一雙標。

告阿難 根塵同源 0 缚脫無二。識性虛妄。 猶 如空華。

根境識三。 無別體性 0 唯一真覺。故曰同源 0 執見不亡。妄生取著。 強分染

首楞嚴義疏注經卷第九

3 6 5

横計身心。從始洎終

0

念念生滅。故云為縛。了相無相。分別不生。能所寂

故三同源。亦同虚妄。故前文云。 猶如空華者。與上根塵綺互相影。上言根塵。影此識性。今言識性。影前 念想虛盡 。一法無取 0 一真體現。心與虛空等無差別。故名為脫。 見與見緣并所想相。 如虚空華。 即此識性虛妄 識性虛妄 根塵。

 $\odot$ 子二雙釋二。 丑一總顯無性 。元是菩提妙淨明體。 即此根塵同源也。

也。又云。此見及緣

#### 阿難 。由塵發知 0 因根有相 相見無性 0 同 於交蘆

互相假藉。一一體空 攬塵成根。對根有相。根境立矣。妄識生焉。妄識能變根境二法 0 成立。故若交蘆 0 故根境識

丑二別 明縛脱

淨 是故汝今知見立知 云何是中更容 他 0 即無 明本 0 知 見無見 0 斯 即 涅槃 0 無漏 真

示根境識三。唯 由 阿難再問 虚妄。同一性源。迷縛解脫。誠非異轍。 云何令我生死輪迴。安樂妙常 。同是六根 由此別示結答。令無 。更非他 物 故佛 先

所疑 是菩提妙淨明體。此則正破無明法執。成就圓通觀門也 體。更欲何物說為異因。故般若云。若見諸相非相即見如來。上云。此見及緣元 不生。妄知見覺。泯然虛寂。唯一圓成。清淨寶覺。斯則六根是菩提涅槃元清淨 自取輪迴。枉入諸 影在次文。 。因解成觀 意謂 0 。妙果可冀。言知見者。略舉六根之二也。立知者 若於六根三事。不了性無 趣。斯則六根是無明生死結縛之本。苟或於此體真達妄 。立為實有。起徧計執。 0 又略見字 惑業由生 (。執取

● 癸二偈頌二。子初標舉。

# 爾時世尊。欲重宣此義。而說偈言

意故 此云應頌。四名蘊陀南。此云集施頌。謂以少言。攝集多義。施他誦持故。為何 即為一偈。二名伽陀。此云諷頌。或名直頌。謂以偈說法。非頌長行。三名祇夜。 重說故。四為後來之徒故。五隨意樂故。六易受持故。七增明前說故 。今此經內。於前四中二三所攝。八意之內正唯三七。兼二五八。然又長行 。經多立頌。略有八義。一少字攝多義故。二讚嘆者多以偈頌故 汎論偈頌。總有四種。 首楞嚴義疏注經卷第九 一阿耨窣覩婆頌。 不問長行并偈 但數字滿三十二。 。八長行未 。三為鈍根

首楞嚴經長水疏

門明淨。修行證入一真法界也。 頌長行。應頌。諷頌。間雜相糅 望。有五對之例。謂有無 0 0 連環起復。展轉相生。大意破無明法執。令觀 廣略 。離合。 先後。 隱顯。至文詳 而知之。

0 子二正頌六。丑初二頌標宗破執二。 寅一比量正破。

### 真性有為空。 緣生故如幻 。無為無起滅。 不實如空華

故中論云。若法為待成。是法還成待。今則無因待。亦無所成法。斯顯第一義中 空華亂起亂滅。故下 不立。方顯法界一相義耳。言真性有為空者。真性之言。正是標宗揀法。通下第 故此雙破。即是解結之所因也。此中四句。前二句破有為。後二句破無為 猶如幻事。真性無為。本來不實。無起滅故。猶如空華。由此二量三支無闕。 二量轉。謂一真中道第一義諦也。應立量云。真性有為。元空不有。從緣生故。 此文正破無明法執。執為無為有實體者。皆迷真性。一真法界。本非對待 此義所 0 無諸過非。掌珍論中取為善立。第二量中。先因後宗。譯人語便 顯。一真平等。 文云。 切世界山河大地。生死涅槃。皆即狂勞。 無諸對待。真妄染淨。 生死涅槃。 凡夫諸佛 顛倒華相。 0 此二 皆如

切相。言語道斷。心行處滅。無明法執。於斯盡矣。

⊙ 寅二顯過況破。

#### 言妄顯諸真 0 妄真同二妄 0 猶非真非真。 云 何見所見

妄二心。諸對待法。皆無所有。方名顯淨法界。一真平等。此上二頌。正是頌前 次句正況。云何更存能見所見。根之與識。俱名為見。所見即境也。斯則總破真 二妄也。猶非下二句。況破執妄。初句躡前。所非尚無真與不真。不真即妄也。 切法不可說不可念。故名真如。應知若有真性為所得者。皆為妄矣。故云妄真同 此真如體無有可遣。以一切法悉皆真故。亦無可立。以一切法皆同如故。當知一 滅心滅。此亦生滅。起信亦云。言真如者。亦無有相。謂言說之極。因言遣言 俱為妄也。以是徧計所緣境故。離妄之真。還因妄顯。 故名曰真。是諸法性。畢竟應有。故此破云。若言離妄所顯有真性者。還同妄法。 者議云。真性之中。雖亡有為無為。而此真性應有所得。是佛所證。離諸偽妄。 根塵同源也。本源自性尚非真妄。 初二句重顯前過。有為無為是對待。故亦是破。執真性是有。還同虛妄。惑 豈得存乎根境識耶。 故根境識同此一源。 如前文云。菩提心生。生

首楞嚴義疏注經卷第九

3 7 0

首楞嚴經長水疏

 $\odot$ 

丑二雨

頌結解同體

### 中間無實性。是故若交蘆

頌前根塵相發。相見無性。猶如交蘆。

## **結解同所因。聖凡無二路**

證理。不隨業繫。故名為解。此則皆由六根迷悟所致 頌前縛脫無二也。六道凡夫業惑所繫。 不得自在。 0 故名為縛 更非別岐 0 0 三乘賢聖斷惑 故無二路

## 汝觀交中性。空有二俱非。

則無無矣。此則正顯根塵中道。亦是上根塵同源之義 交中無性。將何遣有。而更存無。 一性之中無對待故。肇公云。 有既不有

## 迷晦即無明。發明便解脫。

性 真妄一如。 頌前知見立知等文也。 根境 、識三。 迷根執境 不能為縛 0 不了性空。 故名解脫 妄取為有 斯則涅槃 即無明矣。

》 丑三一頌生起下文。

解結因次第。六解一亦亡

文云。今日如來若總解除。結若不生。則無彼此。尚不名一。六云何 成法解脫 生起六解一亡疑也。因次第者。下文云 解脱法已。俱空不生。是名菩薩從三摩地 。此根初解 0 得 。先得人空。 無生忍 0 空性 亦亡者。 圓明

## 根選擇圓通。入流成正覺。

此界人。入流正覺。 生起下文圓通修證也。 即取觀音從耳根門入三摩地 0 文殊所選 0 堪與阿

⊙ 丑四一頌無明習氣。

## 陀那微細識。習氣成暴流。

唯佛窮了 依菩薩從初正信。發心觀察。若證法身。得少分知。乃至菩薩究竟地不能盡 唯佛能知。故起信云。無明熏習所起識者。非凡夫能知。亦非二乘智慧所覺。謂 三位之中。相續執持位也。無明熏習種子不斷。如暴流水。流注不息。微細境界 阿陀那云執持。即第八識。能執持種子。 起現行故 。第八多名。此名最通 知

## 真非真恐迷。我常不開演。

首楞嚴義疏注經卷第九

3 7 1

首楞嚴經長水疏

開演。恐彼分別執為我。意顯前文根境識三。六種結縛 於常見。執為真我。若說為妄。恐撥為斷滅。以真相不滅故。是故於小乘藏及大 與生滅和合。非一非異。名為阿黎耶識。若說即真。妄習如何得盡。凡夫外道起 已離業識。無自他相見。 真執妄。見有見空。唯此識影。乃至十地菩薩所見佛身。 乘權教。不說第八。深密經云。阿陀那識甚微細。一切種子成暴流 此識體。單真不立。獨妄不成。真妄和合。方有所為 如起信說。 此則正顯已離俱生無明耳 。皆是此識熏習變生。執 業識上見 。起信云 。我於凡愚不 。謂不生滅 如

⊙ 丑五一頌一句遣幻非幻。

## 自心取自心。非幻成幻法。

眾生。故云非幻。而由見妄。忽生覺明相現。四大分湛。根塵宛成。故云成幻法。 三界虛偽 而言幻者。以一一法皆無性故。 分別即分別自心 切諸法唯識所變。故皆自心。前六不了。見從外來。取而分別。 。唯心所作。離心即無六塵境界。以一切法皆從心起。 。故云自心取自心也。若以妙性圓明。 離諸名相。 妄念而生。 本來無有世界 故起信云。

#### 不取無非幻 非幻尚不生。 幻法云何立

不存無。以觀法者。可謂見法實相矣。 生死。了無所得。斯則一相平等。迷悟都亡。生死涅槃猶如昨夢。 分別不生。 前後際斷。真尚不辯。妄何所立。是故性真常中 故肇公云。夫 求於去來迷悟

⊙ 丑六一頌三句讚法令忻。

#### 是名妙蓮華。

顯發。如開敷出水。 此平等性觀。 能破無明 故以為喻 0 開佛 知見 此知見性 處妄常真。 在染不污

#### 金剛王寶覺。

是可寶重。如摩尼珠。隨意生育。 無明堅牢最為難壞。一念能破。金剛定力。此定尊上。 無上覺果。 名王寶覺。 更無能過。 於法自在

#### 如幻三摩提。

此觀現前。了一切法皆如幻化。猶如明鏡。 現諸色像。 色像 體不可得

首楞嚴義疏注經卷第九

3 7 3

同一鏡明。不即不離 首楞嚴經長水疏 。三摩提云正受。不受諸受也。

3 7 4

### 彈指超無學。

覺耳 為所得。故云超無學耳。 歇即菩提。圓覺亦云。離幻即覺。亦無漸次。皆斯義也。然至覺時 此顯速疾能至大覺。故一念不生即名為佛。超過地位劫數之說。 亦是約遲速校量。故說為超。 非是都越地位 0 亦無自果可 如前文云。 。直至無上

#### 此阿毘達磨 十方薄伽梵。 一路涅槃門

名為門。由前請云要因門入。 嚴。名稱。吉祥。尊貴。十方諸佛取證菩提涅槃妙果。 真法界。體用顯現。理智一如。故名對法。薄伽梵具足六義。 阿毘達磨云無比法。即指此三昧也。亦云對法。即以大乘平等大慧。對向一 故此開示。金剛三昧。 為能入門也 唯此一 路。 謂自在。熾盛。端 能通至彼。

0 庚三六解一亡疑二。辛一伸疑請決二。壬一敘慶所聞。

於是阿難及諸大眾 0 聞佛如來無上慈誨 0 祇夜伽 陀雜糅精瑩。

妙理清徹。心目開明。歎未曾有。

開如目之鑒 能詮之文。 諷應交間。 辭句妙淨。所詮之理。清明洞徹。 皎然可見。 故使心

⊙ 壬二正陳疑意

施 阿難合掌頂禮白佛 心猶未達六解一亡。 以法音。 洗滌沈垢 。我今聞佛無遮大悲。性淨妙常。真實法句 舒結倫次 。唯垂大慈。再愍斯會及與將來 0

脫無二。迷晦即無明。發明便解脫。斯則結無前後。解亦不倫。六根若亡。 由前偈云。解結因次第。六解一亦亡。阿難疑意。前文既云。 云何復云解結因次。六解一亡。故云心猶未明。 唯垂洗滌等 根塵同源 覺

縮巾問結二。寅一結巾初問。 辛二舉事廣明三。壬一且明結之因起二。癸一舉事二。子一問答結名二。 丑

即時如來 首楞嚴義疏注經卷第九 取 於師子座。整涅槃僧 波羅天所奉華巾 0 於大眾前館成 0 斂僧 伽 棃 結 攬 七 0 寶几 示 阿 難 0 言 引 手 0

此名何等 首楞嚴經長水疏 阿難大眾俱白佛言 此名為結

詳緣起 涅槃僧。僧裏衣也。 僧伽黎。大衣也。劫波云時分。 巾是彼天所奉獻故 未

● 寅二再結再問。

眾又白佛言。 一結成 於是如來館疊華巾 如是 。皆取手中 次第訓佛 此亦名結 -所成之 0 又成一結 0 此名為 0 結 如是倫 0 持問 結 0 重問 次 阿 0 難 阿難 縮疊華巾 0 此 名 此名 何等 。總成六 何等。 0 阿 結 難 阿 大眾 難大 0

如文。

丑二約體問名。

三 巾 佛告阿難 云何 雖 本 汝曹復名為結 0 體 我初館巾 0 如 我思惟 0 汝名為 0 阿 0 難白佛言 如 來 結 0 綰 此疊華巾先實一條 0 0 世尊。 得 一結名 此寶疊華緝 0 若百館成 第 績成 二第 0

來紙許初時 終名百結。何況此巾秖有六結。終不至七。亦不停五。云何如 。第二第三不名為結

同異中熾然成異。故一一綰皆名為結。 巾喻真性。結喻六根。逐綰而問。 相由妄別。令知根本是一。妄結生六。 無

⊙ 子二徵釋同異二。丑一問答。

為第一。如是乃至第六結生。吾今欲將第六結名。成第一不。 佛告阿難。 如何令是六結亂名 不也世尊。六結若存。斯第六名終非第一。縱我歷生盡其明辯。 汝審觀察。巾體是同。因結有異。於意云何。初館結成名 此寶華巾。汝知此巾元止一條。我六館時。名有六

可亂名 體雖元一。妄結成六。既已成根。六種名相 隨心計執。不可移易。 故云不

〇 丑二印成

首楞嚴義疏注經卷第九

首楞嚴經長水疏

不得成 佛言。如是。六結不同 循顧本因 0 巾所造。令其雜亂。 終

如文。

⊙ 癸二合顯。

則汝六根亦復如是。畢竟同中。 生畢竟異

迷心執境。無異成異。故下文云。元依一精明。分成六和合。 即斯義也。

⊙ 壬二正示六解一七二。癸一就事問答。

佛告阿難。汝必嫌此六結不成。願樂一成。復云何得。 日若總解除 此結若存。 是非鋒起。於中自生此結非彼 。結若不生。則無彼此。尚不名一。六云何成。 0 彼結非此 。如來今 阿難言。

嫌此六根妄隔。樂成一體。有何方便而得成一。答意。若解此六。亦不成一。以 對六而立。六若不生。 此中譯家緝綴不足。應云。欲得不成。願樂一成。復云何得。佛意云。汝意 則無所對。故無一義。

⊙ 癸二貼喻釋成。

佛言 發妄不息。勞見發塵。如勞目晴。則有狂華。 亂起。一 。六解一亡。亦復如是。 切 世間山河大地 。生死涅槃。皆即狂勞顛倒華相。 由汝無始心 性狂亂 於湛精明 0 知見妄發。 。無因

俱不離此。以是分別妄念起故。離心即無六塵境故。 成。本無所有。故如狂勞虛妄華相。三種世間。故名一切。佛界生界一切境界。 心性發狂。見聞妄隔。根境識三。 一時俱現。生死為六。涅槃名一 。由對待

問 阿難言。 ()。如是解不。不也世尊 阿難言。 壬三卻辯解結次第二。癸一示解因三。子一揀非顯是二。丑一二邊俱非 此勞同結 如是解不。不也世尊。旋復以手偏牽右邊。又問 。云何解除 0 如來以手將所結巾偏掣其左 阿 0

如須彌山。不起空見如芥子許。以墮斷故。既左偏有相 不見性。無明根結如何解除。 若執此根有實體者。 首楞嚴義疏注經卷第九 即墮常見。若謂都無。成惡取空。諸佛不化。寧起有見 故前偈云。汝觀交中性。 空有二俱非。 0 右墮空門 0 故此二邊不 空有二邊俱

首楞嚴經長水疏 380

令脫。

⊙ 丑二中心方是。

解成。 佛告阿難 如是如是 阿難白佛言。 。若欲除結。 。吾今以手。左右各牽。竟不能解 世尊 當於結心 0 當於結心 0 解 即 分 0 散 汝設方便 0 佛告 0 阿 云 難 何 0

見全無明之法性。 意明。空有二邊既不能解。當須中道正觀照無始結根。非有非無。 斷全法性之無明。不斷而斷。 非證而證。方得解成 不 異而異。

○ 子二示正因緣二。丑一顯今說意。

世法 阿難 。我說佛法 知其本因 從因緣生。 隨所緣 出 非 取 世間 和合廳 相 0 如 來發明 世出

思議用 故能知此結解因由 中道正觀。 。此名佛法從因緣生。豈同世間所說麤相。 如幻三昧。能解無始無明根結。 非餘境界 能於彈指超證無學。 以佛無明永盡。得一切種智。 能起無方不

⊙ 丑二別示所知。

鵠白鳥玄。皆了元由 如是乃至恆沙界外一滴之雨 0 亦知頭數。 現前種種松直棘 0

切種智。佛既證得一切境界。有何難了。 切世間色心染淨。諸有境界。皆依無明而得住持。 是故即能皆了元由 今無明已變成明 明

⊙ 子三總彰解益。

亡 是故阿難 。不真何待 隨汝 心 中選擇六根 0 根結若除 塵相 自滅 0 諸妄銷

根除。塵消覺圓淨。是故諸妄消亡。不真何待 妄。彼六知根一時清淨。故云選擇。下文云。見聞如幻翳。三界若空華。 劫相倍。但汝下劣。未能於中圓自在慧。故我宣揚。 上文云。若能於此悟圓通根。逆彼無始織妄業流 令汝但於一門深入。入一 0 得循 圓通。 與不圓 聞復翳 日

⊙ 癸二明次第二。子一就事問答。

阿 吾今問汝。此劫波羅巾六結現前。 同時解縈。 得同除不

首楞嚴義疏注經卷第九

不也世尊。是結本以次第館生。今日當須次第而 解 0 六結同體

0

結不同時。則結解時。云何同除。

但觀合顯。義自昭然 此顯六根不能頓解。但應從一根門。即得六根解脫。非謂六根相望成次第耳

子二約法合顯。

成法解脫。解脫法已。俱空不生。是名菩薩從三摩地得無生忍。 佛言。六根解除 亦復如是。 此根初解。 先得人空。 空性 圓明

我想。當起法想。應作是念。但以眾法合成此身。起唯法起。滅唯法滅。當作是 得無生忍也。維摩云。又此病起皆由著我。是故於我不應生著。既知病本。即除 即成法解脱也。空覺極圓。空所空滅。即俱空不生也。生滅既滅。寂滅現前。即 此法想者即是顛倒。我應離之。云何為離。謂不念內外諸法。 如是漸增。聞所聞盡。斯則此根初解。先得人空也。盡聞不住。覺所覺空。 此正明次第也。如下文云。初於聞中入流亡所。所入既寂。 動靜二相了然不 行於平等

自然麤執先斷。次第以證 我等涅槃等。 非約六根頓解 此則維摩正就於身。 所以者何 。故云次第。不同漸次法門約鈍根說 0 我及涅槃是二皆空。乃至得是平等。唯有空病。 作三空觀門 。觀行雖別 0 故次第觀而次第離。 所得攸同。即正約圓頓觀法。 。諸解云云。 今經但於一根深入 不能具敘 但從一根而 空病亦

• 己三廣引修證四。庚一阿難請問圓根四。辛一述解伸疑

阿 頂禮雙足 難及諸大眾 一六亡義 0 而白佛言。我等今日身心皎然 0 然猶未達圓通本根 。蒙佛開示 0 慧覺圓通 。得無疑惑 0 快得 無礙 0 時 0 雖 復 悟 0

慧覺圓通。由蒙開示。 本根入路。未得通明。 故今伸敬 欲期達解

○ 辛二敘迷遇佛。

世尊。 忽遇慈母 我輩飄零。 積劫孤露。 何 心 何慮。 預佛天倫。 如 失乳兒 0

背覺合塵名為孤露 萍游六道故 百飄零 忽然邂逅 0 **順為堂弟** 名預天倫

首楞嚴義疏注經卷第九

383

3 8 4

由斯遭遇。如子得母。法身可久矣。

首楞嚴經長水疏

辛三結願彰益。

若復因此際會道成。 所得密言。 還同本悟。 則與未聞無有差別

悟門。 覺也 中之耳根也。阿難所請。 。既不曾迷。 際時會遇也。遭時遇佛。 觀音文殊承機述揀 唯是一覺。夫何更有見聞之異。故云未聞無有差別。此略舉六 意在此根。 。感應相濟 從茲得道。始覺合本。若不曾迷。 微露其機。求佛顯發。 。化道曲成。於今受賜 如來知微 。豈得忘本 故云本悟。 0 勅眾各說 悟。

⊙ 辛四請示法門。

地 唯垂大悲 退藏密機 惠我祕嚴。 0 冀佛冥授 成 0 就 如來最後開 示 0 作是語已 0 五 體 投

退藏。 秘密妙嚴。 即欲以湛旋其虚妄滅生 即首楞嚴定。 最後開示 。伏還元覺。故云冀佛冥授 0 究竟說也 機微細念 靜然不動 故曰

● 庚二如來詢諸聖眾。

誰為圓通 及阿羅漢。生我法中得成無學。吾今問汝。最初發心悟十八界。 爾時世尊。 普告眾中諸大菩薩 從何方便入三摩地 。及諸漏盡大阿羅漢 0 汝等菩薩

總而攝之。不離十八。故舉以問。令各敘述。 從佛口生。從法化生。得佛法分。名生我法。向下雖有二十五門 0 諸聖入道

憍陳那五比丘。即從座起 於鷄園。觀見如來最初成道。 庚三諸聖各說證門五。卒一滅塵合覺證六。壬一憍陳如三。 。頂禮佛足。 於佛音聲悟明四諦。 而 白佛言 癸 我在鹿苑及 一遇佛獲悟

修道 陳那 果已。思度何人。此五於我先曾營衛。即往為彼三轉法輪。問言解否。陳那先答 已解已知。諸天在空亦言其解。故佛命彼名阿若多。阿若多者。此云解也。或言 憍陳那。姓也。此云火器。其先事火。從此命族。五比丘者。 二十力迦葉。勅令隨衛。五人銜命。後各捨去。在鹿園中共修異道。佛得 淨飯乃命家族三人。一阿濕婆。二跋提。三摩訶男拘利 0 舅氏二人。 初佛棄國入山

雞園。精舍名也。 首楞嚴經長水疏

3 8 6

已知。

癸二正陳悟旨

聲得阿羅漢 佛問比丘 。我初稱解 0 如來印我名阿若多。 妙音密圓。我於音

前後差別。故知此文正是入音聲慧法門。了聲實相也。 解。下文如來勅文殊言。二十五無學。皆言修習真實圓通。彼等修行。實無優劣。 唯如來藏。故云妙音密圓。此經所明圓通法門。唯取實證。則不可約隨相而 雖悟四諦。 復了音聲本常。微密圓滿。未曾生滅。 唯一覺性 。此則了音聲性

癸三結酬所問

問圓通 如我所證 0 音聲為上

如文。

壬二優波尼沙陀三。 癸一值佛顯

優波尼沙陀即從座起。 頂禮佛足 0 而 白佛言。 我亦觀佛最初成

道。 觀不淨相。生大厭離 0 悟諸色性

悟諸色性 白骨微塵。故以為名。由多貪欲。故作此觀以為對治。復了色塵本如來藏。故云 亦云優波尼殺曇。此言近少。或云塵性。謂微塵是色之近少分也。因觀不淨

● 癸二正陳悟旨二。子一觀成得道。

以從不淨白骨微塵。 歸於虚空。空色二無。 成無學道

見色實相。悟中道理。色之與空唯一實性。故云空色二無。 初作不淨想。後入骨鎖觀。皆為治貪。復因骨鎖。 入析色明空。 復因此空

○ 子二重指釋成。

如來印我名尼沙陀。塵色既盡。 妙色密圓 。我從色相得 阿羅漢 0

從悟得名也。真善妙色。即畢竟空。相盡性顯。悟如來藏。 周徧法界。故曰

密圓。成於無學。

首楞嚴義疏注經卷第九

3 8 7

佛問圓通。如我所證。色因為上

0

3 8 8

首楞嚴經長水疏

○ 壬三香嚴童子三。癸一敘承尊教。

香嚴童子即從座起。頂禮佛足。而 觀諸有為相 白佛言。 我聞如來。 教我諦

切有為法。如夢幻泡影。 觀香悟道。得童真位。 名為童子。初佛總教。觀有為相。不的言香。 如露亦如電 。應作如是觀 如云

癸二依教修觀三。子一標觀境。

中 我時辭佛 0 宴晦清齋。見諸比丘燒沈水香 0 香氣寂然 0 來入鼻

是有為相。即所觀境也。 我於向晦。宴然安息在於靜室。清靜之室。洗心之處。故名清齋。靜室聞香

⊙ 子二正觀察二。丑一觀行。

我觀此氣。 非木非空。 非煙非火。去無所著。來無所從。

木空煙火。以理推窮。非香生處。既來無因。去復何往。 以何為香而馨我鼻。

- 此則觀察香無生也。
- 丑二觀益。
- 由是意銷 0 發明無漏 如來印我得香嚴 號

香既無生。復何分別。 故云意銷。 分別不有。能所俱亡。 真覺不動 湛然常

- 偏。塵垢既銷。圓明淨妙。故號香嚴。
- 子三重釋成。

塵氣倏滅 0 妙香密圓 0 我從香嚴得 阿羅漢

相盡歸如。真香妙發。一念不辯。即登無學。

- ⊙ 癸三結酬所問。
- 佛問圓通。如我所證。香嚴為上。
- 壬四藥王藥上三。癸一敘宿因。

藥王藥上二法王子。并在會中五百梵天。 即從座起。 頂禮佛足

白 佛言 首楞嚴經長水疏 我無量劫為世良醫 口中當此娑婆世界草木金石 390

0

而

生變異。是冷是熱 名數凡有十萬八千 0 0 有毒無毒。 如是悉知苦酢鹹淡甘辛等味。 悉能编知 并諸和合俱

此發悟 敘昔為醫。能療眾疾。嘗藥知味。分別性用。對治不差。昔既妙辯味塵。今亦因 堪任補處。紹繼佛種。令不斷故。名法王子。五百梵天是彼徒屬。 未詳緣起。

- ⊙ 癸二獲現悟二。子一正陳悟旨。
- 承事如來。 味因。從是開悟 知味 性 0 非空非有 0 非即身 ジ 0 非 離身 ジ 分 別

從是開悟。即證無生忍也 生處故。塵味寂然。分別即息。能所亡泯。二俱絕朕。唯是一 觀味之因。從何而有。 空有身心。若即若離。 俱無生處 味清淨寶覺。故云 了知即觀察也

⊙ 子二蒙印獲益。

因味覺明 蒙佛如來。印我昆季。藥王藥上二菩薩名。今於會中為法王子。 0 位登菩薩

發覺明悟。 由了藥味。故印此人藥王藥上。登 0 成也

● 癸三結酬所問。

佛問圓通。如我所證。味因為上。

○ 壬五跋陀婆羅三。癸一遇佛顯悟。

言。 跋 悟水因。 陀婆羅 我等先於威音王佛。聞法出家。 。并其同伴十六開士。 即 從座起 於浴僧時。 0 頂禮佛足 隨例入室。 0 而 白佛 忽

獲悟也。隨例入浴。觀此水性了不可得。 之中。為上慢者。 跋陀婆羅云賢護。准法華說。威音王佛。有二萬億相繼出世。 毀常不輕。由是墮獄。經於千劫。罪畢得出 不從因生。故悟水因 值後威音。 此人初佛像法

⊙ 癸二正陳悟旨二。子一敘悟獲益。

既不洗塵。亦不洗體 。中間安然。得無所有 0 宿習無忘。乃至

首楞嚴經長水疏

今時從佛出家。令得無學。

得 。 孰為浴事。無始妄習頓然銷落。乃至今時得成無學。 塵無自性。纔生即滅。體是幻有。性相本空。水無所因 安然不動。 三俱無

⊙ 子二重指釋成。

彼佛名我跋陀婆羅 妙觸宣明 0 成佛子住

由斯觀察。塵觸既盡。妙觸現前 0 得無生忍。 名佛子住 以善能守護

不起。令覺不動。名跋陀婆羅

⊙ 癸三結酬所問。

佛問圓通。如我所證。觸因為上。

因觸悟道。故云觸因。

壬六摩訶迦葉三。癸一敘遇勝緣 三。 子一佛在依學

摩訶迦葉及紫金光比丘尼等。即從座起。頂禮佛足。而白佛言。

我於往劫。於此界中有佛出世。 名日月燈。我得親近聞法修學。

時婦。緣起如常。日月燈所。便得親近。聞法修行。 摩訶迦葉。云大飲光氏。名畢鉢羅。頭陀上行。眾推無上。紫金光尼。在家

- 子二滅後遵承。
- 佛滅度後。供養舍利。 然燈續明。 以紫光金塗佛形像

室利羅。云如來體骨。然燈塗金。皆是身金光耀之因。累劫皆爾。非止一 佛

故得然也。經出別緣。各從一說。

○ 子三由因感果。

自爾已來。 即我眷屬 世世生生。身常圓滿紫金光聚。 同時發心 此紫金光比丘尼等。

如文。

○ 癸二正陳悟旨二。子一陳觀行。

我觀世間六塵變壞。 唯以空寂。修於滅盡。身心乃能度百千劫 0

首楞嚴義疏注經卷第九

首楞嚴經長水疏

3 9 4

猶如彈指。

動。故令能度多劫如彈指也。 心滅故種種法滅。心不見心。無相可得。能所都寂。法性現前。身之與心本來不 六塵生滅是意家境。今觀此法。本自不生。今則無滅。以心生故種種法生。

子二重釋成。

漏 我以空法 。成阿羅漢。 世尊說我頭陀為最 妙法開明 銷滅諸

塵法既空。妙法宣現。故獲無漏成無學果。

- 癸三結酬所問。
- 佛問圓通。如我所證。法因為上。

已上六人。依塵開悟。

首楞嚴義疏注經卷第九

長水沙門子璿集

辛二旋根歸性證五。壬一阿那律陀三。癸一敘悟因由

其雙目。 阿 眠 那律陀即從座起 如來訶我為畜生類 世尊示我樂見照明金剛三昧 。頂禮佛足。而 。我聞佛 訶 白佛言。 0 啼泣自責。 我初 出家 七 日不眠 常樂睡 0

當以意得。 佛名字。故云訶畜生類。常言半頭天眼。今云金剛三昧。此顯實證 白飯之子。多樂睡眠。如來訶云。咄咄胡為寐。螄螺蚌蛤類。一睡一 或阿泥樓豆。成阿笺樓馱。皆梵音小轉。此云無滅。或云如意 與昔不同。 千年。不聞 是佛堂弟。

⊙ 癸二正陳悟旨。

我不因眼觀見十方。 精真洞然。 如觀掌果。 如來印我成阿羅漢

首楞嚴經義疏注經卷第十

金剛三昧所發之用。 首楞嚴經長水疏 同佛見用。故云精真洞然見十方也。

⊙ 癸三結酬所問。

佛問圓通 如我所證 0 旋見循元。 斯為第 0

旋其妄見。循彼真元。塵見既銷。精真洞發。一 切無礙。豈止障外細色而已。

○ 壬二周利槃特迦三。癸一敘悟因由。

前遺後。得後遺前 聞性。最初值佛聞法出家。憶持如來 周利槃特迦 即從座起。頂禮佛足。 。佛愍我愚。教我安居。調出入息 而 白佛言 一句伽陀 0 我 。 於 闕 誦持 一百 日

比丘同教一偈。經九十日不得成就。為治散亂。教數息也。 周利槃特迦云蛇奴。於路所生。或云繼道。性多愚鈍。過去為大法師 有徒五百。秘恪佛法。不肯教人。後生暗鈍。以宿善故。遇佛出家 五百

⊙ 癸二正陳悟旨。

我時觀息。 微細窮盡 0 生住異滅 0 諸行剎那。 其心豁然。 得大

無礙。 乃至漏盡成阿羅漢。 住佛座下。 印成無學。

悟。 初觀息風。念念生滅。微細窮盡。生滅無從。息風既空。心亡分別。 一切無礙。此則豈唯對治散亂。亦乃見自心實相矣。 豁然大

- ⊙ 癸三結酬所問。
- 佛問圓通 如我所證 。返息循空 0 斯 為第一 0

返生滅息。循無生空。從息發明斯為無上。

- 壬三憍梵鉢提三。癸一敘悟因由。
- 劫 憍梵鉢提即從座起。 我得滅心。入三摩地 輕弄沙門。世世生生有牛呵病 頂禮佛足。 而 白 0 佛言 如來示我一味清淨心地法 0 我有口 業。 於過去

故云滅心入三摩地 論出緣與經有異。教觀舌根嘗味入道。當得心地一味法門。了味之知。從此永滅。 亦云笈房鉢底。此云牛呞。牛凡不食。亦事虚哨。 此人口相如牛之哨也。大

首楞嚴經長水疏

3 9 8

- ◎ 癸二正陳悟旨二。子一敘觀行。
- 觀味之知 非體非物 0 應念得超世間諸漏

緣亦無。了味之知。竟從何有。一根既爾。諸根亦然。 觀此嘗味之根。不自體生。不他物生。各猶無生。 由是應念得超諸漏 共豈能有。緣中不得

- 子二敘觀益。
- 清淨。成阿羅漢。如來親印登無學道 内脫身心。外遺世界。遠離三有。 如鳥出籠。 離 垢銷塵。 法眼

為塵。識情為垢。二俱遠離。得無生忍。故云法眼清淨 根復故內脫。塵銷故外遺。內外既亡。孰為三有而可處耶 故云遠離 想相

- 癸三結酬所問。
- 佛問圓通 0 如我所證 。還味旋知 0 斯為第一

旋妄根塵。歸真實相。心地法門。 一時開顯。此為第一

- 壬四畢陵伽婆蹉三。癸一敘悟因由。
- 畢陵伽婆蹉即從座起。 頂禮佛足 而 白佛言。 我初發 ジ 從佛

覺路中毒刺傷足 入道。 數聞如來說諸世間不可樂事。乞食城中。 。舉身疼痛 心思法門 不

此觀。 餘習耳。最初入道。聞佛所說世間苦空。無常不淨。都不可樂。 畢陵伽婆蹉云餘習。 忽遇苦緣。故云疼痛 呼恆河神為小婢。非是故心。 由過去世為婆羅門 因行乞食 思入 我慢

◎ 癸二正陳悟旨二。子一敘觀行。

思惟。如是 我念有知 0 一身。寧有雙覺 知此深痛 雖覺覺痛 覺清淨 ジ 無痛痛覺 我又

覺皆悉虛幻。清淨心中一 觀察痛覺之念。 觀。觀覺及痛。 念。觀也。 淨心之覺 觀清淨心。 知。覺也。因痛起觀 無所得 0 無痛無覺 即成二覺 0 從何而有。 此根塵念慮。妄身心有。真淨心無 觀我此身。有於知覺。覺此深痛 身二覺。 應成兩佛 故知此 然雖起 。又更

子二明得悟。

首楞嚴經義疏注經卷第十

3 9 9

攝念未久 首楞嚴經長水疏 0 身心忽空。三七日中 0 諸漏虚盡 0 成阿羅漢 4 0 0 得親

印記。發明無學。

寂。 無分別智。即得現前。 有所得心。 一念不起。 名之為攝 證無生忍。 當爾之際 故云身心忽空。 。能覺所覺 能觀所觀 時俱

⊙ 癸三結答所問。

佛問圓通 如我所證 0 純覺遺身 斯為第 0

能觀所觀。能痛所痛。寂無一法。故云純覺遺身

● 壬五須菩提三。癸一敘宿悟。

須菩提即從座起。 自憶受生 如恆河沙 頂禮佛足。 0 初在母胎 而 白佛言。我曠劫來。 即 -知空寂 ジ 得無礙 0

既云曠劫如恆河沙 須菩提云空生。 亦善現等 便知空寂。豈止今日。 以生時現空。 方始證得。 心達於空。常修空行。 故以為名

○ 癸二明悟旨二。子一悟但空。

### 如是乃至十方成空。 亦令眾生證得空性

自行既爾。亦令他人證得空性 以修空觀。了心空寂。 一切依正自他染淨。乃至十方由心變者。 。此一向空。未能具法。故云但空。 悉皆成空。

○ 子二悟中空。

海 蒙如來發。 0 同佛知見。印成無學。 性覺真空。空性圓明 解脫性空。 0 得阿羅漢 我為無上。 0 頓 A 如來寶明空

法界性故。如摩尼寶隨意出生。如大溟渤深廣含攝。平等性智。達解照了 如。名佛知見。雖證於空。不為空縛。故云解脫 性覺真空。即中道理。以空是如來藏。故滿足周徧。具一切法。 光明偏照

⊙ 癸三結答所問。

第 佛問圓通 0 如我所證 。諸相入非。非所非盡。 旋法歸無。 斯為

初以單空。 空於諸相 0 故云入非 0 次以重空。 空於空相。 故云非盡 0 無亦空

首楞嚴經義疏注經卷第十

4 0 1

4 0 2

首楞嚴經長水疏

也。已上五人。依根證入畢。

辛三湛識循源證六。壬一舍利弗三。 癸一敘宿悟

舍利弗即從座起。頂禮佛足。而白佛言。我曠劫來。 如是受生如恆河沙。世出世間種種變化。一見則通。獲無障礙 心見清淨 0

無不通達根本元由。斯則得世俗智。分別諸法。名為法眼 舍利弗云鶖子。亦云身子。心見清淨。謂眼識發智。見世出世間一切諸法

◎ 癸二明今悟二。子一獲慧眼。

我於中路 0 逢迦葉波兄弟。 相逐宣說因緣 0 悟 心無際

果證 因緣。 迦葉兄弟。 。即慧眼也。餘處即說遇馬勝者。或同時所遇。 因緣即空。 即三迦葉也。宣說因緣。即三諦法。因說生解。悟真空理 即獲慧眼。見真諦理 非獨一人。 經互舉耳 0 得初 既聞

● 子二獲佛眼。

從佛出家。見覺明圓。 得大無畏 成阿羅漢 。為佛長子。 從佛

### 口生。從法化生。

見覺明圓。即真覺妙明。圓滿成就。從眼識顯。 斯由如來開示妙法。令我獲

證。故云從口從法。

● 癸三結答所問。

佛問圓通 如我所證。心見發光。 光極知見。 斯為第

從於眼識發顯智光。智光極處即佛知見。即三智五眼。 一時具足。故名為極

⊙ 壬二普賢菩薩三。癸一事佛發行。

為法王子。十方如來教其弟子菩薩根者。修普賢行。從我立名 普賢菩薩即從座起。 頂禮佛足。 而 白佛言 0 我已曾與恆 沙

行彌法界曰普。位隣極聖曰賢。河沙佛所為法王子。諸佛弟子發我行者。皆

名普賢。

⊙ 癸二行成起用二。子一指體略標。

世尊。我用心聞。分別眾生所有知見。

首楞嚴經義疏注經卷第十

4 0 3

4 0 4

首楞嚴經長水疏

境智相冥。一體無二。還於心聞起用。分別眾生知見。可發明者即現其身 心聞即耳識發明也。從於耳識得真圓通。入法界理。生滅識滅。寂滅現前

○ 子二約機廣釋。

乘六牙象。分身百千。皆至其處。 若於他方恆沙界外。有一眾生心中發明普賢行者。我於爾 。暗中摩頂。擁護安慰。令其成就 縱彼障深未得見我。我與其 0 時

無不了知。無不起應。冥顯二機皆獲其益 既以心聞。合法界體。境智無二。故法界中所有眾生。心中發明普賢行者。 0

● 癸三結答所問。

問圓通 我說本因 0 心聞發明 0 分別自在 斯為第一 0

如文。

⊙ 壬三孫陀羅難陀三。癸一敘承尊教。

孫陀羅難陀即從座起。 頂禮佛足。 而白佛言。 我初出家從佛入

道。 雖具戒律。於三摩地心常散動。未獲無漏。世尊教我及俱 0 觀鼻端白

觀識。緣鼻端白。 孫陀羅難陀。 此云艷喜。 以駐其心。令不散動 兼妻得名。是佛親弟 前作數息 即約根說 今約

◎ 癸二依教修觀二。子一明觀行。

世界。徧成虚淨。猶如琉璃。 我初諦觀 0 經三七日。 見鼻中氣 煙相 0 漸銷 出入 如 0 鼻息成白 煙 0 身 ジ 內 明 圓 洞

洞身界。猶在方便。未能忘緣。故見其煙變成白相。 一時空淨。內外映徹。猶如琉璃。此則因觀生滅息相。觀心融明。將發空慧。遂 初觀白相。經三七日。後見息氣猶如煙相。此觀成時。身心內發。若身若器。

○ 子二明悟益。

記我當得菩提 ジ 開 漏盡 諸出 入息。 化為光明 0 照十方界 0 得阿羅漢。 世尊

首楞嚴經義疏注經卷第十  $\frac{4}{0}$ 

首楞嚴經長水疏

4 0 6

無非圓妙。由斯漏盡。當得菩提。 無生空慧既已現前。諸息不生。純是智慧。慧光明照。 切皆如。 世界眾生。

● 癸三結答所問。

佛問圓通 0 我以銷息。息久發明。明圓滅漏 0 斯為第一 0

如文。

○ 壬四富樓那三。癸一敘宿辯二。子一具談權實。

來辯才無礙 富樓那彌多羅尼子 0 宣說苦空。深達實相 0 即從座起。 頂禮佛足 0 而 白 佛言。 我曠劫

空實相。即權實法也。內祕外現。成就眾生。累劫如是 富樓那云滿。彌多羅云慈。尼。女聲。得四辯才。 曠劫便有 0 非獨今日 苦

○ 子二備演法門。

如是乃至恆沙如來祕密法門 非今一佛所說法門。恆沙佛所。聞祕密法。我皆為眾。宣說無畏。言微妙者。 我於眾 中 微妙 開示 得無所畏

巧以言詞。譬喻方便。隨順機感也。

● 癸二明現證。

因師子吼。成阿羅漢。 世尊知我有大辯才 0 以音聲輪教我發揚 世尊印我說法無上 0 我於佛前 助佛轉輪 0

故能隨說法淨。即智慧淨。 如來知我有辯才智。遂教我以口輪說法。此則示令不以生滅心行。說實相 隨智慧淨。即其心淨也。師子吼者。 無畏說也 法

● 癸三結酬所問。

佛 問 圓通 我以法音降伏魔怨 0 銷 滅 諸漏 0 斯 為第 0

絕也。 內以禪定智慧。伏斷愛見。外以神通說法。降制魔外 則涅槃城存 三寶不

⊙ 壬五優波離三。癸一遇佛受教。

優波離即從座起 如來六年勤苦 0 頂禮佛足 0 親見 如來降伏 0 而 白佛言 八諸魔 0 0 我親 制 諸外道 隨 佛 踰 0 解 城 脱世間 出家 0

首楞嚴經義疏注經卷第十

 $\begin{array}{c} 4 \\ 0 \\ 7 \end{array}$ 

4 0 8

0

首楞嚴經長水疏

貪欲諸漏 優波離云近執。即如來為太子時。親近執事之臣也。 承佛教戒 在家執事 出家亦爾

遂見修行。降魔制外。斷惑成道也。 故承如來教以持戒。 律中度諸釋種 0 先度波

離者。蓋以初雖隨佛。後方得度。

● 癸二因戒獲證。

滅 推為上。 如是乃至三千威儀 成阿羅漢。 我是如來眾中 0 八萬微 細 綱 0 紀 性業遮業。 0 親印我心 悉皆清淨 0 持戒修身 身 0 ジ 寂 眾

戒故。 待制止。犯即成業。故云性業。餘即因過始制。制前犯即無罪。故云遮業。 配身口七支。 有威可畏。有儀可象。二百五十各有四儀。復對三聚。故成三千。 不犯諸塵。塵既不生。身亦無得。故身寂滅。我身不有。我心何依 心無所有。 四分煩惱。轉成八萬四千。今舉大數耳。殺盜婬妄。性元是罪。不 故亦寂滅。 如是諸法一時清淨。唯一寶覺。本來無染。 復以三千。 由持

耳。由是獲證。言綱紀者。結要之處。以能決斷重輕。開遮持犯。制眾行事。令 人法高尚。為後軌也

- 癸三結酬所問。
- 身心 佛問圓通 一切通利。 。我以執身。身得自在。 斯為第一 次第執心 0 心得通達 然後

通達自在。 持戒修身。禁防塵染。觀身實相。 塵自不生。能分別心依何所有 0 是故身心

- ⊙ 壬六目犍連三。癸一遇緣聞教
- 遇優樓頻螺 大目犍連即從座起 0 伽耶 0 那提。三迦葉波 頂禮佛足。 而 白 「佛言。 0 宣說 如來因緣深義 我初於路乞食 逢

那提云江。緣如舍利弗中和會 目犍連姓。云採菽氏。拘律陀名。云無節樹。優樓頻螺云木苽林。伽耶云城。

⊙ 癸二因教通悟二。子一獲悟入道

首楞嚴經義疏注經卷第十

 $\frac{4}{9}$ 

首楞嚴經長水疏 410

我頓發心 得大通達 0 如來惠我 袈裟著身。 頻髮自落

大通達。 前聞因緣深義。即由因緣。深達實相。 實相無相。身心寂滅。由是開悟。 名

○ 子二因悟得通。

尊 我遊十方得無罣礙 0 十方如來歎我神力。圓明清淨。自在無畏 0 神通發明。推為無上 成阿羅漢。 0 寧唯世

既深。 謂由開悟。分別不生。意識不起。即是以湛旋其虛妄滅生。 心光發宣。神通大用。 由此現前。能遊十方。無礙自在 伏還元覺 湛性

癸三結酬重指。

第 佛 問 圓通 我以旋湛。 ジ 光發宣。 如澄濁流 0 久成清瑩 斯為

人。 依識悟入竟。 旋湛即定。 心光即慧。 由定發慧。 神用無邊。 如水澄清。 萬像斯現。 已上六

辛四復大同本證七。壬一火頭金剛三。癸一遇佛聞教

鳥芻瑟摩於如來前 久遠劫前。性多貪欲。有佛出世名曰空王。說多婬人成猛火聚 0 合掌頂禮佛之雙足。 而白佛言。 我常先憶

因為欲火所熾。果為業火所燒。因果相當。俱名火聚。 鳥芻瑟摩此云火頭。因多貪欲。聞教修觀。從此獲悟。貪欲盛者是鬼獄因。

◎ 癸二依教修觀二。子一觀成獲悟。

教我编觀百骸四支諸冷煖氣。神光內凝 。化多婬 ジ 。成智慧火

初觀身心。唯見煖觸。後觀煖氣。無相無生。 我身自空。煖依何住。身心既

寂。性火妙發。故云神光內凝。成智慧火。

⊙ 子二重指釋成。

從是諸佛。皆呼召我名為火頭。我 心發大願 諸佛成道 0 我為力士。 以火光三昧力 親伏魔怨 故 成 阿羅漢 0

發大願。為力士身。破魔護法也 因觀火性。得真三昧。以火為入道初門。 故云火頭。火能破壞一 切諸法。 故

首楞嚴經義疏注經卷第十

1

4 1 2

首楞嚴經長水疏

● 癸三結酬所問。

燄 問 登無上覺。斯為第一。 圓通 我 以諦觀身心 煖觸 0 無礙流通 0 諸漏 既 銷 生大

**煖觸即空。故云無礙。性火妙發。** 故曰流通。內凝外現。故生寶焰

⊙ 癸二持地菩薩三。癸一遇佛受教二。子一歷值諸佛具修福業。

持地菩薩即從座起。頂禮佛足。而白佛言。 經無量佛出現於世。或有眾生。於闤闠處。 來出現於世 至其所 妨損車馬。我皆平填。或作橋梁。或負沙土。 詣 0 我為比丘。常於一 0 放物 即行。 不取其直 切要路津口 要人擎物 我念往昔。普光如 0 田地 險隘 如是勤苦。 我先為 0 有不

勤身苦己。利益多眾。經無量佛。作無畏施。福因廣也。 市垣日闄 市門日

闠。

○ 子二別值毘舍親承開示

當平心地 錢 毘舍浮佛現在世時。 國大王延 。或有車牛被 佛設齋 則世界地 0 於泥溺。我有神力。為其推輪 我於爾時。平地待佛 世多飢荒。我為負人。無問遠近。唯 一切皆平 0 。毘舍如來摩頂謂我。 0 拔其苦惱 取一 0

此相應。則一切法無不平等。自在無礙。由是佛名一切自在耳。 一切皆平。心為萬法所依。平等含育。長養一切。故名為地。若能平等性觀。與 毘舍浮云徧一切自在。平治路地。待佛經過。佛以自證法門開示。令平心地。

◎ 癸二因教獲悟二。子一正陳悟旨。

我 不相觸摩。 即心開 0 見身微塵與造世界所有微塵。等無差別。 乃至刀兵亦無所觸 微塵自性

是刀兵亦無所觸。 別所現。唯一實相。本如來藏。猶如空華。翳故妄見。空本無華。復何相礙。由 聞平心地。即悟我心本來平等。若身若界所有微塵。皆無自性 0 但從虛妄分

首楞嚴經義疏注經卷第十

 $\frac{4}{3}$ 

4 1 4

首楞嚴經長水疏

子二因悟獲證

來宣妙蓮華佛知見地 我於法性 悟無生忍。 0 我先證明。 成阿羅漢 0 而為上首 迴心今入菩薩位中 聞 如

即入。如西域諸菩薩等。皆悟大道。嫌棄小乘猶如咳唾。多因王請即證小果。由 元無生滅。決定不謬。名無生忍。此人開悟大乘而登小果者。以隨彼意樂。要入 人意樂。豈不然乎。持地在昔證法華經。見普門品 身界二塵。染淨諸法。本無自性。唯是實相如來藏性。故云法性。 於此忍可。

癸三重指結酬。

塵 問圓通 塵銷智圓。成無上道 我以諦觀身界二塵。等無差別 斯為第 本 如來藏 0 虚妄發

如文可知。

⊙ 壬三月光童子三。癸一值佛受教。

月光童子 有佛出世。 即從座起。頂禮佛足。 名為水天。教諸菩薩修習水觀。入三摩地 而 白佛言。 我憶往昔恆 河

月是太陰。能生於水。與所值佛。皆由所習而得其稱

• 癸二依教修觀二。子一備陳修行二。 丑一正成水想二。寅一正作想。

利 觀 水海。等無差別 於身中水性無奪。 。身中旋復。水性一同。見水身中。與世界外浮幢王剎諸香 0 初從涕唾。如是窮盡。津液精血 。大小便

身水與彼海同。故無差別。 華藏海中有大蓮華。其蓮華中 味水性。更非餘大之所相傾。故名無奪。 有諸香水海。 浮幢王剎香水海者 香水海為諸佛剎世界之種 0 准華嚴經

⊙ 寅二敘偏證。

我於是時。 初成此觀 0 但見其水。未得無身。

水想成時。但得無我。猶執水相。全是於身。未亡法見。故未無身。

⊙ 丑二因觀值緣四。寅一入觀值緣。

當為比丘。室中安禪。我有弟子窺窓觀室。 唯見清水編在室中

首楞嚴經義疏注經卷第十

4 1 5

首楞嚴經長水疏

去。 了無所見。童稚無知 。取一瓦礫投於水內。 激水作聲。 顧盼而

果色亦勝。乃通他見。即實定果也。不同十徧處。想成自見耳。 初作假想。雖見其水與香水海等無差別。但自心見。非通他人。今定力轉勝

寅二出觀如病。

得 我出定後 阿羅漢道 0 頓覺心痛。 。久離病緣。云何今日忽生心痛 如舍利弗遭違害鬼 0 我自思惟。 。將無退失 今我已

今我亦爾。將恐退失所證道果 身子入定於恆河岸。為鬼所掌。出定頭痛。佛語之曰。汝若無定。身應碎壞。

⊙ 寅三審緣指告。

爾時童子捷來我前 入此水中。除去瓦礫 說 如 上事 0 我則告言。汝更見水 0 可 即開

● 寅四再定獲安。

出定 童子奉教。後入定時。還復見水。 。身質如初 0 瓦礫宛然。 開門除出 我後

○ 子二因修獲證。

薩會。 諸香水海 逢無量佛 0 0 性合真空。 如是至於山海自在通王如來。 無二無別 0 今於 如 來 方得亡身 0 得童真名 0 與十 0 方界 預菩

前猶見水。今合真空。 無水可得。皆如來藏。故云亡身。即證法空也

● 癸三結酬所問。

佛問圓通 我以水性一味流通。得無生忍。 圓滿菩提。 斯

○ 壬四琉璃光菩薩三。癸一遇佛受教。

恆 琉璃光法王子即從座起 劫 0 有佛出世 0 名無量聲 。頂禮佛足 0 開示菩薩本覺妙 0 而白佛言。 明 我憶往昔 0 觀 此 世界 經

首楞嚴經義疏注經卷第十

4 1 7

4 1 8

及眾生身。皆是妄緣風力所轉。

首楞嚴經長水疏

風即動相。既屬於妄。元來無動。無動。即本覺也。由是欲顯無動。 瑠璃。故以名焉。所值之佛名無量聲。亦由觀風而立名耳。開示本覺而觀風者。 具云吠瑠璃。此翻遠山寶。由觀身心。風力所轉。觀成得用。身心洞徹猶彼 而觀於動

● 癸二依教修觀二。子一正修觀行。

我 無二。等無差別 於爾時 觀界安立。 觀世動時 0 觀身動止 0 觀 心 動念 0

標所觀境。

同 我時覺了此羣動性 貯百蚊蚋 一虚妄。 如是乃至三千大千。一世界內所有眾生。 啾啾亂鳴。於分寸中。鼓發狂鬧 。來無所從。去無所至。 十方微塵顛倒眾生。 一器中

風既無從。物成妄動。故見十方一切眾生。狂自鼓鬧。 正觀察也。既世界身心皆由風動。風自何生而動諸物。物不動時。去至何所 同一虚妄。本無所因

子二觀成獲益。

逢佛未幾 。事十方佛。身心發光。 得無生忍。爾時心 洞徹無礙 開 。乃見東方不動佛國。 0 為法王

見東方不動佛國。 未幾猶在近也。依教觀察。受教未久。即證無生。由觀生滅 我身及器。咸即本覺妙明元體。故云發光洞徹無礙 證不生滅 故

⊙ 癸三結酬所問。

佛 問圓通 傳一妙心 0 我以觀察風 0 斯為第 力無依 0 悟菩提 心 0 入三摩地 0 合十方

○ 壬五虚空藏菩薩四。癸一同佛所得。

佛所。得無邊身 虚空藏菩薩即從座起 0 頂禮佛足 而 白佛 言 0 我與 如 來 定光

如虚空。周徧無礙也 定光佛即然燈佛也。 由 .觀四大虛妄有生。 無物可得。 同於虚空。 故得身相猶

● 癸二備敘神用。

首楞嚴經義疏注經卷第十

4 1 9

爾時手執 首楞嚴經長水疏 四大寶珠 0 照 明十方微塵佛刹 0 化成虚空 0 又於自心 4 2 0

刹來入鏡內 現大圓鏡 0 内放十 0 涉入我身。 種微妙寶光 身同虚空 。流灌十方 0 不相妨 0 盡虚空際 礙 。身能善入微塵 0 諸幢王

國土。廣行佛事。得大隨順。

廣大隨順。施作佛事。 珠照十方界。化成虚空。於心現鏡。光照諸剎。來入鏡中 觀四大性及以自心。唯是圓明清淨寶覺。 十種光者。 十身盧舍那也。 覺體無礙。 周徧一切。 身剎互入。 故能以四寶 不相妨礙。

○ 癸三由觀獲證。

同 此 大神力 於同發明 由我諦 得無生忍 觀 四大無依 0 妄想生滅 虚空無二 0 佛 國本

此發用。豈拘方所 此敘觀成獲忍。 發此大用。四大身心。 虚空佛國。 同一 虚妄。 唯是圓常 冥

⊙ 癸四結酬所問。

佛問圓通 0 我以觀察虚空無邊。入三摩地 0 妙力圓明 斯為第

由觀空故。現身現土。互相涉入。 依此得名虛空藏耳

⊙ 壬六彌勒菩薩三。癸一遇佛受教。

族姓 有佛出世 彌勒菩薩即從座起。頂禮佛足。而 。爾時世尊教我修習唯心識定 0 名日月燈明。我從彼佛而得出家。 白佛言。我憶往昔經微塵劫 0 入三摩地 心重世名。 好遊

唯識觀 種類名相。不知自心熏習所現。即是不了心及緣。則生二妄想也。為對治故。教 曰求名。是此人也。心重世名多遊族姓者。蓋由心外見境。馳求不息。分別諸法 具云梅呾利曳那。此云慈氏。燈明佛時。妙光菩薩八百弟子。 中有一人。

○ 癸二依教修觀二。子一久修離過。

歷劫已來 以此三昧 0 事恆沙佛 0 求世名 ジ 歇滅無有

首楞嚴經義疏注經卷第十

4 2 1

4 2 2

首楞嚴經長水疏

由此馳求頓爾皆息 初修此觀。已得對治。 知世名利有無厚薄。皆我自己唯識所變。 不從他來。

○ 子二觀成得道二。丑一證唯心

來國土。淨穢有無 至然燈佛出現於世 0 0 我乃得成無上妙圓識心三昧。 皆是我心變化所現 乃至盡空如

有無。 得。爾時住唯識。離二取相故。當爾之時。方名親證。乃至盡空如來國土 別智。與法界冥合。能所一如。無有二相。故唯識頌云。若時於所緣。智都無所 此觀初成。位當解行。今得三昧。正入初地。名真見道。謂以一實根本無分 皆是我心變化所現。 故五位中名通達位也。

⊙ 丑二現諸佛。

世尊 補佛處 我了 如是唯 ن 識故故 識性流出無量 一如來 0 今得授記 次

既能親證真唯識理。 依正淨穢皆唯心現。 故無量佛從識性流。 今得補處。 亦

我識變。非由他也。

● 癸三重指結訓。

他及徧計執。得無生忍。斯為第 問 圓通 0 我以諦觀十方唯識 0 識 心 圓明 0 入圓成實。 遠離依

即斯義也。 他及徧計執。故唯識云。 決了能變所變。元是菩提妙覺明性。即離依他。唯一圓成清淨寶覺。故云遠離依 初觀染淨依正皆唯識變。本無自性。即不起虛妄徧執。計我及法。 初即相無性。次無自然性。後由遠離前。 所執我法性 即離 編計

• 壬七大勢至菩薩三。癸初遇佛受教二。子一 標指。

而白佛言。我憶往昔恆河沙劫。有佛出世 大勢至法王子。與其同倫五十二菩薩。即從座起 一劫 其最後佛名 0 超日月光。 彼佛教我念佛三昧 。名無量光 頂禮佛足。 0 **ナニ** 如

亦名無量光。得大勢。 如觀經釋。念佛三昧如下自明。

首楞嚴經義疏注經卷第十

 $\frac{4}{2}$ 

首楞嚴經長水疏

4 2 4

丑一喻顯二。寅一喻不念之失。

•

丑二敘教二。

非見 譬如有人 0 專為憶 0 人專妄。 如是二人 0 若逢不逢 或見

專憶如佛。專忘謂不念者。如是眾生。見佛不定。故云若逢不逢等

● 寅二喻念佛之得。

異。 二人相憶。 二億念深。 如是乃至從生至生。 同於形影。 不 相乖

佛與眾生。憶念相應。故佛與生如形影也。

⊙ 丑二法合二。寅一合不念

方如來憐念眾生。 如母憶子 0 若子逃逝 0 雖憶何為

如母憶子。佛也。若子逃逝。生也。 雖憶何為。不會遇也

⊙ 寅二合念佛二。卯一提喻貼合。

子若憶母。 如母憶時。母子歷生。 不相違遠 0 若眾生心 憶佛

念佛。現前當來。必定見佛。去佛不遠。不假方便。自得心開 0

初提喻。若眾下貼合。不假下得益。

⊙ 卯二寄喻重顯。

#### 如染香人 。身有香氣 0 此則名曰香光莊嚴

染香有香氣。念佛得見佛。 因果相稱。誰謂不然

● 癸二修習獲證。

淨土。 我本因地 0 以念佛心 0 入無生忍 0 今於此 界 0 攝念佛人 歸於

斯則能所俱寂。本來離念。離念相者。等虛空界。無所不徧。法界一相。即是如 能念之心。已起未起。自何而有。不見一法。畢竟空寂。以心不見心。無相可得。 佛果。然後復觀所念之佛。諸有境界。俱為虛妄。本無自性。以從念想之所現故。 相好。光明莊嚴。依報眷屬。一一樂事。如對明鏡。自見面像。 念佛入無生者。初即以生滅心。緣念佛之相好。專注一境。心無間然。 周眸偏覽。無非 見佛

來平等法身。此則由念相好。見法身佛。即無生念也。故云以念佛心入無生忍。

4 2 6

首楞嚴經長水疏

念佛人歸於淨土。 我既得度。眾生法身與我無異。無異之性互相關涉。故念佛者我皆攝取。故云攝

⊙ 癸三結答所問。

第 佛問圓通。 我無選擇。 都攝六根。淨念相繼。 得三摩地 斯為

故云相繼。此即於根大性而悟入也 念屬意根。意根即諸根所依。故攝六也。念即無念。故云淨念。 不以念間

首楞嚴義疏注經卷第十

長水沙門子璿集

此門。 慶説相繼 文二。壬一正陳修證三。癸一正敘因修二。子一遇佛稟教。 辛第五返聞真實證。此門次第。合次那律。以是六根之耳根故。 即餘聖無功。 勅簡連環。故最後説。 若不慶贊。不表此門。是真實圓通。故今科為返聞真實也。 以表臻極真實故爾。若前便說。諸佛放光慶贊 今以圓通義廣。

發菩提心 我昔無數恆河沙劫 爾 時觀世音菩薩即從座起 0 彼佛教我從聞思修。入三摩地 0 於時有佛出現於世 。頂禮佛足。而 。名觀世音。 0 白佛言 世尊 我於彼佛 0 憶念

無有一機不從耳根聞教解悟。 所師。師資相承。無相違耳。聞思修慧。諸行通途。 梵音阿那婆婁吉底輸。 此云觀世音。從能所境智以立名也。 由是彼佛教從此入。 無有一 佛不以音聲而化群品 值佛 觀法。 皆其

子二如教修觀。

首楞嚴經長水疏

初於聞中 增。聞所聞盡 0 入流亡所 。所入 既寂 0 動靜二相 0 了然不生。 如是

即是聞慧。能所俱寂。故云聞所聞盡。此遣聞慧也。一根既爾。 覺云。應當遠離一切幻化虛妄境界。復增觀行。所緣既亡。聞相不起。此能聞相。 耳家所取。今觀無性。本無所有。畢竟叵得。 所緣聲相。由不隨故。寂然不起。 前文。此根初解先得人空也。 入流。猶返流也。初觀聞性。返照離緣。不隨前塵流轉起滅。故云入流亡所。 圓覺云。心如幻者。亦復遠離 起即是動。既亡動相。靜亦不生。以動靜境是 故云了然不生。即所取無相也。圓 餘根亦然。 亦是

### 盡聞不住。覺所覺空。

思慧。即前文云。空性圓明。 今亦不住此盡聞處。更進觀行。觀破此覺及所覺聞。二俱不立。故名為空。 空覺極圓 盡聞之處。即思慧為體。名之為覺。此之覺慧屬第六識。是則捨聞而觀於義。 。空所空滅 成法解脫。圓覺云。遠離為幻。亦復遠離。

法已俱空不生也。圓覺云。 此能空修慧。與所空覺。 覺空之處。思慧既盡。唯與修慧相應。觀行增微。 亦俱不存。故云空所空滅 離遠離幻亦復遠離 此遣修慧。 修慧圓極。故云空覺極圓 即是前文

### 生滅既滅。寂滅現前。

空也 照離緣。 心寂滅。 觀行至相似覺 永斷根本無明 滅 可思議。 上文云。靜深不動 摩地入無生忍 0 無生真理 生滅既滅 聞性顯處。中道理現。 顯自聞性。麤念不起。細念不生。以至寂滅 自然流入薩婆若海。此之觀門。即是圓修一心三觀。今為從聞思修 與佛無殊。故經云。初心畢竟二無別。如是二心前心難。入此位後 0 0 0 。即結前三慧三空盡也。既展轉空。俱屬生滅。至此已極 名生滅位。入隨分覺。證無生忍。名無生位。然此初證境界。不 明相精純 此乃圓觀聞性 寂常妙性。了然明現。故云寂滅現前。 。沙土自沈。清水現前。名為初伏客塵煩惱。去泥純水。名為 0 一切變現。不為煩惱。 名寂滅現前耳 0 無前境界。漸澄麤念。 皆合涅槃清淨妙德 挾空義說。是則一空一 稍除細想 故上文云。是名菩薩從三 0 以至無念 。此即始從 故云既 返

首楞嚴義疏注經卷第十一

429

0 首楞嚴經長水疏 癸二具彰果德二。 子一獲果德

3 0

本妙覺心 忽然超越世出世 與諸眾生同 0 與佛 一悲仰 如來同 間 0 十方圓明 一慈力 0 0 獲二殊勝 二者下合十方一切六道眾生 0 者上合十 方 0

是己心 證 眾生亦是此心。無二無別。故亦彼合。合故見其本成佛道。枉自流浪。 證此境界。見十法界三種世間。無不是如。 自下現應拔苦。皆由此二而流演耳。 故超世間凡夫。出世三乘。 前寂滅現前是斷德。本覺妙心是智德。 無緣慈悲是佛心相。具足眾德是德之首。勝中勝法故云殊勝。本妙覺心即 。與諸如來無二圓滿。今日親證。故名為合。合故得樂。故同慈力 此最上乘。 慈悲二力是恩德。 無不成佛。 唯佛與佛乃能究盡也。 圓故無德不備 既是圓修。三德 十方圓 故可 明故無障 明者 0 一切

◎ 子二明妙用三。丑一三十二應三。寅一標舉。

世尊 三昧 0 與佛 由我供養觀音如來 如來同慈力故 0 0 蒙彼 令我身成三十二應 如來 0 授我 如 0 幻 闡 入諸國土 熏聞 修 金剛

者。 依體起用。隨緣能應入國土身。 以能感之類不出斯數。非所現應有限量耳。 以如幻力。熏修聞思修慧。成金剛三昧。能破無始微細無明。 華嚴云。清淨妙法身。 湛然應一 切。今言三十二 圓證如來藏體

⊙ 寅二列釋四。卯一聖身四。辰一佛身。

世尊。若諸菩薩。 而為說法 。令其解脫 入三摩地。進修無漏 0 勝解現圓 0 我現佛身 0

雖為因位。便能現上位身為彼說法。以此圓證。 異緣之所引轉。此指最極根本無分別智將圓滿時。故名勝解。然此菩薩登住已去。 故觀世音現第十重他受用身。而為說法。言勝解者。於決定境。忍可印持。不為 第十地菩薩。坐華王座。垂成正覺。亦須別佛說教聞熏。令斷最後微細 一位即諸位。更無淺深。故能現 無明

長二獨覺身。

若諸有學 0 寂靜 妙 明 0 勝妙現圓。 我於彼前 0 現獨覺身。 而為

首楞嚴義疏注經卷第十 43

首楞嚴經長水疏

4 3 2

說法。令其解脫。

後令近佛 惑便證無學。 麟覺獨悟。 約自乘理智。 出無佛世 0 將證未證。 厭喧樂靜 0 獨處山林。資加二位。名為有學。 名寂靜妙明。 菩薩現同類身。 **先稱本習**。 此後斷

⊙ 辰三緣覺身。

覺身。而為說法 若諸有學 0 斷十二緣 令其解 。緣 断勝性 脫 0 勝妙 現 圓。 我於彼前 現緣

也。 二種觀法。以集諦為初門。 辟支迦羅云獨覺。亦云緣覺。前但自悟。 未發真前 0 名為有學 今依教悟。 理智將圓 觀十二緣。 0 菩薩身同必誘令進 作流轉還滅

○ 長四聲聞身。

聞身 若諸有學 0 而為說法 0 得 四 諦 0 空 令其解脫 0 修道 入 0 滅 0 勝性現圓 0 我於彼前 現聲

不滯化城。令進大果 諦理。名修道入滅。將登無學。名勝性現圓。現身說法。令其速證。然後誘之。 斷四諦下八十八使分別煩惱。證生空理。名四諦空。從初果後。進斷俱生。證滅 在忍位中。用有漏智。縮觀觀四諦。作三十二行相。見道一十六心。 因聞四諦聲教悟。故名聲聞也。發真之後。三果三向。俱名有學。未發真前 無漏道發。

⊙ 卯二天質二。辰一釋梵自在對

王身。而為說法 若諸眾生。 欲心明悟。不犯欲塵 0 令其解脫 0 欲身清淨 0 我於彼前 現梵

說四禪法。出入禪支修證次第。令其離欲。生於梵世。 若有希欲心明開悟。身光清淨。生於四禪。 不為欲界煩惱塵染。 為現梵王

若諸眾生。 法。令其成就 欲為天主。統領諸天。我於彼前。 0 現帝釋身。 而為

眾生愛統諸天。菩薩現為帝釋。 說上品十善。 令戒根清淨 生地居頂。 住善

首楞嚴義疏注經卷第十  $\frac{4}{3}$ 

見宮。為忉利王也

為說法。令其成就 若諸眾生。 欲身自在 0 遊行十方。我於彼前。 現自在天身 0 而

若諸眾生。 云。得異熟果。隨意所念。勝下二天。下二天果依樹而得。今隨欲得。名為自在。 而為說法。 欲身自在遊行十方。現二天身說法教化。 令其成就 欲身自在。 0 飛行虚空。我於彼前 即夜摩覩史天也。名自在者。 0 現大自在天身。 慈恩

之。 名大自在。然若止以化樂他化二天所配。 樂變化天。 他化自在。名大自在。不樂異熟果。樂自樂他。 即攝義不盡。 故從慈恩攝四天也。 變為樂具而受用

辰二統攝鬼神對。

若諸眾生 而為說法 爱統鬼神 令其成就 0 救護國土 0 我於彼前 0 現 天大將軍身。

天大將軍 即帝釋所管將也。 分住三十二天。各領鬼神 鎮護四方

說法。令其成就 若諸眾生。愛統世界。保護眾生。我於彼前現四天王身。 而為

部。共八部眾。救護國界。 四天王者。 上升之元首。 下界之初天。於須彌山各居一 埵 0 所領鬼神每王二

若諸眾生。愛生天宮。 而為說法。令其成就 驅 使鬼神 0 我於彼前 0 現 四 天王國太子

就 後使厭離 天王太子即那吒之類。輔政統攝。跨握鬼物。護世益人。菩薩身同 先令成

◎ 卯三人佐三。辰一帝王臣佐對。

成就 若諸眾生。 樂為人主。我於彼前。現人王身。 而為說法。 令其

若諸眾生 王。往也。 0 爱主族姓 人皆歸往也。 0 四輪粟散。皆人之主。以上化下。 世間推讓。 我於彼前 0 現長者身。 物無不從 而為

首楞嚴義疏注經卷第十一

4 3 5

436

首楞嚴經長水疏

說

。令其成就

嘆。下歸。十德具焉名大長者 長者具有十德。謂姓貴。位高。大富。 威猛。智深。 年耆。 行淨 禮備 上

說 若諸眾生。愛談名言。清淨自居。 法。令其成就 我於彼前 0 現居士身 而為

博聞強識。不求仕宦。 居財大富。秉志廉貞。故名居士

若諸眾生。愛治國土 說法。令其成就 0 剖斷邦邑。 我於彼前 0 現宰官身 而 為

若諸眾生 所典。皆為宰官。斯則葺治邦家。移訓風俗。剖判決斷。民無枉撓也 國。域也。大曰邦。邦 。愛諸數術。攝衛自居。 。封也。有功者封於是也。 我於彼前。 邑即是縣。五官六官各有 現婆羅門身 而

婆羅門云淨行。呪禁算藝。調養方法。皆為數術。菩薩乘機現相。獎而成之。

0

令其成就

亦何物而不化。

⊙ 長二出家在家對。

若有男子。 說法。令其成就 好學出家 0 持諸戒律。 我於彼前。 現 比丘身。 而為

為說法。令其成就 若有女人。 尸羅云戒。毘尼云律。 好學出家 0 由依律法。防非止惡。故名為戒。即二百五十戒也 持諸禁戒。 我於彼前。 現 比丘尼身 0 而

出三界 女聲。即女比丘。持五百戒也。既戒德自嚴。軌物成化。 進行彌速。 遠

其成就 說法 若有男子。樂持五戒。我於彼前 。令其成就 。若有女子 0 五戒自居。我於彼前 。現優婆塞身。而 0 現優婆夷身。 為說法 而為

五戒。謂不殺。不盜 0 不邪淫。 不妄語。 不飲酒。 佛為提謂長者等在家眾

首楞嚴義疏注經卷第十一

首楞嚴經長水疏 38

此法。優婆夷云清淨女。亦近事女。 則壞五分法身。一切佛法。以五戒是大小尸羅根本故。好學此者。現清淨男與說 星。在地違五岳。在方違五帝。在身違五臟。如是等世間。違犯無量。若約出世。 受三歸已。即授五戒為優婆塞。經說。五戒者天下大禁忌。若犯此五。在天違五

⊙ 辰三女主童身對。

夫人命婦大家。而為說法 若有女人。內政立身。以修家國。我於彼前。 。令其成就 現女主身。 及國

故云命婦。大家者。后妃所師之女也。如曹惠姬。宮禁國圍。聲色增逸。 國。天子后妃曰女主。諸侯曰國夫人。命者。夫尊於朝。妻榮於室。受命於后妃。 掌理王之內政。謂之內宰。政者。所以政不正也。卿大夫曰家。天子諸侯曰 不資聖

若有眾生 就。若有處女。愛樂處身。不求侵暴。我於彼前。現童女身。 不壞男根 我 於彼前 現童男身。 而 為說法 令其

而為說法。令其成就。

童男童女。貞節越俗。標格於人。菩薩處之。 勸勵彌篤

)卯四鬼神三。辰一天龍藥叉樂神類。

龍 若有諸天 度本倫。我於彼前 婆。樂脫其倫。我於彼前。現乾闥婆身。而為說法。令其成就 樂出龍倫。我現龍身而為說法 。樂出天倫 0 現藥叉身。而為說法。令其成就 。我現天身而為說法 。令其成就。若有藥叉。樂 。令其成就 。若乾闥 。若有諸

天能厭樂。龍能怖苦。樂神蕩逸。藥叉勇健。各慕出倫。非聖不拔。

⊙ 長二無酒疑神蟒形類。

其成就 說法 若阿修羅 。令其成就 0 。若緊那羅 0 而為說法 樂脫其倫。我於彼前 。若摩呼羅 0 。樂脫其倫 令其成就 伽 0 我 樂 。現 脫 於 彼前 其 阿脩羅身。 倫 0 我於彼前 現緊那羅身 而 說 0 現摩呼 法 0 而為

首楞嚴義疏注經卷第十一

4 3 9

首楞嚴經長水疏

修羅醜狀而多慢 。疑神似人而戴角 0 蟒形田蚁腹行之類。因多毀戒。微行惠

施。墮此道中。各願出類。皆從其欲。

⊙ 辰三人非人等雜趣類。

若諸眾生。樂人修人。我現人身而為說法。令其成就 而為說法 。有形無形。有想無想。 0 令其成就 樂度其倫。我於彼前 0 皆現其身 。若諸非 0

沾。必一其身。 下休咎精明等。無形無色蘊 無想無四蘊。 人身難得。見佛受化。非天之著樂。餘之多苦。故樂修也。有形有色蘊 即下精神化為土木金石等。此上皆非人也 。如下空散消沈等。有想有四蘊。如下鬼神精靈等 。斯則形想雜類 蠢物皆 如

⊙ 寅三結成。

在成就 是名妙淨三十二應入國土身 皆以三昧聞熏聞修無作妙 力 自

以如幻力。熏聞思修。成金剛三昧。證真起用。自在如是。

 $\odot$ 丑二十四無畏。有難必濟。有危必救。恐怖獲安。 總號無畏。大悲為體。文三。

道一 世尊 功德 切眾生 。我復以此聞熏聞修金剛三昧無作妙力 0 同悲仰故 0 令諸眾生。 於我身心 0 0 與諸十方三世六 獲十 四種無畏

由前觀行。證真具德。 從體起用。令眾生得一十四種無畏功德

⊙ 寅二列釋四。卯一聞聲離苦。

者。 即得解 由我不自觀音。 脫 以觀觀者 0 令彼十方苦惱眾生 0 觀其音

自既如是。故令十方一切眾生。聞我音聲。即得度苦。 由我不觀所聽音聲。但觀聞性。音聲自寂。聞相無生。塵境不拘。 自然解脫

⊙ 卯二遭難消厄三。辰一三災惡國難。

二者 0 知見旋復 0 令諸眾生。設入大火 0 火不能燒

首楞嚴義疏注經卷第十一

4 4 1

首楞嚴經長水疏

火既歇。何物能燒。故令眾生大火不壞。 本由四大分湛。旋令覺知。今復本聞。知見歸湛。湛性圓徧。無塵可得

三者。觀聽旋復。令諸眾生。 大水所漂 。水不能溺

者大水不溺。 聲能漂蕩。如水騰波。觀聽旋真。塵相不起。虛明寂湛。 何物能漂。 故令念

四者。斷滅妄想。 心無殺害。令諸眾生。入諸鬼國。 鬼不能害 0

五者。熏聞成聞。六根銷復。同於聲聽。能令眾生。臨當被害。 刀段段壞。 妄想生滅。能殺法身。能害慧命。苟或斷絕。真性無傷。故入鬼國鬼不能害。 使其兵戈。 猶如割水。亦如吹光。 性無搖動

他而當被害。故能觸物無滯。 熏修妄聞。成真聞性。 遊刃有餘 根亡對。諸根亦融。心水虛明。智光無動。誰為自

⊙ 辰二鬼獄惡賊難。

六者。 聞熏精明。 明徧法界。 則諸幽暗。性不能全。能令眾生。

能視 藥叉羅剎 0 鳩槃茶鬼。 及毘舍遮。富單那等。 雖近其傍。 目不

等類咸受幽氣。 聞熏觀行 明能破暗。故令惡鬼目不能視 成就精明。 智照既融。法界圓徧 而無明邪暗。 永不能生 藥叉

所不能著 七者。音性 圓銷。 觀聽返入 0 離諸塵妄。 能令眾生 0 禁繋 枷 鎖 0

鎖解脫 塵累相縈如禁繫。六根質礙如枷鎖。既而入流亡所。繫礙不成。是故念者枷

八者。滅音圓聞 0 編生慈力。 能令眾生。 經過險路。 賊 不 能劫 0

聲能劫心。 害善為賊。聲銷意淨。慈力徧熏。平等在懷。善惡同貫。 。故令涉

險。賊不能劫。

長三三毒惡心難。

九者 0 熏聞離塵。 色所不劫 0 能令一 切多婬眾生 0 遠離貪欲 0

首楞嚴義疏注經卷第十一

4 4 3

444

首楞嚴經長水疏

聲塵既亡。色境銷歇。貪欲念慮。擬從何生。故令眾生遠離貪欲

離諸瞋恚 十者。純音無塵。根境圓融。 無對所對。 能令一切忿恨眾生 0

故令念者離諸瞋恚 音聲差別。三昧能純。塵既不生。根無所偶。順違之境不得。瞋恚之心自亡。

十 切昏鈍性障諸阿顛迦 一者。銷塵旋明 0 法界身心 0 永離癡暗 0 猶 如 琉 璃 0 朗徹 無礙 0 能令一

咸生實信 消除塵暗。旋復真明。 世界身心洞然無礙。 \_\_\_ 切唯覺 誰為癡暗 故令闡提

⊙ 卯三隨欲應求。

方。 十 生 二者。 供養微塵諸佛 欲求男者。 融形復聞 誕生福德智慧之男 如來 0 不 動道場 0 各各佛邊為法王子 涉 λ 世間 不壞世界 0 能令法界無子眾 能編十

繼法王。種姓不斷。由三昧力。福慧具故。 融通形礙。旋復真聞。所以不動道場。涉入世界。身無限量。徧至十方。紹 應求男者皆無虛願

藏 生。 十三者。六根圓通 欲求女者。誕生端正福德柔順 承順十方微塵如來秘密法門。受領無失。 0 明照無二。含十方界。立大圓鏡。 。眾人愛敬。有相之女。 能令法界無子眾 空如

柔明貞正。相好圓備 順微塵諸佛。受領含容無量法門。不失不壞。名為空藏。以女德坤儀。資生承順。 六根圓徧。融通照明。含現十方。無二無別。 。由此念求。故能生也。 唯一寶覺。名大圓鏡。復能承

● 卯四稱名獲福。

十 各各不同 六十二恆河沙數。修法垂範。教化眾生。 四者。 此三千大千世界。 百億日月。 現住世間諸法王子 隨順眾生。方便智慧。 有

所比多眾。 方便 權也 0 智慧 實也。 下能比一名

首楞嚴義疏注經卷第十一

 $\frac{4}{4}$ 

首楞嚴經長水疏 4 6

。發妙耳門。然後身心

0

微妙含容。

周編法

界。

由我所得圓通本根

領悟。盡由聞慧。 而歸真際。元明心妙。 先出所以。觀音所修從三慧入。是眾行之根本也。佛佛演教皆以音聲 誰人出不由戶。何莫由斯道也。況能於聲塵而亡所得。 一多之境融通。本湛覺圓。彼此之名平等。以一切身即一

德 能令眾生持我名號。 正等無異。 得真圓通 世尊。我一名號 與彼共持六十二恆河沙諸法王子。 0 與彼眾多名號無異。 二人福 由我修

身。故云微妙含容。一身即一切身。故云周徧法界。此即福等之所以也

正比福等。謂由自證平等理故。遂令他得平等福也。 由我下。 結所以也。

⊙ 寅三結成。

是名十四施無畏力。福備眾生。

如文。

徳力用 • 樂。數仍有限。 文二。寅一標舉。 丑三 四不思議 也。 而未備陳自在現化無方之德。 德用殊絕 內蘊曰德。外施曰用。 0 非言智之所能及也 前雖隨機 妙妙無 即顯大圓 比 現應 難可 鏡體 0 適時 思議 功德之相 御物 0 故今述也。 0 拔苦與

世尊。 妙德。 我又獲是圓通修證無上道 故 0 又 能善獲 四 不 ·思議 0

故成四事。俱不思議 內德不充。 外用不起。 0 無作 以金剛三昧 而 現 0 熏本四. [無量心 0 由 斯果證 0 實德現前

○ 寅二列釋四。卯一現形説法。

成一圓融清淨寶覺 者。由我初獲 妙 妙聞心 0 ジ 精遺 闡 0 見聞覺知 0 不能 分 隔 0

曰 遺 。 故我能現眾多妙容 此敘德本也。 一根既返。 六根咸脫。 聞性本真。 0 能說無邊祕密神呪 故不分隔 非麤非妙 。由絕待故 成一寶覺 0 0 故云妙妙 下列所現云 0 非麤 曰精 相

首楞嚴義疏注經卷第十一  $\frac{4}{4}$ 

首楞嚴經長水疏

熏本慈無量心。現種種形。 標也。妙容多現。不可以形量拘。祕呪無邊。不可以言說取。 說種種呪。令諸見聞獲其妙樂。 此則由三昧力。

首。 或定或慧。 是乃至一百八目 臂。千臂萬臂。八萬四千母陀羅臂 臂十二臂。十四十六 其中或現一首三首。五首七首。九首十一首。 千首萬首。 救護眾 八萬 0 生 千目萬目 0 。 十 四千爍迦囉首。二臂四臂 得大自在 八二十。至二十 0 八萬 四 0 二目三目 千清淨寶目 四。 如是乃 0 如是乃至一 0 六臂 四目九目 0 或慈或威 至 八臂。 \_ 百八 百 0 + 如 0

必利益。故能救護 首出眾聖。法身也。 臂能提接。化身也。 目以導明 智身也。 物無虛見 見

⊙ 卯二無畏眾生。

現 由我聞思 形 誦 呪 脫出六塵。如聲度垣 0 其形其呪 0 能 以 無畏施諸眾生 0 不能 為 礙 0 故我妙能 0 是故 十

# 方微塵國土。皆名我為施無畏者。

不現。說一一呪。拔眾苦惱。無畏眾生得大自在 由如幻力。熏本等悲。故能一身現無量身。 無量身現一身。十方微塵 無剎

⊙ 卯三捨寳求哀。

珍寶。 三者。 求我哀愍 由我修習本妙圓通清淨本根 0 所遊世界 0 皆令眾生捨身

哀愍。 由三昧力。熏本喜心。 故能所遊世界眾生見者。 咸生歡喜。 不惜身財

⊙ 卯四所求隨欲。

壽得長壽。 四者 及法界六道眾生。 。我得佛心 如是乃至求大涅槃 0 求妻得妻。 證於究竟。 求子得子。求三昧得三昧 能以珍寶種種供養十方如來。 0 得大涅槃 0 求長

由圓照力。熏本捨心。 既而果證。得以珍寶上施諸佛。下及眾生 亦令所求

首楞嚴義疏注經卷第十一

首楞嚴經長水疏

49

世出世法。無不隨願 相澄神觀故。寂滅現前。由起幻消塵觀故。獲二殊勝。 。此上喜捨二段。互言皆得。復次總上諸文對三觀者。由泯 由絕待靈心觀故。四不思

議。亦是即空即假即中觀也。詳文可見。

⊙ 癸三總結釋成二。子一結答所問。

摩提。成就菩提。 佛問圓通。我從耳門。圓照三昧。 斯為第 緣心自在。 因入流相。 得三

交光。 一念法界。故云緣心自在。此即一經所宗首楞嚴定。文殊所讚。得真圓通。諸佛 圓照三昧者。即一行三昧也。謂初緣實相。造境即中。無不真實。繫緣法界。 同慶此說。後學至此。幸冀留心。無謂聊爾也。

子二敘歎得名。

世音號 彼佛 由我觀聽十方圓明 如來。 歎我善得圓通法門 0 故觀音名編十方界 0 於大會中 授記我為

眼觀耳聽。 略舉六根之二也。或觀此聽聞。 一根旋復。六用不成。故十方圓

明。唯一寶覺。由此得名。亦徧一切。

• 壬二慶說難思。 正在觀音。 旁兼餘聖。 文四 0 癸一諸 **昭佛交光** 

來。 塵方 皆演法音。 爾 ,世尊 及法王子諸菩薩頂 。來灌佛頂 0 於師子座 交光相羅 。并灌會中諸大菩薩 0 0 如寶絲 從其五體 0 彼諸 網 如來 0 0 同放寶光 亦於五體同放寶光 0 及 阿羅漢 0 遠灌十方微塵如 0 林木 池 0 從微 0

既號圓通。彼我同暢。智周萬物。何法不宣。交光如網。 五聖說圓通人。印說皆是。 耳根圓通。 五根總攝。 無非圓通。故放寶光流灌其頂。林木池沼演法音者。 稱可諸佛。說證皆同。及大菩薩阿羅漢者 圓張大教也。 即前二十

⊙ 癸二大眾蒙益。

#### 是諸大眾。 得未曾有 0 \_ 切普獲金剛 三昧

皆得名為金剛三昧也 耳聞圓觀。頂觸智光。 觀音三昧一時同獲。 此則二十四聖。 同會觀音一 門

首楞嚴義疏注經卷第十  $\frac{4}{5}$ 

首楞嚴經長水疏

4 5 2

◎ 癸三雨華飾界。

時天雨 百寶蓮華。青黃赤白 0 間 錯紛糅 0 十方虚空成 七寶色

法身體素。天龍之所忽劣。今將顯現。 如空寶嚴。 萬行集成。 故華間錯。

● 癸四合國宣音。

界 此娑婆界。 0 梵唄詠 大地山河 歌。自然敷奏。 0 俱時不現 。唯見十方微塵國土 0 合成

云婆師。此翻讚歎 根塵銷復。法界圓成。故山河不現。合成一 界也。 梵摩云淨。 具云唄匿。 正

庚四佛勅文殊料揀三。辛一佛勅文殊二。 壬一指説 顯

實無優劣。 及阿羅漢。 於是如來。告文殊師利法王子。汝今觀此二十五無學諸大菩薩 各說最初成道方便。 前後差別 皆言修習真實圓通。 彼等修行 0 0

或可就彼各各得所。亦無前後之差別耳。 修行之要。入實為期。今皆獲證。 故無優劣。然有日劫相倍。故成前後差別

⊙ 壬二應根令揀。

生。 我今欲令阿難開悟。二十五行。誰當其根 入菩薩乘。求無上道。何方便門。得易成就 。兼我滅後 0 0 此界眾

所請十方如來。得成菩提妙三摩提最初方便。故今令選通途法門。使其成就 教通方。上中下機。咸得悟入。永為眾生成道方便者。於二十五何門為勝。 若以三科七大。專門獨善。隨根各入。此皆方便。若於此界。 現在未來。

● 辛二説偈料揀二。壬一奉旨伸敬。

說 文殊師利法王子。奉佛慈旨。即從座起。 偈 對 佛 頂禮佛足 0 承 0

而說偈 文殊智德之主。言用莫測 0 斷割無疑。 與奪眾心。 誰不緘默。 故承佛旨 敬

○ 壬二正説偈辭三。癸一頌真妄雙源二。 若無迷悟 遂分遲速。悟所極處。 。豈有修行。 名大涅槃。 蓋迷一真。遂成諸妄。 故下文云。 子一 略 物無終否。 妙性圓明 明真妄。 將 故有悟期。 離諸名相。 揀行門。 先 本來無有世 悟逐根門。 明真妄者

首楞嚴義疏注經卷第十一

4 5 3

首楞嚴經長水疏

號。故先明也。文三。 界眾生。 由妄有生。 因生有滅。生滅名妄。 丑一唯一真元 滅妄名真。 是稱如來菩提涅槃二轉依

## 覺海性澄圓。圓澄覺元妙。

下句重歎。不可思議 下妙性圓明。離諸名相。本來無有世界眾生也。 此顯一真性海。離名絕相。非真非妄。不悟不迷。 。絕諸對待。故曰妙也 覺性周偏。 唯 甚深湛然。 一圓常。餘無所得 故如海 也 即

⊙ 丑二因迷起妄二。寅一正明起妄。

## 元明照生所。所立照性亡。

迷妄有虚空 成究竟有。故名生所。非謂從真而生也。暗相既現。明性即隱。隱故曰亡。 圓澄覺體。本來明照。妄覺不了。認為所相。所既妄立。而生妄能。從畢竟 依空立世界。想澄成國土 0 知覺乃眾生

空昧。 妄想之所生起。 世界初起。 相待成搖。故有風輪執持世界等。妄想凝結。 依空立世界者。世界之體即是四輪。皆依空有。如前文云 頑空先現。從妄想生。故云迷妄有也。如下文云。乃至虚空皆是 成外國土。妄心知覺 · 覺明 成內

眾生。依正既彰。總名世界。

● 寅二貼喻釋成。

# 空生大覺中。 如海一漚發。有漏微塵國。皆依空所生

下文云。當知虛空生汝心內。猶如片雲點太清裏。況諸世界在虛空耶。法喻可見。 虚空昏鈍。體是不覺。不覺生覺。如海一漚。起信云。即依覺故而有不覺。

⊙ 丑三返妄歸真。

## 温減空本無。況復諸三有。

裂。良以妄元無本。畢竟不生。故虛空如漚。 下文云。汝等一人發真歸元。十方虛空悉皆銷殞。云何空中所有國土而不震 不滅而滅。三有如幻。不無而無。

○ 子二修證異同二。丑一理同行異。

## 歸元性無二。方便有多門。

出生如來與一切法。同體平等 同歸一理。理則無殊。行有偏圓。遲速不等。圓覺云。無上妙覺徧諸十方。 於諸修行。實無有二。 方便隨順 其數無量。

⊙ 丑二聖同凡異。

首楞嚴義疏注經卷第十一

4 5 5

56

### 聖性無不通。 順逆皆方便 初心入三昧。遲速不同倫

首楞嚴經長水疏

門深入也。 提。於其中間亦無優劣。 故須揀選。取令速進。如上文云。十方如來於十八界一一修行。皆得圓滿無上菩 若聖人根性。或是已證聖性。若順若逆。俱得入覺。更無淺深。初心入道。 但汝下劣。未能於中圓自在慧。 故我宣揚。 令汝但於一

首楞嚴義疏注經卷第十

# 首楞嚴義疏注經卷第十二

長水沙門子璿集

0 癸二料揀諸聖四。子一依塵顯悟門六。丑一色境。

色想結成塵。 精了不能徹 0 如何不明徹。於是獲圓通

徹法而取圓通 云。色由妄想所結 優波尼沙陀。因觀不淨白骨微塵。析色明空。塵色既盡 。染污真性。其體本麤。性是質礙。不能明徹。 。妙色密圓。今此揀 如何以此不明

⊙ 丑二聲境。

音聲雜語言。 但伊名句味。 一非含一 切 0 云何獲圓通

即是名句文耳。名句詮顯。各有分限。以名詮自性。句詮差別。文即是字 陳如悟四諦聲。妙音密圓。於是得道。今此揀云。音聲不離諸雜語言 故非一能含一切也。 伊。猶是也。

⊙ 丑三香境。

首楞嚴義疏注經卷第十二

4 5 7

香以合中知 0 離 則元 無有。 不恆其所覺。云何獲圓通

4 5 8

首楞嚴經長水疏

滅。 妙香密圓。今此揀云。 香嚴童子。宴晦清齋。 香之一法。合有離無。既非其常。 聞香入鼻。觀此無生。來無所從。去無所至 未為圓觀 0 0 塵氣倏

⊙ 丑四味境。

味性非本然。要以味時有 0 其覺不恆一 0 云 何獲圓通

薩。今云。味性本無。待根方覺。無根無味。故非圓通。味時者。嘗時也 藥王藥上。因嘗眾味。了味無生。非即身心。非離身心。由味覺明。 位登菩

丑五觸境。

觸 以所觸明 0 無所不明觸 0 合離性非定 0 云何獲圓通

明。 由是證果。今明此觸。因所觸身而得顯發。無所不顯。性非常定。故不圓通。 跋陀婆羅。忽悟水因。 既不洗塵。亦不洗體。 中間安然。得無所有。

⊙ 丑六法境。

法稱為內塵。憑塵必有所。 能所非徧涉。云何獲圓通

涉通也 今揀。 摩訶迦葉。因觀世間六塵變壞。唯以空寂。修於滅盡。妙法宣明。銷滅諸漏 雖稱妙法。 乃是內塵。憑仗此修。豈越能所。覺非能所。 故非圓通

○ 子二依根證入門五。丑一眼根。

### 見性雖洞然 0 明前不明後。 四維虧一半。云何獲圓通

照了之義。而又前方全明。後方全暗。左右傍觀。三分之二。故云四維虧一 阿那律陀。因修樂見照明三昧。旋見循元。由斯得證。今云。見性雖有洞然 半也。

丑二鼻根。

#### 鼻息出入通 0 現前無交氣 。支離匪涉入 0 云 何獲圓通

鼻息雖通出入。出入各據而不相交。支分既離。豈成圓觀。 周利槃特。因作數息。微細窮盡。生住異滅。返息循空。因是得道。

⊙ 丑三舌根。

#### 舌非入無端。因味生覺了。 味亡了無有 0 云 何獲圓通

憍梵鉢提。觀味之知。 首楞嚴義疏注經卷第十二 非體非物。還味旋知。成無學果。今云。舌入非是無 4 5 9

端自有。由味境合。方有覺知。境滅知亡。未為通貫 首楞嚴經長水疏 4 6 0

⊙ 丑四身根。

# 身與所觸同。各非圓覺觀。涯量不冥會。 云何獲圓通

有涯量。互不相冥。故為所揀。 能覺身根與所覺觸。互相假有。各無自性。義例相類。俱非圓觀。知無知異。各 畢陵伽婆蹉。因觀痛覺。覺清淨心。無覺無痛。遺身純覺。獲無學果。今云。

⊙ 丑五意根。

### 知 根雜亂思。湛了終無見。 想念不可脫。云何獲圓通

未脱妄想 修行。想念何逃。亦可若望湛覺真明。必無知見。即無知覺明也。應知有知見者。 明空海。同佛知見。今謂。意根雜亂思念。若以寂定湛旋。畢竟無有知見。依此 須菩提曠劫已來。心得無礙。由是觀察。十方成空。空性圓明。頓入如來寶

⊙ 子三依識修斷門六。丑一眼識。

識 見雜三和 0 詰本稱非相。 自體先無定 。云何獲圓通

雜在三和之內。窮其本性。無相可得。自體不常。 舍利弗曠劫已來。心見清淨。由遇佛故。見覺明圓。光極知見。今揀。眼識 如何圓徧

丑二耳識。

#### ジ 聞洞十方。生於大因力。 初心不能入。 云 何獲圓通

絕分。故云不能入。以眾生心中發明普賢行者。方現其身。非同觀音。觸物隨現。 既法界為體。心聞為用。故洞十方。此由普賢因修大行之所感故。中下之機於斯 普賢菩薩。本用心聞。分別眾生所有知見。得大自在。今揀太高。收機不盡 丑三鼻識。

#### 鼻想本權機 秖令攝心住。 住成心所住 0 云何獲圓通

淨。今揀觀鼻非為究竟。故云權機。若令攝心。必成所住。真元無住。所住便非。 經云。若心有住。則為非住。 孫陀羅難陀。觀鼻端白。見出入息化為光明。身心內明。圓洞世界。 編成空

丑四舌識。

#### 說 法弄音文。 開悟先成者。 名句非無漏 。云何獲圓通

首楞嚴義疏注經卷第十二

4 6 1

文。所開悟人。須先成熟。不由無種便能入道。若散心說。但成有漏。非曰圓通。 富樓那辯才無礙 。秘密法門。微妙開示。 得無所畏。 今揀。說法不離聲名句

# 持犯但束身。非身無所束。元非徧 一切。云何獲圓通

•

丑五身識

切無礙。今揀。持犯細行唯檢於身。身若不生。將何檢束。故於法法不能圓徧 優波離因持清禁。由是執身。身得自在。次第執心。心得通達。然後身心

### 神通本宿因 0 何關法分別。念緣非離物 。云何獲圓通

丑六意識。

別者。意識也。意識念緣。分別一切。 本有。由加行力之所顯發。何關修定。軌則意識。然後得生。 大目犍連因於修定。旋湛意識。心光發宣。得大神用。今揀。神通乃是宿因 不離塵境。 故非圓通 法者。 軌則義。

⊙ 子四依大歸性門七。丑一地大。

#### 若 地性觀 堅礙非通達 。有為非聖性 0 云 何

持地菩薩因平心地。見內外塵。本無自性。不相觸摩。皆如來藏。今揀。 地

性堅礙有為。體非通達。不成聖性。故非圓通。

⊙ 丑二水大。

#### 若 以水性觀。想念非真實。 如如非覺觀 。 云 何獲圓通

今謂。此觀不離尋伺想念。豈是真實如如之性。覺觀。即尋伺也。 月光童子因作水觀。見身中水與外香水。性合真空。一味流通。得無生忍

〇 丑三火大。

### 若以火性觀 。厭有非真離 。非初心方便 。云何獲圓通

初機不合。故須揀也 此由多婬。生厭離故。觀成性火。此即厭求之心。豈稱圓照。非是真實離念之門 火頭金剛。觀多婬心。 成智慧火。身心煖觸。 無礙流通。生大寶焰

⊙ 丑四風大

### 若以風性觀。動寂非無對。 對非無上覺。 云何獲圓通

動見不動。即證實相。今謂。 琉璃光菩薩。因觀身心世界。皆是妄緣風力所轉。風力無依。本無所有。於 首楞嚴義疏注經卷第十二 風性是動。由動有寂 動寂相對。 對即非真。豈同

圓觀。入流亡所。

⊙ 丑五空大。

### 若 以空性觀。 昏鈍先非覺。 無覺異菩提。云何獲圓通

虚空藏菩薩。 由觀四大無依。妄想生滅。虛空無二。佛國本同。 得無生忍

今謂。虛空昏暗。 無明所生。非是覺明。異於本覺。故須揀也

⊙ 丑六識大。

### 若以識性觀 觀識非常住 存心乃虚妄。 云何獲圓通

通。 識性念念生滅。攀緣不息。體非常住。若但亡境。不亡其心。還成虛妄。 彌勒菩薩修唯識觀。盡空如來國土。淨穢有無。皆是我心變化所現。 豈是圓 今謂

⊙ 丑七根大。

#### 諸行是無常 念性元生滅 因果今殊感。 云 何獲圓通

皆屬行陰遷變。念性生滅。正是無常。如何以無常因。獲常住果。故非圓通。然 大勢至菩薩由念佛三昧。都攝六根。淨念相繼。 入無生忍。今謂。凡是有為

往彼國已 念佛法門。此方最要。雖云生滅。 。進行彌速 即證有期。 要因念想。專注在懷 今顯圓根。 觀音為上。 0 兼佛願力 抑揚之道。 0 故須揀也。 直生淨土

癸三頌觀音圓 通三。子一廣顯圓門四 丑一標嘆所入法

摩提。實以聞中入。 我 今白世尊。 佛 出娑婆界 離苦得解脫 0 此方真教體 0 清淨在音聞 0 欲 取三

然後思惟修習。入三摩提。 中聞慧。緣名句文。熏成解心種子。納為教體。 娑婆世界。 耳根最利。故用音聲以為佛事。 成大解脫 故云教體在音聞也。 由從耳根發識聞聲 0 教體既成 引生第六識

丑二略歎能入人。

眾生。 良哉觀世音。 妙音觀世音。 於恆 沙劫中 梵音海潮音。救世悉安寧。 0 入微塵佛國 0 得大自在力 出世獲常住 無畏施 0

句嘆德號。妙音是體 初一句總標嘆。次二句嘆三十二應。次二句嘆十四無畏 。觀世音是用 亦是真俗二諦。 亦是自利利他。梵是淨義 0 兼四不思議。次二

釋成體也。海潮要不失時 0 釋成用也。救世下二句。結嘆利益。 初得世間安樂

首楞嚴經長水疏

終獲究竟涅槃。 丑三廣辯圓通根二。 寅一顯聞性二。 卯一對辯真實三。 辰一圓真實

時聞 我今啟如來 0 此 則圓真實 0 如觀音所說 0 譬如人靜居。 十方俱擊鼓。 十處

云圓真實也 十界也。擊鼓者。機動也。 解脫德也。 如前觀音所陳三昧。所得殊勝。赴感不差。周徧皆應。十方者 一時聞者。應不失也。此則應身無量。 無感不應。 故

○ 長二通真實。

音響。 目非觀障外 遐 邇 俱 0 可 口鼻亦復然 闡 0 五根所 0 身以 不齊 合方知 是 則通真實 0 心念紛 無緒 0 隔 垣聽

舉能例身根。蓋翻譯者略順根次也。 般若德也。前四句。 揀不通。 口鼻下二句。經文語倒故。先舉所例口鼻。 隔垣下四句 0 正顯耳根不同前五 0 由是得名

通真實耳。

⊙ 長三常真實二。巳一正顯。

音聲性動靜 無滅。聲有亦非生。生滅二圓離 0 聞中為有無 無聲號無聞 。是則常真實 0 非實開無性 聲無既

聞聲時。號無聞者。 聞性不滅。 法身德也。聲於聞中自有動靜。說為有無。非謂聞性是有無也。世人若以不 生滅既而徧離。由是得名常真實也。 聞性已滅。聲塵更起。遣誰更聞 0 是知聲有。 聞性不生。

⊙ 巳二釋成。

#### 縱 令在夢想 0 不為 不思無 覺觀出思惟 身 心不能及

故云不為不思無也。覺觀出思惟者。此既不與念想相應。即出覺觀思惟之表。譯 人迴文不盡。故令語倒。覺觀即尋伺也。思惟即是徧行思也。俱是心所。皆不相 故名為出。又覺是本覺。 如前重睡。心想不行。聞舂擣聲。別作他物。此時豈憶靜搖。應知聞性不斷。 即聞性也。 觀即是照。此即文順

⊙ 卯二揀非顯是。

首楞嚴義疏注經卷第十二

 $\begin{array}{c} 4 \\ 6 \\ 7 \end{array}$ 

4 6 8

強記。不免落邪思 今此娑婆國。 聲論得宣明 。豈非隨所淪。旋流獲無妄。 眾生迷本聞 0 循聲故流轉 0 阿難縱

首楞嚴經長水疏

故云無妄 結非顯是。旋流者。返流也。斯則入流亡所。唯照聞性。生滅既滅。寂滅現前 也。故舉阿難雖得多聞。不能亡相。為聲所轉。生滅妄想。無由得免。後二句 宣明。次四句。正揀過非。苟隨聲教。不能亡緣入流返照。即迷本聞性。 前二句。通明此方由聲教入。聲名句文能詮法義。眾生由此聞而解了 故云

⊙ 寅二明觀行四。卯一告語。

三昧 阿難汝諦聽 0 我承佛威力 0 宣說金剛王 0 如 幻 不思議 佛母真

假也。 金剛如幻。已見上文。三世如來一門超出。故云佛母 佛母。 中也。 又金剛。空也 如幻

⊙ 卯二斥失。

佛 汝聞微塵佛 0 何不自聞聞 0 切 秘密門 0 欲漏不先除 0 畜聞成過誤 0 將聞持

不如返照自己聞性。成真三昧。故云聞聞 雖持法藏。不能捨聞而觀自性。故成過矣。 若將世間隨聲聞相。 持他佛法

卯三正示二。辰一正明觀行三。巳一法三。 午 脱塵旋根

返源 闡 非自然生。 。六根成解脫 因聲有名字。 旋聞與聲脫 0 能 脱欲誰名 0 根既

縛既無得。脫亦不名。一根既然。 因聲而有分別等。若能離緣觀性 見聞覺知之聞。隨聲而有。非本然性 。聞相不起。動靜境亡。能所不拘。 六根皆爾。 如上文云。 如汝今者承聽我法 故名解脫。 此即

⊙ 午二塵銷覺顯。

見聞 如幻翳。 三界若空華 聞復翳根除。 塵消覺圓淨

見聞覺知迷成翳眼。三界有法。悉是空華。見聞體虛。本不可得。 復加幻喻

首楞嚴義疏注經卷第十二

4 6 9

故起信云。三界虛偽 。唯心所作。 上文云。見聞覺知。虛妄病緣。 故有十方諸有

首楞嚴經長水疏

漏國。翳除華滅。聞復塵消。妙覺明心。顯然圓淨。此分證也。

⊙ 午三覺極無礙。

在夢。 淨極光通達。 誰能留汝形 寂照含虚空 0 却來觀世間 0 猶 如夢中事。 摩登伽

三德既圓。三障永盡 淨極謂滿淨。解脫圓也。光通達謂滿覺。般若備也。寂照謂真理。 。如大夢覺 0 如蓮華開 返觀世間 。欲誰留礙 此極證也 法身極也。

巳二喻

寂然 如世巧 幻師 諸 幻成無性 0 幻 作諸男女 0 雖見諸根動 0 要以 機 抽 0 息機歸

幻男女。 即幻法。 幻師。真性也。有隨緣義 必有所依。 機息幻無 妄滅根復 喻真性也 故名為巧。 或幻師。 無明也。幻法。心識也。餘同前配。所 幻法 無明也。男女。 六根也

〇 巳三合。

六根亦如是。 元依 精明 0 分成六和合。 處成休復 0 六用皆

根亦破。故皆不成。 初句總標。 次句 合幻師。次句合男女。後二句合息機等。 耳根無明若破 餘

⊙ 辰二觀成利益。

塵垢應念消 。成圓明淨妙 餘塵尚諸學。 明極 即如來

成位。 應時清明。故云成圓明淨妙。此則三德圓顯。不縱橫竝別。 前句斷德未圓。後句智德備滿。互現可知。 根若復。塵垢自消。上文云。想相為塵。識情為垢。二俱遠離。則汝法眼。 故名為妙。後二句結

⊙ 卯四勸修。

如是。 大眾及阿難。 旋 汝 倒開機 0 反聞 聞自性 0 性成無上道。 圓通實

勸復顛倒聞根 返觀聞性 0 聞性圓成。 菩提可冀。 後一 句結指印 成

首楞嚴義疏注經卷第十二

4

4 7 2

首楞嚴經長水疏

•

丑四

結

顯同此

證。

菩薩 非唯觀世音。 此是微塵佛 。今各入 0 圓 明 路涅槃門 。未來修學人。當依 0 過去諸如來 如是法 0 斯門已成就 0 我亦從中證 0 現 在諸 0

皆同此證也 前二句。總指一切諸佛皆從此門得涅槃也。過去下。 別列三世。 并引文殊

○ 子二重明差當。

槃心 非是長修學。淺深同說法 誠 如佛世尊。 。觀世音為最 詢我諸方便 。自餘諸方便 0 以救諸末劫 0 皆是佛威神 。求出世間 0 即事捨塵勞。 人 成 就 涅

淺深二機同入之法門也。反顯觀音即是淺深二機。同說同入。久長修學之法門耳。 四聖。各隨所因事相而成觀行。皆是佛之威神方便。令其得道。非是久長修學。 前四句頌佛令揀。成就下二句。 正指圓門。 顯是雅當。 自餘下五句。 明二十

⊙ 子三結願勸學。

成就 頂禮 真實心 如來藏 。堪以教 如是 。無漏 阿難 不思議。願加被未來。於 。及末劫沈淪 0 但 以此 根修。 此 門無惑。方便易 圓通超餘者。

但以下二句。勸學。最後一句。文殊指己選圓通心。真實無妄。 如來藏即一體三寶。是所入之理。具足無漏性功德故。願加下五句。 非挾情故 正結願

⊙ 辛三時眾獲益。

眾 恆河沙。皆得本心。遠塵離垢。獲法眼淨。性比丘尼聞說偈已。 猶如有人 於是阿難及諸大眾。身心了然。得大開示 阿羅漢。無量眾生。皆發無等等阿耨多羅三藐三菩提心 。天龍八部。有學二乘。及諸一切新發心菩薩。其數凡有十 0 因事遠遊。未得歸還。明了其家所歸道路。普會大 觀 佛菩提 及大涅槃

兼灌大菩薩及阿羅漢 會之眾。根器各異。大小不同。前文。觀音說竟。諸佛放光。互來灌頂 。受彼光者。 一時俱獲金剛三昧。 此即顯會二十四聖諸別

首楞嚴義疏注經卷第十二

首楞嚴經長水疏

4 7 3

阿難等方悟圓通。從耳根入。猶未有證。故云明了其家所歸道路。其天龍眾及小 時圓入觀音修證。 今此阿難及諸初心。聞說偈已。隨其位次。悟入有異。

今成無學。未發心者。其數無量。皆發道意。即悟解大乘也。 有學。大乘地前。十恆河沙獲法眼淨。即入初地。見道位也。性比丘尼是三果人。

誡。是稱決定大乘明了之教。 是魔所説。身外之物尚不許畜。何況姪盜殺妄根本貪瞋。世有愚人。為魔所惑。 為真誡耳。文二。丁一阿難觀時請問三。戊一敘所悟 誹謗戒律。言是小乘。自稱大乘。無礙自在。下經廣破。此等竝是魔業。故佛深 戒定慧驗之。邪元自露。故九十六種外道。皆能修禪。而無戒德。涅槃經云。魔 競起。邪言惑正。魔辯逼真。濫述既多。朋流者眾。若不甄辯。 尚能變身為佛。豈不能為四依菩薩。惑亂世間。故佛廣説。若言聽畜八不淨物者。 丙三辯離魔業行。前雖廣説圓通修證。凡夫始學。障難尤深 阿難大權。愍我將來。必陷魔難。故慇懃致請 0 况末代邪宗紛然 妨正修行。故以

是中修行 益未來諸眾生故 難整衣 得無疑惑 。於大眾中 。稽首白佛。 。合掌頂禮 大悲世尊。我今已悟成佛法門 0 心迹圓明 悲欣交集 0

圓通即是心所行路。故云心迹。領悟既深。得無疑惑。未來多難。更欲伸陳。

悲欣者。欣今所悟。悲後行人。

戊二陳所願。

常聞如來說如是言。自未得度。先度人者。菩薩發心。自覺已 能覺他者。如來應世。我雖未度。願度末劫一切眾生。

菩薩有二類。一智增。先取佛果。後度眾生。二悲增。度生心切。故意留惑。

潤生三界。今願未度而度眾生。即悲增也。

⊙ 丁三述所請。

三摩地。云何令其安立道場。遠諸魔事。於菩提心。得無退屈。 世尊。此諸眾生去佛漸遠 0 邪師說法如恆河沙 欲攝其心 λ

惑障尤多。修定攝心。難為進趣。況遭魔惑。邪見彌增。加行修證。 此諸眾生。根劣也。去佛漸遠。時劣也。邪師說法。難多也。此則時澆解昧 如何無退

⊙ 丁二如來廣為宣説二。戊一讚請許宣。

首楞嚴義疏注經卷第十二

首楞嚴經長水疏

唯然奉教 道場。救護眾生末劫沈溺。 爾時世尊 。於大眾中 稱讚阿難。善哉善哉。 汝今諦聽。當為汝說 如汝所問 0 阿難大眾。 。安立

揚。當善思念 道場加行。 事理兩修。 內秉戒根。外假心呪。 內外相濟。道力易成。

戊二正為廣説二。己一自行離魔二。 庚一總明三學。

佛告阿難。 因戒生定 汝常聞我毘奈耶中。宣說修行三決定義 0 因定發慧。 是則名為三無漏學。 0 所謂攝 沙

定義。 諸行或對機不同。此三決定須說。又是決定成佛之因。佛佛皆爾。 故云三決

• 二。壬一正辯是非三。癸一標示。 庚二別示戒學。 以定慧二門前已説故。扶律談常。同涅槃矣。 文四。 離欲

阿難。云何攝心 。我名為戒。若諸世界六道眾生。其心 不婬 0

### 則不隨其生死相續。

輪迴。愛為根本。 婬為生死根本。反之則不續矣。圓覺云。一切眾生皆因婬欲而正性命。當知 由有諸欲助發愛性。是故能令生死相續

● 癸二正辯二。子一舉過顯非二。丑一欲為魔因。

前 彼等諸魔 汝修三昧 如不斷婬 。亦有徒眾。 0 本出塵勞。婬 0 必落魔道 各各自謂成無上道 心不除。塵不可出 0 上品魔王。中品魔民 0 縱有多智禪定現 0 下品魔女。

生天魔界。隨得少定。不辯邪正。各各自謂成無上道。 雖不斷欲。而修定修福。隨福優劣。故成三品。以邪定力。報得五通。 魔不斷婬而修禪定。魔定順惑。易得成就。功深者為上品。 功淺者為中下 以有漏福。

⊙ 丑二未來多惑。

知 我滅度後。末法之中 識 令諸眾生落愛見坑 0 多此魔民 0 失菩提路 0 熾 盛世間 廣行貪婬 為善

首楞嚴義疏注經卷第十二

首楞嚴經長水疏

4 7 8

苦。宜深察之。不令得便 末世眾生。無正法眼 0 多被魔惑。廣行貪婬。假稱善友。 誘化無識。失正遭

● 子二結成明誠。

清淨明誨 汝教世人修三摩地 0 先斷 心婬。是名如來先佛世尊。 第一 決定

故與小乘持戒全別 緣成。輕重隨戒。故云先斷心婬。故論云。心生則種種法生。心滅則種種法滅。 此戒雖與小乘名同。 而持隨有異。此則一一內防心念。輕重等持。 彼則事逐

◎ 癸三誡勸二。子一重彰過患二。丑一喻顯。

是故 阿難 秖名 0 若 不 熱砂 斷 0 何 婬 以 0 故 修禪定者。 此非飯 本 如蒸砂 0 砂 石成 石 0 故 欲 其成飯 經百

戒定慧法能生法身。 戒根不完。徒修禪慧。豈有清淨妙體從婬欲生。 沙飯異

因。寧論劫數。

① 丑二結失。

三逢。必不能出 汝以婬身。求佛妙果。 。如來涅槃。 縱 得妙悟 何路修證 。皆是婬 0 根。 根本成婬 輪轉

無。 戒定慧亡。自成輪轉。終非聖果。 非戒不禪。非禪不慧。 戒根不淨。 所習禪慧。那得淨乎。 以不淨故 雖有如

- 子二勤令除斷。
- 必 使婬機 身心俱斷 0 斷性亦無 。於佛菩提 斯可希冀。

無名天趣。有無二無。無二亦滅。是名妙發三摩提者。 真持戒人。尚無持相。豈令身心犯乎重禁。如下文云。殺盜婬等。有名鬼倫

- ⊙ 壬二結歸邪正。
- 如 我此說 。名為佛說 0 不 如 此說 0 即 波 旬

正云波卑夜。此云惡者。波旬。訛也。

- 辛二離殺因二。壬一正辯是非三。癸一標示。
- 阿難。又諸世界六道眾生。其心不殺。 則不隨其生死相續。

首楞嚴義疏注經卷第十二

● 癸二正辯二。子一舉過顯非二。丑一殺為鬼因

相殺相償。結酬連禍。苟或止之。故不相續。餘如文。

夜叉 前 各各自謂成無上道 汝修三昧。本出塵勞。殺心不除。塵不可出 0 如不斷殺。 。諸鬼帥等。 必落神道。上品之人為大力鬼。中品則為飛行 下品當為地行羅剎 0 彼諸鬼神 0 縱有多智禪定現 0 亦有徒眾 0

無此差降 礙。不斷殺故。受此惡趣。為天驅役。若不修禪及不修福。但行殺害。直入地獄。 福劣。列在中下。 帶殺修禪。報為神道。功深福厚。為大力鬼。 八部所管。及大海邊羅剎國類。 即五岳四瀆。 因修定故。皆有業通。 係祠祀者。 迅疾無 功淺

⊙ 丑二未來多惑三。寅一正明。

我滅度後。末法之中。多此鬼神。熾盛世間 自言食肉得菩提

殺生食肉。是眾生冤。如何不斷得菩提路。

⊙ 寅二辯異。

肉 因大慈悲。 婆羅門。地多蒸濕。加以沙石。草菜不生。我以大悲神力所加。 阿難。我令比丘食五淨肉。 名為釋子 假名為肉。汝得其味。奈何如來滅度之後。食眾生 此肉皆我神力化生。本無命根。 汝

有七種九種。今言五者。 涅槃第四迦葉問云。云何如來先許比丘食三淨肉。佛言。隨事漸制故耳。復 隨經增減。以意配數。佛以方便權許令食。非究竟說。

⊙ 寅三示過。

汝等當知 云何是人。得出三界 必沈生死苦海。非佛弟子 。是食肉人。縱得心 0 如是之人。 開。似三摩地 相殺相吞。 。皆大羅剎 相食未已 0 報終 0

似三摩地者。 鬼神定也。 亦能令人知過去未來事。與善定相似 如起信說

首楞嚴義疏注經卷第十二

4 8 1

4 8 2

首楞嚴經長水疏

子二結成明誠

清淨明誨 汝教世人修三摩地 次斷殺生。 是名如來先佛世尊 0 第二決定

◎ 癸三誡勸二。子一重彰過患二。丑一順明口 過二。 寅一喻顯

124 是故阿難。若不斷殺。修禪定者。譬如有人自塞其耳 求人不聞。 此等名為欲隱彌露 0 高聲大

塞耳。修禪。 高聲。行殺。求不聞之道。彰彌露之苦。豈不悲夫

⊙ 寅二况顯。

悲 清淨比丘及諸菩薩 取諸眾生血肉充食。 。於岐路行 0 不蹋生草 0 況 以手拔 0 云 何大

生草不踐。非獨護譏。亦深慈念。草尚不踏。 況損命

⊙ 丑二反顯身過二。寅一正明所離。

若諸比丘。不服東方絲縣絹帛。及是此土靴履裘毳。乳酪醍醐 0

如是比丘 0 於世真脫 0 酬還宿債。不遊三界

絲緜裘毳。眾生身分。身既不服。真解脫者。以不遊三界詶宿債故。 經語甚

倒。知之。

⊙ 寅二反喻所以。

何以故。服其身分。皆為彼緣。如人食其地中百穀。足不離地

服眾生分。為眾生緣。辟穀求昇。尚有不至。況食況服。能出離乎。

子二勤令除斷。

是人真解脫者。 必使身心。於諸眾生。若身身分。 身心二塗。 不服不食

心無貪慮。身不服行。斷性苟亡。自然真脫

⊙ 壬二結歸邪正。

如我此說。名為佛說 0 不如 此 說 即波旬說

⊙ 辛三離盜因二。壬一正辯是非三。癸一標示。

首楞嚴義疏注經卷第十二

4 8 3

4 8 4

阿難。又復世界六道眾生。其心不偷。則不隨其生死相續。

首楞嚴經長水疏

不與而取。起心即犯。故云其心不偷。

◎ 癸二正辯三。子一辯其邪行二。丑一盜為邪因。

前 諸魅所著。彼等羣邪。亦有徒眾。各各自謂成無上道 汝修三昧。本出塵勞。偷心不除。塵不可出。 。如不斷偷。必落邪道。上品精靈。中品妖魅 縱有多智禪定現 。下品邪人 0

令眾歸附。不惜衣食。盡命供給。若不修禪。直入地獄。 禪智雖現。貪盜不除。縱亡婬殺。亦落邪道。精靈妖魅及諸邪人。皆能惑亂

⊙ 丑二未來多惑。

其家耗散 我滅度後 知識。各自謂已得上人法。 。末法之中。多此妖邪 該慈無識 熾盛世間 。恐令失心 0 潛匿姦欺 0 所過之處。 0 稱善

**姦欺盈抱。潛護如淳。詐偽充懷。隱藏若拙。苟求不與之利。<b>該**誘無識之人。

猛熾其貪。顯異其語 。令彼愚者頓棄家財。仍遭王難。故云耗散。

子二示其正修二。丑一正示行緣二。 寅一 明正行。

熟食。寄於殘生。旅泊三界。 我教比丘 循方乞食。令其捨貪。成菩提道。 示一往還。去已無返 諸 比 丘等。 不自

往而已 比丘依法循乞。不自熟食。為捨貪過。 深厭自生。不戀三界。 如旅泊

寅二斥邪行。

出家具戒比丘。為小乘道 云何賊人 0 假我衣 服 。 裨 0 販 由是疑誤無量眾生 如來 0 造種種業。 0 皆言佛法 墮無間 獄 却非

當壞亂我之正法。乃至作比丘。比丘尼。及阿羅漢等形。以有漏身。稱是無漏 壞我正法。乃至說言。無四重。 現異儀為至極。誑妄愚者。入惡無窮。涅槃邪正品云。我滅度後。是魔波旬。 身雖出家。心不入道。 假衣服以作相。販如來以造業。反毀具戒為權 僧殘。不定。捨墮。懺悔 。眾學。 滅諍等法。 小

首楞嚴義疏注經卷第十二

4 8 5

首楞嚴經長水疏

無偷闌 我佛法中。有犯如上等罪。 。五逆。一闡提罪。 應當苦治。若不持戒。云何當得見佛性耶 乃至若犯如是等罪。 亦無有報 。如是說者竝是魔說

⊙ 丑二別示轉業二。寅一正示方法。

前 是人於法已決定心 若我滅後。其有比丘。發心決定。修三摩提 始宿債一時酬畢 。身然一 燈。 燒一指節。 。長揖世間 及於身上爇一香炷 0 永脫諸漏 0 雖未 0 能 即明無上覺路 0 我 於 說是人 如 來形像之 0 0

除 世間永脫。故云長揖 殺生偷盜。執對不亡。 為三界緣 0 障菩提路 0 然身苦體 0 能報此 因 宿債

寅二反結酬債。

若不為此捨身微 正等無異。 因 0 縱成無為 0 必還生人 0 酬其宿債 0 如 我馬

前云 。摩登伽在夢。 誰能留汝形 0 今云 0 縱成無為必酬宿債者 0 此示業報不

亡。成無為後。現有為身。尚還宿債。況全未離有為。而欲妄逃業果。其可得乎。

引證酬業。如別處說。

子三結成明誠

- 清淨明誨 汝教世人修三摩地 後斷偷盜。是名如來先佛世尊 。第三決定
- ◎ 癸三誡勸二。子一喻顯不斷。

滿 是故阿難 縱經塵劫 0 若不斷 。終無平復 偷 0 修禪定者。 譬如有人水灌漏 巵 0 欲 水井

灌禪定水於破戒巵。欲求滿果。塵劫不平。 外相惑人。戒器已穿。善法多漏耳。 誰之過矣。可不慎乎。 斯則內德

子二勸令除斷。

若諸比丘。衣鉢之餘。 集會。合掌禮眾。 有人捶詈。 分寸不畜。乞食餘分。 同於稱讚。 必使身心 施餓眾生。 0 二俱捐拾 於大

首楞嚴義疏注經卷第十二

4 8 7

4 8 8

身肉骨血 。與眾生共。不將如來不了義說。迴為己解。 以誤初

學。佛印是人。得真三昧。

首楞嚴經長水疏

解云。 謗實。亦此類也。楞伽云。愚癡凡夫。惡見所噬。邪曲迷醉。妄稱一切智說 證。不了教中得食淨肉。必至了義一切皆斷。不執不了教。將為究竟說也。執權 為已解者。不將佛方便說。迴作自己心中獨悟之法。以此該惡無識初學。此文亦 以觀眾生及與我身平等無二。由是身心不加報耳。故云與眾生共。不了義說 此文勸離四過。謂貪慢瞋癡。配文可見。 無智之人。不了如來方便說法。而乃妄稱一切智人。作究竟說 心不起瞋。身不加報 故云二俱捐

⊙ 壬二結歸邪正。

如我所說 。名為佛說 0 不如 此說 0 即波 旬說

○ 辛四離妄因二。壬一正辯是非三。癸一標示。

若大妄語。 阿難 如是世界六道眾生。 即三摩提不得清淨。 雖則身心 成愛見魔 0 殺盜婬 。失如來種 三行 圓 0

妄語之因。起貪癡慢。如不斷此。故成愛見。

所謂未得謂得。未證言證 今已得須陀洹果。斯陀含果。阿那含果。 地地前諸位菩薩 • 癸二正辯二。子一妄為苦因二。丑一對辯二。寅一顯偽作二。 。求彼禮懺。 。或求世間尊勝第一 貪其供養。 阿羅漢道。辟支佛乘。 0 謂前人言 卯一標列設誑

起妄語。 以愚癡心。起大我慢。 稱得三乘賢聖果證。實得道果尚不許說。豈況未得而妄說耶 因求尊勝。貪彼供養。此即愛見之惑。 強 丽 且 大

⊙ 卯二結成招苦。

是 無復知見。沈三苦海。不成三昧 **颠**迦。 銷滅佛種。如 人以刀 斷多羅木 0 佛記是人 0 永殞善

波羅夷罪。何以故。雖有佛性 得成阿耨菩提。何以故。 顛迦即是斷善根者。其大妄語與此罪同。涅槃邪正品云。若有說言 以有佛性故。有佛性者必定得成阿耨菩提。 。以未修習諸善方便。是故未見。以不見故。不得 當知是人犯 。 我已

首楞嚴義疏注經卷第十二

4 8 9

成就阿耨菩提。故知略不修斷。 首楞嚴經長水疏 白稱即是佛者。皆大妄語。犯波羅夷。 非佛弟子

● 寅二明真化二。卯一列化事。

至婬女寡婦 度諸輪轉。 我滅度後。勅諸菩薩及阿羅漢。應身生彼末法之中。 三摩地 或作沙門白衣居士。 0 姦偷屠販 0 與其同事。 人王宰官。 稱讚佛乘。令其身心 童男童女。 作 種種形。 如是乃

四攝利人。 作 種 種化 0 初同其道。 後勸佛乘。 盡為益他 非貪利己

● 卯二誠明言。

終 終不自言我真菩薩 陰有遺付。 真阿 羅漢 0 泄佛密 因 0 輕言未學 唯

因。 子 未學之前。不可輕說 如求那屈指事 真聖利物。終不可測 0 陰有遺付者。不顯稱也。 以承佛制 。不妄漏泄。此聖真因。 此開臨終密有表示 唯聖自證 遣囑弟 故云密

- 丑二結責。
- 云何是人。惑亂眾生。成大妄語。
- ⊙ 子二結成明誠。

第四決定清淨明誨 汝教世人修三摩地 。後復斷除諸大妄語 。是名如來先佛世尊。

- ◎ 癸三誡勸四。子一喻其不斷。
- 是故阿難。若不斷其大妄語者。 無有是處。 如刻人糞為栴檀形。 欲求香氣 0

修禪定之檀形。刻妄語之人糞。遙觀可意。近逼穢聞。欲求道香。 終無得理。

- 子二舉其防微。
- 我教比丘。直心道場。於四威儀一切行中 稱得上人法。 尚無虛假 云何自

三乘所證為上人法。 此文舉淺況深。餘小妄語尚不可為 況大妄耶

⊙ 子三重喻大過。

首楞嚴義疏注經卷第十二

4 9 1

首楞嚴經長水疏

真。果招紆曲。求佛菩提。如噬臍人。欲誰成就 譬如窮人妄號帝王 。自取誅滅。況復法王。 如何妄竊 0 因地不

若不早圖。後君噬臍 初喻大妄止成苦本。後喻求道終無得理。如人噬臍。了不相及。春秋傳曰

○ 子四斷成巨益。

是人。成就菩薩無上知覺。 若諸比丘 。心如直絃 。一切真實。 入三摩提。 永無魔事。 我印

未得謂為得。我慢心充滿。乃至衲衣在空閑。假名阿練若。當知是等盡行魔業。 稱得道。內懷諂曲。外現名聞。豈曰修行。故法華云。濁世惡比丘。邪智心諂曲。 切時中。悉無虛偽。若斯人也。真求道歟。豈不速至乎。若示相標形

⊙ 壬二結歸邪正。

如我所說 名為佛說 不如此說。 即波旬說

首楞嚴義疏注經卷第十二

長水沙門子璿集

• 前文。 己二他 力離魔。 此為障重者助之以呪力也。文二。庚一述意略明四 。辛一總結

要先持此 生必無因 阿難。汝問攝 切魔事云何發生 0 四種律儀。皎如氷霜。自不能生一切枝葉。心三口 阿難 心 0 0 我今先說入三摩地 0 如是四事。若不遺失。 。修學妙門 心尚不緣色香味觸 求菩薩 道 四 0 0

雖約身口。一一治心。既與定慧相應。色香味觸無非實相。豈有魔事惱亂行者。 戒是正順解脫之本。依因此戒。得有定慧。故知三昧。戒為先容。此之重禁。 辛二勸誦神呪

多般怛羅無上神咒。 若有宿習不能滅除 首楞嚴義疏注經卷第十三 0 斯是如來無見頂相。無為心佛。 汝教是人。一心 誦我。 佛頂光 明摩訶薩 從頂發輝 怛

坐寶蓮華。所說心呪。

塵沙 說神呪。能破宿殃。兼除報障。三障苟亡。不證何待 令無嬈惱。道力速成。不遭退屈。前說定慧破煩惱障。 道以為冤敵。凡夫始學。道力微弱。不能排遣。故佛有妙神呪。 邪師。或遇魔嬈。諸難競起。皆是無始不善宿因。邪思業種 前雖廣說持戒清淨。皎如氷霜。既不造新。已離魔事。然有無始宿習 如影隨形。與道為妨。於修行者一切時障。或數病數惱。多婬多瞋。或遭 復明戒學。 。熏識現行。常與正 能滅宿世惡習。 但止罪業。今

辛三指陳功効。

劫 神力冥資。 且 汝宿世 譬如以塵 我一宣揚。愛心永脫 。與摩登伽。 速證無學。 0 揚於順風 云 歷 劫因緣 。有何艱險 何汝等在會聲 0 成阿羅漢 。恩爱習氣 0 彼尚婬 闡 0 求最上乘 0 非是一生及與一 女。無心修行 0 決定成

登伽宿有婬習。 今得離欲。是斷業煩惱障。現為婬女。今得無學。 是轉報障

艱險而不至哉 無心修行。遇此神呪尚得聖果。況復志求無上覺道。決定修行。 呪力加持。 有何

○ 辛四略示持方二。壬一示行儀。

悲光來灌其頂 戒成已後 第一沙門。以為其師。若其不遇真清淨僧。汝戒律儀必不成就 若有末世欲坐道場 0 然後結界。建立道場。求於十方現住國土無上如來。 。著新淨衣。然香閒居。 0 先持比丘清淨禁戒 誦此 ジ 0 佛所說神呪 要當選擇戒清淨者 0 放大 百八

先爾求現住佛。光照顯加 香誦呪。數滿百八。以表除滅百八煩惱。內戒外呪。 逆。後求戒法。皆見好相。方知罪滅得戒。不爾不得。 擇第一清淨真授戒者。故梵網經 持戒不完。五緣即闕。況為師範。展轉授人。己戒不淨。他戒安就 0 心得勇猛 。千里內無授戒師 。進道彌速。 0 俾魔不生。恐障壇場。 當於佛前自誓受戒 戒既成就。閒居靜處。然 0 0 故須選 先懺七 故須

楞嚴義疏注經卷第十三

4 9 5

首楞嚴經長水疏

4 9 6

⊙ 壬二明感應。

阿難 持佛淨戒。 經三七 0 如是末世清淨比丘 於道場中發菩薩願 日。我自現身。至其人前。摩頂安慰。令其開悟 0 若比丘尼 0 出入澡浴 0 白衣檀越 0 六時行道。如是不 ジ 滅 貪 婬 0

境 。 者。 非真佛也 心得開悟 名為感應。 道場次第。 若見餘境。 儀範周旋。 煩惱微薄 0 智慧明淨。 背於本習。事與願違。 如圭峯圓覺修證儀說。 若因見佛。 誦呪加持。發見佛願。 即是魔境。 愚鈍宛然。 非真感應。 煩惱却重。 佛現身 斯皆魔 又見真

⊙ 庚二酬請廣説二。辛一具明壇法二。壬一請儀。

則 無學道成 阿難白佛言。 0 末法修行。 世尊。我蒙如來無上悲誨。 建立道場 0 云何結界 心已開悟。 0 合佛世尊清淨軌 自 知修證

行 建立道場 我居佛世 0 蒙佛親示 有何方法 0 令其軌則 現今開悟 0 已知修證。必至無學。末法學人。 必加功

⑤ 壬二答釋二。癸一示結壇方法二。子一壇場基量。

檀 欝金。白膠。青木。零陵。甘松及鷄舌香。以此十種 合土成泥 穿去地皮五尺已下。取其黄土。和上旃檀。沈水。蘇合。薰陸 佛告阿難 肥膩香草 以泥其地。若非雪山。其牛臭穢。不堪塗地 0 。此牛唯飲雪山清水。其糞微細 若末世人願立道場。先取雪山大力白牛。食其 以塗場地。方圓丈六。為八角壇 0 可取其糞。和合旃 。別於平原。 細羅為粉 山

交光處。是此相耳 互相顯現。互相容受。 地為之。仍無級數。即今墠也。壇雖八角。上下為十。 無此者。即取深土。別加眾香。十味和合。以塗場地。八角之壇。方圓應量 相對。上下交光。一一鏡中現十方佛。以表一身即十身。十身即一身。重重無盡 雪山牛乳。純是醍醐。所有茹退。最為香潔。但和一味旃檀 即表證藏心不思議境界之相也。下文十方諸佛一時俱現鏡 以應圓數。以下文有懸鏡 即 可塗地

子二供養法式二。 丑 一 列供具二。 寅一長時供 具

首楞嚴義疏注經卷第十三

首楞嚴經長水疏

4 9 7

4 9 8

壇 糜。蘇合。蜜薑。純酥純蜜。 立十六蓮華 水中隨安所有華葉。取八圓鏡。各安其方。 令見火。取白牛乳置十六器 心置 一金銀銅木所造蓮華。 0 十六香鑪 0 問華鋪設。莊嚴香鑪。純燒沈水 0 於蓮華外。各各十六。 乳為煎餅。并諸砂糖 華中安鉢 0 鉢中先盛八月露水 圍繞華鉢。鏡外建 0 圍繞華外。 油餅

如佛受純陀最後供養。令其具足檀波羅蜜。此亦如是。故須供養。 諸佛菩薩不食此食。為令福增。示現而食。令修行者福慧具足。

以奉諸佛及大菩薩

寅二隨時供物。

鑪。 於炎鑪內 以食時。 以兜樓婆香。 燒令煙盡 若在中夜。 煎取香水。沐浴其炭。然令猛熾。 。享佛菩薩 取蜜半升。 用酥三合。 壇前 別安一小火 投是酥蜜。

丑二陳像設。

所有形 方面相對 變化觀音形像。兼金剛藏 令其 并藍地迦 側 。左右安置。又取八鏡 四外編懸幡華。於壇室中。 像 0 0 0 使其形影重重相涉 諸軍茶利 應於當陽 0 。張盧舍那 與毘俱胝 。安其左右 0 覆懸虛空。 。釋 0 四壁敷設十方如來。 四天王等。 迦彌勒 0 帝釋梵王 與壇場中 0 頻那 阿 閦 0 烏 夜迦 彌 所安之鏡 多瑟摩 陀 及諸菩薩 0 。諸大 張於 0 0

易得證耳。若時若處。 念既爾。塵塵皆然 懸幡列像。一一皆令影現鏡中。欲使行人熟此境界。則於事事無礙法界之理 一念之中。徧遊十方。徧見諸佛。徧行佛事 編得供養。

• 癸二明誦呪規儀二。 子一明修行三。 丑一修 助 行。

時 向專 於初七中 誦呪圍壇。至心行道 ジ 0 發菩薩 0 至誠頂禮十方 願 0 心無間 如來 0 斷 一時常行一百八 0 0 諸大菩薩 我毘奈耶 0 0 徧 先有願教 阿羅漢號 0 第二七中 0 0 第三七 恆 於六 0

首楞嚴義疏注經卷第十三

首楞嚴經長水疏

4 9 9

500

中 時出現鏡交光處。承佛摩頂 於十二時。一向持佛般怛羅呪 0 。至第七日。十方如來。

應。摩頂安慰 則一向誦持心呪。加持行門。防諸魔事 加被懺悔。離我慢障等。 三七日中所行各異。 初則禮佛圍壇 次則捨前所行。 0 誦呪行道。此中必行五悔。禮佛求哀 常發大願 由斯三限助修之力。感應道交。顯受佛 。則運心廣大。 離狹劣障。後

五二入觀行。

即 於道場修三摩地。能令如是末世修學。身心 魔障既離。復承顯加。修三摩提。速得成就。故令身心明淨 明淨。 猶 如琉璃也。 如琉璃 0

⊙ 丑三示不成。

清淨者。 阿難 。若此 如是道場 比丘 本受戒 0 多不成就 師 0 0 及 同會中十 比丘等 其中 有 一 不

戒根為本。 入道先門。 師與證人。 一等清淨。師若有闕。 資無所承。 道場不

就。職由斯矣。

⊙ 子二明得果。

立如是 陀洹。縱其身心聖果未成 從三七後 0 端坐安居 0 經 0 決定自知成佛不謬 百日。 有利根者。 0 不起於座 汝問道場 0 得須 0 建

聖果故。利根修故。又以下經。獲無生忍。第三漸次便已證得。 初入別圓地住位也。此則正與觀音修證義同。若配下位。恐非所宜。以此經中云 婆佛陀。將配此經 乘位次論果。若瓔珞本業經。 可以未證位配。請細詳之。 須陀洹果名。 通大小乘 。恐太高深。若約見真。得無生忍。名須陀洹。甚為中當。即 0 小乘可 初地名鳩摩羅伽。乃至四地名須陀洹 知。今修大乘首楞嚴定。發菩薩 此即無妨 0 佛地名婆伽 願 0 應以大

⊙ 辛二正説神呪三。壬一請問三。癸一敘承呪力。

阿 難頂禮佛足。 而 白佛言 自我出家 恃佛僑愛 求多聞故

首楞嚴義疏注經卷第十三

首楞嚴經長水疏

5 0 2

未證無為 令我解脫 。遭彼梵天邪術所禁 0 0 心 雖明了 0 力不自由 賴遇文

阿難雖得小乘初果。 若望大乘。名假擇滅。 非真無為 故云未證

○ 癸二願聞呪辭。

解 說 雖 蒙如來佛頂神咒 悲救此會諸修行輩。末及當來在輪 0 冥獲其力 尚未親 迴者。 聞 唯 願 承佛密音 大慈 重為宣 身意

**婬難** 故云未聞 今請顯說。 意欲傳通至後代耳

⊙ 癸三眾咸佇聽。

於時會中 切大眾 普皆作 禮 0 佇 聞 如來祕密章句

⊙ 壬二與説二。癸一正説神呪二。子一現化佛。

坐寶華中 時世尊 0 0 頂放十道百寶光明 從肉髻中涌百寶光 0 光中涌出 一光明 千葉寶蓮 0 皆編示現 。有 0 化 十 恆 河

求佛哀祐 沙。金剛密迹。擎山持杵。徧虚空界。大眾仰觀。畏愛兼抱 。一心聽佛。無見頂相放光如來。宣說神呪

大眾。化他令益 即一切。一切即一。大眾將證此理。故示現以表也。下說神呪。是此密因。宣與 將說神呪。現光化佛。化復作化。百河沙眾。此即如來藏心不思議妙用

○ 子二説呪辭。

(二)南無薩婆勃陀勃地薩跢鞞弊(三)南無薩多南三藐三菩陀俱知南(四)娑舍 婆離瑟赧(+二)南無悉陀耶毘地耶陀囉離瑟赧(+二)舍波奴揭囉訶娑訶娑 **唎陀伽彌喃(<)南無盧雞三藐伽跢喃(丸)三藐伽波囉底波多那喃(+)南無提** 囉婆迦僧伽喃(五)南無盧雞阿囉漢跢喃(六)南無蘇盧多波那喃(せ)南無婆羯 南無薩怛他蘇伽多耶阿羅訶帝三藐三菩陀寫(二)薩怛他佛陀俱胝瑟尼 嘘陀囉耶(++)烏摩般帝(+<)裟醯夜耶(+丸)南無婆伽婆帝(二+)那囉野拏 囉摩他喃(+三)南無跋囉訶摩泥(+四)南無因陀囉耶(+五)南無婆伽婆帝(+☆)

5 0 3

首楞嚴義疏注經卷第十三

5 0 4

(二十二)槃遮摩訶三慕陀囉(二十二)南無悉羯唎多耶(二十三)南無婆伽婆帝(二十四) 摩訶迦羅耶(二十五)地明般剌那伽囉(二十六)毘陀囉波拏迦囉耶(二十七)阿地 他伽多耶(六十四)阿囉訶帝(六十五)三藐三菩陀耶(六十六)南無婆伽婆帝(六十七) 帝(五十六)三補師瑟多(五十七)薩憐捺囉剌闍耶(五十八)跢他伽多耶(五十九)阿羅 耶俱爐吠柱唎耶(五+三)般囉婆囉闍耶(五+四)路他伽多耶(五+五)南無婆伽 多耶(四十九)阿囉訶帝(五十)三藐三菩陀耶(五十二)南無婆伽婆帝(五十二)鞞沙闍 帝(四十五)三藐三菩陀耶(四十六)南無婆伽婆帝(四十七)阿芻鞞耶(四十八)跢他 +一)南無婆伽婆帝(四+二)南無阿彌多婆耶(四+三)跢他伽多耶(四+四)阿囉 伽婆帝(三十八)帝刚茶翰囉西那(三十九)波囉 跋闍囉俱囉耶(三十五)南無摩尼俱囉耶(三十六)南無伽闍俱囉耶(三十七)南無婆 南無婆伽婆帝(三+二)多他伽路俱囉耶(三+三)南無般頭摩俱囉耶(三+四)南無 帝(二+<)尸摩舍那泥婆悉泥(二+九)摩怛唎伽拏(三+)南無悉羯唎多耶(三+一) 訶帝(☆+)三藐三菩陀耶(☆+二)南無婆伽婆帝(☆+二)舍雞野母那曳(☆+三)跢 訶囉拏囉闍耶(四十)路他伽多耶(四 訶

多揭囉訶(++八)尼羯囉訶揭迦囉訶尼(++九)跋囉毖地耶叱陀爾(八+)阿迦 囉摩禮底(<)毘舍嘘多(丸)勃騰罔迦(+)跋闍囉制喝那阿遮(+□)摩囉制婆般 摩訶跋囉槃陀囉婆悉爾四阿唎耶多囉(五)毘唎俱知(六)誓婆毘闍耶(七)跋闍 囉(九十九)摩訶般囉戰持(一百)摩訶疊多(一百一)摩訶帝闍(二)摩訶稅多闍婆囉(三) 毘多崩薩那羯唎(九十四)薩婆舍都爐爾婆囉若聞(九十五)呼藍突悉乏難遮那 曜若聞(九十)波囉薩陀那羯唎(九十二)阿瑟吒南(九十二)摩訶揭囉訶若聞(九十三) 婆突瑟吒(八十四)突悉乏般那爾伐囉尼(八十五)赭都囉失帝南(八十六)羯囉訶娑 囉蜜唎柱(△+□)般唎怛囉耶儜揭唎(△+□)薩囉婆槃陀那目叉尼(△+三)薩囉 薩怛多般怛嚂(t+五)南無阿婆囉視耽(t+x)般囉帝揚歧囉(t+t)薩囉婆部 +一)帝瓢南無薩羯唎多(++二)翳曇婆伽婆多(++三)薩怛他伽都瑟尼釤(++四 刺怛那雞都囉闍耶(六+八)路他伽多耶(六+九)阿囉訶帝(七+)三藐三菩陀 舍尼(九+六)毖沙舍悉怛囉(九+七)阿吉尼烏陀迦囉若闍(九+八)阿般囉视多具 訶薩囉若闍(八十七)毘多崩娑那羯唎(八十八)阿瑟吒氷舍帝南(八十九)那叉剎怛 首楞嚴義疏注經卷第十三

首楞嚴經長水疏

5 0 6

三十七句誦呪者至此稱名受持) 帝(三十三)母陀囉羯拏(三十四)娑鞞囉懺(三十五)掘梵都(三十六)印兔那麽麼寫(一百 闍那跋闍囉頓稚遮(三十)稅多遮迦摩囉(三十一)剎奢尸波囉婆(三十二)翳帝夷 夜囉菟瑟尼釤(二十七)毘折藍婆摩尼遮(二十八)跋闍囉迦那迦波囉婆(二十九)嘘 地耶乾遮那摩唎迦(二十四)啒蘇母婆羯囉路那(二十五)鞞爐遮那俱唎耶(二十六) 囉制婆(二+)跋闍囉俱摩唎(二+二)俱藍陀唎(二+二)跋闍囉喝薩多遮(二+三)毘 囉質多(+二)跋闍囉擅持(+三)毘舍囉遮(+四)扇多舍鞞提婆補視多(+五)蘇摩 嘘波(+x)摩訶稅多(+t)阿唎耶多囉(+<)摩訶婆囉阿般囉(+丸)跋闍囉商羯

(五十六)都爐雍(五十七)者都囉尸底南(五十八)揭囉訶娑訶薩囉南(五十九)毘騰崩 (四十二)都噓雍(四十三)瞻婆那(四十四)虎鈝(四十五)都噓雍(四十六)悉耽婆那(四十七)虎 件(四十八)都爐雍(四十九)波羅瑟地耶三般叉拏羯囉(五十)虎件(五十二)都爐雍(五十 二)薩婆藥又喝囉剎娑(五十三)揭囉訶若闍(五十四)毘騰崩薩那羯囉(五十五)虎針 烏鈝(三+<)唎瑟揭拏(三+九)般剌舍悉多(四+)薩怛他伽都瑟尼釤(四+1)虎鈝

(六十八)俱知娑訶薩泥帝啸(六十九)阿弊提視婆唎多(七十)吒吒甖迦(七十二)摩訶 都(セキ六)麼麼(セキセ)印兔那麼麼寫(一百七十八至此句稱名受持) 跋闍嘘陀囉(セ+二)帝唎菩婆那(セ+三)曼茶羅(セ+四)烏鈝(セ+五)莎悉帝薄婆 尼釤(六十五)波囉點聞吉明(六十六)摩訶娑訶薩囉(六十七)勃樹娑訶薩囉室唎 囉(六+)虎鈝(六+二)都嘘雍(六+二)囉叉(六+三)婆伽梵(六+四)薩怛他

那揭囉訶(三百二)迦吒補丹那揭囉訶(三)悉乾度揭囉訶(三)阿播悉摩囉揭囉 囉訶(九十七)毘舍遮揭囉訶(九十八)部多揭囉訶(九十九)鳩槃茶揭囉 +三)蘇波囉拏婆夜(九十四)藥叉揭囉訶(九+五)囉叉私揭囉訶(九+六)畢唎多揭 九)烏囉迦婆多婆夜(九十)剌闍壇茶婆夜(九十二)那伽婆夜(九十二)毘條怛婆夜(九 夜(八十三)会薩多囉婆夜(八十四)婆囉斫羯囉婆夜(八十五)突毖又婆夜(八十六)阿 **囉闍婆夜(++九)主囉跋夜(八+)阿祇尼婆夜(八+二)烏陀迦婆夜(八+二)毘沙婆 舍爾婆夜(<++)阿迦囉蜜唎柱婆夜(<+<)陀囉尼部彌劍波伽波陀婆夜(<++** 訶(四)烏檀摩陀揭囉訶(五)車夜揭囉訶(六)醯唎婆帝揭囉 首楞嚴義疏注經卷第十三 訶(七)社多訶唎南(八) 訶(二百)補丹

首楞嚴經長水疏

(三+人)雞囉夜彌(三+九)摩訶迦囉摩怛唎伽拏訖唎擔(四+)毘陀夜闍嗔陀夜 (++)阿翰遮訶唎女(+<)質多訶唎女(+h)帝釤薩鞞釤(二+)薩婆揭囉訶南(二+ 陀夜 陀夜 闍嗔陀夜彌(五十二)雞囉夜彌(五十二)毘咧羊訖咧知(五十三)難陀鷄沙囉伽拏般 彌(四十二)雞囉夜彌(四十二)迦波唎迦訖唎擔(四十三)毘陀夜闍嗔陀夜彌(四十四) 夜閣嗅陀夜彌(三十二)雞囉夜彌(三十三)那囉夜拏訖唎擔(三十四)毘陀夜閣 夜彌(二十八)雞囉夜彌(二十九)摩訶般輸般怛夜(三十)嘘陀囉訖唎擔(三十一)毘陀 **唎南(+三)闍多訶唎女(+四)視比多訶唎南(+五)毘多訶唎南(+六)婆多訶唎南** 揭婆訶明南(九)嘘地囉 雞囉夜彌(四+五)闍耶羯囉摩度羯囉(四+六)薩婆囉他娑達那訖唎擔(四+七)毘 夜彌(三+五)鷄囉夜彌(三+六)怛埵伽嘘茶西訖唎擔(三+七)毘陀夜闍嗔陀夜彌 一)毘陀耶闍嗔陀夜彌(二十二)雞囉夜彌(二十三)波唎跋囉者迦訖唎擔(二十四)毘 閣嗔陀夜彌(二十五)雞囉夜彌(二十六)茶演尼訖唎擔(二十七)毘陀夜閣嗔陀 閣嗔陀 夜彌(四十八)雞囉夜彌(四十九)緒咄囉婆耆爾訖唎擔(五十)毘陀夜 訶唎南(+)忙娑訶唎南(+二)謎陀訶唎南(+二)摩闍 5 0 8

迦地 +)**婆伽梵**(七十二)**印兔那麼麼寫**(二百七十二句至此稱名授持) 帝(五十四)索醯夜訖唎擔(五十五)毘陀夜閣嗔陀夜彌(五十六)雞囉夜彌(五十七)那 般帝訖唎擔(六十七)毘陀夜閣嗔陀夜彌(六十八)鷄囉夜彌(六十九)囉叉罔(七 唎擔毘陀夜閣嗔陀夜彌(☆+ □)鷄囉夜彌(☆+ □)毘多囉伽訖唎擔(☆+ □) 夜開嗔陀夜彌(六十四)鷄囉夜彌跋闍囉波爾(六十五)具醯夜具醯夜(六十六) 含囉婆拏訖唎擔(五十八)毘陀夜閣嗔陀夜彌(五十九)雞囉夜彌(六十)阿囉

薩婆補丹那弊泮(九十六)迦吒補丹那弊泮(九十七)薩婆突狼枳帝弊泮(九十八)薩 洋(九十二)薩婆那伽弊泮(九十三)薩婆藥叉弊泮(九十四)薩婆乾闥婆弊泮(九十五) 洋吒洋吒洋吒(八十五)娑訶(八十六)醯醯泮(八十七)阿牟迦耶泮(八十八)阿波囉提 囉(<+)頻陀囉頻陀囉嗔陀嗔陀(<+-)虎쓹(<+-)虎쓹(<+-)泮吒(<+四)泮吒 波囉婆悉普吒(++t)毘迦薩怛多鉢帝嗔(++八)什佛囉什佛囉(++九)陀囉陀 婆伽梵(++三)薩怛多般怛囉(++四)南無粹都帝(++五)阿悉多那囉剌 訶多泮(<+九)婆囉波囉陀泮(丸+)阿素囉毘陀囉波迦泮(丸+二)薩婆提鞞弊 首楞嚴義疏注經卷第十三 迦(セナ六)

(三百二)薩婆舍囉婆拏弊泮(二)薩婆地帝鷄弊泮(三)薩婆怛摩陀繼弊泮(四)薩 羯邏囉怛唎曳泮(二+六)迦般唎曳泮(二+七)阿地目質多迦尸摩舍那(二+八)婆 羯囉檀遲曳泮(二十二)幾怛唎曳泮(二十三)嘮怛唎曳泮(二十四)遮文茶曳泮(二十五) 瑟拏婢曳泮(+<)勃囉訶牟尼曳泮(+九)阿耆尼曳泮(二+)摩訶羯唎曳泮(二+1) 耶泮(+四)摩訶迦囉夜(+五)摩訶末怛唎迦拏(+六)南無娑羯唎多夜泮(+セ)毖 洋(+一)摩訶波囉丁羊叉耆唎弊泮(+二)跋闍囉商羯囉夜(+三)波囉丈耆囉闍 毘地夜遮咧弊泮(八)者都囉縛耆爾弊泮(九)跋闍囉俱摩唎(+)毘陀夜囉誓弊 婆毘陀耶囉誓遮陞弊泮(五)闍夜羯囉摩度羯囉(六)薩婆羅他娑陀鷄弊泮(七) 婆突溢比壓訖瑟帝弊泮(九十九)薩婆什婆唎弊泮(三百)薩婆阿播悉摩陞弊泮 私爾曳泮(二十九)演吉質(三十)薩埵婆寫(三十二)麼麼印兔那麼麼寫(三百三十二句至

地囉訶囉(三十七)婆娑訶囉(三十八)摩闍訶囉(三十九)聞多訶囉(四十)視毖多訶囉 突瑟吒質多(三十三)阿末怛唎質多(三十四)烏 閣 河囉(三十五)伽婆河囉(三十六)嘘

(六+) 刚佛帝揭囉訶(六+二) 闍彌迦揭囉訶(六+二) 舍俱尼揭囉訶(六+三) 姥 (四十二)跋略夜訶囉(四十二)乾陀 三)憚多翰藍(八十四)迄唎夜翰藍(八十五)末麼翰藍(八十六)跋唎室婆翰藍(八十七)毖 爐鉗(++九)目佉爐鉗(八+)羯唎突爐鉗(八+二揭囉訶揭藍(八+二)羯拏輸藍(八+ 帝迦(七十五)薩婆什伐囉(七十六)室爐吉帝(七十七)末陀鞞達爐制劍(七十八)阿綺 毖釤摩什伐囉(++1)薄底迦(++二)鼻底迦(++三)室隷瑟蜜迦(++四)娑爾般 迦醯 難地迦揭囉訶(六十四)阿藍婆揭囉訶(六十五)乾度波尼揭囉訶(六十六)什伐囉 揭囉訶(五十)囉剎娑揭囉訶(五十二)閉嗽多揭囉訶(五十二)毘舍遮揭囉訶(五十三) 訶(五+七)車夜揭囉訶(五+八)阿播薩摩囉揭囉訶(五+九)宅祛革茶者尼揭囉 吒翰藍(八十八)烏陀囉翰藍(八十九)羯知翰藍(九十)跋悉帝翰藍(九十二)鄔嘘 迎(六十七)暨帝藥迦(六十八)但隸帝藥迦(六十九)者突託迦(七十)昵提什 訶囉(四十六)般波質多(四十七)突瑟吒質多(四十八)勞陀囉質多(四十九)藥叉 首楞嚴義疏注經卷第十三 訶(五十四)鳩槃茶揭囉訶(五十五)悉乾陀揭囉訶(五十六)烏怛摩陀揭囉 訶囉(四十三)布史波訶囉(四十四)頗囉訶囉(四十五) 陀 堙 訶

吉知 (二十一)毘舍提(二十二)鞞囉跋闍羅陀唎(二十三)槃陀槃陀儞(二十四)跋闍囉謗尼 洋(二十五)虎許都爐甕洋(二十六)莎婆訶(四百二十七句) 帝殊槃曇迦噓彌(+七)般囉毘陀槃曇迦噓彌(+八)跢姪他(+九)唵(二+)阿那隸 丈者藍(+三)夜波突陀舍喻闍那(+四)瓣怛隷拏(+五)毘陀耶槃曇迦噓彌(+六) 剌吒(六)毖唎瑟質迦(七)薩婆那俱囉(八)肆引伽弊揭囉唎藥叉怛囉芻(九)末囉 迦(二)阿耆尼烏陀迦(三)末囉鞞囉建哆囉(四)阿迦囉蜜唎咄怛斂部迦(五)地栗 囉丈伽翰藍(九十六)部多毖路茶(九十七)茶耆尼什婆囉(九十八)陀突嘘迦建咄 輸藍(九十二)常 婆路多毘(九十九)薩般爐訶凌伽(四百)輸沙怛囉娑那 **釤娑鞞釤(+)悉怛多鉢怛囉(+□)摩訶跋闍嘘瑟尼釤(+□)摩訶般** ·伽翰藍(九十三)喝悉多翰藍(九十四)跋陀翰藍(九十五)娑房盎伽 羯囉(四百二)毘沙

方是正呪。 離諸惡鬼病等諸難。至四百十九。云跢姪他。此云即說呪曰。從四百二十唵字去。 此呪四百二十七句。前諸句數。但是歸命諸佛菩薩眾賢聖等。及敘呪願 如前云。 六時行道誦呪。 每一時誦一百八徧。 即正誦此心呪耳。

密印 義故 資受職。此亦如是。故自古來不令解釋。其本或有異同。皆是前後三藏中邊語異。 秘密之法。 通誦 力所加持故。但密誦即能滅大過。速登聖位。 。更為盡善。然此即是祕密首楞嚴也。自古不翻。略有五意。 小差。但依一本誦持。 如王印信。所往無所不通。 如婆伽婆具六種義。三或是鬼神王名。呼之勅以守護修行人故。 唯佛與佛自相解了。非是餘聖所能通達。二是總持門 無得揀擇 幽顯遵奉。 如王放洪恩。大辟咸赦。 佛佛相傳。不得移易故 0 一是諸佛密語 字句含多 有功者超 五不思議 四是諸佛

## 首楞嚴義疏注經卷第十三

首楞嚴義疏注經卷第十

四

首楞嚴經長水疏

長水沙門子璿集

5 1 4

呪 阿難 轉大法輪 生十方 -方如來 心 0 0 0 癸二叙呪功能二。子一明諸佛受持三。丑一持者成德三。 是佛頂光聚 坐寶蓮華 切 0 執此 諸佛 呪 0 0 十 應微塵國 ジ 0 -方如來 悉怛多般 0 降伏諸魔 0 0 + 因此 怛羅 方 0 如來。 呪 制諸外道 0 秘密伽 ジ 0 含此呪 得成 陀 0 + 無 寅一成 0 上正编 方 微 ジ 如來 妙章句 0 佛降魔説 於 微塵 知 0 乘此 覺 法 0 相。 出 國 0

此呪而成正覺。 故云蓋。從此流演秘密神呪。故云呪心。又是一切呪中之總要故。 悉怛多般怛囉 制諸魔外。 。云白傘蓋 應諸國土。 。即指藏心。不與妄染相應。 轉大法輪也。 故云白 無有一 編覆 佛不因 切法。

寅二授記拔苦事師相

地獄 事善知識 方蒙佛授記。十方如來。依此呪心 五陰熾盛。大小諸橫。同時解脫。賊難兵難。王難獄難。 方如來。持此呪心。能於十方摩頂授記。自果未成。亦於十 。餓鬼畜生。盲聾瘖瘂。怨憎會苦。愛別離苦。求不得苦。 。飢渴貧窮。應念消散。十方如來。隨此呪心 四威儀中供養如意。恆沙如來會中推為大法王子。 。能於十方拔濟羣苦。 0 能於十方 所謂

皆以呪心故得然矣。 授記則與樂。除難則拔苦。承事供養為法王子。即紹繼法王。令佛種不斷也。

⊙ 寅三攝親示滅付法相。

涅槃。十方如來。傳此呪心。於滅度後。付佛法事。究竟住持。 十方如來。行此呪心。能於十方攝受親因。令諸小乘聞祕密藏 不生驚怖。 十方如來。誦此呪心。成無上覺。 悉得清淨 坐菩提樹。入大

首楞嚴義疏注經卷第十四

首楞嚴經長水疏

付囑未來。使吾道不墜地者。無非呪功矣。 四飯諸子及餘眷屬。皆得出家。證小聞大。 不驚不怖。由攝受力。 成佛示滅

丑二指廣功能。

若我說是佛頂光聚般怛囉咒。從旦至暮。音聲相聯。字句中間 亦不重疊。 經恆沙劫 0 終不能盡。

秘密無窮。功能不盡。 以日繼時。用劫壽說。不可得矣

⊙ 丑三不持過失。

漢 亦說此呪名如來頂。 不持此呪而坐道場。令其身心遠諸魔事 汝等有學。未盡輪 迴 0 發心至誠 無有是處 0 取 阿羅

此呪總攝諸佛祕藏。具足萬行。是故學者不持此呪而得成道。不可得也。

⊙ 子二勸眾生受持三。丑一總勸受持。

素白氎 阿難。若諸世界。隨所國土所有眾生。隨國所生樺皮貝葉 。書寫此呪。貯於香囊。是人心昏。 未能誦憶 或帶身

上。或書宅中。當知是人盡其生年。 切諸毒所不能害

既無誦性。但寫帶持。一生諸毒終不能害。

○ 丑二別明功力二。寅一標。

間 阿難。我今為汝更說此呪。 智。 救護世間得大無畏 0 成就眾生出世

○ 寅二釋十一。卯一能除諸難。

鬼神 生。 露味。一切惡星并諸鬼神。 頻那夜迦諸惡鬼王。并其眷屬。 厭蠱毒藥。 若我滅後 火不能燒。水不能溺。 。精祇魔魅。所有惡呪。皆不能著。心得正受。一 。末世眾生。有能自誦 金毒銀毒。草木蟲蛇 磣心毒人。於如是人。 大毒小毒所不能害。如是乃至龍天 皆領深恩。常加守護 。萬物毒氣。入此人 。若教他誦 0 當知 不能起惡 如是誦持眾 口。成甘 切呪詛 0

諸毒惡鬼。 世間難事。 不能侵陵。令得正受者。 以威被神靈。慈心攝護 令

首楞嚴義疏注經卷第十四

5 1 7

5 1 8

其獲益。故領深恩常加守護。

首楞嚴經長水疏

⊙ 卯二能生諸智。

發彼神 得無疑惑 善男子 菩薩種族 阿難 生。於散亂心 。當知是呪。常有 識 0 。是人應時。心能記憶八萬四千恆河沙劫。 何況決定菩提心者。 0 一一皆有諸金剛眾。 。非三摩地 八萬四千那由他恆河沙。俱胝金剛 0 心憶口持。是金剛王。常隨從彼諸 此諸金剛菩薩藏王。 而為眷屬。 晝夜隨侍 精心陰速 周編了 0 設有眾 藏王 0

感召。 神識。速得開發。自然記憶河沙劫事。無不了知。陰。 散心持誦 令開發也。 。尚蒙擁護。況決定心求菩提者而不加護哉。既以菩薩精心 冥也。又速。召也 冥熏

⊙ 卯三不墮惡處。

從第 劫 0 乃至後身。 生生不生藥叉羅剎 0 及富單那 迦吒富

供養。劫劫不生貧窮下賤不可樂處 單那。鳩槃茶。毘舍遮等。并諸餓鬼。有形無形 如是惡處。是善男子。若讀若誦 。若書若寫 0 若帶若藏 0 有想無 想

落雜類。或生人中。亦非貧賤。以持尊勝法。故身尊勝也 第一劫者。發心修行之初時也。洎乎菩薩最後身時。故名後身 0 於其中 蕳

⊙ 卯四諸功德聚。

無量功德。 由是得於恆河沙阿僧祇不可說不可說劫。常與諸佛同生一處。 諸眾生。縱其自身不作福業。十方如來所有功德。悉與此 如惡叉聚。同處熏修。永無分散

雖不作福。受持力故。 佛與之福。既與同生。仍稟教行。 則何福 而不集乎

⊙ 卯五眾行成就。

是故能令破戒之人。戒根清淨 令得精進 0 無智慧者 0 令得智慧 。未得戒者。 0 不清淨者。 令其得 戒 速得清淨 0 未 進

首楞嚴義疏注經卷第十四

5 1 9

首楞嚴經長水疏

不持齋戒

自成齋戒

菩薩行門。隨行則具。今不行而備。蓋神呪之力。具足萬行。 斯言不誣矣

卯六輕重罪滅。

如猛風 眾 行道 阿難 間重罪 破弊衣服。 不淨。一切諸佛菩薩 破戒罪 。是善男子 誦持此 。吹散沙聚 及諸比丘比丘尼 無問輕重。 一行一住。悉同清淨 。持此 0 還同 。悉皆滅除 0 金剛 呪時 入壇行道 時銷 四棄八棄。 夭 0 0 滅 設 仙鬼神 更無毫髮 功德 0 0 犯禁戒於未受時 縱 縱 誦 經飲 0 無 不 此 - 將為過 呪 有異也 壇 酒 200 。食噉 0 不入 0 0 如是重業。 0 若造 道場 五辛 持 設著不淨 呪之 五 0 0 亦不 後 種 0

未受時者。未受呪時也。餘如文。

⊙ 卯七宿業銷除。

阿難 。若有眾生。 從無量無數劫來 所有 切輕重罪障 從前

莊宅園館 世來。未及懺悔。若能讀誦。書寫此呪。身上帶持。若安住處。 0 如是積業。 猶湯消雪。不久皆得悟無生忍

如湯之熾。虛妄業雪。向即消殞也。 生死既多。造業何算。未經懺悔。積至於今。皆為見道之重障矣。不思議力

卯八所求隨願。

或能身上帶此悉怛多般怛羅者。便生福德智慧男女 命終之後。隨願往生十方國土。必定不生邊地下賤。 即得長命。欲求果報速圓滿者。速得圓滿。身命色力亦復如是。 復次阿難。若有女人未生男女。 欲求孕者。若能至心憶念斯 。求長命者 何況雜形

命終尚能隨願往生諸佛淨土。況世間所求而不獲耶。

⊙ 卯九安其家國。

阿難 若諸國土州縣聚落 切 厄難之地 0 寫此 神 0 呪 飢荒疫癘 。安城 四 。或復刀兵 門 0 并諸支提 。賊難鬪 0 或 脫 闍

首楞嚴義疏注經卷第十四

首楞嚴經長水疏

5 2 1

522

上 其人民各各身佩。或各各安所居宅地。一切災厄。悉皆消滅 令其國土所有眾生。奉迎斯呪。 禮拜恭敬。一 心供養。

支提云可供養處 。脫闍云幢。尚能却業。豈不能除世間小難。故悉滅也。

⊙ 卯十年豐障消。

起。人無橫夭 阿難。在在處處。 五穀豐殷 五穀。謂麻黍稷麥豆。十億曰兆。聖法在處。尚無惡夢。況餘災橫耶。 兆庶安樂。亦復能鎮一切惡星。 。杻械枷鎖。 國土眾生。隨有此呪。天龍歡喜。 不著其身。晝夜安眠。常無惡夢。 隨方變怪 風 。災障不 雨順時

⊙ 卯十一惡星不入。

能 異。有此呪地 復有八大惡星以為其主。作種種形出現世時。 阿難。是娑婆界有八萬 。悉皆銷滅。 四千災變惡星。二十八大惡星而 十二由旬成結界地。諸惡災祥永不 能生眾生種種災

能作 八大惡星者。謂金木水火土羅計彗。雖有善宿。變即成災。 有此呪處。災不

○ 丑三結示益相二。寅一除障惱。

横宿殃 是 提。身心泰然。得大安隱 故如來宣示此呪 。舊業陳債。 。於未來世。 來相惱害 。更無一 保護初學。 切諸魔鬼神。 諸修行者。 及無始來 λ 三摩 冤

道。 激動而發。其可敵乎。非不思議秘密之功。莫能遣也。 世有修行心切而多障惱。蓋宿業耳。凡作世善。尚多違緣 況出 世心求成覺

⊙ 寅二獲心通。

所受戒主。逢清淨僧。於此呪心。不生疑悔。是善男子。 汝及眾中諸有學人。及未來世諸修行者。依我壇場。 父母所生之身。不得心通。十方如來便為妄語 如 法持戒 於此 0

心通者。通達位也。 如前一百日內有利根者獲須陀洹。即是生身得忍也。 勝

首楞嚴義疏注經卷第十四

5 2 3

5 2 4

緣若具。依法而行。不得忍者。 佛成虛妄。云何如來真實語者。

首楞嚴經長水疏

○ 壬三護持六。癸一金剛眾。

說是語已。會中無量百千金剛 如佛所說 0 我當誠心。 保護如是修菩提者。 0 一時佛前合掌頂禮。 而 白佛言 0

執金剛神。由護法故。亦護人也。

⊙ 癸二天王眾。

審有如是修學善人。 爾時梵王并天帝釋。 我當盡心 四天大王 0 0 至誠保護 亦於佛前同時頂禮。 。令其一生所 而 作 白 如 言 願 0

⊙ 癸三八部眾。

王 復有無量藥叉大將 白佛言。我亦誓願 頻那夜迦諸大鬼王 0 0 護持是人 諸羅 0 及諸鬼帥。 剎 王 。令菩提 。富單那 亦於佛前。合掌頂禮 心 王 0 0 速得圓滿 鳩槃茶王 0 毘舍遮 而

帥。將帥首領也。

⊙ 癸四天神眾。

官。 修行人。安立道場 復有無量日月天子 諸星眷屬。亦於會中。 。得無所畏 風師雨 師 頂禮佛足 0 。雲師雷師 0 而白佛言。 并電伯等。 我亦保護是 年歲巡

陰陽之精為日月 。風雨雲雷各有主者。逐年巡察世間善惡者。 名巡官也

○ 癸五靈祇眾。

無色界天 復有無量山神海神。 。得成菩提 0 於如來前 。永無魔事 切土地水陸空行。萬物精祇。 同 時稽首。 而 白佛言。 我亦保護是修行 并風神王

山嶽海瀆五土神等。天神地祇。 虚空水陸。 各有主者。 并物怪等

⊙ 癸六藏王眾二。子一述化意。

即從座起 爾時八萬 0 四千那由他恆河沙 頂禮佛足 0 而 白佛言。 0 俱 胝 世尊 金剛 藏王菩薩 0 如我等輩所修 在大會中 功業 0 0

首楞嚴義疏注經卷第十四

5 2 5

5 2 6

久成菩提 不取涅槃 。常隨此呪 0 救護末世 0 修三摩提正修行

首楞嚴經長水疏

以悲增故。不取涅槃。護法故。常隨持呪。

⊙ 子二敘護持。

求其方便 我以實杵殞碎其首 戲聚落。我等徒眾 世尊。如是修心求正定人 心樂修禪者。世尊。如是惡魔。若魔眷屬。欲來侵擾是善人者。 。終不可得。諸小鬼神。去此善人十由旬外。除彼發 0 。常當隨從侍衛此人 猶如微塵。恆令此人所作如願 。若在道場。及餘經行 0 縱令魔王大自在天 0 乃至散心遊

能集眾善。愚蒙罔知斯旨。見持呪者。往往興謗。謂非修行。 在制限。餘者皆制。此大神呪。本是修三昧者最上勝緣。故持此呪。能却諸惡。 而得成道度眾生矣。如上所說。請細覽之。以革斯弊。 欲界第六名大自在。即魔所居處。常惱修行。不令成就。若善心樂修 未有一佛不由此呪 即不

0 進乖源。既珠斷證。錯認少得便以為足。如第四禪寡聞比丘。妄認生謗。墮阿鼻 獄。事非輕小。故須明示。免招大過。文二。丁一阿難請問二。戊一述益。 滕劣不同。故歷五十七位。漸入漸深。不同外道天魔。都無位次。若不預辯。涉 證有分滿。用有優劣。苟昧斯旨。非真修行。墮增上慢。以我教中隨進德修業。 相濟。豈徒然哉。 大文第四 。示地位階差者。既解通行備。內德畢充。復假密言。外助道力。內 必序階位耳。然位有因果。惑有麤細。智有明昧。斷有淺深。

於諸漏 饒益 阿難即從座起。頂禮佛足。 心 。未求出離 。蒙佛慈誨。得正熏修。身心快然。獲大 而白佛言。我輩愚鈍。好為多聞 0

僻 快然獲益。其大矣哉 正熏修者。由持清禁。 復假密言。 內魔不興。 外障不起。 以此修禪 0

戊二正請。

世尊 為等覺菩薩 十 四心。至何漸 。如是修證佛三摩提 0 作是語已 次 0 得修行目 0 五體投地。大眾一心 。未 到 0 詣何方所 涅槃。云 何名為乾慧之地 0 。佇佛慈音。 入地中。云何名 0 四

首楞嚴義疏注經卷第十四

首楞嚴經長水疏

5 2 8

5 2 7

即分證果也。阿難雖知諸地之名。而未能辯名下之義。 四加行。名四十四心。即信解行地。名為修行。初地見道乃至等覺。名為證入。 示其不解。為未來耳 涅槃。最極果也。即位所至處。乾慧。最初因也。即位發基處。 修證行相。故此問也。 信住 行向及 即

0 丁二如來廣説二。戊一讚請許宣

默 無上正修行路。汝今諦聽。當為汝說 世一切眾生。修三摩提求大乘者。 爾時世尊。讚阿難言。善哉善哉 然受教 。汝等乃 從於凡夫。 0 阿 **|難大眾** 能普為大眾 終大涅槃。 0 合掌刳 。及諸末 懸示

刳猶空也。空其身心諸雜念慮。諦受法義也

真起。本性即虚。故有斷分。斷即成悟。悟有淺深。故成階降。 斯別。若不迷真。焉有斯佐。故須敘也。 戊二正為分別二。己一敘迷真起妄為左佐之因。然地佐之興。 文三。 庚一總顯迷悟二。辛 階降既分。名位 本由迷悟。 一真。

阿難當知。妙性圓明。 離諸名相。本來無有世界眾生。

真法界。本無地位也 佛及出世誰名。以眾生妄分別。有佛有世界。若了真法性。無佛無世界。斯則一 真之體。湛寂圓明。 非真非妄。名相都絕。生界斯泯。既眾生世界不立。

辛二敘二相。

提及大涅槃二轉依號 因妄有生。 因生有滅 。生滅名妄。滅妄名真。 是稱如來無上菩

以真如為迷悟依。轉此迷依以為悟依。故名轉依。是知菩提涅槃。因迷故有。 翻此生滅顯不生滅。即涅槃之號。對生滅立。生滅既滅。更無所依。故名轉依 此不覺。了本無生。即名為覺。此菩提之號。因不覺立。由迷有生。生必有滅。 真。菩提涅槃於斯立矣。二轉依號者。由初迷真念動。以至流轉。名為不覺。翻 惡。能止後念。令其不起。漸斷麤惑。以至細惑。無明永盡。悟極之處。即名為 生即有滅。念念遷流。展轉漸麤。以至業果。流轉三界。故名為妄。若知前念起 真體常住。本非生滅。不如實知真如法一。不覺心動而有於念。念即生相 首楞嚴義疏注經卷第十四

人因睡。即有覺名。此亦如是。非本一真。元有二果之異。通約諸位。有六種轉

首楞嚴經長水疏

依。如餘處說。

⊙ 庚二勸識妄因。

世界二顛倒因。顛倒不生。 阿難。汝今欲修真三摩地。直詣如來大涅槃者。先當識此眾生 斯則如來真三摩地

自歇。 不隨分別世間業果眾生三種相續。三緣斷故。三因不生。則汝心中演若達多狂性 上明三種相續。今明二種顛倒。以眾生顛倒。即攝業果故。 歇即菩提。不從人得。故云顛倒不生。即真三昧。 如前文云 汝但

⊙ 庚三別辯顛倒二。辛一總敘倒因。

阿難 。云何名為眾生顛倒。 性妄見生。 從畢竟無 阿難。 成究竟有 由性明 ジ 性 明 圓故 因 明

成所相。所既妄立。生於妄能。能即妄見也。能所二相。俱不離真。故云因明發 如來藏心。本性真明。周徧法界。故云性明圓故。 由此真明。從性發動 便

妄。 性。 性妄見生。元是一真。本來無相。忽然妄動。二相俄生。 故云成究竟有 此異相也 從無相真。 成有相

#### 有所有 0 非因所因 。住所住相 了 無根本

立因緣性。異既生同。同為能住 為同相之因。斯即前文如是迷因 因。復何根本。 同相也。此上異相為能有生。今同相為所有。異相本非有因。而得生起。 斯則二相畢竟無住。故云了無根本。 。異為所住 。因迷自有。下文亦云。妄元無因。於妄想中。 。故云住所住相。 此住所 住。 元既 而 無

## 本此無住。建立世界。及諸眾生。

種子。故起信云。以依不覺故心動。說名為業。以依動故能見。 犂耶識體。雖分同異。一念轉成微細生滅。全是無明。從此變起山河大地。根身 維摩云。從無住本。 無同異相也。依前同異以為根本。而得生起無同異也。以前二相。 立一切法。此即無明無因。故云無住 依能見故境界妄 正是無明。

辛二別明倒義三。壬一眾生顛倒二。 癸一因迷有相

迷本 圓明 是生虚妄 0 妄性無體 0 非有所依

首楞嚴義疏注經卷第十四

5 3 1

首楞嚴經長水疏 532

無同異中。熾然成異。故無體也 重指業相也。昧圓明真實。成能所虛妄。 能所妄動 0 本無因依。 妄想發生

## 將欲復真。欲真已非真真如性。

靜 但得影真。是虚妄心所變起故。故云已非真真如性 指轉相也。 由前動故。覺動希靜。嫌妄欲真。希欲既生 轉增迷倒。 不復元

### 非真求復 宛成非相 。非生非住。 非心非法

於中非心。 世間諸相也。其相體虛。故云非相。非猶妄也。此即總舉。非生下別列。 有故生。有而暫止故住。緣慮相續故心。染淨差別故法。體元不實 指現相也。已成虛妄。故云非真。而求於復。便現虛相 即是六麤中前二麤也 此即所變真影轉成 0 故皆言非 無而忽

癸二隨業受生。

相 轉發生 0 由是故有眾生顛倒 生力發 明 熏 以 成業 同業相感 0 因有感業 相滅

業 。 故相生。殺盜為因 憎 此後四麤也。由前心起分別。 愛二業各同 界趣。 0 故相滅。此即眾生業果二相續也 業感為因 展轉漸麤。 0 報應為果 執取計名 0 遂有相生相滅之報。 。造諸業行 0 故云熏以成 婬欲為因。

○ 壬二世界顛倒二。癸一明世界因起。

相涉 阿 非因所因 難 0 。云何名為世界顛倒。是有所有 變化眾生。 0 無住所住 成十二類 。遷流不住 0 因此世成 。分段妄生。 。三世 四方 因此 界 0 立 和 合

住 宛轉十二。變化有情亦十二也。 因能生果。果住於因。因果相生。遷流不斷。世由此立。三世四方和合相涉。 迷畢竟無。成究竟有。 有故立界。隔別不同 0 故云分段 非因 而 因 無住 而

● 癸二明顛倒相生。

是故 味 0 因味知 世界因動有聲。 法 0 六亂妄想成業性故 因聲有色 0 因色有香。 0 十二區分 因香有觸 0 由此 輪 0 轉 因 觸有 0 是

首楞嚴義疏注經卷第十四 533

故 世間聲香味觸 首楞嚴經長水疏 0 窮十二變。 為一旋復

> 5 3 4

四也。 煖。 摩 境與內根妄想。 由此區分。故成輪轉。是故下結成旋復 故成觸也。 則有火光。 內由動相 0 火則有氣。 外感風輪。 和合雜亂 觸分澀滑 與舌相對。 氣則香也。 故有聲現 由此造作一 0 切諸業。故成業性。 則有味生。 寶明生潤。 因空生搖。堅明立礙 。旋復亦輪轉也。聲香味觸。 五境合意 火光上蒸 業必有報。 0 0 故有色立 則名為法 由斯流水 略舉十二之 十二品類 0 0 0 此六塵 水有冷 金風 相

● 壬三類生差別三。癸一總標列。

色 情想相 乘此輪轉 有想無 因 0 想 顛倒 0 相故 若非有色。 。是有世界卵生胎 若非無色 0 若非有想 生 0 濕 生 化 0 生 若非無想 0 有 色無 0

首 情愛後起 形待不息。 0 有情世界不出十二。 次有胎生。異愛不同。次分濕化。想心紛擾。 動念初起。迷本圓常。影明遂現 取捨多端 故卵生居 0 成後諸

類。有色無色等。下自委辯。

⊙ 癸二別釋十二。子一動類。

阿難 沈亂想。如是故有卵羯邏藍。流轉國土。魚鳥龜蛇。其類充塞。 。由因世界虚妄輪 迴 動顛倒故 0 和合氣成。 八萬 四千飛

未分。魚鳥龜蛇。 萬四千。世間施設且舉此數。理則無量。羯邏藍者。此云凝滑。入胎初位 圓常理。成虛妄想。想氣和合。成於卵生。故動念為初。卵生居首。因茲種類八 世界初興。元由虚妄。虚妄故動。動即是風。風即氣也。故云和合氣成。迷 即飛沈類也。

○ 子二欲類。

由因世界雜染輪 如是故有胎遏蒲曇。 迴。 欲顛倒故。和合滋成。 流轉國土。 人畜龍仙 。其類充塞 八萬四千横豎亂想 0

違正因邪。故生横類。遏蒲曇云疱。胎卵分也。 雜染即愛。愛名為欲。欲故生潤。乃名為滋。橫豎者。 人行正道。豎首而行

首楞嚴義疏注經卷第十四 535

首楞嚴經長水疏

536

**o** 

子三趣類。

由因世界執著輪 如是故有濕相蔽尸 迴。 0 趣顛倒故。 流轉國土 0 和合煖成。 含蠢蠕動 。其類充塞 八萬四千 翻覆亂想

想者。 濕生。 由執著故。一心趣境。濕煖之處。與想相應。即便受生。故云煖成。 形尚柔軟。既不入胎。故無前位 因即違心背信。翻覆任情。遂感類生。飛走不定。蔽尸云軟肉。 以其初受 翻覆亂

子四假類。

如是故有化相羯南 由因世界變易輪 迴 0 假顛倒故。和合觸成。 流轉國土 0 轉蜕飛行。其類充塞 八萬四千新故亂想

云硬肉 風觸即堅。 不循仁義。厭故取新。但徇己情。愛彼忘此。假託不實。變受異身。又化生初質。 變易不常。假新換故。觸境之處。與想相應。即便受生。新故亂想者。 既無本形 因觸而立 。此取轉受異身。名之為化。故云轉蛻也。 羯南 因即

○ 子五障類

由因世界留礙輪 如是故有色相羯南 迴。障顛倒故。和合著成。八萬四千精耀亂想 0 流轉國土 0 休咎精明 。其類充塞 0

咎災祥之應耳。 為休。凶者為咎。 留礙為緣。障隔不決。苟逢明著。愛此受生。名色相羯南。星辰日月。 下至爝火蜯珠。俱此類耳。此等皆是有情變生。能與世間作休 吉者

子六惑類。

如是故有無色羯南 由因世界銷散輪 迴。 惑顛倒故 流轉國土 0 0 和合暗成。 空散銷沈 0 八萬四千陰隱 **共類充塞** 亂 想

頂。沈冥幽隱。即無色界外道之類耳。 銷散為緣。惑暗顛倒 。厭壞色相。 思無邊空。色盡心亡。厭空絕想。 乃至有

⊙ 子七影類。

由 如是故有想相羯南 因世界罔象輪 迴 0 0 影顛倒故 流轉國土 0 0 和合憶成。 神鬼精靈。 八萬四千潛結亂想 其類充塞

首楞嚴經長水疏 538

酬。必生其類。 因即外道凡夫。 虚妄影象。似有如無。 祈神禱祠 信憶則靈。 存形立影。終身奉事。志慕神通。精靈嚮附。因果相 絕信則否。蹈跡附影之類。皆從憶想所生。

子八癡類。

由因世界愚鈍輪 如是故有無想羯南 迴。癡顛倒故。 0 流轉國土。 精神化為土木金石。其類充塞 和合頑成。八萬四千枯槁亂想 0

華表。 隨境變。化物成身。用無識為真修。將頑愚為至道。乃至如劫毘羅化為石。 墮在世間。愚癡為本。既非覺了。頑鈍相成。或乃習定灰凝。思專枯槁。 土木精怪等。 並心祈報質。 非畢竟無情。報盡入輪。如無想天墮。

子九偽類。

**其類充塞** 由 如是故有非有色相成色羯南 因 世界相待輪 0 迴 偽 顛 倒故 。流轉國土。諸水母等。 0 和合染成 0 萬 四千 以 因 蝦為 依 亂 目 想 0

色相 附託因依 有情身內八萬戶虫。竝是此類。攬物成體。假食於他。不從自類受身。故名非有 因依假待 。遞倚形勢。資身養命。業果相循。 。虚偽不真。託穢成身。藉物為導。因即和合巧偽 如水母等。 以水沫成身。 。假故為新。或 以蝦為目。

○ 子十性類。

由是故有非無色相無色羯南。 由因世界相引輪 迴 。性顛倒故 流轉國土。呪詛 。和合呪成。八萬四千呼召 厭生。其類充塞 1 亂想 0 0

等 。 心口為殃。報招其咎耳。 以聲附卵。然後長養。非聲則壞。因即或由好著聲境。或是違誓。厭禱求生。 互相引調。誘以成性。呪詛更加 。召以為類。雖從聲感。假自性質。 如蝦蟇

○ 子十一罔類。

由因世界合妄輪 如是故有非有想相成想羯南 迴 0 罔顛倒故 0 流轉國土。 。和合異成 彼蒲盧等 。八萬四千 0 異質相成 迴 互亂 想 0

首楞嚴義疏注經卷第十 539

首楞嚴經長水疏 540

.

其類充塞

從他。謬繼別宗。妄襲餘族。 等是此類也。蒲盧。 交合虚妄。 誣罔相成 蜾蠃也。 。取異為同。迴他作己。元非想相。 取青虫為子。非己所生。 因果之應。感此類生。 推因或是違親認義 後假相成 0 即蒲盧 棄本

⊙ 子十二般類。

充塞 及破鏡鳥 由因世界怨害輪 如是故有非無想相無想羯南。流轉國土。如土梟等。 0 以毒樹果。 迴 0 殺 顛倒故 抱為其子。子成。 。和合怪成。八萬四千食父母想 父母皆遭其食。 附塊為兒 其類

子子孫孫 互有想愛。故云非無想相。後時成大。父母遭食。故云無想。土梟破鏡附塊抱果。 而生。怨中有愛。答。 冤對相讎。連環不止。託至親之父子。發至怨之殺害。豈不怪哉 。相成相襲。業使之然。非自然耳。問。既是怨對。無感生義。何得用 託質須資愛想。殺害由乎先業。愛想無常。 由業所運。 初生託質

始雖起愛。後變成憎。故遭其食。

⊙ 癸三結名類。

### 是名眾生十二種類。

如文。

首楞嚴義疏注經卷第十四

首楞嚴義疏注經卷第十四

5 4 1

5 4 2

## 首楞嚴義疏注經卷第十五

首楞嚴經長水疏

長水沙門子踏集

0 麤。遂成三相及二顛倒。又由世界和合相涉。根塵相對。成業性故。十二區分。 左地佐也。文二。辛一結前生後二。壬一結前顛倒因。 云。如淨器中除去毒蜜。以諸湯水并雜灰香。洗滌其器。後貯甘露。由此漸次以 污染真性。不得清淨。今欲轉染歸淨。返流復源。故左漸次修行以為對治。下喻 類生差別。流浪苦海如汲井輪。其猶空華。於湛精明。亂生亂滅。此皆塵勞煩惱 己二返妄歸真辯地佐之相三。庚初辯漸次修行者。前由無明動彼靜心。從細至

亂華發生。顛倒妙圓真淨明心。具足如斯虛妄亂想 阿難。如是眾生。一一類中。亦各各具十二顛倒 。猶如 捏 目。

復具十二。於妙圓中。皆是狂勞虛妄華相。 眾生妄心無始熏習。業苦種子。如恆河沙。何啻十二。八萬四千。故一 類。

⊙ 壬二生後漸次法。

汝今修證。佛三摩提。於是本因。元所亂想。立三漸次。 方得

除滅。 後貯甘露 如淨器中。 除去毒蜜。 以諸湯水。并雜灰香。洗滌其器 0

本無垢。亦無修證。既有修證。須具眾因。故此三種皆為本也 真心如器。顛倒即毒蜜。湯水等即戒定慧。洗滌即修習。甘露即無生忍。 若

辛二正辯修行二。壬一徵列。

性 云 何名為三種漸次 0 一者修習。 除其助 因 0 二者真修 0 刳其正

前問至何漸次。得修行目。今此第二正名修行。故云真修。

## 三者增進。違其現業。

是人即獲無生法忍 違而背之。苟三行漸著。功用漸成。六用不行。返流全一 解脱怨故。根塵偶對。流逸奔趣。正是無明現行業用。是故除而去之。刳而空之。 五種辛菜名為助因。以能資助煩惱業故。淫盜殺妄名為正性 。妙圓平等。身心快然。 。以是生死根本

首楞嚴經長水疏

5 4 4

**①** 

釋三。

云何 助因 壬二別 阿難 癸一除其助因二。子一總指食為助因。 0 如是世界十二類生。 不能自全 0 依 四

所謂段食。 觸食。 思食。識食。是故佛說 一切眾生皆依食住

思食 長養因。有攝益義。故名為食。如四食章 境識三和合。能引意識。相應觸起。觸對前境。能生喜樂。資益諸根及心心所故。 種。段謂分段。以欲界香味觸三。正消變時。有資益義。乃名為食。觸食。謂根 皆依食住者。食以資益諸根大種。心心所法。能生喜樂。相續執持。故有四 。謂意識相應。思與欲俱轉。於可意境。希望偏勝。有資益義故。識食謂第 由前三食緣助勢力。令此第八體有增勝。故能執持諸根大種。能與諸法為

子二別示食辛過患三。丑一勸令斷。

當斷世間五種辛菜。 阿難。 一切眾生。食甘故生。食毒故死。 是諸眾生。求三摩提 0

葱。 慈葱。蘭葱。興渠。是五性熱。氣葷味辣。修行者食。能殺法身。如食毒也。 皆名為甘。不正消變能壞身心。皆名為毒。五辛者。 謂大蒜

故須斷之。

⊙ 丑二示過患二。寅一現同鬼住。

是五種辛 彼食次。砥其唇吻。常與鬼住。福德日銷。長無利益 說十二部經。十方天仙 0 熟食發淫。生噉增志。如是世界食辛之人 。嫌其臭穢 。咸皆遠離 。諸餓鬼等 0 縱 能宣 因

天眾捨離。無益諸鬼同住也。唯增癡惑。失正真道。修三昧者豈不慎之 生死根本。無過婬殺。此五能助。復加葷穢。引諸邪惡。污清淨道。 故福

⊙ 寅二終作魔民。

是食辛人。修三摩地。菩薩天仙十方善神 王。得其方便。現作佛身。來為說法。非毀禁戒。 終自為魔王眷屬。受魔福盡。 墮無間獄 0 不來守護。 讚婬怒癡。 大力魔

以定福力。且順生報。其毀禁業。順後方受。故云福盡墮獄 臭辣葷穢非可聖意。故不守護。魔不持戒。而修邪定。及修世福 遂感魔宮。

首楞嚴義疏注經卷第十五

5 4 5

首楞嚴經長水疏

5 4 6

⊙ 丑三結成行。

阿難 0 修菩提者。 永斷五辛。 是則名為第一增進修行漸次

0 癸二刳其正性二。子一勸持戒二。丑一正勸止持三。寅一正明

永斷婬心 云何正性 0 不食酒肉。以火淨食。無噉生氣。 阿難。如是眾生。入三摩地。要先嚴持清淨戒律 0

盜殺妄。涅槃護譏嫌戒。與性重等。故須防微。免致大過。 性者。以過惡深於辛故。以火淨食者。以淺況深。生果尚須淨食。 正性者。此殺盜婬性是罪故。復是生死根本性故。然飲酒合是助因。 何況酒肉。 今為正

寅二反顯。

阿難。是修行人 豈有具諸功德出離之體。 。若不斷婬 而從婬盜殺妄中得。必不然也。 0 及與殺生 0 出三界者 0 無有是處 0

⊙ 寅三順結。

當觀婬欲。猶如毒蛇。如見怨賊。

毒蛇怨賊。能殺生身。不損法體。婬欲能損法身慧命。真修行者必須永斷

蛇。 如暴風。九如彗星。下文云。十方如來。色目行婬同名欲火。菩薩見欲如避火坑。 涅槃經說。菩薩觀愛有九種過患。一如債有餘。二如羅剎女婦。三如妙華莖有毒 四如惡食性所不便而強食之。五如婬女。六如摩樓迦子。 七如瘡中臭肉。八

⊙ 二教行次第。

先持聲聞四棄八棄。執身不動。後行菩薩清淨律儀 0 執 心不起

大海。是故一切菩薩。皆先學三乘。唯不究竟證於小耳。 此者。永棄佛法邊外。猶如死屍。大海不受。故名為棄。入大乘道而先學小者。 十輪經說。若不先學小乘。即學大乘。無有是處。乃至云。 比丘四重。尼復加四。謂觸八覆隨。故云八棄。梵云波羅夷。此云棄。謂犯 無力飲河池。

⊙ 子二明利益二。丑一遠多過累。

禁戒成就 。亦於世間。不還宿債 則於世間。永無相生相殺之業。 偷劫 不行 0 無相負

三緣若斷。三因不生。 故於世間不相酬報。 皆由持戒成就故爾

⊙ 丑二獲多神用。

首楞嚴義疏注經卷第十五

5 4 7

5 4 8

界。 是清淨人 親佛聞法。親奉聖旨。得大神通遊 。修三摩地 。父母肉身。 不須天 0 眼 十方界。 0 自然觀見十方世 宿命清淨 0

首楞嚴經長水疏

得無艱險 是則名為第二增進修行漸次 0

徹見三千界等 此同法華觀行持經。於現身中獲六根淨。文云。雖未得天眼。但用父母所生眼。 持戒清淨。魔事不生。觀行既成。故能發用。於父母所生之身。得相似五通。

⊙ 癸三違其現業三。子一返流全一。

云何現業。 不多流逸 阿難。 如是清淨持禁戒人 0 ジ 無貪婬 0 於外六塵 0

妄有取著 由前起後也。清禁既圓。觀行成就。於六塵境已知虛幻。終不信任隨流奔逸。

不行 因不流逸 0 旋元自歸。 塵既不緣 0 根無所偶 0 反流全一 0 六用

生。六用不起。唯一圓常 故上偈云。一處成休復。 正違現業也。既不隨塵。復歸元性。元性之中本無根塵 六用皆不成。塵垢應念消。 。妙覺明體。此同觀音圓通。 成圓明淨妙 生滅既滅 。夫何為偶。 0 寂滅現前也。 根境不

○ 子二獲無生忍。

### 方國土皎然清淨。 譬如琉璃 0 内懸 明月

世界清淨等。 璃明月。空假中也。故圓覺云。覺圓明故。 此敘證真相也。國土融真。 圓明體現。 故如琉璃內懸明月。 顯心清淨 0 心清淨故 清淨者空義。瑠 0 乃至一世界多

# 身心快然。妙圓平等。獲大安隱。

證此境。快然安隱。即分得涅槃安樂處也。 咸是妙明真心中物。今復本源。故身心世界妙圓平等。更無差別。法界一相。創 前則世界圓明。此則身心圓明。本由迷倒。身之與心。外洎山河。虛空大地。

## 一切如來密圓淨妙。皆現其中。

此獲勝德。即所證理顯也。現謂顯發。理智行三。名密圓淨。即涅槃三德也 首楞嚴義疏注經卷第十五

德中具一切法。三一無礙。故稱為妙。此三種法。 首楞嚴經長水疏 諸佛所證。 是佛果德

盡十方三世佛法。今日於此一念顯現。通達無礙。故云皆現其中

### 是人即獲無生法忍。

生忍。即同初住至等覺位 故名聖位。此則初漸次。 今經第三漸次便得此忍。**逈**異餘說。於此忍中。隨所證得。 持法無生理。決定不謬。境智相冥。名無生忍。華嚴初住。餘經初地。是得忍位 結能證也。真如實相。名無生法。無漏真智。名之為忍。得此智時。忍可印 正修觀行。第二漸次。觀成入似。第三漸次。既言獲無 不異而異。即立諸位。

) 子三結顯左位。

從是漸修。隨所發行。安立聖位。是則名為第三增進修行漸次 從此第三漸次。隨起何行。 隨行附義。 以立位名。 不離前來密圓淨妙境智行

也。 • 庚二明地位差別。夫論地位者。 皆是諸佛菩薩親證境界。 約斷伏次第。發真妙

用

功

力淺

以左佐次

。 起

信論云

0

相

似覺。

隨分覺

0

究竟覺

0

以

分地

前地

究竟。 華嚴經云。眾生妄分 涉長途 乾慧心。便是第三漸次 各是一意。若約天台 謂得無上覺道。不説地位 於地位。仁王云。若言越此地位 亦無迷悟 明。離諸名相。本來無有世界眾生。 究竟佐 佛涅槃。亦無 九。辛一乾慧地 法界平等。 。大品四十二位 。差別不同 又諸經論建左地佐 0 0 故無地佐可左 **灬涅槃佛** 里數 無說無示。而菩薩行佐 0 且圓頓大乘無過華嚴。 智度 0 0 此經五十七位 。遠 别 諸大乘經 圓教位次對今經者。有同有異。 0 。有佛有世 無生忍中 0 0 多少不同 離覺所覺 今顯佛法有不思議功德。曠劫修行。因圓果滿。方稱 此顯心真如 入大海辯 若説 得成佛者。是魔所説 0 0 。又云。寂滅 隨義建左。 此等令觀一真法界。本來平等。無修無證。 化平等法 下文復云六十聖佐 仁王五十一位。 終自炳然。故華嚴云 。若了真法 涅槃。 功用 門也。若依 淺 仁王。 不同天台入初 性 真如有 0 佛無 但遲速有異。 **الا**ر 0 同故地 無 瓔珞五十二佐。華嚴四十 瓔珞 生滅門。有迷有悟。 。此則異諸外道天魔 何漸次 眾生。 聖説 。不為鈍 0 大品 前 世界 住 時方 ?俱是 不同 。上文云 無地 0 0 八證佐 證無生忍 根下劣眾生説 法華等經 。或開或合。 0 云 可左。 。異故此 熾然修 妙性 。各自 。無 0 有 員

## 阿難。是善男子。欲愛乾枯

持戒清淨。遠離貪婬。故名初乾。 即斷煩惱障也。乾義有二。 欲盡故曰乾

首楞嚴經長水疏

552

二但慧故曰乾。今即初義

### 根境不偶。

由三昧力。返流全一。破所知也。

## 現前殘質。不復續生。

生。 盡此報身。更不相續。即生實報土也。此即惑業苦亡。無潤生理。即乾義也。 報障盡也。亡欲愛故無潤惑。根境不偶。 故無業性。縱有業苦種子。 無潤不

### 執 心虚明。 純是智慧。慧性明圓。瑩十方界。

義也。 戒定既圓 。從此發慧。 即轉前三障。純成智慧。慧光發明。瑩十方界 即慧

### 乾有其慧。名乾慧地

流 純成智慧。未沾果海法流之水。故受此名。此約無生忍中義說故爾。 不礙行布。下皆倣此 結名也。此即但有其慧。故前云純也。既云隨所發行安立聖位。故約欲枯返 真謂圓

⊙ 辛二十信佐二。壬一躡前總示

## 欲習初乾。未與如來法流水接。

果法 。此下總示。 躡前乾慧義也。創乾欲愛。果法未沾。 即用此心為信方便。 標如來者 顯是

# 即以此心。中中流入。圓妙開敷。

流入者。顯無功用任運而進也。以證中道。自然流入薩婆若海 相故。雙照二諦。無不真實。又此中智。念念相繼而進上位。故云中中流入 斷功能。故云圓妙開敷。此即於乾慧心。增明觀智 此標也。即用此乾慧中智。合中道理。理智俱中。故名中中。又離一切二邊 0 以為方便。 。此則更增一番智 得入十信

## 從真妙圓。重發真妙。

釋也。上句釋此心流入。下句釋圓妙開敷

⊙ 壬二正開十心十。癸一信心。

#### 信常住 一切妄想。 滅盡無餘 中 道純真 名信 Ú 住

以中道智。 首楞嚴義疏注經卷第十五 證法界一體三寶。於實德能。深忍樂欲。 冥合常住清淨妙心

首楞嚴經長水疏

是似解耳 真者。妙智決定。不偏不邪。是佛正因。不雜偽妄。故云純真。以不住法即住其 斷。始因迷覺成不覺。今既圓妙智發。翻不覺成覺。故云一切滅盡無餘。 為妙信。此信即理。亦名常住 中。故名為住。經中多說地住二位是發真處。今於乾慧信位立之。表是證真 。一切妄想滅無餘者。 即斷所知。 無明 住地一斷偏 中道純

⑤ 癸二念心。

### 真信明了 切圓通 0 陰處界三。 不能為礙

了三科法。無不是如也。無明妄想既亡。陰界自然解脫。故云不能為礙 躡前信心也。妙信常住。不偏不邪。純一真如。故云真信明了。 切圓通者。

前 如是乃至過去未來。無數劫中。捨身受身。 。是善男子。 皆能憶念。 得無遺忘。 名念心 一切習氣。 住 皆 現在

遠無近。所經未經。 妄想若存。陰界為礙。忘失煩惱。隨此而生。今既妄滅陰消。 一念現前。此即過去宿命。未來天眼。明記不失。故名為念。 過未如

⊙ 癸三精進心。

真淨。 妙圓純真。真精發化 名精進心 。無始習氣。通一精明。 唯以精明 進趣

能融通習氣。唯一精真。以真精智。進趣真淨行。故名精進 圓妙淨智。無二邊之雜。無妄想之偽。故云純真。現用自在 故云發化。 乃

⊙ 癸四慧心。

心精現前。純以智慧。名慧心住。

耳。 真精之心。明了顯現。 此現前心。純是圓智。 用名慧心 智之與慧。 左右言

⊙ 癸五定心。

執持智明。 周編寂湛 寂妙常凝 。名定 心 住

智照凝明。 無動無亂。 照而常寂。湛然不動。 故曰定心

⊙ 癸六不退心。

定光發明 0 明性深入 0 唯進無退 0 名不退心

寂定慧光互相明發。 於理於行唯深唯進。故云不退。

> 5 5 6

首楞嚴經長水疏

● 癸七護法心。

心進安然。保持不失。 十方如來氣分交接。 名護法心

寂照增進。不動不退。故云安然。保任護持。令此與佛冥然通合。故云交接。

由保持故。名為護法。

癸八迴向心。

覺明保持。 相對。其中妙影。重重相入。名迴向心 能以妙力 。迴佛慈光 。向佛安住 0 0 猶 口如雙鏡 光明

相。因果不二。互現互入。故云妙影重重相入名迴向心 佛慈光。此寂照因決能感果。無有乖失。故云向佛安住。 由前寂照。互相顯發。保持無退。妙用強勝。能感果德。因心中現。故云迴 果中現因相。 因中現果

癸九戒心。

心光密迴 。獲佛常凝 。無上妙淨。安住無為 0 得無遺失。名戒

#### 心住。

無。 也。此則定道圓融。離妄想染。故云戒心 故云無上妙淨。二邊不動。即無為作。 即寂之照。故曰心光。即照之寂。名佛常凝。此圓定慧 故云安住無為也。 得無遺失。 離二邊染。 戒圓明 斷性亦

⊙ 癸十願心。

#### 住戒自在 0 能遊十方 0 所去隨願 0 名願 心住

益。 故名願心。 戒根圓淨。過累不拘。 故云自在。 以此為足。 遊履十界。 妙用現前 隨欲利

⊙ 辛三十住佐十。壬一發心住

圓成一心。名發心住 阿難。是善男子。以真方便。發此十心。 0 心精發暉。十用涉入 0

前十信。以此十心。本是一性所具功德。 方便。空也。十心。假也。 一心 。中也。圓融妙慧 由妙慧發。令一 名真方便。 一心皆具十心。 由此妙慧發

首楞嚴經長水疏

558

名發心住 一多相即。唯是一心。心即祕藏。今於此藏開發顯現。以不住法。 即住其中。

⊙ 壬二治地住。

地住。 心中發明 0 如淨琉璃。內現精金。 以前妙心 0 履以成地 0 名治

一不異。以此妙心而為所依。然後出生無量德用。故名治地 琉璃。空也。精金。 中也。現即假也。淨寶精金。互相映現。 無礙融通。 不

⊙ 壬三修行住。

ら い 地涉知 0 俱得明了 0 遊履十方。 得無留礙 名修行住

邊之所住著。名無留礙 法界心地。即前一心。妙行能涉。妙智能知。 。此真修行。名修行住。 理智行三。自在圓融。 不以二

⊙ 壬四生貴住。

行與佛同 。受佛氣分。 如中陰身。自求父母。 陰信冥通。入 如

### 來種。名生貴住。

分入果智。密合果德。故云冥通入如來種 身自求父母者。以佛權實二智為父母。故維摩云。智度菩薩母。方便以為父。 智行微妙。冥通果德。故云行與佛同。自然合佛慈種。名受佛氣分。如中陰 既

⊙ 壬五方便具足住。

既遊道胎 0 親奉覺胤 0 如 胎已成。 人相不缺 名方便具足住

以自行化他。 一切種智具足成就。名人相不缺也

⊙ 壬六正心住。

# 容貌如佛。心相亦同。名正心住。

云。 佛心者。大慈悲是。此菩薩分得其用。名之為同。 一切種智。自利利他。相用顯現。名為容貌。無緣慈悲。名之為心。 故觀經

⊙ 壬七不退住。

身心合成。日益增長。名不退住。

切種智。慈悲相用。和合成就。任運增長。無有退屈。名為不退。 首楞嚴經長水疏 560

○ 壬八童真住。

## 十身靈相。一時具足。名童真住。

於佛。 業報 意生。福。法。智。此十妙應。如隨色珠。顯現自在。即是不思議種智之妙用 智體本具。隨障盡處而得顯現。既以權實二智。大悲熏修。功用頓顯。雖未全如 。眾生。及國土。又如來身自具十種 十身靈相。十身盧舍那也。謂聲聞。及緣覺。菩薩。如來身。法。智。空 分得此用。即一身現無量身也。華嚴云。雖未具足一切智。已獲如來自在 。謂菩提。願。 化。力。 莊嚴。威勢。

⊙ 壬九法王子住。

# 形成出胎。親為佛子。名法王子住。

子住。 身具足。故曰形成。 出因顯果。故云出胎。 堪任繼嗣 紹隆佛法。 名法王

⊙ 壬十灌頂住。

表以成人。如國大王。以諸國事。分委太子。 0 陳列灌 頂。 名灌 頂住 彼刹利王世子長

豎說。二無障礙。二經頗同。 相一時具足。此上皆明一位具諸位。即行布不礙圓融也。又華嚴明第十地菩薩 法輪。度眾生。當知此菩薩為如佛。今經云十用涉入 染如虚空。清淨妙法身。湛然應一切。亦同大品云。從初發心時。 故今十住方列灌頂。故彼經云。菩薩住處廣大。與虛空等。又云。初發心時便成 補佛處。堪任付囑。傳法利生。故如國王委政太子。陳列灌頂也。問。 方論受職。此經第十住明陳列灌頂者。即圓融不礙行布也。圓融即橫論。行布即 正覺。了達諸法真實之相。所有聞法不由他悟。具修十種智力。 圓融之教。二經頗同。以行布不礙圓融。故華嚴初住便能成佛。 初住菩薩即能成佛。教化眾生。何故至第十住。方名陳列灌頂。 行願內充。慈悲外發。德相漸成。化物功著。 首楞嚴義疏注經卷第十五 母是正后 身相具足 故無疑也。言陳列灌頂者。華嚴經云。轉輪聖王所 0 坐白象寶妙金之座 故云表以成人 。張大網縵 。圓成一心。又云。十身靈 表成佛耶 奏諸音樂。 究竟離虚妄。 圓融不礙行布 。於十方界 即坐道場。 准華嚴經 答 次 0

首楞嚴經長水硫 562

頂。故說受職。彼約究竟。此約分得。又無生忍中。一位具諸位。故得互說 諸佛智水灌其頂故。名為受大智職菩薩。彼明第十地方是受職。今此十住既名灌 大海水置金瓶內。王執此瓶。灌太子頂。是時即名受王職位。菩薩受職亦復如是。

○ 辛四十行佐十。壬一歡喜行。

阿難 名歡喜行 。是善男子。成佛子已。 具足無量如來妙德 0 十方隨順

無量佛德也。此之妙德。先未曾獲。今自具足。故云歡喜。二眾生受化故歡喜。 我又獲是圓通。修證無上道故。又能善獲四不思議無作妙德。既云不思議 順。以形以說 十方者。現十界身。利眾生也。隨順有二。 初二句結前。具足下正明。此有三義故歡喜。一具足無量佛德故 化隨 。此明能化隨順也。二菩薩現種種化 順也。 能所既皆隨順。 機應俱生歡喜。故以名焉 一眾生趣類不等。根行有異。 眾生隨順 0 受化 觀音云。 。即是

壬二饒益行。

善能利益一切眾生。名饒益行。

如上隨順眾生。即是善能利益。始能歡喜生善。終能破惡入理。故名饒益

⊙ 壬三無瞋恨行。

# 自覺覺他。得無違拒。名無瞋恨行。

利既兼。故無瞋恨。 自覺故。無明不能拒智。 覺他故。有情不能違化。障不能拒。物不能違。

⊙ 壬四無盡行。

### 種類出生。 窮未來際。三世平等。十方通達。 名無盡行

也。 故得窮未來際。 隨機隨感。 現種類身。盡未來際化復作化。三世下釋所以也。以知三世空寂 以達十方無礙。故能現種類身。若時若處。現化不絕。故云無盡

○ 壬五離癡亂行。

### 切合同 0 種種法門 0 得無差誤。 名離癡亂行

用 咸歸於理 現種類身 首楞嚴義疏注經卷第十五 即普現色身三昧。說無量法。不離四種辯才。若身若說。 華嚴云。 此菩薩於一念頃。得無數三昧。了知此之三昧。 皆是智 同

性。乃至得一切法真實智慧。是故能合種種法門。得無差誤。 首楞嚴經長水疏 由無差誤故離癡亂。 5 6 4

⊙ 壬六善現行。

### 則於同中顯現羣異。 一一異相各各見同。 名善現行。

法相。 知一切法同一法性。能作種種異說。而不失一性一相之旨。維摩云。能善分別諸 於第一義而不動。故名善現。 中現無量。故云於同現異。無量中現一 。故云異相見同。 身說皆然也。以

⊙ 壬七無著行。

### 如是乃至十方虚空滿足微塵 不相留礙 名無著行。 0 塵中現十方界 0 現塵現界 0

塵各不相妨。此即大小自在。 著謂住著。即留礙也。 塵現十方。是現界。不壞一 由此菩薩住不思議解脫。 故得此用 塵相 是現塵 世界微

⊙ 壬八尊重行。

種種現前 。咸是第一波羅蜜多。名尊重行

發現 現塵現界。現身現說。不相留礙。故云種種現前。 故云第 0 此之妙行超過一切諸 法門 故名為尊重 皆從圓融三德。般若之所

① 壬九善法行。

#### 如是圓融 0 能成十方 諸佛 軌 則 名善法行

如上所現。 無礙妙用 故云圓融。 一皆能合佛如來利生軌則 故名善法

⊙ 壬十真實行。

#### 皆是清淨無漏 0 一真無為 0 性 本然故 0 名真實行

是清淨真如。 思議妙行故。故此十行圓融無礙。即一論十。十不離一。故此最後即云。 智斷功用。念念與薩婆若相應。 他。無礙自在。圓融妙行 無方妙用。故云本然。以即體故。名為真實。 依真起用。用不離體 性本然故 0 0 一一皆破微細無明。顯佛智德。漸漸圓滿。有此十番 體即真如。 華嚴云。此菩薩行。與法界虛空等。 無漏清淨一真法界。 此之十行。皆是證真菩薩 此法界體。 以用諸佛不 本具如是 自利利

辛五 十迴向佐十。 壬一 救護一 切眾生離眾生相迴向

首楞嚴義疏注經卷第十五

5 6 5

5 6 6

阿難 。是善男子。 滿足神通。成佛事已 純 潔精真。 遠諸留患 0

首楞嚴經長水疏

己。 番智斷。皆是非證而證。 佛以度生利他為事業故。 結前十行也。依體起用。 不斷而斷。智本真故。惑本亡故 純潔精真。顯智德也。遠離留患。 故云滿足神通。自利利他。妙行無礙。故云成佛事 顯斷德也。

當度眾生 離眾生相迴 向 滅除度相。 迴無為心 0 向涅槃路。 名救護一 切 眾生

槃路 故。 不然者。豈有證真大士猶懷度生之相耶 未言滅除度相。 故云滅除度相 。結名可 此正明也。 。攝用歸體。 知。問。十行位中豈有度相耶 約用就體。 今此攝用歸體 名為迴向。涅槃果也。 0 般若經中亦同此說。亡緣之智。 能所俱亡。眾生相空。本涅槃故 。順寂滅義 路即理也。 0 ·。 答。 故除度相。 前即依體起用 名無為心 履以成地 約義雖異。為行頗同。若 0 能化緣生。 0 0 無作妙理 到究竟故 且論神通化 一。名涅

壬二不壞迴向。

# 壞其可壞。遠離諸離。名不壞迴向。

云不壞迴向 幻。亦復遠離 應當遠離一切幻化虛妄境界。故云壞其可壞 離遠離幻。亦復遠離。故云遠離諸離。得無所離。即合涅槃。故 。心如幻者。亦復遠離。遠離為

○ 壬三等一切佛迴向。

### 本覺湛然 0 覺齊佛覺。 名等一切佛迴 向

**覺**。 此則得平等覺。與諸佛同。故云等一切佛。 本性覺體未嘗起滅。故云湛然。 此湛覺體。 三世諸佛無二圓滿 故云覺齊佛

○ 壬四至一切處迴向。

#### 精真發明 地如佛地 0 名至 一切處 迴 向

名至一切處。 精真發明。 智顯也。 地如佛地。 理現也。智冥理體。無二無別。 智徧理徧

⊙ 壬五無盡功德藏迴向

世界如來。 互相涉入 0 得無罣礙 0 名無盡功德藏迴向

5 6 8

首楞嚴經長水疏

受用無盡也。 此菩薩得如來身及國土身。互相涉入。 無礙自在。 此是如來藏中諸功德法

○ 壬六隨順平等善根迴向。

平等善根迴向。 於同佛地 0 地中各各生清淨因。 依因發揮 0 取涅槃道。 名隨順

名曰善根。 萬德為萬行因。萬行為涅槃因。合理之行。行從理起。故云隨順平等。能生妙果。 故云清淨因。依於此因能起趣果之行。故云依因發揮取涅槃道。道即因也。此則 同佛地。如來藏也。即前地如佛地。本來具足無漏性德。此德能為萬行所依。

⊙ 壬七隨順等觀一切眾生迴向。

等觀 真根既成 一切眾生迴向 0 十方眾生皆我本性 0 性圓成就 0 不失眾生。名隨順

本性既圓滿成就。 句躡前也。十方下。正顯一切眾生皆我心性。心性無外。攝無不周 眾生皆爾 0 故云不失。此得同體大悲。是故然也

○ 壬八真如相迴向。

#### 即 切法 一切相 0 唯 與離 。二無所著 名真如 相 迴 向

諦 對文可見。此菩薩了一 如故即一切法。真故離一切相。此真如體亦不可得。 切法。即真法界。 無相可離 0 故云二無所著。 名為如相 亦即三

⊙ 壬九無縛解脱迴向。

#### 真得所如 0 十方無礙 0 名無縛解 脫 迴向

以無縛故。自在無礙。故云解脫。此解脫相。 初句攝前。十方無礙者。 既能即法離相 0 本性亦離 則不為心境諸法所繫。 。故皆無也。 故云無縛

○ 壬十法界無量迴向。

#### 性德圓成 0 法界量減 。名法界無量 一迴向 0

真法界。故云量滅。 聖法因義。故云法界。然有四種。謂事。 首楞嚴義疏注經卷第十五 此唯性德圓成 。於一真界無量可量 理。 理事無礙 事事無礙。 故云法界無量 今皆渾

首楞嚴經長水疏

證性德一一圓滿。成就不可算數邊涯故也。然此十位所有迴向不離三種。謂菩提 安立聖位。既言聖位。豈非證耶。 證聖性。不別而別。故分諸位 約增勝。立此名耳。然此諸位。皆於一無生忍中。隨所發行。義立別名。皆能圓 虚空量。盡迴與一切眾生。同向一究竟菩提。故名迴向。前後諸位非無此義。以 界。隨順法界。體用相稱。圓融自在。故華嚴云。此菩薩所修願行。等法界。如 實際。眾生也。今此且約向實際說。餘二含攝。此則依真起用。皆為趣向大涅槃 |。地前既爾。後位可知。前文云。此人即證無生法忍。從此漸修。隨所發行 。異而 不異。唯是一心。故涅槃云。發心畢竟二不

迴向後。備論四種妙圓加行。 順決擇分。若纓絡仁王華嚴等經。即合而不論。攝在第十迴向。难此經文具顯四 辛六加行佐。大小二乘。經論明言五佐。 。蓋以圓融之教一多無礙。只於一忍圓開諸位。 。然有開有合。不定明現。諸小乘論及大乘法相。 一切位。 一切佐一佐。 又此經文。前則圓融。後則歷別。 一多無礙。華嚴亦同。 謂資糧 不開則已。 即顯説 文二。壬一結前生後。 開則具明。 0 0 圓融中不礙行 四善根 習。究竟佐 故於十

阿難。 是善男子 0 盡是清淨四十 ジ 0 次成 四種妙 圓 加

行。 故此特云妙圓 餘處所說加行。屬內凡 加行 0 未證聖性故。 今經從乾慧地來。便名聖位。 何但加

⊙ 壬二正辯加行四。癸一煖ゟ

煖地 即 佛覺 0 用為己心 0 若出未出 0 猶 如鑽火 0 欲然其木 名為

久。 智 。 喻如煖。此約發智以顯也 即用佛果智為己因心也。 故云若出。 火喻佛覺。 佛覺。果智也 鑽喻加行 猶拘因相 0 如前文云 然猶未能離因顯果 0 。尚未能離 木喻因相。 。本覺湛然。 0 火出則木盡。覺現則因亡。亡因在即。 故云未出。 覺齊佛覺。 。故云若出未出 喻如鑽火。 精真發明 0 熱相先現 近於登地 地 如佛 0 將發此 火出不 地 故

⊙ 癸二頂佐。

又 以己心成佛所 名為頂地 履 0 若依非依 0 如登高山 身入虚空。 下有微

首楞嚴義疏注經卷第十五

首楞嚴經長水疏

此約離障以顯。 依。如身處虛空也。下有微礙。喻若依也。存二相故。二相即是障入初地無明也。 相合。未亡二相。故云若依。如在山頂。足有所履。將顯法界無所分別。 前以佛覺用為己心。即果辯因也。今以己心成佛所履。即因合果也。 雖因果 故云非

) 癸三忍佐。

心 佛二同 。善得中道。 如忍事人 0 非懷非出 名為忍地

道之相。故云非出。此約顯理以明也。 既亡。二邊不立。故云善得中道。此中道體 初則未亡因相。次則未亡果相。今因果二相融為一體。故云心佛二同 。將證不久。故云非懷。然猶未亡中

⊙ 癸四世第一佐。

#### 數量銷減 0 迷覺中道 0 二無所目。 名世第一 地

為似位 無所目。 迷覺是二。即因果也。中道是一 無所目故。名為銷滅。數量正屬世間。 以有所得故。初地見道。名出世間。今是世間最後邊際。故名第一 。所證理也。此名數量 今雖銷滅。若望初地證真 中邊不存。 故云二 猶名 此

證法身 上四位 行布。 俱空 故得以圓擬別而說 。故唯識云。以有所得故。非實住唯識。 後之二位。依印順無間二定。發四如實觀 。唯識中說。前之二位 由是此地名為世間 。依明得明增二定。發尋伺觀。 此皆歷別之談也。今經圓融不礙 印前二空等 觀名等四法 0 然皆有所得 。能所

⊙ 辛七明十地分十。壬一歡喜地。

### 名歡喜地 阿難。是善男子。 於大菩提。善得通達 。覺通 如來。 盡佛境界 0

修檀波羅蜜增上。言徧行者。以此真如。徧在一切諸行法中。而今證得。 識。離二取相故。又云。善達法界。得一真平等。乃至得徧行真如。離異生性障。 善達法界一真平等。離能所相。故唯識云。若時於所緣。智都無所得。爾時住唯 煙滅。故云善得通達。故此初地名通達位。盡佛 得自在故。名歡喜地。 菩提。佛覺也。 前則若出未出 華嚴仁王廣明其相。 0 如火前相。名之為煖。 境界。 今不具錄。下皆倣此 理顯也。以得無分別 今如火出木盡 自利利 智。

壬二離垢地。

首楞嚴義疏注經卷第十五

5 7 3

## 異性入同。同性亦滅。名離垢地

亦名異性入同。斷性亦無。方離微細破戒之垢。名同性亦滅。稱離垢地 所顯。名為最勝。以四無量心。行廣大十善。得性戒成就。於性重譏嫌平等無異。 既離對待。故名離垢。又此地證得最勝真如。 故云異性入同。此地對異之同亦不可得。故云同性亦滅。以若見於同。 前地於大菩提善得通達。離世間相。得正性離生。破異生性障。證一真法界。 離邪行障。 持戒波羅蜜增勝。性戒 即名為垢

⊙ 壬三發光地。

### 淨極明生。名發光地

故云明生。此地證得勝流真如 行忍辱波羅蜜增勝 成就勝定。大法總持。 破戒煩惱畢竟不生。故名淨極 謂此真如所流教法 於餘教中最為勝故 0 能發無邊妙慧光故 斷暗

⊙ 壬四焰慧地。

## 明極覺滿。名焰慧地。

由定發慧。慧光明泰。故云明極。 能破微細煩惱障盡。故名覺滿。 覺焰既增

不為我執所攝取故 故名焰慧。此地證得無攝受真如。謂此真如。由第六識。二身見等。 能斷微細煩惱現行障。 修習精進波羅蜜增勝

⊙ 壬五難勝地。

## 一切同異。所不能至。名難勝地。

真如。謂此真如。非如眼等是有別類故 非同非異。故云所不能至。極為殊勝。更無勝者。故云難勝。此地證得類無差別 真智唯一。故曰同。俗智差別。故曰異。真俗兩智 。斷下乘涅槃障 0 。行相互違。合令相應 修習禪波羅蜜增勝

⊙ 壬六現前地。

## 無為真如。性淨明露。名現前地。

明露。此地證得無染淨真如。謂此真如本性無染。 謂住因緣智。引無分別最勝般若。令得現前 修習般若波羅蜜增勝 亦不可說後方淨故。斷麤相現 智現理現 。故云無為真如性淨

⊙ 壬七遠行地。

## 盡真如際。名遠行地。

首楞嚴義疏注經卷第十五

首楞嚴經長水疏

5 7 5

5 7 6

如際。多劫修行。故云遠行。證得法無差別真如。謂此真如。雖多教法種種安立。 功用行。今至有相功用後邊。出過世間二乘道故。至此真如無相邊際。故云盡真 以第八地得一真如心。名無相無功用。故此第七地。從初發心。二無數劫加

而無異故。斷細相現行障。 修習方便善巧行增勝

○ 壬八不動地。

### | 真如心。名不動地

行障。 邊。名為不動。又此地中。無分別智。任運相續。相用煩惱不能動故。名不動地。 此地證得不增減真如。謂此真如。 非染非淨。故名為一 修願波羅蜜增勝 。離諸虛妄。故名為真。常住不變。 離增減執。不隨染淨有增減故。 故名為 斷無相中作加 如。

⊙ 壬九善慧地。

## 發真如用。名善慧地。

地 此地證得智自在真如。謂若證得此真如已。 依真如理體 。起無礙智用。成就微妙四無礙解 四無礙解得自在故。謂法義詞樂 。能徧十方善說法故。 名善慧

說也。謂此四種以智為體。名智自在。 斷利他門中不欲行障。修習力波羅蜜增上。

○ 壬十法雲地二。癸一標指。

#### 名修習位 阿 難 。是諸菩薩 0 從此已往 0 修習畢功 0 功德圓滿 目 地

至此五十五位。此第十地即是修習最後邊際。 此指二地已來至第十地 。云諸菩薩。以是五位之中第四位故 亦名此地名修習位 或 可總指從前

⊙ 癸二正顯。

# 慈陰妙雲。覆涅槃海。名法雲地。

謂若證得此真如已。得四自在。 佛地障在。未能始覺合本。二相尚存。故云覆涅槃海。此地證得業自在所依真如。 此三種亦云大定智悲。即涅槃三德。名祕密藏。今此位中。猶處修習之極。猶有 身。慈即悲也。能陰眾生。故曰慈陰。妙雲。智也。涅槃。理也。法身無相。唯 未得自在障。修智波羅蜜增勝 菩提心體。不離二種。 謂悲智也。從初修習。至此畢功 一三業。二五通。三總持 四禪定。 。融為果海。名為法 斷於諸法中

首楞嚴義疏注經卷第十五

○ 辛八等覺佐二。壬一正明。

#### 如來逆流 如是菩薩順行而至。 覺際入交。 名為等覺

華嚴不說。含在第十地中。故彼地中便明受職。是等覺也。唯識但破十一種障。 交際。只一剎那。故云覺際入交。此即解脫道前。無間道也。只於此處立為等覺。 從因入果。從生死入涅槃。故名順行而至。至極也。起應之始。行因之極。順逆 亦此意也。今此別出。意在圓融之中備顯行布耳 從真起應。返入生死。從果入因之始。故云如來逆流。果法聖智。即法流也。

壬二結顯。

#### 阿難。 從乾慧心 0 至等覺已 0 是覺始獲金剛 ジ 中

之初。 後微細無明。是此三昧最極邊際。力用滿足。別得名為金剛心也。此即妙覺入心 斷 雖從初心至此等覺。皆用金剛三昧。觀察諸法皆如幻等。然至此位 屬無間道。便名等覺。 佛地障。 即入妙覺也 故云始獲金剛心也。 即唯識說 。金剛喻定。

⊙ 辛九妙覺佐。

# 乾慧地。 如是重重。單複十二。方盡妙覺。成無上道

忍。 三德具足。名秘密藏 於十。故名為複。第十二位即是妙覺。名無上士。 更無過者。如十五日月。 世第一。等覺。妙覺。複即有五。 始從乾慧。終至妙覺。 圓滿無缺。故云。方盡妙覺成無上道。體即大般涅槃。 單複相兼。總有十二。單則有七。謂乾慧。煖。 謂信。住。行。向。地。以一一位中自具 無上士者無所斷故。無上士者

◎ 庚三結依行成佐三。辛一結用行。

是種種地 來毘婆舍那 0 皆以金剛 。清淨修證 0 觀察 。漸次深 如幻 十種深 0 喻 奢摩 他 中 用 如

若智。 無明惑。起行修證。故云金剛觀察也。 十種深喻。斯則始從漸次。終至佛果。 。空名惑絕。幻因既滿。鏡像果圓。清涼云。修習空華萬行。安坐水月道場。 指前五十七位。故云種種。於一一地。皆用金剛如幻三昧。觀察諸法 首楞嚴義疏注經卷第十五 一切斷證。皆如幻。燄。水月。 毘婆舍那。止觀雙運也。 皆由首楞嚴王。即觀之止。即止之觀 虚空。響。城。夢。影像。化等事。故云 故荊溪云。

降伏鏡像天魔。證得夢中佛果。皆此意也

○ 辛二結位次。

# 阿難。 如是皆以三增進故。善能成就五十五位真菩提路

五十五心名之曰路。由此能到菩提果故。即菩提之路也。 向 地。為五十。乾慧。煖。頂。忍。世第一。為五。菩提是果。即等妙二覺也。 增進即漸次也。故前文云。從此漸次安立聖位。五十五位者。信。住 行

⊙ 辛三結邪正。

#### 作是觀者。 名為正觀。 若 他觀者 名為邪觀

若言都無地位。但尚理是。斯同邪見。撥無因果。故名邪觀。仁王經中 說地位竟。即云若言越此而成佛者。是魔所說 行人若能依此修證。不斷而斷。無到而到。 此則名為真修行者。 故云正觀 -亦此料 揀。

周畢。此之法門。當流後代。 大文丙第五出聖教名殊者。上來諸文。 。文二。 一文殊問 須建經名。若無其名。 依解起行 何以召體 而 0 流布 因克果。 郭 0 此文

佛言。 爾時文殊師利法王子。在大眾中 當何名是經 0 我及眾生云何奉持 0 即從座起。 頂禮佛足。 而白

以流後代。一會能事 旁問見元。諸聖各說圓通。如來敕其揀選。洎今解行圓畢。 文殊智德。此會率先。阿難遭難登伽 0 歸此人也。 。佛令持呪往救 。大眾茫然失守。 因果克周。故問經名。 亦為

⊙ 丁二如來答。

方 佛告文殊師利 如來清淨海眼 0 是經名大佛頂 0 悉怛多般 怛羅 0 無上寶 印 +

大。 佛與佛乃能究盡。名無上寶印。三世諸佛。 云白傘蓋。藏心無染曰白。徧覆一 體也。佛。相也。頂光化佛。 此下五名。今是一也。以佛於無見頂放光化佛說神呪故。此表一心具體 名清淨海眼 。此上總約理智立名也 切曰傘蓋 即是用也。 以此明照諸法實相。 0 實相智慧是尊重法。楷定正邪。唯 細釋配法。即開題中 豎窮橫徧 。悉怛多等。 相用 0

亦名救護親因。 知海 度脫阿難 0 及此會中性比丘尼 0 得菩提心 0 A

5 8 2

首楞嚴經長水疏

海 證圓常理也。 二也。救護親因。總標也 此上約功用以立名也 。度脫下別顯也。得菩提心。發大乘意也。 入徧 知

# 亦名如來密因。修證了義。

凡小之所能知。故名為密。密即因也。三世如來以此法門為究竟說 此即約人法以立名也 三也。三世果人入祕密藏。以此為因。密之因也。又此大定具一 切行。 故名了 而非

#### 亦名大方廣 妙蓮華王 0 十方佛母 陀羅尼 呪

自在。諸三昧首。故名為王。生諸佛故名母。持善遮惡。總攝功德。 可思議。蓮華喻開佛知見。出煩惱礙智礙。 四也。曠兼無際故大。正法自持故方。稱體而周故廣。即三大義 也。 此約顯益以立名也 見佛性故。如出水開敷也 名陀羅尼。 也。 。又能於法 妙名不

### 亦名灌頂章句。諸菩薩萬行。首楞嚴。 汝當奉持

時雖隔越。 至後代。令眾開悟。即奉持也。上來明解辯行。由因致果。顯位差別。問名請奉。 名也。已上五名答初問也。汝當奉持者。答次問也。但依前五名。 一期周畢。斯則一會以終。合云。大眾聞佛所說。作禮而去已。慶喜再有請益 五也。法王委政之明教。故名灌頂章句。諸菩薩等已如上釋。 問且連環。故集經者。 約問從義。 合成一部。 由是未結作禮而去。 此約教行以立 如說而行。流

### 首楞嚴義疏注經卷第十五

首楞嚴義疏注經卷第十六 首楞嚴經長水疏

> 5 8 4

#### 長水沙門子璿集

 $\odot$ 時別異故。已如教迹前後中説。文分為二。 聞法增道。 大文丙第六辯趣生因異者。從此已下。即第二會再說經也。以阿難問所見現事。 丁初阿難問二。戊一敘得果二。己一

凝 兼聞此經了義名目。 說是語已 0 斷除三界修心六品微 0 即時 阿 難及諸大眾 頓悟禪那 細煩惱 0 0 修進聖位。增上妙理 0 得蒙如來開示密印 般 但囉義 0 心慮虚 0

欲界一地九品中前六品惑。證第二果。二果身中。 意令生。若依小乘。亦於九地各分九品。然約四果。地地別斷。故初果身中。斷 俱生煩惱三界九地雖各分九品。若智增者。入地永伏。至佛方斷。若悲增者。故 妙理。漸明智照。故云心慮虛凝。俱生難除。故云微細。言六品者。依大乘說 獲真三昧。故云頓悟禪那。得斯陀含。故云修進聖位。深證滅諦。故云增上 斷下三品。 證第三果。三果身

中。 斷上二界七十二品。 即得羅漢。今證二果。故斷六品也。

⊙ 己二歎佛述益。

音無遮。善開眾生微細沈惑 即 從座起。 頂禮佛足。 合掌恭敬 。令我今日身心快然。得大饒益 0 而 白佛言。 大威德世尊 慈

增進聖位。故云饒益 修道所斷行相難了。故曰微細。無始俱生。故曰沈惑。疑網消除。故云快然。

戊二述所疑二。己一正陳疑問二。庚一總問 諸趣

為是眾生。妄習生起 有地獄餓鬼。畜生修羅。人天等道。世尊。此道為復本來自有。 蠕動含靈 世尊。若此 0 本元真如。即是如來成佛真體 妙明 。真淨妙 ジ 0 本來徧圓。 如是乃至大地草木 0 佛體真實。云何復 0

化相 此疑由前佛語阿難。今汝諸根若圓拔已。 如湯消氷。應念化成無上知覺。斯則一 人成佛。器界有情一時成佛。 內瑩發光。如是浮塵及器世間諸 如來

首楞嚴義疏注經卷第十六

5 8 5

首楞嚴經長水疏 586

即是眾生虛妄造業。虛妄受生。菩提心中猶如空華。妄見生滅。故下文云。汝妄 覺。若言眾生妄習生起。妄習如何得生起耶。生起之相其義云何。若據如來答意。 是本來自有。云何前言清淨本然。本來無有世界眾生。亦不可言一人成佛依正融 今日成佛已久。不合更有器界趣類。故云佛體真實。云何復有地獄等道。此道若

則約依報為首。以難清淨本然。故佛釋疑。蓋由強覺妄分能所。遂成三種相續。 自造。非菩提咎。問。此與滿慈所疑何別。答。前疑理本清淨云何忽生山河大地。

別。則約正報為首。以難果佛唯真。真合無此七種差異。又徵。此道為本有耶。 從妄見生。因此虛妄終而復始。此疑佛今成果。一切合融歸覺。云何更有七趣差

為妄起耶。意欲如來廣明因果。雖皆虛妄。善惡業緣。受報好醜。終不差忒。令

諸眾生明信因果。不入邪見。前文但云從妄見生。 因果。今此辯析。 因果昭然。 則知前難意顯真諦。 一體虛妄。諸鈍根者便謂都亡 今疑意明俗諦。前後相濟。

⊙ 庚二別問地獄。

成圓了

。即前圓解之義殘也

如寶蓮香比丘尼 持菩薩戒 0 私 行婬欲 0 妄言行婬非殺

非偷 為復自然 善星妄說 火燒然。墮無間獄。琉璃大王。善星比丘。瑠璃為誅瞿曇族姓 。無有業報。發是語已。先於女根生大猛火。後於節節猛 一切法空。生身陷入阿鼻地獄。此諸地獄。為有定處 彼彼發業。各各私受。 0

分。非無定處。 自然。因緣。私受。同受。下文結云。不斷三業。各各有私。因各各私。眾私同 琉璃緣如本經。為有定處下。問意有六。文見於三。六者。謂有定處。無定處。 寶蓮香事未檢所出。意謂殺盜有對。邪行無對。故云無報。 善星事出涅 槃

○ 己二請說申益。

戴 唯垂大慈。發開童蒙。令諸一切持戒眾生。 0 謹潔無犯 聞決定義。 歡喜頂

果虚妄。猶如空華。 幼小曰童。情昧曰蒙。阿難自鄙無有大智。願垂開發也。諸持戒者。 則持戒何益 。苟示決定義門。必令謹潔無犯 若聞因

首楞嚴經長水疏

5 8 8

⊙ 丁二如來答二。戊一讚請許宣。

說 佛告阿難 0 快哉此問 0 令諸眾生不 A 邪見 0 汝今諦 聽 當為汝

問。 頗稱佛心。故歎快哉。 即俗而真。 唯一妙覺。 自除邪見耳 即真而俗。因果不亡。此義雙融。 方為圓了 阿難所

0 戊二正為分別三。己一約情想以總明三。庚一總開二分二。辛一標列

阿難 内分外分 切眾生。 實本真淨。 因彼妄見。 有妄習生 0 因此 分開

云因彼妄見。有妄習生等 返此三種。又則出生無殺盜婬。有名鬼倫。無名天趣。 文云。此等眾生不識本心。受此輪迴。經無量劫。不得真淨。皆由隨順殺盜婬故。 本來成佛。故云實本真淨。返本者雖爾。其未返者。各依見妄。造業受報。故下 諸法本真。未嘗生起。 由念分別。見諸法生。苟能離念。 有無相傾。起輪迴性。故 即見眾生山河國土

○ 辛二正明二。壬初內分約情二。癸一釋相。

能生爱水 阿難。內分即是眾生分內。 因諸爱染。發起妄情。情積不休。

生。故如水也。外由內感。故有水輪徧十方界。 愛染之情。正是眾生生死根本。名為內分。 分亦因義 情愛沈下 能潤業受

盈 是故眾生心憶珍羞。 然流液 0 貪求財寶。 心發爱涎 口中水出。心憶前 0 舉體光潤 0 人 心著行婬 0 或憐或 0 恨 男女二 0 目 根自

情染。 此引事驗也。 內有情染。 外現其事。 億即是念。 故皆流水也。 明記為性。念有憎愛。 故分憐恨。 由愛起憎。 不離

⊙ 癸二結成。

謂縛著。 所愛之境雖別 阿難。諸愛雖別 因既不 0 升 能爱之心是一 。流結是同。 0 果亦從墜。 潤濕不升。 0 故云流結是同 自然從墜。 。流謂沈下 此名內分 結

首楞嚴經長水疏

5 9 0

⊙ 壬二外分約想二。癸初釋相。

能生勝氣 阿難 外分即是眾生分外 0 因諸渴 仰 0 發明虛想 0 想積 不 0

不屬於情。乃是眾生分外之事。故云外分。氣謂氣色也。 眾生生死本分由情。 情著染境。因是從墜。今以淨境為所欲處。 但由其想

夭 是故眾生心持禁戒。舉身輕清。心持呪印。 。夢想飛舉。心存佛國。聖境冥現 0 事善知識 顧 盼 雄 0 自輕身命 心 欲 生

由想故有也。毅。果敢也。 引事驗也。身輕清。顧雄毅。夢飛舉。聖境現。輕身命。此五皆是殊勝氣色。

⊙ 癸二結成。

阿 難。 諸想雖別 0 輕舉是同。 飛動不沈 0 自然超越 0 此 名外分

忻外勝境。 不由情染。想既輕清 。自然飛動。 報當超越也。已上總而略明。

未細分別善惡。

庚二別辯趣生二。辛一總明業緣逆順

未捨煖觸 阿難。一切世間生死相續。生從順習。死從變流 一生善惡俱時頓現。 死逆生順 。二習相交 。臨命終時。

生死交際。風火未散。平生行業善惡因緣。此時俱現。強者先牽。 業能感果。生即順感。由因致果也。故云順習。死即反此。無生長義。故云變流 習。死從變流。變猶逆也。又受胎時。三處皆順。故得生也。死則無此。二約業。 順逆有二。 一約情。 一切眾生好生惡死。生即順情。死即逆情。故云生從順 即隨生處。

⊙ 辛二別明情想昇沈五。壬一明純想。

鈍想即飛 心開。見十方佛 0 必生天上。若飛心中。 。一切淨土。 隨願往生。 兼福兼慧 0 及 與淨願 自然

如觀經說 戒兼修福慧。發見佛願。深厭三界。必生淨土。見十方佛。即獲法忍。 此有二類。若唯有想。不兼福慧。即但持戒。而厭此身。必生天上。 故云心開。 若於持

⊙ 壬二情少想多

首楞嚴義疏注經卷第十六

5 9 1

羅剎。遊於四天。所去無礙 情少想多 0 輕舉非遠。即為飛仙。大力鬼王。 飛行夜叉。 地行

首楞嚴經長水疏

定。墮三塗耳 不修戒慧。但修邪定。不持戒故墮鬼神道。以修定故有大神通。差別之因 上說。仍是想多情少。此中仙鬼等四。可以九八七六想配之。若情多者。 想多故飛行自在。情少故受仙鬼形。此之等類。多因邪想。 不正修行 必無戒 0 即是 如

其中若有善願善心 隨持呪者。或護禪定 。護持我法。或護禁戒 。保綏法忍。是等親住如來座下 隨持戒人 0 或護神

習故毀禁。知過故發願。亦是乘急戒緩者。故能於八部身而見佛耳。 此想多中仍兼善願也。雖不持戒。且有定願。護持戒呪及禪定者。 斯則由宿

⊙ 壬三情想均等。

情想均等。 不飛不墜。 生於人間 0 想明斯聰 斯 鈍

不升為天仙。不墜落三塗。仍於均等之中。想或稍強。 根必聰慧。 情或稍重

根必暗鈍。雖同人類。亦由情想有此差異。即別報也

⊙ 壬四情多想少。

#### 情多想少。 流入横生。 重為毛羣 0 輕

獸。故曰毛群。若想稍強。身為飛禽。故云羽族。細論差別。如類生中及下 焚燒。水能害己。無食無飲 七情三想。 若望下文。此當六情四想也。橫生。旁生也。然有輕重。若情稍重。 沈下水輪。生於火際。受氣猛火。 0 經百千劫 身為餓鬼 0 -文說。 常被

遇成火而燒其身。故云害己。 力故。受猛火氣以為身也。故常被燒。節節火起。水能害己者。苦於無水也。苟 火際者。餓鬼所居處也。水輪向下至火輪際。近地獄也。受氣猛 火者 由業

九情一想。下洞火輪。身入風火。二交過地。 。二種地獄 輕生有間。 重生

二交過地者。風火二輪交際之處。 即正是七熱地獄處也 ·於九情· 中稍減者

首楞嚴義疏注經卷第十六

名輕。即八情者。墮有間。稍增者名重。入無間。 正九情也。此言無間 約受苦

首楞嚴經長水疏

說。然此無間。對前有間得名。以是第七熱地獄故。下即第八五無間獄 別名阿

鼻。最極重也。

⑤ 壬五純情。

法 純情即沈入阿鼻獄。若沈心中。有謗大乘。 。虛貪信施 。濫膺恭敬 0 五逆十重。更生十方阿鼻地獄 毀佛禁戒。 妄說

也。 **令無量人。墮邪見故** 增減為一中劫。既言無數。 具足一劫。劫盡更生。如是展轉至無數劫。俱舍論說。 乘下。諸罪最重。由是更生十方阿鼻。法華云。若謗此經。其人命終入阿鼻獄。 若依俱舍。業報無間。以造此罪。必墮地獄。更無餘業餘生能間隔故 阿鼻此云無間。即第八獄也。此具五種。謂受罪。苦具。身量。劫數 此世界壞。即往十方阿鼻也 阿鼻地獄壽命中劫 以謗法罪。 。 二 十 。壽命

⊙ 庚三結由自業。

循造惡業 雖則自招 0 眾同分中 。兼有元地

眾名不一 輕重受報不同。名差別同分。今云元地。即差別也。 有差別同分。 隨順造惡。故受苦報。惡業不同。受報亦別。故云自招。眾同分中有元地者 同是一義。眾有相似。同立分名。造業同者。共中共變。 無差別同分。同業共感眾多苦具。同受此苦。名無差別同分。若隨 俱舍論說。

己二就業報以別辯七。庚初地獄三。辛一結前生後。

### 阿難。此等皆是。 彼諸眾生自業所感。 造十習因。受六交報

指惡業。即由十使煩惱。於六根門。發識造業。洎受其報。從六根出。報與業交。 故云交報。同受地獄 由乎情想。妄集諸業。隨業善惡。或升或墜。故云自業所感。十習因者。別 即引業招。六根別受。即滿業致。 俱是眾生妄情習造耳。

○ 辛二徵起別辯二。壬一十習因十。癸一婬習。

#### 云何十因。

除婬習是所發之業。餘九皆是能發之惑。惑有根隨。下文自指。 總徵也。發業有二。一正發。 即無明。二助發。 即餘惑俱分別也。 此下十段。文皆 今此十因。

首楞嚴義疏注經卷第十六

阿難 。一者婬習交接。發於相磨 。研磨不休。 如是故有大猛火

5 9 6 5 9 5

首楞嚴經長水疏

光。於中發動。如人以手。自相摩觸 。煖相現前

互相偶合。故云交接。內外相發。遂成欲火。喻顯可知。 由因致果。此即正是所發業也。具足貪癡。生死輪迴斯為其本。 內根外境

# 二習相然。故有鐵牀銅柱諸事。

坑 是故十方一 身。從其所觸。現諸苦具。皆是自業所熏。分其二習。自相刑害耳。他皆倣此。 以於欲境起顛倒心。生自他樂想。因此業種。後感其報。從其能觸。 二正感果相。根境兩具。故云二習。能觸所觸。皆是我心互相熏習。 如來。 色目行婬 0 同名欲火 菩薩見欲 現地獄 避火

三結示過名。 火能變壞一切世間。 欲能破滅出世善法。是故行者應當遠離

癸二貪習。

二者貪習交計 0 發於相吸 0 吸覽不止。 如是故有積寒堅氷

# 中凍冽。如人以口吸縮風氣。有冷觸生。

遂成凍冽。此釋貪久成業以致果也。喻文可見。 著故。種種計校。求取前境。故云交計相吸也。貪取不止。如水結氷。堅住不散。 由因致果也。貪即是愛。根本之數。正能潤生。於有有具。染著為性

# 二習相陵 。故有吒吒。波波。羅羅。青赤白蓮。寒氷等事

之。相陵。侵陵也。 舍云 嚯嚯婆。此三從聲。欝鉢羅等三。即青白紅蓮。此三從色。以寒之彌甚。身色如 正顯果相也。由因感果。由內感外。吒波羅等。忍寒聲也。即八寒地獄 頞部陀者。此云疱。尼剌部陀。此云疱裂。此二從相。阿哳吒。唬唬婆。 。俱

是故十方一切如來。 色目多求 0 同名貪水。菩薩見貪。 如 避瘴

慧命。 結示過名。 如有瘴之海 貪能滋潤 0 滋長惡法。 如今之有泉。 飲之則貪也。 復能損害法身

首楞嚴經長水疏

5 9 8

•

癸三慢

目我慢。名飲癡水。菩薩見慢。如避巨溺 灰河。熱沙。毒海。 波為水。如人口舌自相縣味。因而水發。二習相鼓。故有血河。 三者慢習交陵。 發於相恃。 融銅 0 灌吞諸事。是故十方一切如來 馳流不息。 如是故有騰逸奔波 0 色

之相也。血河等事。皆所感報。由內致外。因果相稱耳。飲之迷倒。故名癡水 西國有之。巨溺可 三段如前。恃己陵他。高舉為性。故名為慢。今云交陵相恃。馳騁流逸 知

#### 癸四瞋習。

動 如是故有刀山 四者瞋習交衝。 二習相擊。 色目瞋恚 鐵 故有宮割 橛 發於相件 0 0 劍樹劍輪 名利刀劍 0 0 斬斫 件結不息 0 斧鉞 。菩薩見瞋。 0 剉刺 鎗 0 鋸 0 ジ 槌擊諸事。 熱發火 0 如 如避誅戮 人銜冤。 0 鑄氣為 是故 殺氣飛 十方

刑之笞杖類也。如劫末時。人起猛利瞋心。所執草木皆成刀劍。非內心之所感乎。 刑之二也。斬斫剉。皆新之死刑。 結成熱惱 於諸苦具。增恚身心。熱惱居懷。性不安隱。已上皆根本惑攝。互相衝忤 。熱惱不息。氣忿成堅。 刺 故感金石等事。橛。 。即古刑之墨也。 今流罪有之。 繫罪人杙也。 宮割 槌擊 。秦五

癸五詐習。

諸事。是故十方一切 如畏豺狼 水浸田。草木生長 五者許習交誘。發於 0 二習相 如來 相 調 0 0 延 引 色目姦偽 起 0 故有杻 不 住 0 0 械 同名讒 如是故有 0 枷 賊 鍞 繩 0 0 鞭杖 菩薩見詐 絞 0 校 檛棒 0 0

良善 水浸田 友正教誨故。此隨數也。 。矯設方便。遞相誘引。故云交誘。繩木絞校。 詐謂諂曲。罔**冐**於他。矯設異儀。險曲為性。或取他意。或藏己失。不任師 豺。 狗足群行。 舌有逆刺。狼。銳首白頰。 今云發於相調。引起不住。正是此也。 所感苦具也。長惡滋蔓。如 大尾長胡。 姦詐多端。 似犬也。姦偽敗 或亂

5 9 9

600

首楞嚴義疏注經卷第十六

首楞嚴經長水疏

正。

猶如讒賊。

⊙ 癸六誑習。

溺 土屎尿。 同名劫殺 六者誑習交欺。發於相罔 。騰擲 穢污不淨。 0 0 菩薩見誑 飛墜。漂淪諸事 如塵隨 0 如踐蛇虺 0 誣 風 0 是故十方 罔不 。各無所見 止。飛心造姦 \_ 切 0 二習相 如來 0 0 色目 如是故有塵 加 0 故有沒 欺 誑 0

業。 也。刀兵劫時 今云交欺 此亦隨數。 欺即誑也。 誑謂矯誑。 人互殺害。 心懷異謀。多現不實。矯現有德 故云劫殺。 誣罔即是現邪命事。 虺。蝮虺也。博三寸 以誘利譽也 0 0 首如擘 詭詐為: 塵土屎尿 性 0 0 邪命

癸七怨習。

盛囊幞。如陰毒人 七者怨習交嫌 挽撮諸事 0 發於街 0 。懷抱畜惡。二習相吞 是故十方一 恨 0 如是 切 故有 如來 飛 0 色目冤家 石 投 0 故有投擲 0 匣 0 貯車 名違害鬼 0 擒 檻 捉。 甕 0

### 菩薩見冤。如飲鴆酒。

誤也。 已上皆拘繫罪人之具。有作撲。字之誤也。挽撮皆牽繫罪人也。有作拋 怨即恨也。由忿為先。懷惡不捨。結冤為性。不能含忍。常熱惱故。 如違害鬼。常伺取人。鴆酒。鴆鳥名也。翼毛劃酒。酒則殺人。 囊幞等。 亦字之

癸八見習。

見。 見 善惡童子。手執文簿。辭辯諸事。是故十方一切 出生相返 八者見習交明 。二習相交。故有勘問 同名見坑。菩薩見諸虚妄徧執。 0 如是故有王使主吏。 0 如薩迦 耶 。權詐考訊 0 見戒禁取 證執文籍 如臨毒壑 0 0 推鞫察訪 邪 悟諸 0 如行路 業 如來 0 0 披究照 發於達 0 來往相 色目惡 明 拒 0

謂於諸見及所依蘊 差別有五。一身見。執我我所。二邊見。執斷執常。三邪見。謗無因果。四見取。 見謂惡見。於諸諦理顛倒推度。染慧為性。能障善見。招苦為業。 。執為最勝 。能得清淨。 切鬪諍所依為業。 五戒禁取。謂於 此見行相

首楞嚴義疏注經卷第十六

6 0

執為最勝。能得清淨。

無利勤苦所依為業。

此之見習

各執己解。互相是非。故感王使主吏等事。權詐者。設方便以取情也。照明。 引

他事以照證也。

•

癸九枉習。

隨順諸見戒禁及所依蘊

讒賊 遭霹靂 事。是故十方一切 九者枉習交加。 人逼枉良善。 發於誣謗 如來。 二習相排 色目怨謗 0 如是故有合山合石 0 故有押捺 0 同名讒虎 0 搥按 0 0 菩薩見 蹙漉 碾磑耕磨 0 衡度諸 枉 0 0

能害善。虎能食人 令稱有罪。故感合山等事。蹙謂逼迫。漉謂振動。衡。 枉則逼壓良善。損惱於他。 心無悲愍。害所攝也。 既以枉押良善。 權衡也。 度。丈尺也。讒 抑捺無辜。

癸十訟習。

者訟習交諠。 發於藏覆。 如是故有鑒見照燭 0 如於日中不能

藏影 是故十方一 0 履於巨海 。二習相陳。 切 如來。 故有惡友。業鏡火珠。披露宿業。 色目覆藏。 同名陰賊 0 菩薩觀覆 對 0 驗諸事 如戴高

惡道。 為性 習相發。故感惡友業鏡等事。覆藏過惡。自知而已。如於陰賊。不懼當苦。必墮 觸現違緣。心便狠戾。多發囂暴凶鄙麤言。蛆螫他故。乃名為訟。此覆彼訟。二 訟。此訟即是惱之一法。忿恨為先。追觸暴熱。狠戾為性。蛆螫為業。謂追往惡。 此是覆習。而言訟者。 如戴山履海也 悔惱為業。 謂覆罪者後必悔惱。不安隱故。己既有罪。不能自發。 由覆發訟故。所言覆者。於自作罪。恐失利譽。隱藏 遂招他

● 壬二六交報二。癸一總標:

云 何六報。 阿難。 切眾生。六識造業。 所招惡報。從六根出 0

備歷六根。根根皆爾。故云交報。此云六識造業者。且據總相。業者。 造業既從六根而出。 受報還歸六根。因與果交 0 故云交報。 又下 招感為義 一根受報

首楞嚴義疏注經卷第十六

Ŏ 3

業。三性思種。招感當來苦樂等果者。名別報業。其第六識。通造總別報業。若 彼造業具故。造既從根。 前五識。但為助發別報。不能發總。以強盛隨轉二差別故。從六根出者。六根是 然通總別。若能為引業。 受亦根受。故從根出。 善不善思。招感當來第八無記果者。 即總報業。若為滿

⊙ 癸二別辯六。子一見報二。丑一臨終見境。

發明二相 時 云 何惡報從六根出 0 先見猛火。滿十方界。亡者神識 0 一者見報 。招引惡果 0 飛墜乘煙 此見業交。 0 入 無 間 則 臨 獄 0

故見猛火滿十方界。 眼根造罪是見業。 神識隨火入獄受報 臨終見境是報與業交。 以眼根取色 色能役心 造種 種業。

丑二乘業受報。

見 者明見 生無量恐 則能編見種種 0 如是見火 一惡物 0 燒聽 0 0 生無量畏 能為鑊湯洋銅 0 二者暗見 0 燒息。 0 寂然不 能為

能生星火迸灑。煽鼓空界 黑煙紫焰。燒味。能為燋丸鐵糜。燒觸。能為熱灰鑪炭。燒心

文即具。此中以火為苦具主。及歷餘根。隨根轉變為不可意境也。 徧歷六根。然有旁正。正由眼根發識造業。故先歷眼。今此不明。文略故耳。下 明暗二塵是眼所取。明可辯別。故見惡相。暗無分別 。但生恐懼 。如是下

⊙ 子二聞報二。丑一臨終見境。

天地。亡者神識 二者聞報 招引惡果。此聞業交 。降注乘流 。入無間獄 0 則臨終時 。發明二相 0 先見 波 沒溺

聲能鼓動心海。如波如濤。取此造業。故臨終時先見此也。降注。下流也

⊙ 丑二乘業受報。

沈沒。 為惡毒氣 一者開聽。聽種種鬧。精神愁亂 如是聞波 注息 。注聞。 則能為雨為霧。 則能為責為詰。注見。 。二者閉聽。 灑諸毒虫周滿身體 寂無所聞 則能為雷為吼 。注味 0

首楞嚴義疏注經卷第十六

6 0 5

注意。則能為電為雹。摧碎心魄。 則能為膿為血。 首楞嚴經長水疏 種種雜穢 0 注觸 0 則能為畜為鬼。為糞為尿 606 0

審。如雷吼毒氣。非眼所取。雨霧毒虫。非鼻家境。餘文則順。有智自詳 如是下。歷根別受。此文之中。以根對境有所參差。將恐梵文迴互。 耳根所取動靜二境。造種種業。今受其報亦緣此二。開即動也。 閉即靜<sub>:</sub> 譯者隨而弗 也

⊙ 子三嗅報二。丑一臨終見境。

三者嗅報 遠近。亡者神識 招引惡果。此嗅業交。 。從地涌出。 入無間獄 則臨終時 。發明二相 0 先見毒氣 充塞

鼻根造罪。貪嗅諸香。眾生身分及男女等香。作種種業。故招毒氣以受其報。

⊙ 丑二乘業受報。

於地。 一者通聞 如是嗅氣。衝息。則能為質為履。衝見 則能為沒為溺。為洋為沸。 被諸惡氣。熏極 一心擾 。二者塞聞 衝味。 則能為餒為爽。 0 氣掩不通 則能為火為炬

為灰為瘴 則能為綻為爛。為大肉山 。為飛沙 礰 0 擊碎身體 0 有百千眼 0 無量啞食。 衝思 則能

可知。 為質為履者。質。 通塞是彼鼻所取境。 礙也。 依此造業。 履猶通也。 為餒為爽者。 依此受苦。故有二相 魚敗為餒。 如是下 爽。 乖差也 歷根別受。

⊙ 子四嘗報二。丑一臨終見境。

發明二相 熾烈。周覆世界。亡者神識。下透挂網。 四者味報 0 招引惡果。 此味業交。 則臨終時 倒懸其頭。 先見鐵 λ 網 無間獄 0

妄言綺語。兩舌惡口 舌根作罪。其罪最廣。一貪味為罪。殺戮必多。二發語造業。 0 比於餘根。 此最廣博。 故感鐵網周覆世界也 其罪又廣 以

⊙ 丑二乘業受報。

者吸氣 結成寒氷 0 凍裂身肉 0 二者吐氣 0 飛為猛火 焦爛

首楞嚴義疏注經卷第十六

6 0 7

6 0 8

首楞嚴經長水疏

骨髓 歷聽 則能為弓為箭 0 如是嘗味。歷嘗。則能為承為忍。歷見。 則能為利兵刀。歷息。則能為大鐵籠。彌覆國土。 。為弩為射。 歷思。 則能為飛熱鐵。 則能為然金石 從空雨下 歷觸 0

諸根不益。受報亦然 忍受一切惡味。造業之時。先是舌根受食知味。然後始益諸根大種。舌不領味。 吸氣則取味所招。吐氣則發語所致。如是下。歷根別受。為承為忍者。承領

⊙ 子五觸報二。丑一臨終見境。

牛頭獄卒 來合。無復 五者觸報 0 出路。亡者神識。見大鐵城。 馬頭羅剎。手執鎗矟。 招引惡果。 此觸業交。 驅入城門。 則臨終時。 火蛇火狗。虎狼師子 先見大山 向無間獄 發明 四 面

多因男女婬愛等觸。 貪著細滑。 隨時冷熱。 故受合山等事

⊙ 丑二乘業受報。

屠裂 括為袋。 能為燒為熱 則能為墜為飛。為煎為炙 一者合觸 0 如是合觸 為考為缚 。合山逼體 0 歷聽 0 歷 0 0 歷嘗。 層 則能為撞為擊。 。骨肉血 0 則 能為道為觀 則能為耕為 潰。二者離觸 為割為射 鉗 。為廳為案 0 為斬為截 0 刀 。歷息 劍 觸身 0 歷見 0 則能為 歷 0 思 0 心 則 0

皆治罪處也。餘文可解。 身之所取。唯合與離。從之造罪。感果亦爾 。如是下。歷根別受。 道觀廳案。

⊙ 子六思報二。丑一臨終見境。

國土。亡者神識。被吹上空。旋落乘風 六者思報 思是意業。無質迅疾猶如於風。故招此報。 。招引惡果。此思業交。則臨終時。先見惡風 0 墮無間獄。 發明二相。

0 丑二乘業受報

者不覺 0 迷極則荒 0 奔走不息 0 二者不迷 0 覺知 則苦 無量

首楞嚴義疏注經卷第十六

首楞嚴經長水疏

6 0 9

610

煎燒 能為鑒為證。 則能為大火車 。痛深難忍 結聽 0 如是邪思 0 0 火船火檻 則能為大合石。 0 結思 0 結當。 0 為水為霜。為土為霧 則能為方為 則能為大叫 所 喚。 0 結見 為悔為 則

泣

0

結觸

0

則能為大為小。為一日中萬生萬死

。為偃為仰

息

學者隨文消遣。 據先罪也。此一根受報。備歷餘根。然根對苦具。有差有當。不必一一 明了所致。皆是邪思造業故爾。如是下。歷根別受。方所。受苦處也。鑒證。證 意之所緣生滅二塵。復能隨五。明了取境。不覺則荒。獨散所感。不迷覺苦。 不可凝滯。 根境相順

辛三結顯重明三。壬一結成虛妄。

阿 。是名 地獄十因六果。皆是眾 生迷妄所 造

虚妄造業。虚妄受報。皆如空華。然於因果。未嘗乖異

壬二別顯重輕

若諸眾生。 惡業同造 0 入 阿鼻獄 0 受無量苦。 經無量劫

六根十因。具足同造諸業。入阿鼻獄。即大無間。具足五事也。

六根各造。 及彼所作。兼境兼根。是人則入八無間獄

具造。唯造時不兼餘根。入八熱獄。次輕於前也。 如第六識。同彼眼識唯取自境。兼根而作。不涉餘根。不具十因。此則六根

身口意三。作殺盜婬。是人則入十八地獄

又輕於前。入十八獄 身口意。六根之三也。殺盜婬。十因之三也。如身具作殺等三罪。口意不作

三業不兼。中間或為一殺一盜。是人則入三十六地獄

如身獨造殺等一業。不兼餘罪。入三十六獄。又輕於前

見見一根。單犯一業。是人則入一百八地獄。

兼餘根。故云見見。 。或口處殺人。身心無記。此等竝輕。言見見者。見現音。 此獨一根只犯一殺。又輕於前。入一百八獄。如意中邪思。 或不正見。未形 只見之一根。不

首楞嚴義疏注經卷第十六

首楞嚴經長水疏

612

壬三結答所問。

由是眾生別作別造。於世界中入同分地。妄想發生。非本來有

謂由不斷三業。各各有私。故云別造。因各各私。眾私同分。故云入同分地。

皆由妄想發起。故非本有。 謂同業共感無差別同分。別業各感差別同分。故前文云。眾同分中兼有元地也。

⊙ 庚二鬼趣三。辛一總標。

復次阿難。是諸眾生。非破律儀。犯菩薩戒。毀佛涅槃。 雜業。歷劫燒然。後還罪畢。受諸鬼形。 諸餘

果。此皆斷善根也。餘業可知。地獄久治。故云歷劫燒然。更受餘類。故入鬼趣。 畢受諸鬼形 鬼趣十類。由前十因。十因正報已在前文。極苦相對。非是輕受。故云。後還罪 非破律儀者。謗無戒律也。犯菩薩戒者。輕重不禁也。毀佛涅槃者。不信因

辛二別顯。

若於本因。貪物為罪。是人罪畢。 遇物成形 名為怪鬼。

此即貪習為因也。於物生貪。非理而取。餘報在鬼。還托於物。即金銀草木

精怪。 其類非一。 故名怪鬼。正受苦報 0 在寒水獄

貪色為罪。是人罪畢。 遇風成形 。名為魃鬼

即前婬習為因也。色能動亂身心。 如風鼓物。報招鬼質。還復託風 風質元

虚 因習所致。因果相對。豈徒然哉

貪惑為罪。是人罪畢。遇畜成形 0 名為魅鬼

有異靈者。其類非一 即前詐習為因也。 。故云遇畜成形。魅即現美形以惑人也。 因成詐偽。惑正憑虛 。託附畜生。便成鬼質 即狐狸猪犬

貪恨為罪 。是人罪畢。遇蟲成形 0 名蠱毒鬼

假毒類。即蛇虺毒虫有靈者。成蠱毒鬼 即前怨習為因也。由忿為先。懷惡不捨。結怨在意。熱惱居懷。受餘報時亦 0

貪憶為罪。是人罪畢。 遇衰成形 0 名為癘鬼

即前瞋習為因也。於苦苦具。增恚居懷。 或因妬忌生瞋。 瞋恚不捨。 名為貪

首楞嚴義疏注經卷第十六

首楞嚴經長水疏

13

**憶**。 泊受鬼報 皆此鬼作也。 遇災衰處。便入其身。名為癘鬼。即毒癘傷寒。 傳屍骨蒸之類。

貪傲為罪。 是人罪畢。遇氣成形 0 名為餓鬼

空腹高心。飢餓所困。故名餓鬼。 即前慢習為因也。慢以陵人。傲物高舉自強。 **洎報鬼倫** 0 遇氣為質。 內無實

貪罔為罪 是人罪畢。 遇幽為形 0 名為魔鬼

即前誑習為因也。為獲利譽。多懷異謀 。矯現有德。 罔冒於他。 令他暗昧

不曉己事。洎受鬼形。憑幽託暗。魘惑寐者。故名魘鬼。

。是人罪畢。遇精為形。

名魍魎鬼

貪明為罪

怪也。 精明處以為其形。即日月精魄。 即見習為因也。執見異生。各自明悟。 山澤明靈。 有精耀者以託其質。言魍魎者木石變 出生相返。發於違拒。 及招鬼道

貪成為罪。是人罪畢。遇明為形 0 名役使鬼。

明顯境託以成形。 即枉習為因也。枉押成褫。憑虛搆架。 非幽暗類也。 走使戰陣 0 勞心役思。撓害無辜。使成有罪 擔沙負石之徒。 故云役使 遇

#### 貪黨為罪 。是人罪畢。 遇人為形 0 名傳送鬼。

果徵因。不過此十。 及巫祝之類。皆為神道傳送凶吉禍福之言。 即訟習為因也。黨己覆罪。為他所訟。 名傳送鬼。 報在鬼類。託質於人 此上鬼類。 其數實繁。 如世有童子師

⊙ 辛三結示。

妄想業之所招引 阿難 。是人皆以 純情墜落 0 若悟菩提 0 業火燒乾 0 則妙 圓明 0 0 上出為鬼 本無所有 此 等皆是自

業火燒乾。上出為鬼。鬼心輕燥。 如空華耳。 十因六報皆是純情所為。情既下沈。故墜地獄。地獄治久。情盡上昇 業火所餘。 自妄業招。非他所得。菩提心中皆 故云

⊙ 庚三畜趣三。辛初總標

首楞嚴義 疏注經卷第十六 6 1 5

首楞嚴經長水疏

負人 復次阿難 0 怨對相值 0 鬼業既盡 。身為畜生。 。則情與想 酬其宿債 。二俱成空。 0 方於世間 與元

受對 也。二道之業既亡。却為畜生酬其宿債。駝驢牛馬 地獄治情 鬼中治想。 情想既盡。 故云成空。然所空者 。身命償他 0 即依情想所發之業 0 若在餘類

辛二別顯。

物怪之鬼 物銷報盡 生於世間 多為梟類

皆此類攝 貪習為怪鬼。 報盡作梟倫 "。梟。 土梟也。 附塊為兒。貪物所致 0 切 怪異者

風 魃之鬼 風 銷 報盡 0 生於世間 0 多為咎徵 切 異類

其類非 行所招。 **婬習為因** 將有災異。先有此應。如羣雀眾鼠。荒儉之徵。鷸鶏水災。 報招風魃。旁為畜生。受咎徵也。咎。 過惡也。徵。 應驗也 鶴舞多旱。 。 惡

畜魅之鬼 0 畜死報盡 0 生於世間 。多為狐類 0

詐因之報。為鬼成魅。所依既盡。畜受狐身。

蟲蠱之鬼。 蠱滅報盡 0 生於世間。多為毒類 0

怨習之報 。鬼作蠱毒。 畜為毒類。 即蚖蛇蝮蝎之類。

衰厲之鬼。 衰窮報盡 0 生於世間 。多為蛔類

**瞋習之因。** 鬼為衰癘。 託災附禍。便入身中。轉受畜形 還託身內 為蛔蟯

也。

受氣之鬼 氣銷報盡 0 生於世間 0 多為食類 0

餓鬼附氣。慢習是因。鬼受飢虛。畜充他飽。故為食類。 即世間可食之畜也。

緜 幽之鬼。 幽銷報盡 0 生於世間。多為服類

宿因誑習。 鬼為魘暗。 幽默既消。畜為服類。即駝驢牛馬 蠶繭之類

服用也。緜即緜密。不明露也。

和精之鬼 和銷報盡 0 生於世間 0 多為應類

首楞嚴義疏注經卷第十六

6 1 7

首楞嚴經長水疏

因為見習。鬼作魍魎。 精耀之物。既盡為畜。 便成應類。 即應四時節序

而復鳴者。言和者。雜也。雜精明處而成鬼也。

明靈之鬼。 明滅報盡 。生於世間。多為休徵 切 諸類

即前枉習。鬼託明生。為役使類。鬼道業盡。畜報休徵 0 休。美也。 休祥將

至。 預有此徵。由他美行之所招也。即麟鳳之類也

依人之鬼。

人亡報盡

0

生於世間。多為循類

訟習之因 鬼招傳送。 人死為畜。報在黠慧。 故云循類。 即人所畜養循順之

類 。

○ 辛三結示二。壬一正結虛妄。

虚妄業之所 阿 難。是等皆以業火乾枯 招引 0 若悟菩提 0 酬其宿債。 則此妄緣本無所有 傍為畜生 0 此等亦皆自

獄鬼二趣。業火燒畢。 情想乾枯。 今為畜生。酬償餘業。故云旁為。妄想故

有。覺性元無。猶如圓影。眚病故見

壬二引問重示。

菩提心中 發明。非從天降。亦非地出。亦非人與。自妄所招。還自來受。 如汝所言。 0 寶蓮香等。及琉璃王。善星比丘。 皆為浮虚。妄想凝結 如是惡業。 本自

妄造妄受。覺性之中皆如空華 所問三緣。是彼人等。各自虛妄造業發生。不由他有。故云本自。非天降等

● 庚四人趣三。辛一總明二。壬一酬剩返徵。

還復為人。 復次阿難。從是畜生酬償先債。若彼酬者分越所酬 返徵其剩。 0 此等眾生。

貪其力而多役。取其味而枉殺。不捨晨暮。罔測勞苦。福盡徵剩。其宜者哉。 息。食噉無度 如彼有力。兼有福德。則於人中。 分越者。過分也。不依本分。越過而行。謂非理苦役。不問輕重。或晝夜不 。如是等類。悉合返徵其剩。今有恃尊貴以縱恣。倚豪勢以奢侈。 不捨人身。 酬還彼力。若無

首楞嚴義疏注經卷第十六

福者。還為畜生。償彼餘直。

首楞嚴經長水硫

620

盜 。 福德。人中略償。若成畜者。蓋無善矣。 或被欠負。或橫遭驅役。或枉受捶打。斯皆先業。合捨此身為畜酬剩 其有修善而崇福者。只於人身酬彼力矣。今見積善之家。財物多耗 或被劫

⊙ 壬二債報難息。

為高下。無有休息。除奢摩他。 阿難當知。 或食其肉。如是乃至經微塵劫 若用錢物。或役其力 及佛出世。不可停寢 。償足自停。 0 相食相誅。 如於中間 猶 如轉 輪 殺 0 互

責。無有休止。以諸業中殺命最重。不值佛出。修奢摩他。必不能息 食其身肉。斯則翻成殺業。身身相取。命命相酬。以人食羊。羊死為人。 汝負他財。他欠汝力。今既酬償。償足自止。世養牛馬是此類也。 如故殺彼 互來相

⊙ 辛二別顯。

汝今應知 0 彼梟倫者。 酬足復形。生人道中。參合頑類。

業感。由不正故。故言參合。他皆倣此 滿業各異。故分十種。今此從畜來者。乃是餘業旁受。非正善業所招。然亦順後 心忘德義。蓋因之故然也。而言參合者。夫人道受報。善因所招。 因於貪物。鬼託怪形。畜在土梟。附塊而養。今歸人趣。其性顓蒙。 總報雖同。 雜在頑

### 彼咎徵者。 酬足復形。生人道中。參合愚類

者。 受教誨。愚謂瞑然昏暗。識鈍難明。有此異耳。 不習別善。但專一境。由不習善。故招愚鈍。 始因貪欲。鬼受魃形。上為畜生。災咎之應。業盡復本。 頑愚別者 參在愚類。 頑謂知善不從。 以欲多 档

#### 彼狐倫者 酬足復形 0 生人道中。參於很類 0

不受諫曉也。 因從詐習。 鬼為畜魅。類入旁生。狐貍所攝。今為人趣。 參在狠戾自用之徒。

#### 彼毒倫者。 酬足復形 0 生人道中 。參合庸類 0

怨習是因 鬼為蠱毒。 旁受畜類。 蛇蝎是形。還生人道 雜乎庸類。 即庸鄙

首楞嚴經長水疏

622

之流

性麤率者。

彼蛔倫者。 酬足復形 0 生人道中。參合微類

瞋習為因。鬼居衰癘。 蟯蛔受畜。微末為人。即不為人之齒錄者也。

#### 彼食倫者。 酬足復形 0 生人道中。參合柔類

慢貢高。反招柔怯之報。 慢習是因。鬼招飢餓。 結氣而作。無實體性。畜受食類。 人為柔弱 0 蓋因我

#### 彼服倫者。 酬足復形 0 生人道中 。參合勞類 0

誑習為因 。鬼從幽魘。 畜為服用。 人受劬勞。役力艱辛 工巧之屬

#### 彼 應倫者。 酬足復形 0 生人道中。參合文類

因。 故云參合 因從見習 鬼落和精。 魍魎報終。畜為時應。參於人道。 微有文章 非正習

#### 休徵者。 酬足復形 0 生人道中 0 參合明類

枉習為業。 鬼受明靈。 驅役疾馳。無暫停止。畜招休應 0 人雜聰明。 考果從

因。必無差忒

彼 **改諸循倫** 0 酬足復形 0 生人道中 。參於達類

因由訟習。 鬼作依人。 傳附神辭。發顯禍福。畜招馴黠。 人達窮通。 寵辱不

鷩 。安然自得。故名達類

辛三結示。

阿難 生相殺。 可憐愍者 。是等皆以宿債畢 不遇如來 0 不聞正 酬 0 法 復形人道。 0 於塵勞中法爾輪轉 皆無始來業計顛 0 此輩名為 倒 0 相

說此法。令其修學。免輪迴耶 如是皆為顛倒輪轉。欲息顛倒。 獄鬼畜中酬償先業。三塗報盡。還復人身。順後善業。所招隨別。 唯戒定慧。 無此三種。不息輪迴。佛若不出。誰 復分十類。

 $\odot$ 庚五仙趣三。辛初總標

阿難 0 復有從人 0 不依正覺修三摩地 0 別修妄念 0 存想固形 0

首楞嚴義疏注經卷第十六

6 2 3

6 2 4

遊於山林人不及處 首楞嚴經長水疏

有十種

仙

也。 習。 處。名為仙趣。然此一趣。餘經不出。以總報同人故。今經開者。約所修行別故。 妄念。即下十種修鍊之法也。此皆有漏。進不如天。退又勝人。 人天二趣所不攝故。此皆外道類收。然亦禁防。非佛正戒。但禁麤浮。即戒禁取 況修仙道耶。存想固形者。存心在於長生不死。俾此形骸堅固不壞也。所修 不依正覺者。三乘行法皆佛所教。今經尚斥二乘。云不識生死根本。 故居山林人不及 錯亂修

0 辛二 別顯

阿難。 彼諸眾生 。堅固服餌而不休息。 食道圓成。 名 地行仙

名地行仙也 服餌者。 即食麻仁草木之實。存形長久。 期壽永。 輕舉未能。 此道若成

堅固草木 而 不休息 藥道 圓成 名 飛行 仙

草木者。即湌松噉柏之類。草木輕故。 餌即體輕。由是飛行。不墜於地。

#### 堅固金石而不休息。 化道圓成。 名遊行仙

俾賤作貴。此道苟成。遊戲人間。濟貧恤苦。得大自在也。 金石者。服丹沙成九轉之類。化有二種。 一能化骨。令壽永體堅。二能化物。

### 堅固動止而不休息。氣精圓成 。名空行仙

也。 消息養和。運用榮衛。神氣久著。能履虛空。功用既成 身堅壽永。 名空行

#### 堅固津液 而 不休息 0 潤德圓成 0 名天行 仙

交欲境。如天無異。故云天行 是世人謂靈仙居處。名之為天。如張騫尋河源。至崑崙。見天宮之類。或所行不 鼓天池。嚥津液。固精華 。歲久功著。遂成潤德。言天行者。此非六欲。乃

#### 堅固精色而不休息。 吸粹圓成 0 名通行仙

云通行 吞飲日月精氣。作意存變。 以延身命。 由是功久。 遂有異見。 通世物情 故

堅固呪禁而不休息 術法圓成。 名道行仙

首楞嚴經長水疏

626

呪禁正是仙法道術。 以此持身。延而且固。術力成就。 名為道行

#### 堅固思念而不休息。 思憶圓成。 名照行仙

故名照行。 念緣前境。繫心不忘。專注弗移。久而發用。照明境界。 咸悉化源 如定發

#### 堅固交遘而不休息 感應圓成。 名精行仙

故名精行。 世有採陰補陽之術。名為交遘。久而功成。此感彼應。 吸彼精氣。 以固我身。

#### 堅固變化而 不休息。 覺悟圓成 0 名絕行 仙

是。 故云絕行。如上十類。皆云行者。 存想世間。 皆成變化。境既變化。 日久成功。通流故也。 心想亦亡。 猶如槁木。 有為功用 暫得如

辛三結示。

阿難 。是等皆於人中鍊心 0 不修正覺。 別得生理 。壽千萬歲。

三昧。 休止深山 報盡還來。散入諸趣 。或大海島。絕於人境。斯亦輪迴。妄想流轉。 不修

人身總報果上。加以前來十種修鍊。轉成仙也。妄想不真。終隨業墜 生理謂長生之理。即上十種修鍊之法也。言人中者。 以仙趣無別 總報 即於

天王天。 阿難。諸世間人。 心不流逸 ⊙ 庚六天趣二。辛一列釋諸天三。壬初欲界二。癸一列釋六。子初四天王天 0 澄瑩生明。命終之後。隣於日月。如是一類 不求常住。未能捨諸妻妾恩爱。 於邪婬 0 名 中 四 0

天眾。皆此天管。 故心澄身明。此則澄瑩欲心。發生明性。此人命終。 不求常住。即不修正覺也。無定力故不能捨愛。有善戒故心不流逸。 生須彌半。 隣日月宮 善根 所有

子二忉利天。

於己妻房 0 婬爱微薄 0 於淨居時 0 不得全味 0 命終之後 超日

首楞嚴義疏注經卷第十六

6 2 8

6 2 7

#### 月明 。居人間頂 0 如是一類 。名忉利天

首楞嚴經長水疏

三十三。帝釋居處也。 揀異行邪也。超日月者。 欲愛漸微。於己室家亦減愛欲。故無全味。味。著也。言淨居者。 以善增故。 愛心又減。身則又升。故生忉利。 不由雜穢。 忉利此云

⊙ 子三焰摩天。

是一類。名須燄摩天 逢欲暫交。去無思憶 空中朗然安住。日月光明上照不及 0 。於人間世 。動少靜多。 。是諸人等 命終之後 0 自有光明 0 於虛 0

天也。 無思憶。故云靜多。斯行又增。身則又勝。故生時分。 未離欲心。逢境暫遘。 漸薄於下 。故云去無思憶。 燄摩云時分 。此是空居初 逢欲猶交。 故云動少 去

⊙ 子四兜率天。

切時靜 0 有應觸來。未能違戾。命終之後。上升精微。 不接

下界諸人天境。乃至劫壞。三災不及。 如是一類。 名兜率陀天 0

說。以同名兜率故。此云知足 故云未能違戾。命終漸勝。故生此天。上升精微等者。即約一生補處菩薩所居器 行勝於前。故云一切時靜。應觸者。應謂相應。觸即欲境。 尚猶順而從之。

子五樂變化天。

化地。如是一類 我無欲心 。應汝行事。於橫陳時 0 名樂變化天 0 味 如嚼蠟 0 命 終之後 生越

欲之境而受用故。 無心於境。境自橫來。境自有心。己何所味。 故云味如嚼蠟等。 以樂變化五

⊙ 子六他化自在天。

出超。 無世間心 化無化境。 0 同世行事。於行事交。了然超越 如是一類名。 他 化自在天 。命終之後。 編能

行事交者。此亦橫陳也。 前雖亡味。會境猶起欲心。此則無心。 故云了然超

首楞嚴義疏注經卷第十六

首楞嚴經長水疏

6 2 9

630

用之。故云他化自在。上之六天。皆因欲心漸輕。得報漸勝。若情欲重者。必不 無化即下諸天。俱舍云。樂受用他所變化五欲境故。以有自在力。遣他變化而受 然今且約無麤相說。豈亡微細愛欲。以未離欲界故。化無化者。 化即第五天。

⊙ 癸二結示。

生天。俱舍頌云。六受欲交抱。執手笑視婬。亦明受欲輕相也。

阿難。 如是六天。 形雖出動。 心迹尚交。自此 已還。名為欲界。

動。尚有欲境相遘。故云心迹尚交。若至定地。永無欲對矣 云形雖出動。又人趣雜類。壽命短促。遷變不常。天之福命。 此之六天。身有光明。飛行自在。壽命長遠。漸增漸勝。 卒難搖動。故云出 不同下之人趣。故

首楞嚴義疏注經卷第十六

# 首楞嚴義疏注經卷第十七

長水沙門子璿集

0 淨義。 各三。 壬二色界者。 第四靜慮八。即除無想也。 離欲染故 0 以此界中依正二報。色法殊勝。從勝為名也 禪所生故。異散動故。此界總有 依大眾部。與今經同。 一十八天。 即加無想。 若俱舍云。 通名梵世者。 文三 三靜慮 梵是

#### 阿難。世 間 切 所修心人 0 不假禪那 0 無有智慧。

了妙覺明心。積妄發生。 此三勝流。雖非正修真三摩地。又云。但能執身不行婬欲等。 不得名禪。意顯此四位中皆因禪慧。然於其中所伏惑習。差降有異。故分諸天。 不能出離。凡夫雖曰修禪。但是有漏六行事觀。不離虛妄。不名禪那。如下文云。 卜自辯釋。或可此文約世間人。不修無漏禪定。不發無漏正慧。遂感四禪果報。 此總明修心之人。須假禪定。然後發慧。定慧均平。 妄有三界等 方稱靜慮。 又下結云。此皆不 若不爾者

首楞嚴經長水疏 632

0 癸二列釋四 。子一初禪二。 丑一釋三。寅一梵眾天。

界 但能執身不行淫欲 。是人應念。身為梵侶 0 若行若坐。想念俱無 0 如是一類 。名梵眾天。 0 爱染不生 0 留欲

六行伏惑之所感也 欲界。此即麤苦不起。淨相現前。即是淨定。味此而生。名為梵眾。 忻上色界是淨妙離。故得欲界惑伏。名愛染不生。由是命終即生色界。故云無留 專意在此。故云但能執身等。想念俱無者。由行六行。厭下欲界是苦麤障 即凡夫所修 0

) 寅二梵輔天。

梵德。如是一類 欲習既除 。離欲 心 0 名梵輔天 。於諸律儀 0 愛樂隨順 0 是人應時 能行

淨戒成德。 已伏欲惑。故云欲習既除。得上初禪。定心顯現。故云離欲心現。 正明此天。於定共戒愛樂隨順。 匡弼梵主。故名梵輔。 梵行成就。防非不失。 此則兼護律儀 此結上也。

⊙ 寅三大梵天。

眾 身心 0 為大梵王。如是一 妙圓。威儀不缺。清淨禁戒。加以明悟。是人應時能統梵 類 。名大梵天

為一因主。 後去。劫成先來。 俱舍說。威德光明。獨一而住。無尋唯伺。定力所感。下二天具有尋伺。又劫末 清淨下正明此天。於定戒中發慧明悟。斯則慧解過人。能為梵主。統攝梵眾。准 禪觀轉勝。受生細妙。故云身心妙圓。復具戒德。故云威儀不缺。 外道不測。便執為常。又因起念。見有天生。便執能生世間 此結前也。

⊙ 丑二結。

淨心中。諸漏不動 阿難 。此三勝流 0 0 名為初禪 切苦惱所不能逼 0 0 雖非正修真三摩地 清

不於三界現身意。縱得勝妙定相現前。了了自知而無取著。今此雖得清淨。似三 已離欲界八苦。故云所不能逼。但是六行伏惑。故云非真三昧。凡真修禪者。 以不了故。味著受生。然能離欲散心麤動。故云諸漏不動。是故結云。此

首楞嚴義疏注經卷第十七

633

三勝流總名初禪。俱舍云。離生喜樂地。離欲界雜惡。 得功德有五支林。 一覺。二觀。三喜。四樂。五一心支。行相如天台法界次第中。 生得輕安樂。然此初禪所

⊙ 子二二禪二。丑一釋三。寅一少光天。

如是一類。 阿難。其次梵天。統攝梵人。圓滿梵行。澄心不動。寂湛生光 名少光天 0

光天。 無有語言。但以定心發光。 此天。定心轉勝。故云澄心不動。定光明發。故云寂湛生光。二禪已上離覺觀故。 王為梵主。故云統攝。戒定慧具。故云圓滿梵行。 以光勝劣分其位次。此天喜相初生。慧光尚劣。名少 此結前也。澄 心下。 正明

⊙ 寅二無量光天。

光光 量光天 相然 0 照耀無盡 0 映十方界 編成琉 璃 如是 類 名無

從前少光。 更發多光。 光相轉增。名光光相然。光相圓明。 映十方界 0 境隨

光淨。徧成琉璃。由定漸增。定光發照。必無涯際。名無量光

0 寅三光音天。

音天 吸持圓光 0 成就教體。發化清淨 0 應用無盡 0 如是一 類。 名光

清淨。 表詮。 吸取任持。 隨機開示無不明了。 以光為音。名光音天。 無量淨光。 故云應用無盡。 以表言詮。名為教體。此光表詮離諸麤重。故云發化 以二禪界地無前五識 0 但用光明以為

0 丑二結

淨心中。麤漏已伏 阿難 。此三勝流 0 0 名為二禪。 切憂懸所不能逼 0 雖非正修真三摩地 清

慧光明泰。喜支調適。憂愁不生。名為定生喜樂地也。 得喜支。極喜未生。在身麤故。但得離苦。猶有憂喜相對。 二禪三天又勝下位。 故名勝流。以得極喜。故云一切憂懸所不能逼。初禪雖 **麤漏已伏者。** 今此二禪。 忻上厭下 定水潤心

但名為伏。以不斷故。不名無漏。 首楞嚴經長水疏 然此一地具四支林。 一內淨。二喜。三樂。

636

四

• 子三三禪二。 丑一釋三。寅一少淨天 一心。行相如常。

阿難。 如是一類。名少淨天。 如是天人。 圓光成音。披音露妙。發成精行。通寂滅樂。

通。始得此樂 妙行。由是三慧既發。妙樂攸通。定慧過前。支林轉勝也。言寂滅樂者 相而生淨樂。 初二句躡上。披音下正明此天。謂披能詮之教體。現所詮之妙理。成所行之 以喜相麤動。此異熟樂。恬怕寂靜。故名寂滅。定相猶劣。 。未廣周徧。名為少淨。淨亦靜也。有處亦名少靜天故 滅前喜 故名為

寅二無量淨天

量淨天 淨空現前 引發無際 身 心輕安 成寂滅樂 0 如是 類 名無

淨空。即靜樂也。定心轉勝。引發此樂。令其無涯。樂既無涯。 方是成就淨

樂之義。此則名為徹意地樂。徧身輕安名無量淨

○ 寅三徧淨天。

類。名徧淨天 。 — 切 圓淨 0 淨德成就 0 勝託 現前 0 歸寂滅樂。 如是

此樂故名之為歸。 無處不偏。殊勝妙樂。 前雖徹意地樂。 止在身心。未名為徧。 以成淨德。 言勝託者 今則徧於依正。樂淨圓融 即此淨樂。 是彼行者所依勝處。 世界身心

丑二結。

真三摩地。安隱心中。 阿 難。此三勝流 具大隨順 歡喜畢具。名為三禪 0 身 心安隱 得無量樂 0 雖 正 得

境 。 喜畢具者。意地異熟。隨順自在 故非隨順。今此妙樂世間第一。更無過者。 具大隨順者。一是隨順勝定。二是離於憂喜。憂喜望樂。俱為所厭。 0 樂極於此。 純一無雜。 方是隨順具足之義。 名為畢具。 安隱心中歡 以此三禪名 但是違

首楞嚴義疏注經卷第十七

離喜妙樂地。故此地禪支具有五種 首楞嚴經長水疏 0 一捨。二念。三慧。 四樂。 五一心支。

殊勝。只於廣果總報之身。生彼五天。與凡夫不同。由是向下 丑一四根本二。寅一釋四。卯初福生天。 子四 。凡夫境界上極於此。五不還者。自是聖人雜修靜慮。資廣果天故業。 四禪者。然此一地總報業但有三品。感下三天。其無想天但是廣果天中別 別為一段。文二。 令五品

生天 阿難。 苦樂二心 復次天人。不逼身心 0 俱時頓捨。麤重相滅 。苦因已盡。樂非常住。 0 淨福性生。 如是 一類 久必壞生。 0 名福

得上地定名淨福性生。 今第四禪苦樂俱捨。以一一地皆厭下苦麤障。忻上淨妙離。棄下苦樂名麤重相滅 禪雖得徹意地樂。然不常住。必須有壞。壞即成苦。此名壞苦。苦樂下正明此 又不為三災所動。名不動地。今云不逼。即離下位苦也。苦因下釋不逼所以。尋 伺憂喜等是苦之因。今既離之。故無逼迫。樂非常住者。 初五句結前生後。俱舍論說。第四禪離八災患。謂尋伺苦樂憂喜及出入息 以此禪定唯一捨受。是福之體。 既離下染。 別明樂支以對前苦。三 故名淨福

卯二福愛天。

捨心 類 圓融 名福爱天 。勝解清淨。 福無遮中。 得妙隨順。 窮未來際 如是

此兩向 雜修靜慮。若凡夫得 禪引發此定。熏無漏禪。修願智無諍邊際定也。下五那含亦依此定。起有漏無漏 云窮未來。非約報後所論也。又此善定。雖是有漏。而能隨順妙修行者。依第四 問。此有漏禪壽命有限。何得窮未來際耶。答。此約得定。報壽長遠。動經劫數。 樂隨順。令此勝定得無留礙。任心自在。受用無窮。故云得妙隨順。窮未來際等。 可印持。 唯一捨受與定心圓融。 。凡聖同修也 不為異緣之所引轉。故名勝解清淨。 0 更不進修。 捨諸一切苦樂等法。於捨心中仍生勝解。 即許壽命有限。若聖人修。 由勝解力。於此圓融勝定之中。愛 即得盡未來際 於此決定忍

⊙ 卯三廣果天。

修證而住 阿 難 。從是天中 如是 0 有二岐路。若於先 類 0 名廣果天。 ジ 無量淨光。 福德圓 明

首楞嚴義疏注經卷第十七

首楞嚴經長水疏

6 3 9

若於下釋。若從發心已來不帶異計。直修根本四禪。四無量善。熏禪福德 於福愛中。分二所向。一直往道。即至廣果。二迂僻道。 即至無想。此標也。

地染。備歷四位。至此福愛更增勝定。廣福所感。得生勝處。名廣果天。

⊙ 卯四無想天。

若於先心 俱滅。心慮灰凝 。雙厭苦樂。精研捨 。經五百劫 ジ 0 相續不斷 0 圓窮捨道 身心

為方便。入無想定也。初捨麤心入於微心。復捨微心。入微微心。從微微心常修 續。徧窮捨道。捨心亦亡。不計身心。故名俱滅。此計無想為涅槃也。以此捨心 大劫。想心不行。 不息。便入無想。此皆修因也。心慮下即無想報。命終果報生無想天。壽命五百 此正明也。若帶異計。六行伏惑。漸厭漸捨。至福愛天 故名灰凝 。得捨圓融 。捨心相

是人既以 如是一類 生滅為因。 。名無想天 不能發明不生滅性 初半劫滅 後半劫生

生。生滅中間一向無想。 想異熟。名初半劫滅 行相。准俱舍引婆沙釋。彼生死位中。多時有想。初生此天。經於半劫 微細生滅。妄謂涅槃。 以生滅為因。捨於生趣不生。未是真不生見。第六識暫爾不行。 此判成虚妄也。不了妄想體空。乃執生滅勞累。厭此生滅。 。欲無常時。從異熟出 非真涅槃也。故云不能發明無生滅性 名無想天 。經半劫有心。後始方死。名後半劫 0 初半劫下却釋彼報 求不生滅 如氷夾魚 。始入無

寅二結。

不 阿 動地。有所得 。此四勝流 ジ 0 0 功用 切 世 純 間諸苦樂境 熟。 名為 四禪 0 所 不 能 動 0 雖非無為真

慧均平。能捨苦樂。勝下諸天。名功用純熟 不動。俱舍云。然彼器非常。情俱生滅故。凡夫修定。味著受生。名有所得。定 此第四禪離八災患。 勝下地故。名不動地。然有劫數。壽盡須捨。故云非真

⊙ 丑二五不還天三。寅初標示。

阿 0 此 中復有五不還天 0 於下界中九品習氣 0 俱時滅盡。 苦

首楞嚴義疏注經卷第十七

( )

642

樂雙亡。下無卜居 故於捨 心眾同 分中 。安立居處

首楞嚴經長水疏

上勝品。 居。俱舍論說。雜修靜慮五品不同。生五淨居。五品別者。謂下品。中品 然未進斷第四禪惑。故於捨心眾同分中別立居處。以修禪時。 。故名滅。非同凡夫暫伏名滅。習氣既無。苦樂雙泯。離下界繫。故無卜居。 九品習氣者。即欲界初禪二禪三禪各九品也。種現俱無。名為滅盡。 上極品。行相如別 漏無漏雜。 此是聖 上品

⊙ 寅二釋相五。卯初無煩天。

阿難。苦樂雨滅 0 鬪心不交 如是一類 0 名無煩天

者。 待心。雜修初品 以凡夫人忻厭暫伏。 苦樂心滅。 敵對則亡。形待既無。故云不交。不交則無煩也。初滅苦樂二形 稍離定障。 非是永斷。今約畢竟不生。 名為無煩。煩即障也。然下天亦離苦樂 故得此名也 0 不名無煩

⊙ 卯二無熱天。

括獨行 研交無 地 0 如 是 類 名 無熱天

機。弩牙也。括。筈也。箭受弦處也。皆喻唯一捨心。縱任自在。 遊諸等至

皆離定障 故云獨行。不與違順二境相應。故云研交無地。此天以中品雜修靜慮。慧用清虛 。漸得清涼。名為無熱也。

卯三善見天。

### 方世界妙見圓澄。更無塵象一切沈垢。如是一 類 。名善見天

見也。 沈垢。定障也。雜修上品。無漏功著。定慧障亡。故能妙見圓澄十方世界。 十方世界唯一捨心。照了微妙。圓徧澄寂。故云妙見圓澄。 塵象。慧障也。

卯四善現天

#### 精見現前 陶鑄無礙 0 如是 類 0 名善現 夭

鎔鍊自在。顯現無盡 陶鑄。鎔鍊也。範土曰陶 。故云善現 。鎔金曰鑄。 圓澄之見既彰。定慧之功更著 故能

### 卯五色究竟天

究竟羣幾。窮色性性 0 入無邊際 0 如是一 類 名色究竟天

究竟。鞠窮也。群幾者。 首楞嚴義疏注經卷第十七 群有之幾微也。 即去無入有。 有理未形之謂也。

此一天。窮到色理未形之際。故云究竟群幾。窮色性性者。性體也。 推至色性之

6 4 4

首楞嚴經長水疏

元體也。二句一意。前多此例。或前句窮緣色等識。後句窮所依大種。劑此一天。 即入空處。故云入無邊際。以空又是大種之所依。故名色究竟。如馬勝問佛。四

大性當於何位滅盡無餘。佛云空處近分。正在此天也。

• 寅三結勝。

阿難 如今世間 所不能見 。此不還天 0 曠野深 0 彼諸 山 0 聖道場地 四 襌 四位天王 0 皆阿羅漢所住持 0 獨 有欽 聞 0 故 不能 0 世 間應職 見

以定力殊勝。依報亦勝。 梵云阿那含。此云不還。此天是彼聖所居。故亦名淨居。 同在世間。境界各別。舉例可 知 非 同凡夫有漏 住故

• 癸三總結

阿難 。是十八 夭 獨 行無交。未 盡形累 自 此 已還 名為色界

純是禪定善想所感。 無有情欲所對。故云獨行無交。尚有色礙。故云未盡形

累。

• 處。乃至厭無所有。 此約大乘有定果説。前文亦説無色界天發願護呪也。文二。癸初列釋二。子一正 色。然有定果色為識所依。此大乘説實有處所。若俱舍説。無色界無處。由生有 明感報二。丑初指迴心不入。 四種。依同分及命。令心等相續。餘經説。有無色有情。佛邊聽法。 壬三無色界者。 此四無色無業果色。定多慧少。厭下色礙。想無邊空。 以非想非非想為究竟涅槃。有此四種。 分其佐次。雖無業果 淚下如雨者。

### 復次阿難。 從是有頂色邊際中。 其間復有二種岐路

即從廣果無想二天而入。不在此二所履之限。如下自知。 路。即迴心人所覆。二入無色路。即定性人所履。若凡夫外道。既不入此五天。 此標也。有即是色。頂即究竟。色於此住。名色邊際。二岐路者。 一出三界

若於捨心發明智慧。慧光圓通。便出塵界。 如是一類。名為迴心大阿羅漢 成阿羅漢 0 菩薩

品俱生煩惱。便證無學。仍又迴心向大乘道。更不入於空識等處。以無上地惑故。 此正明迴心也。若於有頂禪中。故云捨心。發無漏智。頓斷上界四地三十六

首楞嚴義疏注經卷第十七

6 4 5

然迴心入大。有深有淺。但隨破惑有深淺耳。 此類仍是樂慧那含。故得慧光圓通。

• 丑二辯入者類殊二。 寅一別名四天四 0 卯初空處 便出塵界。

首楞嚴經長水疏

若在捨心 空處。 0 捨厭成就 。覺身為礙 0 銷礙入空。 如是一類。 名為

過於一 定。 礙之言。亦通前二。然行人厭患色法。如牢獄。心欲出離。即修觀智。破於色法。 亦名捨心。即凡夫外道也。以此二天俱在捨心。共一地故。覺身下正明此天。銷 銷礙入空。此是樂定那含。即定性聲聞也。若於廣果無想。用有漏道伏惑入空。 初二句躡前也。捨心有二。一有頂。二無想。若於有頂。用無漏道斷有頂惑 切色相。滅有對相。不念種種相。入無邊空處。 心與虛空相應。名為空處

⊙ 卯二識處。

諸 礙既銷 。無礙無滅 。其中唯留阿賴耶識 0 全於末那 0 半分微

# 細。如是一類。名為識處。

定。 愚法 空無邊。緣多則散。能破於定。 留緣色空分。故云半分。以此第六色心俱緣。故留半也。行人入此定時。 以破於空也。其中下正釋。唯留賴耶全末那者。此七八二識更互相依 。全不知有。冥然自留也。半分微細者。即第六識。今留一半緣識心 初句結前空處。 次句破空入識。銷礙之無亦亡。 即捨虚空。 轉心緣識。 故云無礙無滅。此即唯觀於 心與識法相應。 厭患虚 分

⊙ 卯三無所有處。

所有處 空色既亡 0 都滅 0 十方寂然 逈無攸 往 0 如是 類 0 無

空識心等法。 人厭患於識。三世之識無邊。緣多則散。能破於定。故捨緣識。轉心依無所有法。 識心都滅。 空處無色而存空。識處亡空而存識。皆名所有。今此空識俱亡。故云空色既 首楞嚴義疏注經卷第十七 一無所存。 此二句先破三法也。十方下正明行相。十方者。諸法也。 故云寂然。 所緣既寂。能緣不行。故云逈無攸往 所緣色

心與無所有法相應。名無所有處定。然今修大乘者。多濫此定。 但 一切無著。

首楞嚴經長水疏

無所寄。都無一物。即是大乘。如頑空無異。而不知善能了達諸禪境界 斷伏歷

然。道品次第。如大圓鏡。鑒於萬象。不差不錯。方是大乘真修禪也

⊙ 卯四非非想處。

識 非盡。如是 性不動 0 一類 以滅窮研。於無盡中 。名為非想非非想處 。發宣盡性 0 如存不存 0 若盡

如癰如瘡 雖見在而不起。故云如存不存。 之處。故云於無盡中。辯為非想。故云發宣盡性。雖見盡而識在。故云若盡非盡 此一天。研窮心滅。伏令不動。故云以滅窮研。 次句轉釋不動義。前無所有處。猶用心窮研。令不緣識。心與無所有法相 初二句指所依體。初句雙標。識性者。標有細想也。 此有頂地約當體立稱也。行人入此定時。厭患無所有處想如癡。 即捨無所有處。緣念非有想非無想之法。心與此法相應。故云非有想 及賴耶流注不息。故約此義以立其名。 由此義故。名非想非非想也。此即第六識 於無下正釋行相。 准俱舍云。前三無色從加 不動者。 是依此識 標無麤想也 有想處 **に**麗想不 應。今

非無想也。

 $\odot$ 寅二總辯二類

#### 此等窮空 不盡空理

總指四天也 滅色取空。非真空性。妄謂為盡。故云不盡。以不能灰滅心智故。言此等者。

### 從不還天。聖道窮者。 如是一 類 。名不迴心 鈍阿羅漢

非畢竟不迴。已如前說 數報。方斷有頂地惑。成阿羅漢。故名為鈍。言不迴心者。且約對前利根者說。 上惑。成無學果迴心向大。即以無漏聖道漸次厭捨。隨定感果。生此四天。 即從色究竟天。捨厭成就。覺身為礙。銷礙入空者。既不能發明智慧 頓斷

## 若從無想諸外道天。窮空不歸。 迷漏無聞。便入輪 轉

至此不進。以不廣聞聖教。不辯諸禪漏與無漏。 |。言從無想來者。應是廣果天來。與無想同地。對五聖天。名為外道。是外道 若從無想。用有漏道。忻上厭下。漸至非想。認此有漏作無為解。便謂涅槃。 首楞嚴義疏注經卷第十七 修證行相。壽終隨業。必入諸趣

故云從無想來。若實入無想。 首楞嚴經長水疏 必定退墮。更不進修 准經論釋。 無想外道業

6 5 0

盡必墮。無上生義故

• 子二辯異王臣。

之天王。即是菩薩遊三摩提。漸次增進。迴向聖倫所修行路 阿難。是諸天上各各天人。則是凡夫業果酬答。答盡入輪 彼

必兼凡聖。如前文說。五不還天 四空。諸禪三昧。成佛事故。問。前四禪王亦是權化。通凡夫耶。 四空天人容是業報。彼四天王即是權化。以入大乘首楞嚴定。為欲遊戲四禪 故知兼二也。 0 四禪天王獨有欽聞。 不能知見 ٥ 答。四禪天王 此約一分凡夫

癸二結示。

名無色界 阿難。是四空天 身 ジ 滅盡。 定性現前 無業果色 從 此 逮終

身心滅盡者。色身必盡。其心若盡非盡。妄謂為盡。定性現前者。有定果色。

若無此色。四心何依。故知有也。

○ 辛二總結虚妄。

補特伽羅 此皆不了 妙覺明心 。各從其類 。積妄發生。妄有三界。中間妄隨七趣沈溺

修禪觀人不達此門。或空處。或無所有處。或非非想處。動經六萬八萬大劫 心寂滅。報盡還墮。 由不如實知真如法一。妄認所明。分別既生。從妄積妄。故云不了等。 總名長壽天難。佛口親宣。那不明信。補特伽羅此云數取趣。 當知

● 庚七修羅趣。

德貶墜。其所卜居。隣於日月。此阿脩羅從胎而出。人趣所攝 復次阿難 力。乘通入空。此阿脩羅從卵而生。鬼趣所攝。若於天中。 有脩羅王。執持世界。力洞無畏。能與梵王及天帝釋四天爭權 阿脩羅因變化有 。是三界中。復有 0 天趣所攝 四種 0 阿難。 阿脩羅類 別有 若於鬼道。 一分下劣脩羅 以 護法 降 生

首楞嚴義疏注經卷第十七

6 5 1

畜生趣攝 大海心。沈水穴口 。旦遊虚空。暮歸水宿 0 此阿脩羅因濕氣有

首楞嚴經長水疏

分明。 法華瑜伽亦說有四脩羅。 可為標準。 大同於此。諸說脩羅 或天或鬼 皆不明了

• 己三結妄因以誠離二。庚一結妄因四 。辛初總結虛妄。

阿難。如是地獄 0 餓鬼畜生。 人及神仙。 天泊脩羅

結指諸趣。

明無作本 精研七趣 0 皆是昏沈諸有為相 皆如空華。 元無所著 0 妄想受生 0 但一虚妄。 0 妄想隨業。 更無根緒 於 圓

根緒而可得耶 此妄因果。皆是無明有為虛相。無實可得。若望圓明。如虛空華。本無所有。何 結成虛妄也。精研猶細尋也。妄想受生。七趣果也。妄想隨業。七趣因也。

⊙ 辛二通示業因。

阿 ·難。此等眾生不識本心。受此輪迴。 經無量劫 0 不得真淨。

此示妄想受生也。

皆由隨順 。殺盜婬 故 0 反 此三種 0 又 則出生無殺盗婬 0

此示妄想隨業也

有名鬼倫 0 無名天趣 0 有無相傾 0 起輪 迴性

結輪轉也。 鬼倫天趣。 略舉四惡三善之二也。 有無相待。 互成傾奪

墜 。 有輪無初

辛三顯正修行

若得妙發三摩提者。 殺不偷不婬。云何更隨殺盜婬事。 則妙常寂。 有無二無。 無二亦滅。 尚無不

無別法。故云云何更隨殺盜婬事 有無二無。非生死也。無二亦滅。 若發三昧。唯見一體。三德秘藏。妙。般若也。常。法身也。 非涅槃也。 唯 一中道實相之理。 寂 離實相外。更 0 解脫 也

首楞嚴經長水疏

6 5 4

辛四 別示重結

阿難。 自妄發生。生妄無因 不斷三業。 各各有私 。無可尋究。 。因各各私 0 眾私同分 0 非無定處 0

為有定處。為復自然。彼彼發業。各各私受之問也。 差。故云定處。即所感處也。既稱為妄。云何有因。故無尋究。此即結答前文。 殺盜婬三。隨人別造。名各各私。所造攸同。故云同分。業苦相對。 必無參

⊙ 庚二勸除斷

世間有為功用。習氣不滅 汝勗修行。 如來說為可哀憐者。汝妄自造。非菩提咎。 若他說者。 欲得菩提。要除三惑。不盡三惑。 即魔王說 。落於魔道。雖欲除妄。 作是說者。 縱得神通 倍加虚偽 名為正 皆是 0

下重指結答。以示正邪也。前問云。此道為復本來自有。為是眾生妄習生起。今 不盡下明不斷之失。修禪不持戒。是即魔羅業。以妄修於妄。真實可憐愍。汝妄 要除三惑者。此正勸也。前云。三緣斷故三因不生。狂性自歇

結答云。汝妄自造。非菩提咎。即以前句答後問。後句答前問也。

⊙ 大文丙第七陳禪那現境者。此之境界。是修行人。由戒定慧。漸修有力。 慧。不能覺察。即便取著。認非為是。先雖修正。返入邪倫。佛哀此等。無問而 或煩惱。或業種。或邪思。或天魔鬼神等現諸異相。禪中而發。行人若無多聞智 生後 魔境界。亦出少分耳。 説。然諸經論明坐禪次。亦略説之。微細廣説無過此典。天台止觀。或引禪經説 惱。外動魔王。於觀行中五陰漸滅。從麤至細。滅一陰時。有十境界被境激發。 0 文二。丁初如來無問自說三。 戊一如來告語三。己初結前

倚 即時如來將罷法座。於師子牀。攬七寶几 0 普告大眾及阿難言。 。迴紫金山 0 再來凭

法座。然禪發境界。非一切智孰能知之。若不與說。末代修行遇此難敵 几。顯悲深也。 此經家敘。佛答阿難七趣已竟。慶喜既默。眾又無辭。合住說法 。故云將罷 。故再凭

說真修行法 汝等有學緣覺聲聞 汝猶未識 0 今日 0 迴心 修奢摩他毘婆舍那微細魔事 0 趣大菩提 0 無上妙覺 0 吾今已

首楞嚴義疏注經卷第十七

6 5 5

首楞嚴經長水疏

方法也 真修行法。即前二決定義。觀音觀門內戒外呪。兼前正解。俱是修行入覺之

○ 己二示迷顯失二。庚初認魔境。

魔境現前。汝不能識。洗心非正。落於邪見。或汝陰魔。 天魔。或著鬼神。或遭魑魅。 心中不明。 認賊為子。 或復

常說四魔。謂煩惱魔。生死因也。陰魔死魔。生死果也。天魔。生死緣也。今云 鬼神等即天魔屬。若涅槃云。皆是先世犯初重禁。乃至餘篇而現者。此則業因種 子被激而生也。是故行人先須明擇。 修妙觀智。滌內垢障。故云洗心。由魔引起分別念著。故名非正。 陰魔等者。

⊙ 庚二取少證。

哀相現前 又復於中得少為足。 謗阿羅漢身遭後有。 如第四禪無聞比丘 墮阿鼻獄 。妄言證聖 0 天報已畢

智論所說。 此比丘者。不廣尋經論。師心修行。無廣聞慧。 不識諸禪三界地

天中陰滅。墮阿鼻獄 處。若如是者。佛說羅漢竝是虛妄。故知無有得涅槃者。由此起謗。決定邪見。 至無常時。四禪中陰見有生處。忽然起謗。我聞羅漢已得無生。今日云何更有生 阿羅漢者此云無生。我已證得無生果。已離三界分段生死。所作已辦。 位。但精勤不息。證得初禪。謂是初果。乃至四禪離八災患。便謂已證阿羅漢果。 更不進修。

○ 己三勅聽許說。

汝應諦聽。吾今為汝仔細分別。

可知。

○ 戊二阿難佇聞。

阿難起立 0 并其會中 同有學者 0 歡喜頂禮 0 伏

如文。

0 戊三正為分別三。己 初總明三。 庚一 通明真妄二 辛 初 顯生佛 同

佛告阿難 0 及諸大眾 0 汝等當知 0 有漏世界十二類生。 本覺妙

首楞嚴義疏注經卷第十七

6 5 7

6 5 8

明。覺圓心體。與十方佛無二無別。

首楞嚴經長水疏

三無差別也。 真妙體本無二相。 前文云。我與如來真妙淨心無二圓滿。 斯則心佛眾生。

○ 辛二明迷妄成異二。壬一迷真妄起。

安立。 由汝妄想。 不息。有世界生。 迷理為咎。 則此十方微塵國土非無漏者。皆是迷頑妄想 癡愛發生。 生發編 迷 0 故有空性 化迷

能生身土智影。 則此下重指。 如來藏不生滅。此二和合成阿梨耶。此即內識成也。故云徧迷。故有下外器具也。 現。執而 具對者。先由不如實知真如法一。即我癡。次於迷處見有所相 此正敘也。 不捨 非無漏者。反顯諸佛淨土即是鏡智所現。唯識云。 今此有漏。皆妄安立。 即我愛。恃此為體 無明妄想。迷真常理。遂成四惑。略舉其二。 。轉增麤顯。即是我慢。楞伽云。七識生滅 故云癡愛發生。 0 大圓鏡智。能現 即我見。所相既 若

當知虚空生汝心內。猶如片雲點太清裏。 沉諸世界在虚空耶

云。乃至虚空皆因妄想之所安立。故云況此世界在虚空耶。 此結指也。前文云。空生大覺中如海一漚發。有漏微塵國皆依空所生。下文

⊙ 壬二悟真妄除。

汝等一人發真歸元。此十方空皆悉銷殞。 不振裂。 云何空中所有國土而

其妄所感共變國土。為智所了。寧不振裂。由是諸佛成道。動諸世界。必不徒然。 然發真者。合覺之時。雖但見覺。無妄可生。此無生妄。未發真者。見是實有。 妄歸真。始覺合本。其所感者隨妄消殞。前文云。諸器世間應念化成無上知覺。 ⊙ 庚二別示降魔二。辛一致魔興二。壬初因悟動魔二。癸一正明 前文云。漚滅空本無。況復諸三有。故知。眾生共業所感國土及空。 0 人返

當處湛然 汝輩修禪。飾三摩地。十方菩薩及諸無漏大阿羅漢。 心精通溶

漢亦已分證。今三昧者。同彼所證。融合一體。妄處全覺。故云當處湛然。 此顯悟也。飾亦修也。濬。合也。一法界心。生佛同體。佛究竟證。菩薩羅

水陸飛騰。 一切魔王及與鬼神。諸凡夫天。見其宮殿無故崩裂。大地振坼 無不驚熠

此動魔也。

凡夫昏暗 不覺遷訛 0 彼等咸得五種神通 唯除漏盡

魔界。共感國土必傾搖耳 彼諸魔王。欲界之主。統此國土以為所居。總攝有情以為民眾。故得道者 此料揀也。魔與諸天皆修禪定。故得五通。凡夫煩惱一未曾伏。故云昏暗。

癸二反顯。

戀此塵勞。如何令汝摧裂其處。

如文。

⊙ 壬二正為留難。

是故鬼神及諸天魔。 魍魎妖精。於三昧時 0 **僉來惱汝** 

僉。皆也。餘如文。

○ 辛二辯降伏二。壬初順明二。癸初引喻廣明。

迷 徒恃神力 然彼諸魔 斷水。了不相觸。 。客得其便 0 0 雖有大怒。 但為其客。 汝如沸湯。彼如堅氷。煖氣漸隣。 成就破亂。 彼塵勞內 。汝妙覺中。 由汝心中五陰主人。主人若 如 風 吹光 不日銷殞 如刀

即成破亂。終不成就 淨道力。破彼昏濁魔心。 首楞嚴定。實相智慧。如光如水 如空無礙。 物何能沮。或一念動如主心迷。客得其便。 。如湯如主。風刀氷客。孰能動焉。 此以清

⊙ 癸二結勸降伏。

**羣邪咸受幽** 當處禪那 0 氣 覺悟無惑。 0 明能破 則 彼魔事。無奈汝 0 近自銷殞 0 如 何。 何敢留 陰 銷 0 擾亂禪定 入明 則彼 0

首楞嚴義疏注經卷第十七

6 6

首楞嚴經長水疏 662

殞。 涅槃。山河大地。皆即狂勞虚妄華相。故云如何敢留擾亂禪定 今入三昧寧不動魔。苟能深入禪定。唯觀實相。魔界佛界。 初二句勸依本修治。 智慧觀察也。則彼下。顯魔不得便 0 人發真。世界銷 如無二。生死

⊙ 壬二反顯。

若不明悟。 被陰所 迷 0 則 汝阿難 0 必為魔子 成就魔人

觀破。魔自銷歇 隱諸不善因。譬如群賊藏隱山中。時出人間劫奪財物。故知五陰魔所依處 慇懃啟悟。令識魔惑。 五陰所迷。魔得其便。故正理論云。五蘊者。 積聚藏 。若能

庚三引事例證。

宛轉零落 如摩登伽殊為眇劣。 心清淨故 。尚未淪溺 無可哀救 彼唯呪汝破佛律儀 此 乃隳汝寶覺全身。 0 八萬行中祇毀 如宰臣家忽逢籍沒 一戒 0 0

殊為眇劣者。殊。異也。即異常之眇劣也。魔鬼相望。 魔勝而鬼劣。 今登伽

極法 是人 此。此魔也。魔欲令汝三昧不成。流浪輪轉。法身慧命絕滅銷殞。 據摩登伽。期心甚淺。但欲毀汝淫之一戒。由汝無心。尚不成犯。 。削沒其籍。世無食祿。深可悲夫 。但有呪力。非具五通。若望於魔。即眇劣中又眇劣者。 彼唯下釋眇劣相 此乃下顯魔勝 如宰輔家犯國

己二別顯五。庚一破色陰三。辛一盡未盡相二。 壬初 明 區宇

阿難當知 0 動静不移 汝坐道場。銷落諸念。 。億忘如 0 其念若盡 0 則諸離念 切

落諸念等。圓覺亦云。於一切時不起妄念也。分別不起。故云念盡。 切境界相。今經即云銷落諸念。能所二緣。經論互舉耳。 境不能隨。故云動靜不移。由澄諸念。分別稍寂。故云憶忘如一。起信即云止一 即前文云。得元明覺。無生滅性為因地心也。動靜下釋離念行相也。入流亡所 示入正定之方便也。此如前文。以湛旋其虚妄滅生。 伏還元覺。 離念精明者。 即此文云消

## 當住此處入三摩提。

依前方便入正定也。 應當依此離念之處。 深入正受。

首楞嚴義疏注經卷第十七

6 6 3

如明目人處大幽 暗。精性妙淨。 心未發光。此 則名為色陰區宇 0

664

首楞嚴經長水疏

定心顯也。心未發光。慧未生也。 色等別故。舉此喻者。表在其中也 別也。皆一天所覆。故云宇。宇。猶覆也。今色陰二字。 正顯未盡色陰也。心入正定。如明目人。未破色陰。如大幽暗。精性妙淨 區宇。寰區也。如王所統有諸國土。故云區。 即同區字 同一陰

壬二明盡相。

#### 若目明朗 十方 洞開 0 無復 幽 名色陰盡

今定慧發明。破其陰覆。 正明也。前已目明。今復暗破。故無幽黯。色既質礙 洞然明顯。故云陰盡。 0 障隔不通 故

#### 是人則能超越劫濁 0 觀其所由。 堅固妄想以 為其本

堅執。質礙便成。為色之體。故云堅固。問。色陰麤顯。觀中先破。劫濁最細 何得却超。答。 名為劫濁。從無忽有。有即色也。今破色陰。是故超越。堅固妄想者 結益也。 超劫濁者。 以起時無前後。 以劫濁是色陰之體。最初一念。能所纔立。 故破時兼麤細。文不累書。故見生起有次第耳。 即是空見不

非劫濁 又色陰屬現相。現相是本識。今色陰破。即現相破 故得超也。 信哉。 初心便有破 無明分耳 現相破。 即動本識。 本識豈

○ 辛二正明現境十。壬一身能出礙。

此名精明流溢前境。 阿 ジ 0 名善境界。 。當在此中精 若作聖解 研妙明 斯但 功用。暫得如是 0 0 四大不 即受羣邪 織 0 少選之間 0 非為 聖證 。身能 0 不 出 作 聖

若總撥為魔。則抑善功用。若言即聖。又未斷惑。故令善識而無取捨。下皆倣此。 礙。流溢前塵。功用暫然。非是聖證。苟知此是禪者功力。則無有失。 不相交織。須臾之際。身能出障。猶行虛空。斯則心不主形 於三昧中。精究研窮妙明元體。 無色陰相。 由斯研究。 深觀此理 四大亡質。觀心無 故云善境。 0 故得四大

⊙ 壬二體拾蟯蛔。

阿 難 蛔 0 0 身相宛然 復以此心精研 0 亦無傷 妙 明 毀 0 其身內徹 0 此名 精 明流 。是人 溢 忽然 形體 於其身內 0 斯 但 精 行 出 0

首楞嚴義疏注經卷第十七

6 6 5

暫得 羣 如是 非為聖證 0 不作聖心 0 名善境界 0 若作聖解 即受

首楞嚴經長水疏

蟯蛔。 蟯蛔。腹中虫也。觀心精明。 故無傷毀。 此境現前。不生取捨。即為善境。 內融身體 0 內之四大因觀而變。 不爾受邪 遂能體 內拾

⊙ 壬三密義聞空。

名善境界 精魄遞相 又 以 0 此心 互為賓主。 離合。 內外精 。若作聖解 成就善種 忽於空中聞說法聲。 研 0 其時 0 即受羣邪 魂魄 0 暫得 0 意志 如是 或 精 0 非為 聞十 神 聖 方 除 證 執受身 同敷密義 0 不作 0 聖 餘 0 此名 皆涉 ジ 0

先所修習聞慧種子 無所依附 主心為精神。根身種子皆為第八所執受故。定心精究。內外唯空。遂令五內主神。 初至賓主者。 。流出於外。迭互相依。故云互為賓主。忽於下四句。 明境發所由也。主肝曰魂。主肺曰魄。主脾為意。 。定力所激 0 禪中發生。遂寄神魂。 現於說法也。 正明發相 此名下 主腎為志

邪正。 離合即賓主也。或離心主而賓於肝等。 餘如文。

○ 壬四華臺踞佛。

諸世界 解 類化為 又 國土及與蓮華。 0 此 即受羣邪 如來。 0 暫得 0 澄露皎 於時忽見毘 如 是 俱時出現 徹 0 非為聖證 0 內 盧遮 光 0 此 名 那 明 0 不 ジ 0 0 魂 作 踞 聖 靈 夭 方 光臺 一悟 ジ 徧 所染 作 0 名善境 閻浮檀 0 千 0 佛 ジ 圍遶 界 光研 色 0 0 若 明 0 作 百 切 0 照 億

所熏染圓頓覺慧。悟知眾生本來是佛。 法界一相。 名為親證 外現其相也。 斯須自滅 初三句。內由觀慧也。定心澄靜。 若修樹觀 有所取著。豈非魔耶 以先熏習名言善種。染影而來。故見十方如金 0 或起取著。正定難存。如修念佛三昧。 0 設見佛形亦不為正。 0 此名下結判邪正。靈悟所染者。 此之種子因定激發。故現其相也。餘如文。 顯露皎明 以心境不相應故。 0 內光既發 此境現前與修多羅合者。 0 0 外相則 何況修真如三昧 種類皆佛。 靈。善也。先 變。 心念不 十方下

首楞嚴義疏注經卷第十七

6 6 7

668

首楞嚴經長水疏

**①** 

壬五

空呈寶色

赤白 然十方虚空成七寶色 又 不作聖心 以 此 。各各純現 ジ 精 0 名善境界 研 妙 明 0 此名抑按功力逾分 0 0 觀察不停 。或百寶色 若作 聖解 0 抑 0 0 即受羣邪 按 同 **,**時編滿 降 。暫得 伏 0 如 制 0 是 不 止 超 相 0 非為 越 留 礙 0 聖證 於 0 青黃 時 0

非幻尚不生。幻法云何立 境却生。與心相違。豈非魔事 定功研妙。 觀察逾深。 制止既過。寶色分現。本為制止分別 。不起取心。自然消歇。 如前文云 0 0 今 不取無非幻 ·由過分 異

⊙ 壬六物見暗中。

物 又 洞 即受羣邪 幽 此心 不殊白晝 暫得如是 研究澄徹 0 而 非為聖證。不作聖心 暗室物 0 精光 亦 不 亂 不 除 0 滅 忽於夜合 0 此名 。名善境界。若作聖解 心 0 在暗室內 細密澄其見 0 見 0 種種 0

境不隱。故夜見物。悟則無咎 定出入有無。故云亦不除滅 定中研究。心光澄靜 。由澄靜故。忽然發見。暗中見物。物是實境。故不隨 0 心細密澄者。 觀心微細 密爾澄靜。 精光既定。

⊙ 壬七傷體無知。

聖解 又以 一向 又則火光不能燒爇。縱割其肉猶如削木。此名塵併。排 此心 入純 0 即受羣邪 圓入虚融 暫得 如是。 0 四體忽然同於草木。 非為聖證 0 不作聖心。 火燒刀斫曾無所覺 名善境界。 四大性 0

如是。 融思寂 員 0 執受不行。四大五塵忽然排併。 徧也。入。觀達也。以此定心 0 編了一切。 既無能執 0 割截如空。 己身他物無不虛寂。 念想一純 此即心

○ 壬八編觀諸界。

又 此 沙 成就清淨 0 淨 ジ 功極 0 忽見大地十方山 河皆成 佛 國 0

首楞嚴義疏注經卷第十七

669

久化成 麗。 具足七寶。 下見地 0 非為聖證 獄。 光明編 上觀天宮。 滿 0 。 又 不作聖心 見恆 得無障礙 沙諸佛 0 名善境界 。 此 如來 名欣厭 0 0 徧 若作 滿 聖解 凝想 空界 日 0 0 深 樓殿華 即受羣 0 想

厭穢忻淨。積想所凝。圓定功深。感斯妙境耳

⊙ 壬九他方夜覩。

聖 或聞其語 又 心 以此心研究深遠。忽於中夜。遙見遠方市井街巷。 。名善境界。若作聖解。 0 此名迫心 。逼極飛出 即受羣邪 0 故多隔見。 非為 聖證。 親族眷屬

識心通靈。因定功發。 飛出隔見。遠近皆然。逼極之功。 非因妙證

⊙ 壬十師體變移。

此名邪 又 以此 心含受魑魅。 研究精極。見善知識 或遭天魔入其心腹。無端說法。通達妙義 。形體變移。少選無端 種 種遷改 0 0

非為聖證 不作聖心。魔事消歇 0 若作聖解 即受羣邪

同前文皆稱善種。起心作證方始成魔。 此人曾有邪心種子。合外魔境相因而來。然此一章非善境界。純是魔嬈。不

⊙ 辛三結勸弘宣。

成 天魔得其方便 生頑迷 阿難。如是十種禪那現境 。墮無間 0 不自忖量。 獄 0 。汝等當依 保持覆護。 逢此 因緣 如來滅後。 0 成無上道 皆是色陰用心 。迷不自識 於末法中宣示 交互 0 謂言登聖 0 故 斯義 現 斯事 0 大妄語 0 無令

此陰既積妄所成。妄盡自然陰滅。 其境耶。答。觀雖總相。五陰同觀。陰有麤細。麤者先盡。 即為魔惑。故佛勸令開示後世也。 此是於觀行中。色陰將盡未盡。用心差異。有此十境。若不識知。 問。此不作五陰次第觀門 從麤至細。 理必然也。 譬如浣衣。 何得陰次第盡 麤垢先去。 皆認聖證 。明 0

首楞嚴義疏注經卷第十七

首楞嚴義疏注經卷第十七

首楞嚴義疏注經卷第十八

672

首楞嚴經長水疏

長水沙門子璿集

○ 庚二受陰三。辛一盡未盡相二。壬一明區宇。

阿難 明鏡中顯現其像 見聞不惑。心觸客邪而不能動 0 彼善男子。修三摩提奢摩他中。 。若有所得。而未能用 0 此則名為受陰區宇 色陰盡者。見諸佛 0 猶如魔人。手足宛 心

者。 如見聞不惑。受陰客邪既在。妙用之動未能。為受所覆。故云區宇 用受陰為領納故。 有所得者 妙覺明心。 色陰盡者。 以止觀中觀其五陰。觀心純熟。不為色礙。故云陰盡。見諸佛心 即前見諸佛心也。既是觀心變影而緣。非是親證。 觀中明露 親證必能有妙用故。未破受陰如魘人 。即色相盡而色性現也。觀中暫見。非真實見 。色陰盡故。 能見佛心 故如鏡

⊙ 壬二明盡相。

陰盡。是人則能超越見濁 若魔咎歇 。其心離身。返觀其面。去住自由。 。觀其所由。虚明妄想以為其本 無復留礙。 名受

境。取著隨生。受陰既亡。即超見濁。覺明之心。虛通領納。故云虛明妄想。 執受相仍。便成根質。受妄領納。執以為己。以見是推求。執取為義 超見濁者。以根身正是見濁之體。見聞覺知壅令留礙。水火風土旋令覺知。斯則 者。受陰盡故。心亡領納。既無能領之受。即無所領之法。心法既亡。自在宜矣。 照自面。此顯見聞有用也。去住下二句。明手足得用也。此上皆約喻顯。若約法 其心離身者。 以客邪不觸心。於根門得自在也。不為魘咎之所留礙。故能返 。由領受前

⊙ 辛二正明現境十。壬一見物生悲。

阿難 忽於其處發無窮悲。 不覺流淚 。彼善男子。當在此中得大光耀。 如是乃至觀見蚊虻猶 其 如赤子 心 發 明 0 0 內 ジ 生憐愍 抑 過 分 0 0

此正顯也。 奢摩他中 0 定光發現。 狂慧既起。 內抑太過 0 憂悲種子在藏識者

首楞嚴義疏注經卷第十

忽焉現起。凡見生類。皆如自己所生赤子。赤子。嬰兒也。 首楞嚴經長水疏 6 7

歇。 失於正受 此名功用抑摧過越。悟則無咎。非為聖證。覺了 若作聖解。則有悲魔。 當從淪墜 入其心腑 。見人則悲。 不迷 啼泣無限 0 久自銷 0

此。 此結判也。 心光忽現。 內抑太過。憂悲種發。 非為聖證 0 取即引魔 他皆倣

⊙ 壬二勇志齊聖。

阿難 感激過分 一念能越 。又彼定中諸善男子 0 忽於其中生無限勇。 0 見色陰銷 其心猛 0 利 受陰明 0 志齊諸佛 白 0 勝 相 謂 現 三僧 前 0

。謂言三祇一念能越。我齊諸佛。 色盡受現。定之勝相也。先未曾得。今既獲得 更無如者。 。遂生感激 感激 太過。 勇志

此名功用陵率過越 0 悟則無咎 0 非為聖證 0 覺了 不迷 0 久自銷

其心乃至。上不見佛 歇。若作聖解。則有狂魔。入其心腑。見人則誇。我慢無比 0 下不見人。失於正受。當從淪墜

被激而生。悟則無咎 陵謂蔑他。率謂自強。由見勝相。因茲感激。遂有此生。斯則無始我慢種子。

壬三渴心沈憶

又彼定中諸善男子。 見色陰銷 。受陰明白 0 前無新證

0

居。 智力衰微。入中隳地 0 逈無所見 0 心中忽然生大枯渴 歸失故

切時沈憶不散。將此以為勤精進相 0

倚。 魔入其心腑 此名修心無慧自失。悟則無咎。非為聖證。 名中隳地。既於此處心無所措。遂生沈憶。以此名修。認為精進 受陰未空。前無新證。色陰已盡。歸失故居。前後失準。墮在兩 。旦夕撮心。懸在一處。失於正受。 若作聖解。 當從淪墜。 楹 無所依

若於色受盡未盡中。 用無相慧觀察陰體。 本自不生。今則無滅。 唯一實相

首楞嚴義疏注經卷第十八

如此則何有無新證失故居之慮哉。今既不然。故成自失。

首楞嚴經長水疏

壬四疑自果成

利 又彼定中諸善男子。見色陰銷。受陰明白。 0 以諸勝性。懷於心中。自心已疑是盧舍那。得少為足。 慧力過定。失於猛

解 此名用心忘失恆審。溺於知見。悟則無咎。非為聖證。若作聖 失於猛利者。過在慧之猛利也。心懷勝性。疑是舍那。更不求進。得少為足。 失於正受。當從淪墜 則有下劣易知足魔入其心腑。見人自言。我得無上第一義

故溺知見。即前失於猛利也。此則勝解忽生。引起見取種子。執劣為勝。故此現 定力微故忘失恆審。慧力過故溺於知見。定慧若均 。寂照無二。 慧力既過。

壬五逼意憂愁

又彼定中諸善男子 。見色陰銷。受陰明白 0 新證未獲。故 心已

飲毒藥。 亡 。歷覽二際。自生艱險 心不欲活 。常求於人令害其命。早取 。於心忽然生無盡憂。 解脫 如 如

憂愁。走入山林 分常憂愁魔入其心腑 此名修行失於方便 二際者。未證已亡之二也。定無方便。安忍其心。遂成憂惱。 0 不耐見人 0 悟則無咎。非為聖證 。手執刀劍 。失於正受。當從淪墜。 0 自割其肉 0 若作聖解 0 欣其捨壽 不耐活命也 0 則有一 或常

等修不淨觀。厭淨過分。 悔惱種子被激而生。 修無方便。 求刀自害。魔使之然。悟則無咎。 故引魔鬼也。如四分律。婆求河邊。 諸比丘

⊙ 壬六生心喜樂。

**後**。 自禁 其 又 Û 彼定中諸善男子 腑 忽然自有無限喜生 。悟則無咎。非為聖證 見 人則 笶 0 0 見色陰銷 於 衢路傍自歌自舞 0 心中歡 0 若作聖解 。受陰 悦 0 明白 不能自止 0 0 則有 自謂已得 0 處清淨中。 一分 0 此名輕安無慧 無礙解 好喜樂魔 心 脫

首楞嚴義疏注經卷第十八

6 7 7

失於正受。當從淪墜

首楞嚴經長水硫

便。 輕安是禪支。雖因定生。 須慧覺察。忽然過分。 掉舉種生。 好喜樂魔因茲得

⊙ 壬七無端我慢。

劣慢。一時俱發。心中尚輕十方如來。 端大我慢起 又彼定中諸善男子 。如是乃至慢與過慢 0 見色陰銷 。受陰明白 0 及慢過慢。 何況下位聲聞緣覺 0 自謂已足。 或增上慢 忽有無 或卑

勝見。無正慧覺。是故起也。 知下劣。返顧自矜。名卑劣慢。斥毀經像。即是邪慢。此之七慢。 於他等謂己勝。名為過慢。 此有七慢。恃己陵他。高舉為性。名我慢。稱量自他。比校同德。 於他勝謂己勝。名慢過慢。未得謂得。名增上慢。 由禪定中忽生 但稱為慢

此名見勝無慧自救。悟則無咎 大我慢魔入其心腑 0 不禮塔廟 。非為聖證 0 摧毀經像 0 若作 0 謂檀越言 聖解 則有 此是

金銅 眾生。 却崇土木 。或是土木。經是樹葉。或是疊華。肉身真常。 入無間獄 。實為 。先於正受。 顛倒。其深信者。 當從淪墜。 從其毀碎。 埋棄地中 不自恭敬 疑誤

勿同此謗 教若滅壞 出家學道。 。十二部經於茲滅矣。 愚者修禪。皆墮此見。 藉此而修。 誰有修行及得道者。愚者不見此文。一向謗佛無說。 須知。毀經像人。魔鬼入心。是大邪見。 魔壞信因。令毀經像。故楞伽云 並是魔種。不識如來像教之意。且末世住 0 佛若不說 故知 當須善察。 持 0 0 教則滅 依 因 像

⊙ 壬八頓獲輕安。

理 又 彼定中諸善男子。見色陰銷。受陰明白。 得大隨順。其心忽生無量輕安。已言成聖 於精明 0 得大自在 中 圓 悟精

得無違拒。故云隨順。由隨順故 精明中者。即圓定寂照中也。定中發慧。與理暫契。名圓悟精理。理智相冥。 0 身心調暢。 便謂成聖

此名 分好輕清魔。入其心 因慧獲諸輕清 0 腑 悟則無咎。非為聖證 0 自謂滿足。更不求進。此等多作無聞 0 若作聖解 則有

680

首楞嚴經長水疏

比丘 0 疑誤眾生。 墮阿鼻獄 0 失於正受。 當從淪墜

便謂成聖也。無聞比丘。觸處皆有。世世輪轉。熏識成因。以類相從。 自謂滿足更不求進者。 良以不學修禪次第。 不善通達禪支行相。 暫得輕安。 卒難曉悟。

⊙ 壬九誤入空心。

至 性 又彼定中諸善男子 心生。長斷滅解 。其中忽然歸 向永減 。見色陰銷 0 撥無因果 。受陰明白 0 \_ 向 λ 0 於 空 明 0 悟中 空 心 現前 0 得虚明

無因果。生斷滅解 得虚明性者。 即依圓定。發於空慧。悟性空理 。此即由無方便。邪見忽發也。 0 依此起見。 成惡取空。 故 撥

戒 悟則無咎。 名為小 非為 乘 0 聖證 菩薩悟空。 。若作聖解。則有空魔入其 有何持犯 。其人常於信 心 心 腑 心 檀越 0 乃

或食屎尿與酒肉等。 酒噉肉。廣行婬穢。因魔力故。攝其前人不生疑謗。鬼心久入。 當從淪墜。 一種俱空。破佛律儀。 誤人入罪。失於正

奈何 又不肯捨。勸令持之。又不肯持。豈非與煩惱相應。卒難諫曉。魔力所惑。誰能 堅受不可捨。乃謗持戒等者。此之魔種代代有之。南山云。戒是小乘。 膠如漆。斷手截臂。不以為難。魔力之故。 此內由邪見。外引空魔也。大般若云。魔能入一切眾生心。 人皆信伏。法華所謂。深著虛妄法 令歸依魔黨 如

⊙ 壬十狂成貪欲。

又彼定中諸善男子。見色陰銷。受陰明白。 。其心忽有無限愛生。愛極發狂。便為貪欲 味其虚明。 深 心

欲種子而發。遂成狂欲也。 味其虚明者。愛著禪中色陰盡處。 以為勝境。 由此起愛。 無慧覺察。 引其貪

首楞嚴義疏注經卷第十

白衣 證 魔心生厭 其凡愚。其數至百。如是乃至一百二百。或五六百。多滿千萬 此名定境安順 若作聖解。 。平等行欲。其行婬者名持法子 。失於正受。當從淪墜。 離其身體。威德既無。陷於王難。疑誤眾生。 入心 則有欲魔入其心腑。 。無慧自持。誤入諸欲 一向說欲為菩提道 0 神鬼力故。於末世中攝 悟則無咎 。非為聖 )。 化諸

凡愚惑著。何事不從。又魔因妄起。本性不常。勢盡厭生。去身留難 發。不避死馬。因定引魔。此之類也。攝諸凡愚至千萬者。欲本順貪。 此貪欲種 。如火遇薪。忽然而發。欲魔得便。因此入心。 因魔熾盛。

⊙ 辛三結勸弘宣。

墮無間 如是十種禪那現境 不自忖量。 獄 0 汝等亦當將如來語 逢此 因緣 。皆是受陰用心 。迷不自識 0 於我滅後 交互 0 謂言登聖 。 故 0 傳示末法 現 斯 0 大妄語 事。

令眾生。開悟斯義。無令天魔得其方便。保持覆護。成無上道

種境界。皆是內心交互。外引諸魔。苟能識之。不落邪見 受陰交互者。不能定慧均平。善巧安忍。既失方便。異念即生。 由此故有十

⊙ 庚三破想陰三。辛初盡未盡相二。壬一明區宇。

阿難。彼善男子。修三摩提。受陰盡者。雖未漏盡。 如鳥出籠 隨往無礙 。已能成就 0 從是凡身。 上歷菩薩六十聖位 心 。得意生 離其形

在。 破下諸陰。隨未盡處。猶有魔事。不得無礙。今約利者說耳。若最鈍者。至識陰 陰隨破。於此凡身即能入位。得意生身。更無魔惑。令其退也。若鈍根者。更須 得根互用。方入乾慧。若以前後比望中間。 如鳥出籠。無有障礙。已能成就上歷聖位者。此是圓頓利根者得受陰破。諸 觀中伏惑。全未斷故 今經不言。文略故耳 0 名漏未盡 。心離形者。受陰既破。無執受故。 合於想行盡處。 亦說入位 心自

首楞嚴經長水疏

 $\frac{6}{8}$ 

譬如有人熟寐窺言 令不寐者咸悟其語 0 0 此則名為想陰區宇。 是人雖則無別所知。 其言已成音韻倫次 0

言也 既得及第。即能具有官位之分。然待為政。 此中不分利鈍二別。但都明此位得受盡者。即能已具歷位升進之分。 破受陰。三蘊隨破。不同破色鈍根之者。未能破想。觀力弱故。故在區宇。 故得說上歷聖位耶。答。雖望餘陰亦即是麤。然受等四陰同是心法。故利根人若 未能破心。故未成就上歷聖位。以最麤故。受陰既是四心初首。故破受陰。得說 菩提也。問。破色陰時。已是成就觀行。何故不說上歷聖位耶。答。色陰雖破。 聖人。則知此人已有升進聖位之分。般若云。如來悉知悉見。是人皆得成就阿耨 上歷六十聖位 。音韻倫次者。如有成就聖位分也。無別所知。想陰蓋故。不寐人者 此喻鈍根觀力微弱。雖受陰盡。有成就聖位之分。然不破想陰。故如熟寐 |。問。若言破色是麤故不說者。今破受陰。望於想行亦即是麤。何 功德勝劣。方序用耳。 如人取仕

⊙ 壬二明盡相。

若動念盡。浮想銷除 0 於覺明心 0 如去塵垢 0 倫生死 首尾

### 圓照。名想陰盡。

明見。故云圓照 本末也。以行是遷流。遷流即生滅。今無想隔。故本末皆現。即生滅體露 念即想也。浮想既除。觀心轉淨。故云如去塵垢。 想者取像。謂要先安立境分劑相。方能隨起種種名言。念緣不息即名浮動 一倫生死謂行陰倫類也。首尾。 1。觀心

### 是人則能超煩惱濁 。觀其所由。 融通妄想以為其本

水。融通質礙。故名融通 今想陰盡。此濁亦超也。融通妄想者。想能融變。身隨於心。心想酢梅。口中流 憶識誦習。性發知見。容現六塵。離塵無相。離覺無性。相織妄成。名煩惱濁。 一切煩惱以想為本。擾惱身心。汨亂真性。故名為濁。如前文云。又汝今者

• 辛二正明現境十。壬一貪求善巧二。癸一 心爱忽生魔得其便

阿難。彼善男子。受陰虚妙。不遭邪慮。圓定發明。 心愛圓明 銳其精思 0 貪求善巧 三摩地中。

首楞嚴經長水疏

6 8 6

著定境也。銳。利也。淬利愛心。令其精妙。故貪善巧。 心愛生也。虛妙。空寂也。邪慮即前十種心念也。謂發悲生勇等。愛圓明者。

或作比丘。 爾時天魔候得其便。飛精附人。口說經法。其人不覺是其魔著。 破佛律儀 暗室。身有光明。是人愚迷。惑為菩薩。信其教化。 自言謂得無上涅槃。來彼求巧善男子處。敷座說法。其形斯須。 令彼人見。或為帝釋。或為婦女。或比丘尼。或寢 潛行貪欲 搖蕩其心 0

心 破佛律儀 魔得便也。 。故成魔業 既貪善巧。異想紛然。魔附他人。 來應求巧。 師資相誘。 **憒亂** 其

癸二口説異端去身留難。

恐怖於人。 口 中好言災祥變異。或言如來某處出世。或言劫火。或說刀兵。 令其家資無故耗散。

說異端也。

與師俱陷王難。 此名怪鬼。年老成魔。惱亂是人。厭足心生。去彼人體。弟子

致留難也。

汝當先覺。 不入輪迴。 迷惑不知。墮無間獄 0

勸先覺也。下諸境倣此。

⊙ 壬二欲經歷二。癸一心愛忽生魔得其便

阿難。又善男子。受陰虚妙。不遭邪慮。圓定發明。三摩地中。 心爱遊蕩。飛其精思。貪求經歷。

心愛生也。經歷。遊行也。

各各如是 其聽法者。忽自見身坐寶蓮華。全體化成紫金光聚。 爾時天魔候得其便。飛精附人。口說經法。其人亦不覺知魔著。 亦言自得無上涅槃。來彼求遊善男子處。敷座說法。自形無變。 。得未曾有。是人愚迷。惑為菩薩。 **婬逸其心。破佛** 一眾聽人

首楞嚴義疏注經卷第十八

6 8 7

律儀。潛行貪欲。

佛律儀。廣行魔業。 若行住在定。遊禮何妨。若蕩逸周流。隨情喪志。魔得其便。恣欲其心 破

⊙ 癸二口說異端去身留難

銷滅 弟子與師俱陷王難。汝當先覺。不入輪迴。迷惑不知。墮無間 某菩薩等。來化人間。其人見故。心生傾渴。 口中好言諸佛應世。某處某人。當是某佛化身來此。某人即是 。此名魃鬼。年老成魔。惱亂是人。厭足心生。去彼人體。 邪見密興。 種智

文顯可知。

⊙ 壬三願契合二。癸一心愛忽生魔得其便

緜潪。澄其精思。貪求契合。 又善男子。受陰虚妙。 不遭邪慮。圓定發明。 三摩地中。 心爱

不生。理自冥會。若希求**涾**合。愛念潛增。擬心即差。遂招魔惑 緜。密也。濬。合也。澄。凝寂也。精思。即前愛心也。夫亡機寂照。相念

或口 菩薩。縣愛其心。破佛律儀。潛行貪欲 移易。或得宿命。或有他心。或見地獄。或知人間好惡諸事。 聽法之人。外無遷變。令其聽者。未聞法前。 亦言自得無上涅槃。來彼求合善男子處。敷座說法 爾時天魔候得其便。飛精附人。口說經法。其人實不覺知 說偈。或自誦經。各各歡娱。得未曾有。是人愚迷。惑為 0 心自開悟 。其形及彼 。念念

心希契合。令未聞法。便自開悟。乃至得通自誦經等。頗合其心。 故多縣愛

● 癸二口説異端去身留難。

佛 此名魅鬼 口 中好言。 男佛女佛。菩薩亦然 。年老成魔 佛有大小。某佛先佛 0 惱亂是人 。其人見故 。厭足心生。去彼人體 。某 佛後 。洗滌本心 佛 0 其中亦有真 。易入邪悟 。弟子 假 0

首楞嚴義疏注經卷第十八

6 8 9

與師 俱陷王難。汝當先覺。不入輪迴。迷惑不知。 墮無間獄

首楞嚴經長水硫

欲。今反行之。本心遂去。故云洗滌 男女佛者。貴引行人行貪欲事。無妨成佛。洗滌本心者。本心修行。 。俾離貪

⊙ 壬四樂辯析二。癸一心愛忽生魔得其便

0

根本。窮覽物化 又善男子 。受陰虚妙。不遭邪慮。圓定發明。三摩地中。 。性之終始 。精爽其心。貪求辯析

根本者。求根尋本。究物之元底也。物化。萬境也。爽。明也。

信受。 摧伏求者。令其座下。雖未聞法。自然心伏。是諸人等。將佛 法身常住不絕。 涅槃菩提法身。即是現前我肉身上。父父子子遞代相生。即是 亦言自得無上涅槃。來彼求元善男子處。敷座說法。身有威神。 爾時天魔候得其便。飛精附人。口說經法。其人先不覺知魔著。 亡失先心 。身命歸依。得未曾有。是等愚迷。惑為菩薩 都指現在即為佛國。 無別淨居及金色相。 其人

推究其心。破佛律儀。潛行貪欲。

盡命歸心。從邪敗正 只此穢境。相好之體。全是我身。妄本既宣。邪信便發。魔力所制。 心欲求元。魔精附物。說肉身為三德之本。指相生為常住之因。 更不推移。 清淨之方

一 癸二口說異端去身留難。

彼無知者。 口中好言。眼耳鼻舌皆為淨土。男女二根即是菩提。涅槃真處 入輪迴 。厭足心生。去彼人體。弟子與師俱陷王難。汝當先覺。不 。迷惑不知。墮無間獄。 信是穢言。此名蠱毒魘勝惡鬼。年老成魔。惱亂是

世有金剛禪二會子。頗是此類。斯皆魔著。卒受王難

⊙ 壬五希冥感二。癸一心爱忽生魔得其便。

又善男子。受陰虚妙。不遭邪慮。 。周流精研 。貪求冥感 圓定發明 0 三摩地中。 心爱

首楞嚴義疏注經卷第十八

夫功深行著。感應自冥。起念妄求。魔精暗入。

6 9 2

首楞嚴經長水疏

暫見其身。 生法爱。 供養。不覺疲勞。各各令其座下人心。知是先師本善知識 亦言自得無上涅槃。來彼求應善男子處。敷座說法。能令聽眾。 爾時天魔候得其便。飛精附人。口說經法。其人元不覺知魔 。破佛律儀 粘如膠漆。得未曾有。是人愚迷。惑為菩薩。 如百千歲。心生愛染。不能捨離。身為奴僕。 0 潛行貪欲 0 親近其 0 四事 著 別

生。 膠漆何異 希求既起。魔伺便來。影附他人。為善知識。感心激切。認是先師。 法愛倍

⊙ 癸二口説異端去身留難。

天 今來相度。 口中好言。我於前世。於某生中先度某人。當時是我妻妾兄弟。 佛於中住 與汝相隨。歸某世界。供養某佛。或言別有大光明 0 一切如來所休居地。彼無知者。信是虛誑 。遺

無間獄 體。弟子與師俱陷王難。汝當先覺。不入輪 失本心。 此名厲鬼。年老成魔。惱亂是人。厭足心生。去彼人 迴。迷惑不知

信則墮魔。師弟俱墜 休居地者。涅槃處也。 真實涅槃豈有處耶 0 今指天為圓寂之地 0

◎ 壬六冀靜謐二。癸一心愛忽生魔得其便

深入。剋己辛勤。樂處陰寂。貪求靜謐 又善男子。受陰虚妙。不遭邪慮。圓定發明。三摩地 中 ジ

居谷隱。靜欲纔舉。魔精即來。束約身心。故曰剋己。 愛深寂境為真修處。故云深入。夫心亡則境寂。豈間塵諠。 念動則緣繁。 任

各知本業 亦言自得無上涅槃。來彼求陰善男子處。敷座說法 爾時天魔候得其便。飛精附人。口說經法。其人本不覺知 或於其處語一人言。汝今未死已作畜生 0 0 勅使一人 令其聽人

首楞嚴義疏注經卷第十八

6 9 3

於後蹋尾。頓令其人起不能得。於是一眾傾心欽伏。有人起心

首楞嚴經長水疏

已知其肇。佛律儀外。重加精苦。誹謗比丘。罵詈徒眾。 人事。不避譏嫌

人事。天眼天耳也。魔得邪定。故有此通。作此異端。誰不信伏。攻發私事曰訐。 令知本業者。宿命事也。令蹋尾者。現後報也。起心知肇。 即他心也。

癸二口説異端去身留難

魔。 汝當先覺。不入輪迴 口中好言未然禍福。及至其時。毫髮無失 惱亂是人。厭足心生。去彼人體。弟子與 。迷惑不知 。墮無間獄 0 此大力鬼 師 0 俱陷王難 0 年老成

未然者。然。生也。預說凶吉。應無毫差。

○ 壬七祈宿命二。癸一心爱忽生魔得其便

知見 又善男子。受陰虚妙。 。勤苦研尋。貪求宿命 不遭邪慮。圓定發明。 三摩地中。 心爱

夫宿命等通。禪者自有。離欲靜慮。任運現前。若起念先求。無功強取。非

唯喪本。亦乃成魔。

草。不餐嘉饌。或時日餐一麻一麥。其形肥充。魔力持故。誹 謗比丘。罵詈徒眾。不避譏嫌 藏於地下。有明月珠。照耀其處。是諸聽者得未曾有。多食藥 寶。簡策符牘。諸奇異物。先授彼人。後著其體。或誘聽人。 於說法處。得大寶珠。其魔或時化為畜生。口銜其珠。及雜珍 亦言自得無上涅槃。來彼求知善男子處。敷座說法。是人無端 爾時天魔候得其便。飛精附人。口說經法。其人殊不覺知魔著 0

令心信伏。後乃著之 簡策符牘皆國家奇要之物。書大少之事。合君臣之信。故用之耳。授此異物。

⊙ 癸二口説異端去身留難。

中好言他方寶藏。 十方聖賢潛匿之處。 隨其後者。 往 往見有

首楞嚴義疏注經卷第十八

首楞嚴經長水疏

6 9 5

奇異之人。此名山林土地城隍川嶽鬼神。年老成魔。或有宣婬 破佛戒律。與承事者。潛行五欲。或有精進純食草木。無定行 惱亂是人。厭足心生。去彼人體。弟子與師。多陷王難

如文可見。

汝當先覺。

不入輪迴

。迷惑不知。墮無間獄

⊙ 壬八求神力二。癸一心爱忽生魔得其便

神通。種種變化。研究化元。貪取神力 又善男子。受陰虚妙。不遭邪慮。圓定發明 三摩地中。 心爱

化元。謂神變之本也。此貪如意通耳。

皆長數尺 手執火光。手撮其光。分於所聽四眾頭上。是諸聽人頂上火光 亦言自得無上涅槃。來彼求通善男子處。敷座說法。是人或復 爾時天魔候得其便。飛精附人。口說經法。其人誠不覺知魔著。 。亦無熱性 。曾不焚燒。或水上行如履平地。或於空

罵詈徒眾 於刀兵不得自在。自言是佛。身著白衣。受比丘禮。 中安坐不動 0 **訐露人事。不避譏嫌** 。或入瓶內。或處囊中。 越牖透垣。曾無障礙 誹謗禪律。 唯

菩薩戒中亦同此說 邪正可分。身著白衣。受比丘禮者。准仁王經。白衣高座。 神境之通。離欲方得。貪心強取即陷魔羅。必若真通。 比丘地立。 刀豈能沮 以 が斯取験

⊙ 癸二口説異端去身留難。

再活為 魔。 海精風精 讚歎行婬 汝當先覺 口 中常說 惱亂是人 魅 河精土 神通自在。或復令人傍見佛土。鬼力惑人。非有真實。 0 0 不毀麤行。 仙 輪 精 期終計年應死 厭足心生。去彼人體 迴 0 一切草木積劫精魅。或復龍魅 0 將諸猥媟以為傳法。 迷惑不知 。其形不化 墮無間獄 。弟子與 0 此名天地大力山精 他怪 師 所 0 附 多陷王難 0 或壽終仙 。年老成

首楞嚴義疏注經卷第十八

猥媟。麤穢事也。餘如文。

首楞嚴經長水疏

⊙ 壬九愛深空二。癸一心爱忽生魔得其便。

善男子處 入滅 虚空突然而 口說經法 又善男子。受陰虚妙。不遭邪慮。圓定發明。三摩地中 。研究化性 0 。其人終不覺知魔著。亦言自得無上涅槃。來彼求 或大小便 敷座說法 出。存沒自在 。貪求深空。爾時天魔候得其便 0 。於大眾內 如厚石蜜。誹毀戒律 。或現其身。 。其形忽空 洞 如琉璃 0 眾無所見 輕賤出家 0 0 飛精附 或垂手足 0 0 還從 空 0

以為深空。即同外道斷見。 夫真空不妨妙有。有而性常自空。所以具修萬行。了無所著。若欲杜絕眾行。 撥無因果。魔得其便。從空出沒。幻惑其心

癸二口說異端去身留難。

空寂 口 中常說 潛行貪欲 0 無因無果。一死永減 。受其欲者 0 亦得空心 。無復後身 0 撥無因果 0 及諸凡 0 此名 聖 0 雖得 日 月

國土 多陷王難。 薄蝕精氣。金玉芝草。麟鳳龜鶴。經千萬年。不死為靈。 。年老成魔。惱亂是人。厭足心生。去彼人體。弟子與師 汝當先覺。不入輪迴。迷惑不知。墮無間獄 出生

能為蝕神。亦為魔怪 口說空理。無因無果。 蓋由心祈。致招魔惑。薄蝕精氣者。 此即惡星精耀

○ 壬十好永歲二。癸一心愛忽生魔得其便。

處。在一宅中。數步之間。令其從東詣至西壁。是人急行。累 長壽。辛苦研幾。貪求永歲。棄分段生。頓希變易。細相常住。 年不到 往還無滯。或經萬里瞬息再來。皆於彼方。取得其物。或於一 亦言自得無上涅槃。來彼求生善男子處。敷座說法。好言他方 爾時天魔候得其便。飛精附人。口說經法。其人竟不覺知魔著。 又善男子。受陰虚妙。不遭邪慮。圓定發明。三摩地中。 因此 心信 0 疑佛現前 0

首楞嚴義疏注經卷第十八

6 9 9

首楞嚴經長水疏 700

細相常住者。微細存想。求久住世也。 離染。頓欲於此分段身上。變麤身為細質。易短命作長年。過分希求。故為魔著。 夫分段生死。三界惑盡。方始得離。二乘無學。登地菩薩。皆得變易。今未

● 癸二口説異端去身留難。

身盛行貪欲 或不因師。其修行人親自觀見。稱執金剛 佛 殞。汝當先覺。不入輪迴 遮文茶。及四天王毘舍童子。未發心者。利其虛明。食彼精氣。 口中常說。十方眾生皆是吾子。我生諸佛。我出世界。我是元 人未詳。多陷王難。未及遇刑。先已乾死。惱亂彼人。以至殂 。出世自然。不因修得。此名住世自在天魔。使其眷屬。 。未逾年歲。 肝腦枯竭。口兼獨言。聽若妖魅。前 。迷惑不知。墮無間獄 。與汝長命。現美女 0

人所事為善知識。皆六欲天魔以為其主。口獨言者。即前美女也 遮文茶未詳。毘舍童子即毘舍遮鬼也。此云食精氣。頻那夜伽亦此類也 世

⊙ 辛三結勸弘宣四。壬初總結諸境。

多踰百世 惡魔師。與魔弟子。婬婬相傳。如是邪精魅其心腑。近則九生。 體。或自現形。皆言已成正徧知覺。讚歎婬欲。破佛律儀。先 阿難當知 墮無間 。是十種魔。於末世時。在我法中出家修道。或 0 獄 令真修行總為魔眷。命終之後。必為魔民。失正徧

於世間。稱聖毀戒者。非魔而誰 比丘尼及阿羅漢像。非法說法。非毀戒律。 此文即同涅槃經云。未來世中。是魔波旬 白言得聖。 0 漸當壞亂我之正法。 惑亂世間 0 以此二經。 乃至現比丘

⊙ 壬二勅勸弘宣。

救度正心深信眾生。令不著魔。 汝遵佛語 汝今未須先取寂滅。 名報佛恩 縱得無學。 得正知見。我今度汝已出生死 留願入彼末法之中。起大慈悲 0

首楞嚴義疏注經卷第十八 0 1

首楞嚴經長水疏 702

未成佛。終不於此取泥洹 大聖深慈。勸不取滅。 斯則師資相成。悲救一揆。四派入滅。一何現權 慇勤付囑。正為今時。若以今文望前發願。如一眾生

⊙ 壬三重示迷因。

成 生頑迷。 阿難。如是十種禪那現境 。墮無間獄 不自忖量 0 0 逢此 因緣 0 皆是想陰用心 。迷不自識 交互 0 謂言登聖 0 故 現 斯 0 事。 大妄語 眾

如文。

○ 壬四再勗流布。

無令天魔得其方便 汝等必須將如來語。 於我滅後。傳示末法。 保持覆護 成無上道 徧 令眾生開 悟斯義

問云。 據弘此經。合魔宮震動。凡夫不覺故也。如說四安樂行。 於後惡世云何能說此經。佛令住四安樂行。廣說離譏毀等緣。豈非同此魔 正同此意。 故文殊

首楞嚴義疏注經卷第十八

7 0 3

首楞嚴經長水疏

 $\begin{array}{c} 7 \\ 0 \\ 4 \end{array}$ 

# 首楞嚴義疏注經卷第十九

長水沙門子璿集

• 庚四破行陰三。辛一盡未盡相二。壬一明區宇二。癸一想盡益相。

寤寐恒一 阿難。彼善男子。修三摩提。想陰盡者。是人平常。夢想消滅 0

覺明虛靜。 寤寐一者。雖有寤寐。以無想故。寤亦如寐。寐亦如寤。故云恒一。 想陰若存。寤即想像。寐即成夢。今想陰盡。即無有夢。以想陰是夢之元故。 猶如晴空。無復麤重前塵影事。

復。 煩惱也。以想陰是煩惱濁故。前塵影事即所想境。能想既亡。所想不立。 圓明心體。名為覺明。離想浮動。故名虛靜。空喻覺明。 晴喻離想。 故云無 **麤重即** 

觀諸世間大地山河 如鏡鑒明。來無所黏。 過無蹤跡 。虚受照

#### 應。

但虛受虛照。虛應而已。 緣也。雖有根識緣諸境界。而不想像。繫念在意。故如其鏡 亦可如鏡照於光明。 雖鑒無影 故云虚受 照物無跡。

# 了罔陳習。唯一精真。

精真也 真者。 精真也。 一靈真如性也。又了謂了別。 了。畢竟也。罔。無也。 唯一識陰也。 顯此行人得想陰盡。 如下文云則湛了內 陳。 唯識陰及行陰在。 即諸識也。 舊也 0 0 習。 罔象虛無。 罔謂罔象。 妄想也。 今此行陰又現披露。故名識陰為 微細精想。 陳習謂無始種子也。 畢竟無有無始妄習 以對行陰。故云 唯一精 0 唯有

○ 癸二行陰現相。

其各命由緒 生滅根元 穴 0 此 則名為行陰區宇 0 從此披露 0 見 同生基 。見諸十 0 猶 如 野馬 方十二眾生 0 熠熠清擾 0 畢 舜其類 0 為浮根塵究竟 0 雖未通

首楞嚴經長水疏

7 0 6

也。 端緒也。見同生基者。同分生基即行陰也。十二品類。同以行陰為其基本。猶如 正在行陰。故云區宇 陰擾動生滅。微細不停。 野馬者。塵合陽氣。鼓而為之。熠熠。即光起閃爍。喻生滅也。 總從行出。而未知眾生別種在識陰中。此即本識業苦種子。是眾生各別性命因由 曰樞。門臼曰穴。此皆動轉之要處也。根塵生滅。皆以行陰為機紐處。了知此者。 盡此十二類生。皆從行出。以行是業體故。未通各命者。雖已了知十二類生。 行陰是生滅元。以遷流造作故。想盡行現。故云披露。畢殫其類者。 以無想陰塵垢。故名清也。 為浮根塵究竟樞穴者 清擾者。 殫。 即此行

)壬二明盡相。

水 若 此清擾熠熠元性 0 名行陰盡。 是人 0 性 則 能 入元澄 超眾生濁 0 澄元習。 0 觀其所 由 如 波 0 瀾 幽 滅 隱妄想 0 化 為澄 以

也 以觀行增勝 性入元澄者 0 行陰若盡。 能純生滅根元習氣。令其不動。 遷流性澄 0 歸一 藏識 歸一識陰。猶如澄水也。 。名入元澄 經云藏識海常住 以行

是眾生遷流業性故 。此若盡。即超眾生濁也。行陰生滅。 微細難覺。 故名幽隱

○ 辛二正明現境十。壬一二無因論二。癸一標。

清圓擾動元 阿難當知 不得其便 0 0 是得正 方得精研 0 於圓元中起計度者。是人墜入二無因論 知奢摩他中諸善男子 。窮生類本。於本類中生元露者 0 凝 明正 心 0 + 0 觀 類 天魔 彼

生之本。便執世間無因而起。以不知善惡因由差別種子在識陰故。 推窮生類之本。唯一行陰幽隱清虛。以為一切生滅之元。今既披露。 而有。皆修行至此。邪慧忽生。名為見發。非是本來。別有外道 止觀增勝。想念不起。故云凝明正心。欲界愛染不生。故云魔不得便 即外道論因此 此外更無眾

◎ 癸二釋二。子一計本無因二。丑一正辯。

生輪迴其處 者。是人見本無因。 百功德。見八萬劫所有眾生。業流灣環 0 入 萬劫 外 何以故。是人既得 0 冥無所觀 0 便作是解 生機 0 死 此 全破 0 生彼 此等世 0 乘於 紙見眾 間十 眼 方

首楞嚴義疏注經卷第十九

7 0 7

# 眾生。八萬劫來無因自有。

及處。 因種子。 乘此通力。見八萬劫眾生死此生彼。過此不知。亦是行陰勢力盡處。不知識陰生 生機全破。行陰現也。八百功德。謂由定力。發其眼根本分功德。 便謂為無。 無明所熏。感果差別。以不知故。 以眼根取塵。 本唯八百。 便執本來無因而有。 世間通力不越於此 若出世通 如見飛鳥 百倍增勝

)丑二結成。

由此計度 亡正徧 知 墮落外道 0 惑菩提性

如文。

○ 子二計末無因二。丑一正辯。

洗成 悟鳥生鳥 二者是人 。黑非染造 見末無因 烏從來黑 0 從 八萬劫無復改移 0 何以故。是人於生既見其根。 鵠從來白 0 人天本豎。 。今盡此形亦復如是 畜生本横 知 生人 而

本無因 我本來不見菩提。云何更有成菩提事。當知今日一切物象。

成此執。 八萬劫前不見菩提。八萬劫後亦復如是。以見本無。末亦無也。知人生人等者。 入只生人。無因生鳥。鳥只生鳥。無因生人。此皆不知新造異業。感異類生。故 初二句標。何以下出所以。今盡下正顯末無因義。以本無因故。末亦 如是

⊙ 丑二結成。

道 由此計度。亡正徧 。立無因論 知 。墮落外道 0 慈菩提性 是則名為第 外

● 壬二四徧常論三。癸一標。

觀 阿難。是三摩中諸善男子。 幽清常擾動元 。於圓常中起計度者。是人墜入四徧常論 凝明正心。魔不得便 。窮生類本。 0

圓常者。行陰生滅相續不失。故名常。由計四種徧一切法。故名圓也。

首楞嚴義疏注經卷第十九

7 0 9

7 1 0

首楞嚴經長水疏

》 癸二釋四。子一二萬劫常。

環。 為常 生所有生滅。咸皆循環 心境二法。為所窮處。由是觀成。知二萬劫十方眾生。生滅循 一者。是人窮心境性。二處無因 不曾散失。 如水為氷。氷還成水 。不曾散失。 0 修習能知二萬劫 計以為常。於勝定中 0 雖循環而體不失。 中。 十 故名 方眾 0 以

⊙ 子二四萬劫常。

生所有生滅 二者。是人窮四大元 。咸皆體恆 0 0 四性常性。修習能 不曾散失 計以為常 知四萬劫中 十 方眾

生皆以四大為體。四大既常。眾生亦常。故無散失 此人觀中。以四大為所觀處。觀成能知四萬劫中眾生生滅。 咸皆體常

⊙ 子三八萬劫常。

三者。是人窮盡六根末那執受。 心意識中本元由處。性常恆故 0

計 修習能知八萬劫中。一切眾生循環不失。本來常住。窮不失性 以為常 0

常。由是能知八萬劫中眾生生滅。不斷不散。以眾生無不具有八種識故 生滅不失。眾生亦然。故名常也。 梵云訖利瑟吒耶末那。此云染污意。執受者。即第八識。窮此八識 0 八識既 性元是

⊙ 子四不生滅常。

滅 四者。是人既盡想元。 理中自然成不生滅 。因 生理更無 心所度 0 流止運轉。 。計以為常 生滅想心今已永

行。 此於生滅。計不生滅。故執為常。 生理即行陰。以見想盡。想能運動。今已息故。運動既無。不生滅理自然是

⊙ 癸三結。

道 由 此計常 立圓常論 亡正编 知 0 墮落外道。惑菩提性。 是則名為第二外

首楞嚴義疏注經卷第十九

首楞嚴經長水疏

偏。正知偏知既亡。故成外道邪論 正徧知即菩提性。邪倒分別。 故失正。 唯局二四八萬劫中。 餘不能知。故失

712

⊙ 壬三四一分常論三。癸初標。

無常。一分常論 幽清常擾動元。於自他中起計度者。是人墜入 又三摩中。諸善男子。堅凝正心 。魔不得便。窮生類本 四顛 倒見 觀彼

或執我能生他。我常他無常。 或執我從他生。 他常我無常。 皆計 分無常。

一分常論。

○ 癸二釋四。子一我常彼無常。

計我編十方 ジ 性名之為常。 。是人觀 0 凝明不動 妙 彼生滅者真無常性 明 心 0 編十方界。 。一切眾生 湛然以為究竟神我 0 於我心中自生自死 0 從是則 0 則我

此人修定既未證真。 有漏觀中。 觀妙明心徧十方界。假想而見。 不知無明妄

於我心中自生自死。即是無常。我不動者即是常故 識。變影似真。執此妄心徧十方界。以為真我。凝明不動。定力持故。見諸眾生。

○ 子二劫壞劫不壞。

竟無常種性 二者。是人不觀其心。徧觀十方恆 。劫不壞處。名究竟常 沙國土 0 見劫壞處。 名為究

此雖觀器。必帶正報 此人定中。乘通見十方界。於中見界未壞。便執為常。見已壞處。 執無常性

⊙ 子三我如微塵轉。

我流出。名無常性 移改。能令此身即生即滅 三者。是人別觀我心 0 精 。其不壞性 細 微密。猶 0 如微塵。 名我性常。 流轉十 切死生從 方 0 性無

以之為我。我者自在。主宰為義。故能流轉性無移改。 我心如微塵者。以心性微密難見。故如微塵 。非謂其小也。此執微細心性 却能令此麤蘊色身。有生

首楞嚴義疏注經卷第十九

有滅。以此麤蘊皆從我心所流出故。所流出者。名為無常。能流出者。名為常性。 首楞嚴經長水疏

○ 子四行常餘無常。

想等今已滅盡。名為無常 四者。是人知想陰盡。見行陰流。行陰常流 0 計為常性 色受

身一分無常。 行陰披露。現見遷流。 一分常也。 故執為常。想等觀中。暫伏不起。故執無常 是故此

癸三結。

名為第三外道。一分常論 由此計度 0 一分無常。 一分常故 0 墮落外道。 惑菩提性 0 是則

● 壬四四有邊論三。癸一標。

清常擾動元 又三摩中諸善男子。 。於分位中生計度者。是人墜入 堅凝正 心 。魔不得便 四有邊論 窮生類本 0 觀彼幽

想陰盡處。有四分位。計此以為有邊無邊。

◎ 癸二釋四。子一三世。

續心。名為無邊。 一者。是人心計生元。流用不息。計過未者。名為有邊。 計相

生滅不息。無有邊際。說無邊耳。 此人心計。行陰現今流注不息。名為無邊。過未不見。名為有邊。此約流用。

⊙ 子二眾生。

處。名為無邊。有眾生處。名為有邊 二者。是人觀八萬劫。則見眾生八萬劫前。 0 寂無聞見。 無聞見

故執無邊。 雖八萬劫見於眾生。然有分劑。故曰有邊。此外寂然不見有生。 則無分劑

⊙ 子三心性。

三者。是人計我徧知。得無邊性。 知彼之知性。名彼不得無邊之心。但有邊性 彼一切人現我知中。我曾不

我能偏知一切眾生。 首楞嚴義疏注經卷第十九 一切眾生現為我知。故我即得無邊心也。我曾不知下

彼一切人雖有於知。此知且不現我知中。以不現故。即是有邊。 首楞嚴經長水疏 7 1 6

子四生滅。

半無邊 之中。計其咸皆半生半滅。明其世界一切所有。 四者。是人窮行陰空。以其所見。心路籌度。一 切眾生。一身 一半有邊。

見故。 切眾生一身之內。 窮行陰空者。想盡行露。今於觀中。研令取空也。以研窮心。計度行陰。一 即生即滅。世界亦爾。生處有邊。滅處無邊。生現見故。滅不

⊙ 癸三結。

立有邊論 由是計度有邊無邊。墮落外道。惑菩提性。是則名為第四外道。

⊙ 壬五四不死矯亂論三。癸一標。

又三摩中諸善男子。堅凝正心。魔不得便。窮生類本。 觀彼幽

亂 清常擾動元。於知見中生計度者。是人墜入四種顛倒。不死矯 編計虛論

故有問時。答言祕密。不應皆說。或不定答。佛法呵云。此真矯亂 外道計天常住。名為不死。計不亂答。得生彼天。若實不知而輒答者。恐成矯亂。 此人於知見中。不能決擇。有人問者。皆矯智亂答。言不死者。 准婆沙說

⊙ 癸二釋四。子一八亦。

為恆。見所見處。名之為生。不見見處。名之為滅 生處。名之為有。互互亡處。名之為無。以理都觀。用心別見。 性不斷處。名之為增。正相續中。中所離處。名之為減。各各 一者。是人觀變化元。見遷流處。名之為變。見相續處 別義觀行也。於一生滅行陰。分為八義。別見謂常變生滅增減有無也。不見 。相續之因

見者。見不見也。滅處不可見故。餘如文。 。來問其義。答言我今亦生亦滅。 亦有亦無 0 亦增亦

首楞嚴義疏注經卷第十九

1 7

减 於一切時皆亂其語。令彼前人遺失章句

首楞嚴經長水疏

彼前人於章句中不得義理。故云遺失章句。 約義答問。略舉六義也。以不能定其道理。但兩楹答。故云亦生亦滅等。令

子二唯無。

二者。是人諦觀其心 一字。但言其無。除無之餘。 。互互無處。因無得證。有人來問。 無所言說

云因無得證。故有問者。但答無耳。 念念滅處。名互互無。以心纔生即滅。無體可得。 行既如是。 諸法亦然。 故

⊙ 子三只是。

三者。是人諦觀其心。各各有處。 一字。但言其是。除是之餘。 無所言說 因有得證。 有人來問 唯答

念有生。意許皆有。又見其滅。不敢答有。故但答是。擬防其失。 念念生處。名各各有。因是得證一切皆有。有人來問但答是者。 雖見其心念

⊙ 子四俱見。

亦有即是亦無。亦無之中不是亦有。一切矯亂。無容窮詰 四者。是人有無俱見。其境枝故。其心亦亂。 有人來問。

是亦有。無容窮詰者。若詰有即是無。又云無中不是亦有。若詰無不是有。又云 於無。得成有無計也。亦無之中不是亦有者。雖於有中說無。二相各別。故云不 但偏證有無。今此一論。即有無俱見也。亦有即是亦無者。意許亦有之中。即有 亦有即是亦無。互相遮防。故難窮詰。 此有無俱計也。其境枝故其心亦亂者。以不定是一義。故成亂也。以前二論

癸三結。

道 由此計度。 四顛倒性。不死矯亂 **矯亂虛無。墮落外道** 。編計虛 。惑菩提性 論 0 是則名為第五外

若如是問我。我不能答。有愧有畏。我當答言。 不異。是為初見。二以他世有無問。 如是四論。長阿含云。一者若沙門婆羅門等。作如是見。云不知善惡有報耶。 首楞嚴義疏注經卷第十九 亦作此答。三以何者為善惡問。 此事異。此事不異。此事非異非 亦作此答。

第四愚冥暗鈍。若他有問。俱隨言印可。但云如是。 首楞嚴經長水疏 如有問云。 蘊有幾種。

問云。汝意謂幾。他即答言。我意謂五。彼云如是。或云此事異等。

⊙ 壬六十六有相論三。癸初標。

清常擾動元。於無盡流生計度者。是人墜入死後有相 又三摩中諸善男子。堅凝正心。魔不得便。窮生類本 0 觀 彼

既遷流不息 無盡流 。故我死後有相也 。行陰也。今見行遷。 却執於我。 死後有相者。 以行是我所有故 行

● 癸二釋二。子初本計。

緣隨我迴復 或 度言死後有相 自固身。云色是我。或見我圓含編國土 。云色屬我 。如是循環有十六相 。或復我依行中相續 0 云我有色。 。云我在色。 或彼前 皆計

初約色蘊。 具出四句。 皆云死後有相。 如是循環。 例作後三陰十二句也。 固

句。問 身者 不言識也 今觀行陰。依止前三。遷流相續。故執三也。不言識者。行陰覆故。由是通前而 中雖破。但約觀法增勝。不被陰迷。善巧安忍。不生過患。豈可都無。謂之破耶。 。固堅也。堅執現今形色是我本體。色陰既爾。受想行等例此而作。成十六 前三陰盡。唯行識二陰。何得更執前三。又不言識。答。前之三陰。觀

⊙ 子二別計

從 此或計。畢竟煩惱。 畢竟菩提。兩 性並驅 各不相觸

真妄兩驅。畢竟無改。二皆有相也。 既十六相皆死後有。煩惱亦爾。 以是生死根故。菩提亦爾。 以是覺元明故

● 癸三結。

立五陰中死後有相 由此計度死後有故 0 0 墮落外道。惑菩提性。是則名為第六外道 心顛倒論

⊙ 壬七八無相論三。癸初標。

首楞嚴義疏注經卷第十九

7 2 1

清常擾動元。於先除滅色受想中。生計度者。是人墜入 又三摩中諸善男子 發心顛 倒 。堅凝正心 0 魔不得便 0 窮生類本 0 死後無 觀彼

見前三陰已滅。當知行陰亦應還滅。即計死後斷滅。 總名無相

⊙ 癸二釋二。子初本計。

連綴 有八無相 見其色滅。 不可得。死後云何更有諸相。因之勘校。死後相無。 。陰性銷散。 形無所因。觀其想滅 縱有生理而無受想。與草木同 0 心無所繫。 知其受滅 0 此質現前猶 如是循環 無復

此約四陰。現在因亡。未來果滅。都成於八。

⊙ 子二別計。

從此或計 涅槃因果。 \_ 切皆空。 徒有名字 究竟斷 滅

陰既因果皆無。涅槃因果亦皆斷滅。斯則有為無為。染淨諸法。因果俱無

故云一切皆空。

⊙ 癸三結。

立五陰中死後無相 由 此計度死後無故 。墮落外道。惑菩提性。是則名為第七外道 0 心顛倒論

⊙ 壬八八俱非論三。癸初標。

清常擾動元。於行存中。兼受想滅 又三摩中諸善男子。 人墜入死後俱非。起顛倒論 堅凝正 心 0 魔不得便 0 雙計有無。自體相破 0 窮生類本 0 觀 彼 。是

三陰。得四箇非無偏句。前後相望。每陰皆得非有非無。成四俱非。現在既爾。 死後亦然。現在未來共成八也。故云死後俱非也 此先將已滅三陰。例現存行陰。得四箇非有偏句。 又將行存一陰 。例前已滅

癸二釋二。子初本計。

色受想中 。見有非有。 行遷流 內 0 觀無不無 0 如是循環 窮盡

首楞嚴義疏注經卷第十九

723

陰界。八俱非相 首楞嚴經長水疏 。隨得一緣。 皆言死後有相無相 724

非有非無。故云循環。推至死後。故云窮盡陰界。隨得一緣者。 前三亦爾。此四非無也。如是循環窮盡陰界者。現將四陰。循歷相例 流內觀無不無者。若將行陰例前為無。現且念念遷流不斷。此又非無。 一陰。皆悉死後非有非無。今言有無者。有即非無。無即非有也 色等三陰。先雖是有。而今破盡。故云非有。例行亦爾。此四非有也。 即此四陰 行既非無。 一皆見 行遷

○ 子二別計。

又計諸行。 性遷訛故。 心發通悟 0 有無俱非 虚實失措

虚何曾虚。舉著皆非。故云失措 切皆是非有非無。何啻於八。虛實即無有也。 此但現見行陰遷變。生中有滅。故非有。滅中有生。故非無。由是通悟 有不定有。 實何曾實。無不定無

癸三結。

由此計度死後俱非 0 後際昏瞢。無可道故。墮落外道。惑菩提

性 。是則名為第八外道。立五陰中死後俱非。 心顛倒

得也。現在尚爾。豈況死後。不覺不知。而言有無耶。故云昏瞢 後際下。釋死後非義。無可道者。言有不有。言無不無。 有無二途。 **俱道不** 

⊙ 壬九七斷滅論三。癸初標。

清常擾動元 又三摩中諸善男子。堅凝正心 0 於後後無生計度者。是人墜入七斷滅論 。魔不得便 0 窮生類本 觀 彼

是人見行陰念念滅處。名後後無。設生七處。後皆斷滅。故成此論

癸二釋。

或計身滅 循環窮盡七際。現前銷滅。滅已無復。 。或欲盡滅。或苦盡滅 。或極樂滅 0 或極捨滅 如是

死後不復生也。 禪。極捨即四禪及無色也。現前銷滅者。三陰已滅。行陰亦爾也。七處皆現斷滅。 或計身滅。即欲界人天也。同界地故。欲盡即初禪。苦盡即二禪 極樂即三

首楞嚴經長水疏

0

癸三結

7 2 6

立五陰中死後斷 由此計度死後斷 滅 滅。墮落外道。 0 心顛倒論 0 惑菩提性 0 是則名為第九 外道

○ 壬十五現涅槃論三。癸初標。

清常擾動元。於後後有生計度者。是人墜入五涅槃論 又三摩中諸善男子。 堅凝正心 0 魔不得便。 窮生類本 觀 彼

行陰滅而復生。故云後後有也。

癸二釋。

故 或 苦樂二亡。 以欲界為正轉依 0 或以二禪。心無苦故 不受輪 迴生滅性故 0 觀見圓明 0 或 以三禪。極悦隨故 。生爱慕故 。 或 以 初 0 或 襌 以 0 性無憂 四 禪 0

欲界。 以欲界為正轉依者。因修觀行。發欲界未至定。於觀心中。 即是涅槃。為正轉依。或以初禪性無憂者。已離欲染。無復憂心。得輕安 見圓明相 不捨

禪苦樂二亡。 樂故。或以二禪心無苦者。 即捨受也。 即是極喜也。或以三禪極悅隨者。 即極樂也。或以四

究竟。 迷有漏天 0 作無為解 0 五處安隱 0 勝淨依 0 如是循環 0 五處

因修正定。忽發此禪 不識教相。 得此四禪及欲界定少分安樂。 。得少輕安。非是究竟。 便妄計執以為涅槃 便計涅槃。 執有漏天作 無為解者

癸三結。

立五陰中五現涅槃 由此計度五現涅槃。 0 墮落外道。 心顛倒論 惑菩提性 0 是則名為第十

○ 辛三結勸弘宣二。壬初結前諸境。

生頑迷 阿難 墮無間 。如是十種禪那狂解 。不自忖量 獄 0 逢此現前 。皆是行陰用 0 以迷為解 心 交互 0 自言登聖 0 故 現 斯 0 大妄語 悟 眾

首楞嚴經長水疏

7 2 8

若以為證。即墮邪見。成地獄因。 用心差異。故云交互。苟能深入禪定。以慧照察唯心境界。不取不著。 此十種境。乃是邪見。因修正定而忽發生。故云狂解。 由三陰滅。 自然消歇 覺至行陰

⊙ 壬二勅勸弘宣。

於無上道不遭枝歧。 無令心魔自起深孽。保持覆護。消息邪見。教其身心開覺真義。 汝等必須將如來語 0 勿令心祈得少為足。作大覺王清淨標指 於我滅後傳示末法。 編令眾生覺了斯義。

深付囑。 生異見。 孽 執此為是。故云心魔。故令覺察。善能消息。不失正見。能至無上。 災也。想陰未盡。猶引外魔。今想陰盡。行陰明露。但於所覺境界。別 傳而示之。俾修行者無入邪網。失正覺路。枝歧。邪道也

0 庚五破識陰三。卒一盡未盡相二。壬一明區字二。癸一行盡益相。

阿難 同分生機 彼善男子。修三摩提。 0 倏然隳裂 0 沈細綱 行陰盡者。諸世間性幽清擾動 紐 0 補特伽羅 0 酬業深脈 0 感應

#### 懸絕。

果。果報息則誰作能酬。因果既亡。故絕感應。深脈亦喻行陰幽隱也 行陰能持此類生故。故云沈細綱紐。綱紐是業因。伽羅是果報。業因亡則孰為引 如網如衣。行陰貫通微細結要。如綱如紐。補特伽羅云數取趣。即總指十二類也。 裂。沈細下重釋盡義。網上大繩曰綱。衣領結處曰紐。皆喻其要也。十二類生。 離想故清。擾即是動。同分生機。前是基本。今是機要。忽爾而破。故云倏然隳 一有生滅。二性有漏。三可破壞。 前三句標人。諸世下正明行盡。世間性者。行陰即是世間體性。世間有三義 既墮世間。 同以行陰生滅為性也。隱密故幽。

#### 於涅槃天 。將大明悟。 如鷄後鳴。瞻顧東方。 已有精色。

生相殺之業。偷劫不行。 天有精色。若約位說。此當第二漸次人也。彼文云。禁戒成就。則於世間永無相 二陰破。如鷄初鳴。天全未變。今想行又除。唯有識陰。明悟在近。即如鷄後鳴。 欲也。如鷄後鳴者。鷄第二鳴。天將曉也。五陰在如全夜。陰都盡如大明。色受 涅槃名為第一義天。得無生忍。名大明悟。明悟在近。故名曰將。將。 首楞嚴義疏注經卷第十九 無相負累。亦於世間不還宿債。即是今文。酬業深脈感 當也。

首楞嚴經長水疏

界等。即此文云。瞻顧東方已有精色。此則正得似位。相似通發也 應懸絕。彼文又云。是清淨人修三摩地。父母肉身。不須天眼。 自然觀見十方世

癸二識陰現相。

### 六根虚靜。無復馳逸 0 內內湛明。入無所入

定心內照。故云內內湛明。 由定所攝。無行陰使。雖存六根。識不馳散。故云虛靜無復馳逸。 又內內者。深深寂照也。窮到識陰。 更無所見。名入 唯專內境。

#### 深達十方十二種類。 受命元由 觀由執元 0 諸類不召

由是執持。不令趣果。無受生分。故云諸類不召。 受命元由。即是識陰。今觀識陰既是類生種子元由 不起煩惱。 不作 :新業

已獲其同。精色不沈。發現幽 祕 此 則名為 識 陰區

既知識是生類元由。 故十方界依之與正。皆識所變。 同一 識體。 斯則三界唯

心。 故云幽秘。 境界明白 萬法唯識 • 今由觀力。 故云不沈 。先雖信教 0 六根清淨。 發現幽秘者 。今觀中明見也。精色不沈。所觀境現也。 不由天眼。 0 似通發也。 徹見諸界等。 未至此位 0 故云發現 諸根暗昧不能遠觀 由觀 力故

○ 壬二明盡相。

清淨。 若於羣召 0 已獲同中 0 銷 磨六門 0 合 開 成 就 0 見 闡 通隣 互用

獲證 不行。既云六用不行。即是銷磨六門。既云返流全一。即是合開成就。互用清淨 外六塵不多流逸。因不流逸。旋源自歸。塵既不緣。 也。彼說由戒。故與此異 則見聞覺知互相為用 。是第三漸次。證無生法忍也。故文云。如是清淨持禁戒人。心無貪婬。於 初二句指在識 陰中也 0 0 0 斯則明不循根。 若於此中 0 以定慧力 寄根明發也 0 銷磨根隔 根無所偶。返流全一 。故云互用清淨 0 令其開 通 0 0 。六用 此識盡 合成

方世界及與身心 0 如 吠 瑠 璃 0 內 外 明 徹 0 名 識 陰盡

世界身心。 首楞嚴義疏注經卷第十九 皆唯識現 0 今識陰盡 0 唯見覺體。 覺體明妙。 如淨瑠璃。 731

首楞嚴經長水疏 732

圓淨妙。皆現其中。是人即獲無生法忍。即知識陰盡者是隨分覺也。文殊亦云。 土皎然清淨。譬如瑠璃內懸寶月。身心快然。妙圓平等。獲大安隱。 一處成休復。六用皆不成。塵垢應念消 名內外明徹。 身心為內 世界為外 0 。俱無所得 成圓明淨妙。 。故云明徹。 前文云。十方國 一切如來密

本 是人則能超越命濁 0 觀其所由 0 罔象虚無 0 顛 倒妄想 0 以 為其

也。 象虛無者 命體 即識陰也。以命煖識三俱時而轉 此是覺明初起影象之相 0 攬此妄想虛無影象 識既已離。 命煖隨亡。 以為識體 故超命濁 0 相 罔

首楞嚴義疏注經卷第十九

# 首楞嚴義疏注經卷第二十

長水沙門子璿集

• 辛二正明現境十。壬一因所因執二。 癸一約其所計。

寂滅 阿難當知 。精妙未圓 0 是善男子。 窮諸行空。 於識還元 0 己 滅生滅 0 而 於

在細生滅故。精妙。即精真妙明也 行陰雖盡。已滅生滅。返識循元。未歸寂滅 0 故云精妙未圓 以識未破 正

能令己身根隔合開。亦與十方諸類通覺。 覺知通瀏 能 圓元 0

之境界全是識影。未為寂滅。 已見十方眾生及與我身。同一 觀中暫爾也。暫於觀中。 覺性。互相融合。無知覺殊。此即能入圓元也。 故前文云。而於寂滅 似開根隔。未全互用也。諸類通覺者。於此觀中。 精妙未圓

若於所歸。立真常因。生勝解者。

首楞嚴義疏注經卷第二十 733

究竟之處。決定不謬。故云勝解。 正生計也。於此所入通覺之境。 認為真常。便立為因 。能生一切 0 即為所歸

⊙ 癸二判屬邪徒。

城 是人則墮因所因執。娑毘迦羅所歸冥諦。成其伴侶。 亡失知見。是名第一立所得心。成所歸果。 0 生外道種 違遠圓通。背涅槃 迷佛菩提

故云非能等也。 法皆從識變。正是所因。以不了虛妄。執為實因。故同外道。下文直顯當體虛妄。 餘文可解 迷也。不如實知。故云亡失知見。所得心即識陰也。因中為所得。果上為所歸耳。 念相者。等虚空界。無所不徧。法界一相。今執有法。從一因生能所差別。 賴耶識未形兆前。冥然之初。為冥諦也。迷佛菩提者。菩提云覺。覺體離念。 有因。是真常性。即與外道所執冥諦是常。能生一切。無有差別。此即計阿 於所因識陰。執為真常。是萬法之因。故云因所因執。萬法無因。虛妄生滅 。問。據下七段。皆云能非能等。獨有此文為因所因耶。答。以一切諸 故云

至二能非能執二。癸一約其所計。

若於所歸 阿難。又善男子。窮諸行空。已滅生滅。而於寂滅。 一類流出 。覽為自體。盡虛空界。十二類內所有眾生。皆我身 0 生勝解者。 精 妙未圓

我出。我能生彼。決定不謬也 前計雖執識陰為真常因。而未取為自體。今計即是我之自體。 \_\_\_ 切眾生皆從

⊙ 癸二判屬邪徒。

是人則墮能非能執。摩醯首羅現無邊身。成其伴侶。 亡失知見。是名第二立能為心 。生大慢天。我徧圓種 0 成能事果。 違遠圓通 迷佛菩提 。背涅槃 0

宗。 為能生因也。現無邊身者。以執我能現起無量眾生也。因既能為。 實非能生。執以為能。名能非能。摩醯首羅即大自在天。三目八臂。 果成能事。 外道所

⊙ 壬三常非常執二。癸一約其所計。

首楞嚴義疏注經卷第二十

首楞嚴經長水硫

7 3 5

7 3 6

所歸 於都起所宣流地 又善男子 。有所歸依 。窮諸 0 。自疑身心從彼流出 行空。已滅生滅 作真常身。 無生滅解 。而於寂滅 。十方虚空咸其生起 0 在生滅中早計常住 0 精 妙未圓 。若於 0 0

既惑不生。

亦迷生滅。安住沈迷。生勝解者。

故曰沈迷。堅執不轉。故云安住 覺常住。不生諸法。迷而不解也。亦迷生滅者。妄認識陰為真常也。二俱不識 生起。都宣流地者。即識陰也。妄認為他。是真是常。是無生滅。惑不生者。本 所歸即識陰。前覽所歸為自身。今認所歸為他體。故疑自身及一切法。從彼

癸二判屬邪徒。

是 是名第三立因依心 人則墮常非常執。 。成妄計果。 計自在天成其伴侶。 違遠圓通 迷佛菩提。 0 背涅槃城 亡 失知見 生倒圓 0

於無常處妄計為常。 名常非常執。自在天即首羅也。 前計他從我生。 今執我

從他起 彼為常 。故云計自在也。 因依心即識陰也。 立為他體。 計能生我。 故同外道 計

壬四 知 無知 執 **-** ° 癸 一約其所計

草木為人 又善男子 。知徧圓故 0 0 窮諸 人死還成十方草樹。 行空。 0 因知立解。 已滅生滅 十方草木皆稱有情 無擇編知 而於寂滅 0 生勝解者 精 :妙未圓 0 與人 若於 0

皆從知有。何得一知一無知耶。故無揀擇。一切皆知。自謂決定不謬。故云勝解。 法從知變起。以知為體。故云因知立解。十方草木下。即解之行相也。 所知即識陰也。是彼觀行所知境故。識陰能變一 癸二判屬邪徒 切諸法。名知徧 圓 既此依正 0 悟此諸

0

0

城 是人則墮知無知執。婆吒霰尼執 亡失知見。 生倒 知 種 是名第 0 四計圓知 心 0 一切覺。 成虚謬果 成 0 其伴侶。 違遠圓通 迷 佛菩提

肯涅槃

0

首楞嚴義疏注經卷第二十

7 3 7

首楞嚴經長水疏 738

成妄想。此即不了皆是妄識所變。妄想凝結。假立無情。妄想流動假名有情。 及先尼。梵音小轉。既執一切覺。即草木有命也。圓知即徧知也。虛謬果者。斥 前文云。想澄成國土。知覺乃眾生。以不善分虛妄識有。 草木無知而執有知。 故云知無知執。婆吒霰尼。二外道也。 內分外分。 涅槃云。波私吒 故成計執 0

壬五生無生執二。癸一約其所計

因 水清淨。 圓融根互用 又善男子 立常住解 愛風周 0 中 窮諸行空。 0 流 已得隨順 0 觀塵成就 已滅生滅 。便於圓化 0 各各崇事 0 而 於寂 切 發生 滅 0 以 0 此羣塵 精 0 求 妙未圓 火光 0 發作本 明 若於 樂

得諸用。由此例知 切諸法同名變化 根互用中得隨順者。 塵也。 0 故云圓化 切亦爾 以於似觀。 0 。皆可修習能成聖果。故云 皆可於無知見中修成知見 暫得相應。故 云隨順。 便於 一切發生。 取常住果。故求火樂 以於一根暫 切發生者

⊙ 癸二判屬邪徒。

事。迷心從物。立妄求因。求妄冀果。違遠圓通。背涅槃城 求出生死 是人則墮生無生執。諸迦葉波并婆羅門。勤心役身。事火崇水。 生顛化種 。成其伴侶。迷佛菩提。亡失知見。是名第五計著崇 0

失唯心所現。而各隨順崇事。以求常住。因果俱妄。故成妄求妄冀也 四大之性。實不能生常住之果。執為能生。故云生無生執。迷心從物者。 迷

○ 壬六歸無歸執二。癸一約其所解。

圓明。計明中虛。非滅羣化。以永滅依。為所歸依。生勝解者。 又善男子 0 窮諸行空。已滅生滅 0 而於寂滅 0 精妙未圓

非滅。色受想行攝一切法。名為群化。永滅依即明中虛也。此計空為所歸依處。 明中虚者。圓明之理。即所觀識也。已滅生滅。故明中虛。非即是滅。故云

受 癸二判屬邪即涅槃也。

首楞嚴義疏注經卷第二十

首楞嚴經長水疏

7 3 9

是人則墮歸無歸執。無想天中諸舜若多。成其伴侶。 亡失知見。是名第六圓虚無心。成空亡果。違遠圓通 迷佛菩提 。背涅槃

城。生斷滅種。

行也。舜若多。四空處也。圓虛無心。斷滅因也。空亡果。斷滅果也 此明中虛。實非所歸。 而計於歸。故云歸無歸執。 無想天。五百大劫想心不

⊙ 壬七貪非貪執二。癸一約其所解。

又善男子。窮諸行空。已滅生滅 固身常住。同於精圓。 長不傾逝。 。而於寂滅 生勝解者 0 精妙未圓 若於

**執識陰以為圓常。欲固此身亦同識陰。故云同於精圓。長不傾逝** 

⊙ 癸二判屬邪徒。

通 是人則墮貪非貪執。諸阿斯陀求長命者。成其伴侶。 亡失知見。是名第七執著命元。立固妄因。 背涅槃城 。生妄延種 趣長勞果。違遠圓 迷 佛菩提。

非貪執。 根身虚妄。本是無常 故云妄延 阿斯陀者云無比。 0 實不可貪 即長壽仙也。長勞果者。勞即牢。 。以為長久。今堅貪著。 固字之誤耳。妄執 妄執長生。 故云貪

○ 壬八真非真執二。癸一約其所解。

互通 多增寶媛 又善男子 。却留塵勞。恐其銷盡。 。窮諸行空。已滅生滅 縱恣其心 0 生勝解者。 便於此 0 而於寂滅。 際坐蓮華宮。 精 妙未圓 廣化 七 觀 珍 0

媛。女寶也。 恣受欲樂。圖命不滅。俾要證真。起用化物。 誰為所化眾生。徒有真常。無證真者。故留塵勞。却起貪欲。化蓮華宮及諸欲境。 故云互通。今觀識陰若盡。十方眾生命即皆盡。我命亦盡。盡即教誰證真常理。 觀識陰為十方眾生之命元。是十二類命之通要。由是我命通彼。 作此執計。定不移轉。故云勝解。 彼命通我

⊙ 癸二判屬邪徒

首楞嚴義疏注經卷第二十

 $\frac{7}{4}$ 

首楞嚴經長水疏 742

見。是名第八發邪思因。 是人則墮真無真執 天魔種 0 吒枳迦羅 立熾塵果 。成其伴侶 。違遠圓通。背涅槃城 迷佛菩提 。亡失知 0 生

不能善察。由此熾盛。起塵勞事。故同天魔耳 正譯。此既能化欲境受用。即是欲界自在天類也。邪思因者。既於定中發此邪念。 起惑恣欲。實非證真。計此即能證真起用。 故云真非真執。 吒枳迦羅。未見

至九定性聲聞二。癸一約其所解。

明中。分別精麤。疏決真偽。因果相 所謂見苦斷集。證滅修道。居滅已休。更不前進。生勝解者 又善男子 0 窮諸行空。已滅生滅 0 而於寂滅。 酬。唯求感應。背清淨道 精妙未圓 0 於命 0

等 名麤名偽。道滅無漏。名精名真。擇去麤偽苦集。而留精真道滅。故云分別精麤 修道為感 識陰露現。故曰命明。識既含藏漏無漏種。今於此中分別決擇。苦集有漏。 證滅為應。 但取於此。故云唯求。 背清淨道者。 本修圓觀 法界

平等。 離二邊垢。名清淨道。今發小乘忻厭之解。故名曰背。所謂下釋前義也

⊙ 癸二判屬邪徒。

城 是人則墮定性聲聞 亡失知見。是名第九圓精應 0 生纏空種 。諸無聞僧增上慢者。成其伴侶 ジ 0 成趣寂果 0 違遠圓通 迷 背涅槃

不了識陰。迷為涅槃。故同此也。 曰圓精。稱乎妄計。故云應心 定性者。且就一期趣寂無改 0 圓謂周徧 判為定性 0 0 實有 精謂非麤 劫數 0 0 終迴上乘 已離行陰為諸命元。 0 無聞僧者 故

⊙ 壬十定性緣覺二。癸一約其所解。

圓融清淨覺明 又善男子。窮諸行空。已滅生滅。 。發研深妙 0 即立涅槃而不前進 而於寂滅 0 精妙未圓。 0 生勝解者 若於

故不前進。 本觀圓融清淨覺體。 今見識陰離行生滅。謂深且妙。立為涅槃。不知流注

首楞嚴義疏注經卷第二十  $\frac{7}{4}$ 

首楞嚴經長水疏

7 4 4

⊙ 癸二判屬邪徒。

城 是人則墮定性辟支。諸緣獨倫不迴心者。 亡失知見。是名第十圓覺瀏心 。生覺圓明。 不化圓種 。成湛明果。違遠圓通。背涅槃 成其伴侶 迷佛菩提

此類也 圓明 認識陰為圓覺。符妄計為**渻心**。寂焉不動。非無覺了 無悲化之妙用。故云不化圓種 0 唯識論云。聲聞畏苦障 。故云湛明 緣覺捨生障。 0 證識覺之

○ 辛三結勸弘宣四。壬一結前斥失。

此現前 阿難 獄 證。皆是識陰用 自言滿足無上菩提 聲聞緣覺。 。如是十種 0 各以所愛先習 禪那 不成增進 心交互。 0 大妄語成 。中途成狂 0 故生斯 迷 0 心 而 0 外道邪魔 位 自休息 0 因依迷惑 0 眾生頑迷 0 將為畢 0 所感業終 0 於未足中生滿足 0 不自忖量。 竟所歸寧地 。墮無間 逢 0

滅 便謂已證。故云因依迷惑等。 中途成狂者。方在似覺。未成不退。邪慧發生。故云成狂。不察識陰微細生 餘文可解

⊙ 壬二勅勸弘宣。

眾生覺了斯義。無令見魔 令其身心 汝等存心 入佛知見。從始成就 0 秉如來道。將此法門 0 自作沈孽。保綏哀救 0 不遭岐路 。於我滅後 0 傳示 0 末世 消息邪緣 普令 0

間更無委曲相也。即前十類耳 必落偏邪。入佛知見。證真位也。 深勸後世。令了識陰未盡有此十境發相。 從始。初修也。成就。 知而覺察 0 果滿也。 見魔自息 不遭岐路。中 0 迷而 取著

⊙ 壬三顯佛所乘。

如是法門。先過去世恆 沙 劫中微塵如來。乘此 ジ 開。得無上道

無有一佛不破五陰而得菩提。 皆能覺了 故免岐路

⊙ 壬四陰盡功用。

首楞嚴義疏注經卷第二十

 $\frac{7}{4}$ 

陰若盡。則汝現前諸根互用 首楞嚴經長水疏 。從互用中。能入菩薩金剛乾慧

識

誠誤後學。 為等覺。豈可於入交後。更立乾慧地耶。古人迷此。於等覺後更立金剛乾慧一 在等覺後心。其如前文何。文云。 若鈍根者。隨所發行。更歷諸位。故不得受金剛之名。但稱乾慧耳。若將此位立 察如幻十種深喻。奢摩他中。用諸如來毘婆舍那。清淨修證 離此第三漸次而建立也。今約從總入別。故云從互用中入也。言金剛者。以此行 發行。安立聖位。是則名為第三增進修行漸次。斯則始從乾慧。終至等覺。俱不 即此互用。便是已入乾慧地也。互用即是自在位故。如前文云。返流全一。六用 約利根之者。到乾慧地。精心發化。遂超因位。直入妙覺。故得別受金剛之號 不行。乃至一切如來密圓淨妙。皆現其中。此人即獲無生法忍。從是漸修 入從始至終。皆由修習金剛三昧而得成就。故前文云。是種種地。皆以金剛。觀 現前根互用者。即前第三漸次證無生忍也。前文已見。從互用中入乾慧者。 理例俱無。不敢聞命 如來逆流。如是菩薩順行而至。覺際入交。名 。漸次深入。或可此 '。隨所 0

圓明精心 0 於中發化 0 如淨瑠璃 內含寶月 0 如是乃超十信十

住。十行十迴向 入於如來妙莊嚴海 0 0 四加行心。菩薩所行金剛十地 圓滿菩提。 歸無所得 。等覺圓明

亦合有歷聖位者。前後互現耳。想行陰盡。合是中根。超歷之處。略故不說。 約上根稍鈍者說。例今亦合有頓超者。今約下根又利者說。故得言超。例前受破。 超諸位。問。前受陰盡。 足故名莊嚴海。慧足故圓滿菩提。理極故歸無所得。即大涅槃常寂無得也。此是 閡圓明。故如瑠璃內含寶月。超因入果者。由前發化。因果具故。 圓頓下根又利者也。由下品故。至識陰盡。方得入位。由又利故。於此發化。乃 因行如寶。果德如月。此喻一中現無量。無量中現一。因行果德 於乾慧心既證圓妙。此之心性頓發諸行。頓具諸德。故云發化。慧心 即云上歷菩薩六十聖位。今識陰盡 。何故言超。答。前 乃得超也。福 一時具足。無

⊙ 己三結勸四。庚一總指魔事。

此是過去先佛世尊 奢摩他中毘婆舍那。 覺明分析微 細魔事

覺明即觀慧也。

⊙ 庚二識即離邪。

首楞嚴義疏注經卷第二十

首楞嚴經長水疏

 $\begin{array}{c} 7 \\ 4 \\ 7 \end{array}$ 

摧碎。大力鬼神褫魄逃逝 魔境現前 0 汝能諳識 ジ 垢洗 0 魑魅 除 魍 0 不落邪見 魎無復出生。 0 陰魔銷滅 直至菩提 。天魔

諸乏少。下劣增進 0 於大涅槃心 不迷悶 0

○ 庚三別顯呪能。

褫。撤去也。鬼魄撤去而逃逝也。

若諸末世愚鈍眾生。未識禪那 0 一心勸令持我佛頂陀羅尼呪 切諸魔所不能動 0 不 0 ·知說法 若未能誦 樂修三昧 0 寫於禪堂。 0 汝恐同 或帶

樂安禪。魔境現前。孰分邪正。當勸持呪。安其正解。 不別修定次第。故云未識禪那。 未學智慧方便 故云不知說法。定慧不習而 防其邪慮。 即不墮魔

● 庚四勸令欽奉。

汝當恭欽十方如來。究竟修進 。最後垂範

是諸如來究竟了義之說。又是出世最後時說。故云最後垂範也

- 0 丁二阿難因聞請益二。戊一阿難問三。己一欽奉前聞
- 阿難即從座起。聞佛示誨 。頂禮欽奉。憶持無失。
- 己二正伸三問。

於大眾中重復白佛。如佛所言。五陰相中 五種虚妄為本想心 0

我等平常。未蒙如來微細開示。

**又此五陰。為併銷除。為次第盡。** 問妄想也。未聞五陰總是妄想。而名有殊。

問除斷頓漸也。併即頓也。

如是五重。詣何為界。

問邊際也。界。分也。

○ 己三祈為開示。

將來眼 唯願如來發宣大慈。 為此大眾清明心目 0 以為末世一 切眾生作

眼目。左右之言。皆喻心也。心明照了。如眼之見。

7 5 0

首楞嚴經長水疏

◎ 戊二如來答二。己一正答所問三。庚一答妄想三。辛一 總明二。壬一 顯真覺圓

佛告阿難。 精真妙明 。本覺圓淨 0 非留死生 0 及諸塵垢

苦道也。塵垢。業煩惱也。斯則妙性圓明。離諸名相耳。 精真。法身也。妙明。般若也。圓淨。解脫也。三德圓融。唯一本覺。死生。

⊙ 壬二明妄想發興三。癸一順敘妄起。

諸器世間 乃至虚空。 皆因妄想之所生起。斯元本覺妙明真精 如演若多迷頭認影。 。妄以發生

諸法。狂癡故有。故如認影。 不更具敘色之與心三種相續。故云乃至虛空。 無為尚是妄生。豈況有為一 切

◎ 癸二反破妄因三。子一示無因。

妄元無因。於妄想中立因緣性。

既稱為妄。云何有因。若有所因。不名為妄。故云無因。自諸妄想。 展轉相

因。交妄發生。遞相為種。故云於妄想中立因緣性

⊙ 子二破妄執。

妄心計度 迷因緣者稱為自然 0 彼虚空性猶實幻生 0 因緣自然 0 皆是眾生

說有因緣。猶是妄執。 更認自然。 迷中倍者。 故云眾生妄心計度

⊙ 子三總結斥。

何況不知 阿難。知妄所起。 。推自然者 說妄因緣 0 若妄元無 0 說妄因緣 0 元 無所有

是妄。推為自然耶 若知妄起。許說因緣。妄元無生。說誰因緣。 因緣尚是妄中建立。 而況不知

⊙ 癸三結成妄想。

是故如來與汝發明 五陰本因 0 同是妄想

五陰之因。元妄所結 0 此即於妄想中立因緣性也。 此因緣性。 妄中權立。

首楞嚴義疏注經卷第二十

7 5 1

7 5 2

令了法元無所有。是故同名一妄想耳。

首楞嚴經長水疏

○ 辛二別顯五。壬一色。

汝體先因父母想生。汝心非想。 則不能來想中傳命

想。不來傳命。斯則三處妄想和合。結成此體也。 之託陰。亦是想愛而來。以想遺體為勝境故。識即趣彼。結成胎臟。故云汝心非 正指是想也。攬父母遺體而成此身。遺體即是想愛流出。故云父母想生。汝

不有。酢物未來。汝體必非虛妄通倫。口水如 如我先言。 心想酢味。口中涎生。 心想登高 0 足心 何因談酢出 酸起 懸崖

足酸水。若非妄想同類。孰有水等生焉。通倫猶同類也。 引前釋成也。即引破想陰文。懸崖酢物。俱不到身。 由汝所思。 便能生汝口

是故當知 汝現色身。 名為堅固第 一妄想

結歸立名也。以此驗之。 如何非想。是故應知。妄想凝結即成色陰。故云堅

固

壬二受。

色體 即此所說 0 汝今現前順益違損。二現驅 臨高想心。能令汝形 。真受酸澁 馳。名為虚明第二妄想 0 由因受生 能動

領此違順生苦樂法。遂成損益。為彼所使。照境而領。虛通無礙。故曰虛明。 便有受領。若非領納。焉得水生。此受亦是妄想轉變。妄生領納也。二驅馳者。 前四句。躡前色陰動身之想。即明受陰是妄想也。 由因下正顯也。 因想梅等 0

⊙ 壬三想。

取像。 搖動妄情 由汝念慮。 心生形取。 名為融通第三妄想。 使汝色身。身非念倫 與念相應。寤即想心 0 汝身何因。 0 寐為諸夢。 隨念所使 則 汝想念。 0 種種

想類。何以隨念。種種下五句正顯。凡取前境。先須想像。後身隨之。想若是實。 何須形取。形若非想。自不能行。二既相須。豈非虚妄。故云與念相應。寤寐雖 皆是想為。寐既成夢。 初二句標。念慮即想。身之驅役皆想所為也。身非下釋。初三句反質。若非 首楞嚴義疏注經卷第二十 夢非有實。 應知寤想豈是實耶。則汝下結 。是知現今 753

首楞嚴經長水疏

故云融通妄想。 想像念慮。正由妄情搖動故爾。豈不是妄。 融色質。通心念。 變境像 成夢寐

壬四行。

覺悟 化理不住 0 運運密移。甲長髮生。 氣銷容皺。 日夜相代 0 曾無

前三句釋不住。 顯行相也。 初二句標。 後一句顯密移 行陰遷流 0 微細難覺。 故云不住密移也 0 甲長下釋

念念不停 阿難。此若非汝 0 名為 幽 0 隱第四妄想 云何體遷 0 如 必是真 0 汝 何無覺 則 汝諸行

知覺生滅。非汝不可。是汝無憑。故知虛妄。則汝下結想名。密移難覺。故云幽 示虚妄也。真猶實也。行陰若非汝體 何得相代不停。又若實是汝身

● 壬五識二。癸一正辯其相。

### 又汝精明 。湛不摇處。 名恆常者。於身不出見聞覺知

歲。 若實精真。 常住者。即識陰也。於身下指體也。識陰豈越見聞覺知。此約用指也 牒指識體也。 憶忘俱無。於後忽然覆覩前異。 不容習妄。何因汝等曾於昔年 初三句牒計也。行人所認微細明了。 記憶宛然 0 離行生滅堪然不動 覩 0 一奇物。 曾不遺失 經 歷年 0 目為 則

此精了

。湛不搖中

0

念念受熏。有何籌算

此下結示也。受熏持種。 說忘。覆覩者。再見也。 種子也。何因下九句順釋。憶忘俱無者。初若有憶。則有忘時。元既無憶 正顯虛妄也。初二句反標。若此湛明是真實性。不合容受虛妄習氣 再見既無所遺。此則容受妄習。故知虚妄非真湛明 發起現行。流注生滅。不可計矣。 0 習氣即

• 癸二重顯微細 0

無流 阿 、難當知 0 若非想元 0 此湛非真。 0 寧受妄習 如急流 0 水 非汝六 0 望 根互 如 恬靜 用 合開 0 流 急不見 0 此之妄想 0 非是 0

無時得滅

故無二別。若非證真 故云互用。開令無隔。合為一體也。如前文云。返流全一 想根本。以第八識為界趣生本也。非汝下四句。明難斷。 二乘全不覺知。十地已前雖覺未盡。故云流急不見。若非想元等者。顯此正是妄 正顯微細也。 識陰離行。故名為湛。不是常住。故云非真。 0 此難滅矣。 互用合開者。 。六用不行。 喻急流者。凡夫 寄根明發。 開即是合。

倒 故汝現在見聞覺知 微 細 精想 0 中串習幾 0 則湛了內 0 罔象虚無 0 第 五 顛

識也。 行陰。 因細得名也。 有而若無。 最為其細。 故云罔象。 此是諸識之中串習機要。 再三示云。微細精也 罔。 無也 0 象 亦名精明湛不搖處 似也 非有形質 故曰虛無 故云湛了 即本 望前

辛三總結

阿 . 難 0 是五受陰 0 五妄想成

此五即是眾生所受報法。故通名受。亦曰五取蘊。眾生取此為自體故

⊙ 庚二答邊際。

### 汝今欲知因界淺深。

答詣何為界也。界即因義。亦是分義。因依界分。 際限別故 故云因界

## 唯色與空。是色邊際。

盡 色謂形色。空謂顯色。俱色蘊攝。妄色妄空。 互形顯故 0 略舉色空。 攝 切

### 唯觸及離。是受邊際

0

觸有違順 。即成苦樂二受。 離無違順。但一捨受也。

## 唯記與忘。是想邊際。

記憶。忘失。取像攀緣。俱為想陰之分齊耳。

## 唯滅與生。是行邊際。

生滅遷流。剎那四相。但是生滅。皆行分也。

首楞嚴義疏注經卷第二十

7 5 7

### 湛入合湛。歸識邊際

是生滅法。離生滅處。必是湛寂。就所修處。即識分齊也。 湛前行陰。合歸識陰。見識不動。認為真湛。齊此名為識陰邊際 0 以見行陰

● 庚三答頓漸。

#### 此五陰元。 重疊生起。 生因識有 0 滅從色除

故。 起時。實非前後。 成時。 自然爾也。 故云生因識有。除斷則先麤後細。從外向內。如浣衣磨鏡 答前為頓消除。為次第盡也。生起則從細至麤。從內感外 一念頓變。以約麤細。作此說耳。圓頓觀法 **麤**垢先落。然生 斷亦非次 一切諸法唯識變

#### 理則頓悟 0 乘悟併銷。 事非頓除 0 因次第盡

覺云 如前文云 。方了修證之義耳。理則頓悟者。若約證悟圓理。即一斷一切斷。無前 前約生起除斷。道理合然。若定作此解 知幻即離。離幻即覺。亦無漸次。以一切法皆從心起。妄念而生。念即無 。一根既返源。六根成解脫。塵垢應念消。成圓明淨妙。解悟亦然。圓 。焉知虚妄。故須先理後事 後也。 頓悟漸

念。 生。皆喻此也 妄法。名之曰事 切頓盡 。由真性中本無妄故。故云乘悟併消。事非頓除因次第盡者 陰既麤細不同。法爾麤者先去。 解行雖頓 斷自有序。 日出孩 五陰

#### 我已示汝劫波巾結 0 何所 不 明 0 再 詢 問

事非頓除。如何再問耶。 生畢竟異。又云。六結同體。 此引前說。結責未解也。 頓漸悟修。 結不同時。 如前文云 如圓覺疏 即結解時 巾體是同 0 0 云何同除 因結有異 此皆理則頓悟 又云畢竟同

◎ 己二結勸弘宣。

令識虛妄。深厭自生。 汝應將此妄想根元 0 ジ 知有涅槃。不戀三界 得 開通 0 傳示 將來末法之中 - 諸修 行

云。 妄病緣。和合妄生。和合妄死。汝既悟此。故云心得開通。亦令他解。 娑婆世界。并洎十方諸有漏國及諸眾生。同是覺明無漏妙心。見聞覺知。虛 。若知依正自他。俱一妄想 如上五種妄想。即是五陰根本。五陰攝一切法。故一切法皆妄想也。 首楞嚴義疏注經卷第二十 。即可厭患五蘊自體。 求趣涅槃常樂。 故云傳示 何三界之 如上文

可戀乎。故此囑勸弘宣。自他俱益也。

得福多不 塵諸佛。承事供養。 阿 難 0 。若復有人。 甲三流通分二。乙一如來況顯經能二。丙一舉施福無邊二。 編滿十方所有虚空。盈滿七寶。持以奉上微 心無虛度。於意云何。是人以此施佛因緣 丁一問 多

大矣哉 佛承事供養。第一心。心無虚度。長時心。 諸佛。福田勝也。承事供養無虛度者。心之勝也。又虛空珍寶。 此文校量。文雖不多。意已周盡。七寶。 如是布施。 財之勝也。滿空。 心境俱勝 多之勝也 廣大心。奉上諸 所獲福德

⊙ 丁二答勝

思議尚不能及 獲轉輪王位 阿 難答言 。虚空無盡 0 況復現前虚空既窮 是福云何更有邊際 0 珍寶無邊 0 0 佛土充徧 昔有眾 生施佛 0 皆施 七 珍寶 捨 窮劫 身猶

切智莫能知矣。 況盡空珍寶以奉如來。 施佛七錢。獲輪王位 0 顯福田中 所施之物。 。佛福為勝。輪王之福 尚窮劫難思 其所招福 。七寶具足。 豈有邊際 千子圍

⊙ 丙二顯經益超勝二。丁一説者轉業顯福德門。

# 佛告阿難。諸佛如來語無虚妄。

此告語不虛。令深信佛所說真實也。

若復有人 乃至窮盡十方無間 。身具四重十波羅夷。 0 靡不經歷 瞬息即經此方他方 阿鼻地 獄 0

當入地獄。小乘四棄。大乘十重。具犯此罪。受報無窮。 鼻五無間獄 示人具極罪也。波羅夷。此云棄。或云不可樂。棄故即現無僧用 故歷十方。靡不皆至阿 。不可樂即

### 一念。 將此法門。於末劫中開示未學

顯弘經時少也。 一念心之邊際也。夫弘經者。時必長久。豈有一念而宣說者

首楞嚴義疏注經卷第二十 6

首楞嚴經長水疏

7 6 2

今顯弘經力大。故舉至少以顯殊勝。

是人罪障。 應念銷滅。變其所受地獄苦因。成安樂國

滅罪勝也。重罪之人。 一念弘經。其力能翻極重苦報。成極樂報

得福超越前之施人。百倍千倍千萬億倍。 不能及 如是乃至算數譬喻所

乎。 能於此時弘此極談。信解真正。實希有故。三施福唯得生死之報。 三漸次便證無生。復說乾慧。能超因位。直入果海。此果不思議也。二末世多障。 此教不思議也。 呪。因人果人。皆依此法滅惡生善。入理化他。防邪護正。進行彌速。能成菩提。 如來藏心。法法皆是。有情無情。有性無性。 答。此有多義。故獲勝報。 問。極重罪人。極少時分為人演說。未足可稱。何以滅業得福如此殊勝耶。 得福勝也。前之施福已自難量。今此復超千萬億倍。喻所不及 圓通行門。二十五聖。觀音為最。此行不思議也。六十聖位。第 一所弘之經。是佛極談。教理行果皆不思議故。謂 齊成佛道。此理不思議 仍但自利。弘 0 也。 何奇之若此 佛頂心

經法利 其利博哉 。能至無漏 。是故能勝前寶施福 。能令聞者信解無謬。 展轉利樂。 無窮盡故。 由是一念雖少。

- ⊙ 丁二持者得果顯智慧門。
- 依我教言。 阿 難。若有眾生。 如教行道。直成菩提。 能誦此經。 能持此呪。 無復魔業 如我廣說。窮劫不盡 0

所離。 依我下。以能得最極之果。 字句中間亦不重疊。經恆沙劫。終不能盡 廣說不盡者。即前文云。若我說是佛頂光聚悉怛多呪。從旦至暮。音聲相連 唯佛與佛乃能知之。 能離內外魔事 此顯經義及持者功德。 用勸如說而行也。 斯則弘持經者所得 皆不可量也

- 乙二大眾欽聞禮退。
- 佛 皆大歡喜。 阿脩羅。及諸他方菩薩 說 此經已 作禮而去。 0 比丘。比丘尼。優婆塞 0 二乘。 聖仙童子 優婆夷 。并初 0 心大力鬼神 切 世 一間天人 0

7 6 3

首楞嚴義疏注經卷第二十

首楞嚴經長水疏

器界所住境也。菩薩二乘。智正覺攝。餘皆有情世間。聖仙童子。此仙眾之 經中有此真言。大歡喜者。 人清淨。二所說法清淨。 二十五聖及妙吉祥。雖各有說。功歸於佛。 三所得果清淨。 近得世間歡喜。 遠得出世初地 由斯義故皆大歡喜。 總名佛說。三種世間 。由三義故歡喜。 故云 也。 切。

疏畢頌曰。

所獲利樂悉迴向 菩提實際眾生界以此少分贊經力 施他流演無窮盡

首楞嚴義疏注經卷第二十

# 大佛頂首楞嚴義疏注經後跋

帙。 用廣其傳。惟願教海恢張。法門瑩徹者。 楞嚴義疏注經。板開歲久。湮沒者四十有九。 旁搜注本。 命工刊湊 復成部

時 淳祐己酉上元日 清湖沈元晟謹識

淺淺哉。 謂知所施矣。經不云乎。若有一人發真歸源。 恨。居士沈君。見而憫之。旁搜善本。續成金書。 猶披雲霧而覩青天。何其昭晢明白如此。鋟梓流傳 來淺智者乎。長水尊者。以無師自然智。發明幽翳。 七徵八辯之文。實如來直指眾生立地成佛之要。 十方虚空悉皆消殞。 遂使摩尼寶珠 。歲久散失。 剖裂玄微。 佛世比丘 已自望洋。 而疏釋之。 每為賢首學者之 其為利益。豈 碎而復圓 朗然 況後 可

淳祐己酉中和節 瑞巖住山比丘德雲跋

大佛頂首楞嚴義疏注經後跋

765